

**THOMISTARUM
TRIUMPHUS IN
PERPETUUM
FIRMATUS, ID EST,
SANCTORUM...**

Charles : de Bryas





Ex Bibliotheca
majori Coll. Rom.
Societ. Jesu

13.3.36
43
17 D
34 34



THOMISTARVM TRIUMPHVS IN PERPETVVM FIRMATVS.

Id est; Sanctorum

AUGUSTINI, ET THOMÆ,
GEMINI ECCLESIAE SOLIS;
INCONCVSSA CONCORDIA,

I. De Scientia Media. II. De Natura pura. III. De Libertate. IV. De Contritione. V. De Probabilitate.

Adversus injustam recentis Molinistæ defensionem

R. P. FOVRMESTRAVX IESVITÆ

PER GERMANVM PHILAETHEN EVPISTINVM.

(Jacobus Platet ord. Præd.)

Iungitur huic Refutationi præclara & solida de Physica Prædeterminatione Disputatio THEOLOGI LOVANIENSIS

Ad maiorem Scholarium utilitatem.



D V A C I,

Typis Viduæ ANTONII DIEULOT, sub Signo Parisiorum,

Anno 1674. +

EPISTOLA

Eminentiss. D. S. R. E.

CARDINALIS BONA.

APPROBANS DOCTRINAM

GERMANI PHILALETIS EPISTINI,

Testificansque eam in S. Congregatione habita Romæ coram Emin. S. R. E. Cardinalibus ab omni censura fuisse immunem.

A. R. P.

Fateor me aliquid operæ contulisse, ut Liber tuus immunis evaderet à censura, quam illi infligi totis viribus curabant, qui nihil verum, nihil orthodoxum existimant, nisi quod ipsi scribunt & docent. Qua in re non tibi, qui ignotus mihieras, sed veritati oblequutus sum, quam doleo captivam detineri in injustitia. Sum & ipse Philalethes, & si veritati testimonium perhibui, muneris mei partes adimplevi, nec ulla mihi hac de causa debetur gratiarum actio. Summopere autem opto, ut aliquam mihi occasionem præbeas ostendendi in re aliqua majoris momenti, quanti te æstimem ob singularem Doctrinam tuam, & studium inquirendæ veritatis. Huic curæ ut incumbas, hortor te, & invito; sed

EPISTOLA

vellem, ut parcius Scholasticis, Sanctis verò Patri-
bus impensius studeres. Vale, & mei memor esto in
Sacrificiis, & orationibus tuis. Romæ 19. Maii
1674.

Tuus ex Corde

IO. CARDIN. BONA.

AD CORDATVM LECTOREM.



UIS speravit in Domino, & confusus est? Libelli mei ab uno hinc anno, & amplius, fuere à Molinistis ad Sacram Indicis Congregationem delati. Speravit anima mea in Domino, & sustinuit anima mea in verbo ejus, quod ore supremi Vicarii sui de doctrinâ S. THOMÆ AQUINATIS Doctoris Ecclesiæ Quinti protulit: *Pra cæteris exceptâ canonicâ, habens veritatem sententiarum, ita ut nunquam qui eam tenuerit, à tramite veritatis deviaverit, & qui eam impugnaverit, semper fuerit de veritate suspectus.* Qui salvat sperantes in se; eripuit me de inimicis meis, & ab-insurgentibus in me Molinistis liberavit me. In sacrâ Indicis Congregatione, habitâ coram Eminentiſſimis & Reverendiſſimis S. R. E. Cardinalibus, proſeſto S. THOMÆ, unici Præceptoris & Informatoris mei, evaſerunt libelli mei ab omni Cenſurâ immunes, & doctrinâ eorum APPROBATA UT PROBABILIS. Non defuit diſcipulo Magiſter; & centuplam in hoc ſæculo, amoris quo dimiſſis omnibus in Angelicam ejus ſeror doctrinam, obtinuit mercedem. Exultabit cor meum in protectore meo; cantabo Domino qui bona tribuit mihi, & pſallam nomini Domini Altissimi. Coram omnibus viventibus conſitebor ei: quia fecit potentiam in brachio ſuo, liberavit pauperem à potente, & pauperem cui non erat adjutor. Etenim ſacramentum Regis abſcondere bonum eſt, opera autem Dei revelare & conſiteri honorificum eſt.

Ubi ſunt modò *Deſenſor gratiæ verſatilis*, errores Germani Philalethis? ubi dogmata illius erronea? in imaginatione veſtrâ pertransferunt, in ſumum abierunt. Ignem ex paleis confeceſti; modicum arſit, & extinctus eſt. Nuper abſolutis apud PP. Prædicatores diſputationibus, cùm jam recederent, conſtitere omnes ad vocem Paternitatis veſtræ, clamantis reparationem honoris. Dixerat Præſes inter diſputandum docuiſſe Paternitatem veſtram, quòd tactus uberum, oſculum &c. facta ob delectationem ſenſibilem non eſſe lethalia, contra propoſitionem 40.^{am} ab Alexandro VII. damnatam. Nec ſine fundamento id dixerat Præſes; quia diſtinguit Paternitas veſtra in ſuis diſtatis, inter delectationem carnalem & ſenſibilem in tactibus uberum, oſculis, &c. ubi Pontifex non vult fieri diſtinctionem. Clamavit mirantibus cunctis; plerique non benè ſerentibus, clamavit, inquam, ut honor ei à Præſide redderetur. Nunquid jure potiori claream & ego, ut poſt tot errores mihi impoſitos, poſt tot dogmata erronea mihi confixa, quæ nonniſi in imaginatione veſtrâ fuerunt, honorem reparares? Sed ad imitationem Salvatoris noſtri Domini JESU-

AD CORDATUM LECTOREM.

Christi, ego non quero gloriam meam; est qui querat, & iudicet. Omnia condono Pater-
nitati vestræ; precorque Deum ut ad agnitionem veritatis illam perducatur.
O veritas Deus! fac nos unum tecum in charitate perpetuè.

Verùm, cum non dormiant, qui me impugnant, & soleant quinque
pedes, ut dicitur, *in ariete quærere*; Protestor me omnes Bullas Pontificias
summo habere honori, ut par est Ecclesiæ Romanæ filium, quam esse co-
lumnâ credo, & firmamentum veritatis. Absit ut in aliquo à decretis
Pontificiis abscedam. Absit ut Sacram Cardinalium Congregationem in
minimo non audiam. Quidquid retractandum censuerit, ex nunc retracto. Si
incidenter de efficacia gratiæ egerim, coëgit P. ANNATUS, coëgit &
P. FOURMESTRAUX: sed persuasit R. P. Philippus à Sanctissimâ Trini-
tate Carmelitarum Discalceatorum Generalis, de Doctrinâ Angelicâ optimè
suis libris meritis, & Sacri Officii Consultor, qui nobis in 1. 2. tom. 2.
Impress. Colon. An. 1656. in Prologo ad Lectorem, scriptum reliquit: *Diu
suspensus fui circa impressionem hujus tractatus de Gratia, quantum attinet ad duas disputatio-
nes de auxiliis divinæ gratiæ, ac eorum concordia cum libero arbitrio, cum aliis talis impressio
fuerit prohibita per Summos Pontifices Paulum V. & Urbanum VIII. Sed inquirens circa hoc,
responsum fuit mihi à viris doctissimis & Religiosis tum in Galliâ, tum Romæ, unde nunc re-
deo, talem prohibitionem expirasse, & impressionem hujus materie nunc permissam à Summo
Pontifice; (dummodo à censurâ contrariæ partis abstineatur) cum ipso sciente & permittente
quotidie plures circa illam prodeant tractatus; non enim solum in defensionem & impugnatio-
nem JANSENII repetita Apologie, sed etiam aliâ Opera, ut Opus SUARIS de auxiliis pro-
dierunt.*

Persuasit & R. Pater Labat Ordinis Prædicatorum. tract. 27. partis de
Gratiâ disp. 3. dub. 4. ubi ait; *Nobilissimam ac difficillimam aggredior controver-
siam, quam propter prohibitionem Summorum Pontificum Pauli V. & Urbani VIII. de illius in
lucem editione, egitare non erat in animo; ex quo tamen gravissimi Theologi fidem faciant præ-
dictam cassasse prohibitionem, & ab Ecclesiâ ac Summo Pontifice extare permissionem, cum in-
quirent, ipsi scientibus ac prudentibus plures de hac materiâ in lucem editi sint libri, ut Lugdu-
ni Opus Suarez de Auxiliis, Tolosæ Liber P. Annati, Parisiis, tot de Gratiâ repe-
tita Apologie, & alii innumeri approbati libri, ut Lugduni Philippus à SS. Trinitate,
Parisiis Bernardus Guiard, Martini Joannes à S. Thomâ, & Gratianopoli Petrus
Jammîn, quam ob causam ad illius tractationem inoffenso pede non possum non accedere.*

Quibus addo R. P. HAUZEUR Ordinis S. Francisci iteratis vicibus Provin-
cialem, & emeritum in Belgio LECTOREM, nec non & R. P. PLATEL Jesuitam
in sua Synopsi hic editâ: Omnesque hujus Almæ Universitatis Professores, qui
de Auxiliis publicè dictant & disputant.

INDEX CAPITVM

Et brevis insinuatio eorum, quæ in illis continentur.

CAPVT PRIMVM.

*Refutatur gratia versatilis Defensor in primo injusta
sua Defensionis Capite.*

PROCEMIUM. paginâ .i.

Paragraphus primus.

Non habet gratiæ versatilis Defensor justam de convitiis conquerendi causam. paginâ 3.

Quibusdam stimulis, non convitiis, Ministros excitamus. 3.

Nulli aptiores ad tuendam gratiam JESU, quàm qui societatem inire cum JESU. 4.

Triplex ad hominem ratio ostendit injustam Defensoris querelam. 4. 5.

Fateri cogitur Defensor, nihil à nobis actum contra prohibitionem Sedis Apostolicæ. 5.

Sic injustè inmodati, remanemus justè absoluti. 5.

Paragraphus secundus.

Nullam fecit Germanus PHILALETHES violationem Censurarum Sedis Apostolicæ. 6.

Quis verus & falsus PHILALETHES? 6.

Quis AMICUS PHILALETHIS? 6.

Præclarum Opusculum P. FASSEAU contra falsum PHILALETHEN. 6.

Censuræ Facultatis Lovaniensis, & Duacensis nunquam fuisse prohibita. 6.

Quomodo vis censurandi ab eis semota? 6.

Nunquam fuisse revocata. 8.

Id probant MANIFESTUM, & PROTESTATIO Facultatis Lovaniensis. 6.

Paragraphus tertius.

In confictâ propositionum Lessii approbatione se convictum ostendit gratia versatilis Defensor & novo commento eam confirmat. 9.

Lessius testimonium perhibet de seipso: ergo dicente veritate testimonium ejus non est verum. 10.

Novum Defensoris commentum. 11.

CAPVT SECVNDVM.

*Refutatio Capitis secundi.***Paragraphus primus.**

A Liquid esse à libero arbitrio quod non est effectivè ab auxilio gratiæ, veritas est Molinistica. 12.

Difficultatis totum pondus & unicus cardo clarissimè explicatur. 13.

Quid nomine determinationis arbitrii intelligatur? 13.

Paragraphus secundus.

Supradicta veritas Molinistica stabilitur respectivè ad gratiam Molinistarum & prævenientem & adjuvantem. 14.

Gratia præveniens Molinistarum non nisi verba sunt. 14.

Mirabilis Defensoris implicatio. 15. 16.

Quæ sit Scientiæ Mediæ indigentia? 15.

Defecerunt Molinistæ, quod principii applicans nō distinxerint à principio eliciēte. 17.

Paragraphus tertius.

Dari gratiam quæ non solum influat in opus, sed insuper sit causa, cur liberum arbitrium hic & nunc influat, quam prædeterminantem vocamus, dogma est gemini Ecclesiæ Solis manifestissimum. 18.

Omnis controversia de gratia ad duo capita reducitur. 18.

Unum in æternitate, videlicet Decretum innixum præscientiæ, vel præscientiæ innixa decreto. 19.

Alterum in tempore, nempe gratia quæ sit causa, cur liberum arbitrium hic & nunc influat, vel gratia quæ accipit à libero arbitrio quod hic & nunc influat. 19.

In meridie cæcitiunt, qui decretum ex omnipotentia efficax, esse dogma gemini Ecclesiæ Solis manifestissimum, non agnoscunt. 20.

GRATIA AUGUSTINIANA est gratia, quæ sit causa, cur liberum arbitrium hic & nunc influat. 21.

Diversa gratiæ prædicata, ex quibus id evidenter colligitur. 22.

Paragraphus quartus.

Vana sunt, quæ ex S. AUGUSTINO in defensionem gratiæ suæ versatilis adducit Defensor. 23.

Distinguenda est motio moralis ex parte obiecti, à motione physica ex parte volutatis. 24.

Ad primam spectat vocatio tum exterior quæ sit signis, tum interior quæ sit suasionibus monitionibus & comminationibus. Ad secundam spectat inspiratio amoris. 24. 25.

Quidquid verbis Molinistæ dixerint, inspiratio gratiæ prævenientis non excedit apud ipsos adiutorium legis. 26.

Non ante victoriam cecinit Concordia nostra TRIUMPHUM. 27.

Quid secundum S. AUGUST. sit trahi ad Christum? 28.

Paragraphus quintus.

Nō minùs vana sunt quæ ex Concilio Tridentino, & gemino Ecclesiæ

Sole refert, ut probet, GRATIAM PHYSICÈ PRÆDETERMINANTEM CISPUGNARE. 28.

Invidet colligitur ex Concilio Tridentino physicè à Deo prædeterminatum posse dissentire. 28.

Argumentum TRIUMPHI THOMISTARUM à nullo Molinistâ huc usq; infirmatum, nec unquam infirmandum insinuat. 29.

Hallucinatur Defensor non distinguens illuminationem legis ab illuminatione Spiritus Sancti. 29.

Quomodo GRATIA PRÆDETERMINANS possit abici? 30.

Distinguit S. AUGUST. spiritum adiuvantem à lege præcipiente, & spiritum exhortantem à lege exhortante. 31.

Cur verè dixit Molina, S. AUGUST. sub caligine fuisse, ejusque doctrinam turbasse fideles. 32.

Ex ANGELICO SOLE clarissimè probatur, cum aliquo essentialiter inferente actum stare potentiam ad oppositum. 33.

Paragraphus sextus.

Aliæ perstringuntur veritates Molinisticæ. 34.

Veritas Molinistica est, liberum arbitrium se habere ut dominum gratiam verò ut pedissequam. 34.

Veritas Molinistica est, initium fidei, & primam radicem discretionis esse ex libero arbitrio. 35.

Veritas Molinistica est, gratiam dari dependenter ab operibus sub conditione prævisis. 36.

Paragraphus septimus.

Verè dixit TRIUMPHUS larvâ esse Molinistarum, discrimen, quo ab Impu-

gnatoribus S. AUG. se discernunt. 28.

Conveniunt in præcipuo difficultatis puncto quod est in aternitate. 38.

Eadem convenientia in præcipuo difficultatis puncto, quod est in tempore. 40.

Legitimus consequentias vocat Defensor imposturas. 40.

Si Molinistæ gratiam versatilem, ut Molina sententiam proferrent, patientiam haberent, sed SS. AUGUST. & THOM. gratia versatilis constituere Megistros, zelus non sustinet. 42.

Paragraphus octavus.

Verè dixit TRIUMPHUS, P. ANNATUM objectionem errantium sumpsisse pro solutione S. AUGUSTINI. 42.

Testimonio Apostoli, quid habes quod non accepisti, &c. revocatus fuit S. AUGUSTINUS ab errore. 44.

Verbis propriis confunditur Defensor gratiæ versatilis. 46.

Paragraphus nonus.

Verè dixit TRIUMPHUS, P. ANNATUM dolose truncasse hunc S. AUGUST. locum: Anima non deserta est, ut desereret, sed ut desereretur deseruit. 47.

Verbis Defensoris id comprobatur. 48.

Denegatio gratiæ tripliciter considerari potest, ut antecedens, ut concomitans & ut subsequens peccatum. 51.

Differentia plurimum observanda inter Deum denegantem gratiam efficacem, & Deum causantem physicè actionē peccati. 52.

Paragraphus decimus.

Expositio Tridentini sess. & cap. 11. Deus namque suâ gratiâ semel justificatos non deserit, nisi ab eis prius deserat.

tur, facta in TRIUMPHO de gratia habituali à calumnia Defensoris vindicatur. 53.

Duo Universitatis huius luminaria magna ESTIUS & SYLVIVS sic interpretantur. 53. 54.

Est communis inter Thomistas. 54.

Quid sit posse facere aliquid cum indigentia opis alterius? 57.

Ista potestas non est ex DATO, sed ex DANDO quod liberè potest impediri. 57.

Paragrap. undecimus.

Veritas Antithesis AUGUSTINI & Molinistarum defenditur. 58.

Fundamentum prædictæ Antithesis. 59, Molinisticum est, Deum sub conditione convertere voluntates hominum, si scilicet ipsi voluerint. 59.

Molinisticum est, Deum volentes ex prævisis voluturis efficere. 60.

Energia Moliniana. 61.

Molinisticum est, Motionem divinam supponere molitionem cordis. 61.

Molinisticum est, Deum inclinare corda hominū, quo & quando ipsis placuerit. 62.

Molinisticum est, Deum alligari certis circumstantiis, & morum dispositionibus, nec non expectare consensum voluntatis. 63.

Mirabilis facta est Scientia Media in adinventionibus suis. 64.

Molinisticum est, Deum movere voluntatem prævidendo si velis. 66.

Paragrap. duodecimus.

Vindicatur TRIUMPHUS à fraudulentis mutilationibus & corruptionibus quorundam Probabilistarū. 67.

Defensor zelis propriis evincitur. 67.

D. THOMAM non intelligit, cui super omnes scholasticos non sapit. 68.

Desinant esse Molinistæ, desināt esse Probabilistæ, & omnibus Cordatis amoris erunt Jeluicæ. 68.

Lessius docet, esse quandoque licitum occidere in defensionem honoris. 70.

1º. Si quis sustem vel alapam impegeris, si aliter hac ignominia vitari nequit. 70.

2º. Si contumeliis afficiat fructu per verba, fructu per signa. 71.

Vulpina Lessii ratiocinatio. 72.

3º. Si illatā alapā cesses, vel etiā fugias. 73.

4º. Si nomini meo falsis criminationibus apud Principem, vel viros honoratos detrahere nitaris, nec aliā ratione possim illud damnum samē avertere, nisi te occultè interficiam. 73.

Mysteriosa Probabilistarum detegitur astutia. 74.

Tamburinus non fraudulentè truncatus ostenditur. 77.

Thomas Sanchez demonstratur non adulteratus. 79.

In quo consistat inordinatio Restrictionis mentalis? 80.

Escobarius nec ausus, nec imminutus comprobatur. 82.

Coguntur deterrima Probabilistarum confectaria deglutire, qui ignorantiam juris naturalis à peccato credunt excusare. 82.

Probabilitatis communicatio, minus sententiam facit esse omnium. 83.

Laqueus contritus est, & nos liberati sumus. 84.

Nihil obest alienis videre oculis, si propria lucidiores sum. 85.

Paragrap.

INDEX.

Paragraphus ultimus.	
Calumniæ à Molinistis in S. AUGUSTINUM evomitę confirmantur.	86
Confirmatio petiturex authore cui R. P. PLATEL Jesuita conciliavit auctoritatem.	86
Vindicatur TRIUMPHUS THOMIS	

TARUM, & Varius ostenditur Triumphus Molinistarum.	91
Posterioribus Molinistarũ editionibus non magna est adhibenda fides.	92
Id duobus exemplis ex Tolcto & Sanchez testificamur.	92
Doctrina GRATIÆ DE SE EFFICACIS intacta perhibetur.	93

CAPUT TERTIUM.

Refutatio Capitis Tertij.

Paragraphus primus.	
Quid pro quo accipiens Defensor non intellexit Anglicam duplicis Prædeterminationis distinctionem.	95
Prima Defensoris hallucinatio.	96
Secunda Defensoris hallucinatio.	97
Aliquis actus in naturâ infirmâ est primus, qui erat in naturâ sana secundus: & sic ad eundem actum indiget natura infirma prædeterminatione speciali, ad quem natura sana solum indigebat prædeterminatione vniversalî.	98

Paragraphus Secundus.	
Tentata TRIUMPHI Concordia clarè firmatur.	98
Amor justitiæ hic & nunc occurrentis est in naturâ infirmâ primus actus qui in naturâ sanâ erat, secundus.	98

cundus.	98
Ex quo sequitur, quodd in homine infirmo non sit sufficiens potestas DATA applicandi se ad implendum præceptum.	98
Amor boni in vniversali objectivè & applicative consideratus, nec est naturalis, nec supernaturalis.	99
Aptissimo exemplo ostenditur, hominem infirmum posse simpliciter & absolute implere præceptum ex GRATIA DANDA.	99
Potestas faciendi aliquid per alium est potestas faciendi ex DANDIS, non ex DATIS.	100
Quod discipuli S. AUGUSTINI tribuunt actui, hoc & discipuli S. THOMÆ tribuunt GRATIÆ PRÆDETERMINANTI.	102
Eo modo quo potest deseri amor Dei, potest & deseri GRATIA PRÆDETERMINANS.	102

* *

Quid exigit discrimen Augustinianum naturae sanae & infirmæ? 103

Paragraphus Tertius.

Quanta doctrinæ Augustinianæ in Defensore gratiæ versatilis sit ignorantia? 103

Auxilium quo & auxilium actionis idem sunt apud S. Augustinum: Sicut & auxilium, sine quo cum auxilio possibilitatis. 104

Cecidit in meridie, qui non videt, S. AUGUSTINI esse dogma, quod adiutorium actionis essentialiter habeat cum actu connexionem. 106

Paragraphus Quartus.

Qualiter sit in potestate voluntatis GRATIAM PRÆDETERMINANTEM amplecti, vel non amplecti; deferere, vel non deferere. 107

Prius concipitur potentia adoptata secundum exigentiam actus, quam prædeterminari ad actum. 107

Ex quo oritur suavitas & efficacia prædeterminationis physiciæ.

Id inductivè demonstratur. 108 109

Distinctio actus liberi in liberum elicitus & liberum applicativè elucidatur. 108 109

Nullam quis patietur circa PRÆDETERMINATIONEM PHYSICAM difficultatem, si principium, quod ad agendum prædeterminat, præconcipiat adaptatum secundum exigentiam actus. 110

Amplectitur voluntas GRATIAM PRÆDETERMINANTEM, dum

facit actum ad quem immediatè datur: Non amplectitur, dum faciendo actum contrarium ponit ei obstaculum. 111

Exemplo fidei ostenditur, quod potentia deferendi gratiam non requirit, ut cum eà possit componi actus contrarius. 112

Nec etiam non actus, fides formata demonstrat. 113

Tam in homine infirmo, quam in homine sano est potestas amplectendæ, vel non amplectendæ. GRATIAM PRÆDETERMINANTEM. 113

In quo stet eorum discrimen. 114

Paragraphus Quintus.

Conficti ostenduntur errores, quos TRIUMPHO imponit Defensor gratiæ versatilis. 114

Homo infirmus potest se ad bonum applicare ex concilio præcedente. 115

Contrarium imponit TRIUMPHO Defensor, & textum truncat. 115

Gratia operans est gratia specialiter prædeterminans: & gratia cooperans est gratia universaliter prædeterminans. 116

Elegantissimum D. THOMÆ testimonium, quo firmiter comprobatur tentata à TRIUMPHO concordia. 117

Paragraphus Sextus.

Alter confictus à Defensore error relegatur; ex quo plures alios dicit profluere. 118

Quæ non diximus, dicere nos facis: & quæ vera diximus facis erronea. Tanta est Defensoris potestas. 118

Concursus generalis sumitur & Molinisticè, & Thomisticè. 119
Sufficiens posse supernaturale non minus facit actum esse, in nostrâ potestate, quàm sufficiens posse naturale. 120
Repugnat, ait Defensor, aliquid auxiliium habere simul rationem debiti & gratiæ: ergo gratia sufficiens Molinistica, cum sit debita, non est gratia. 120
Debitum elevationis gratiæ nihil diminuit de ratione gratiæ. 120
Opera gratiæ in homine sano non erant magis dona Dei ex parte modi agendi, quàm opera naturæ: erant tamen magis dona Dei propter magnitudinem facti. 121
Quid sit eligi ex proposito? 122
Oratione in sensu S. AUGUSTINI sumptâ non indigebat homo sanus. 123
Indigebat tamen recurſu ad Deum non ex indigentia potestatis, sed ex dependentiâ potestatis. 123
Hic recurſus convenienter dicitur auxiliium fiduciæ. 123
Quid Molinismus? 124 125
Quomodo actus elicitive liber dicitur à Deo dari, non autem actus applicative liber? 124
Quid sit esse speciale donum Dei? 125
 Paragraphus Septimus.
Gratiam Molinistarum sufficientem tollere orandi necessita-

tem, efficaciter probavit TRIVMPHUS, & modò ex contradictione Defensoris insolubiliter demonstratur. 126
Nihil libertati naturæ lapsæ aded contrarium; quàm sufficiens gratia Molinistica. 126
Versatilis gratiæ versatilis doctrina. Dum Molinistæ urgentur orationis argumento, agnoscunt indigentium ulterioris auxilij. Dum verò premuntur excusatione violationis præcepti, negant indigentiam ulterioris auxilij. 128
 Nomine GRATIÆ VICTRICIS abutitur Defensor. 129
Gratiæ sufficienti Molinistarum adaptatur quoddam S. AUGUSTINI testimonium, quod non fuit ausus referre Defensor. 129
 Defensoris contradictio. 129
Gratia sufficiens ad orandum quandoque est oblata tantum, quandoque est actu data. 130
Agnoscamus, esse gratiam sufficientem ad orandum sicut oportet, etiam actu datam, quæ non sit efficax ad orandum. 130
 Non sic est de impletionem præcepti. 130
Quibusdam datur gratia sufficiens ad orandum, quæ non sit efficax. Nulli autem datur gratia sufficiens ad implendum præceptum, quin sit etiam efficax. Loquimur in naturâ infirmâ. 131

CAPUT QUARTUM.

Refutatio Capitis Quarti.

SPECVLVM SCIENTIÆ MEDIÆ.
132. 133. 134. 135. 136

Paragraphus Primus.

Comparatio Decreti ex omnipoten-
tiâ & Decreti ex præscientiâ vin-
dicatur. 137

Fundamentum, seu chalybs SPECULI.
137

Prima combinatio æqualis difficultatis.

137
Secunda combinatio æqualis difficulta-
tis. 138

Tertia combinatio æqualis difficultatis.
139

Non est major difficultas secundum S.
AUGUSTINVM ex parte prædesti-
nationis, quam ex parte præ-
scientiæ. 140

Quarta combinatio æqualis difficulta-
tis. 141

Necessitas antecedens & conse-
quens ad mentem S. ANSELMI
dilucide explicata. 142

Profundissimum D. THOMÆ testimo-
nium radicem explicans necessitatis
& contingentiæ. 143. 144

Combinationes majoris difficultatis.
145

Paragraphus secundus.

In testimonio, quod adducit De-

fenfor gratiæ versatilis ex S. Au-
GUSTINO, phragium illius ig-
norantem se exhibet. 146

Nomine electionis diu intellexit S.
AUGUSTINUS electionem, quæ fit
ex prævisione alicujus quod præsup-
ponitur electioni. 146

At peritior factus agnovit electionem
gratiæ, quæ non præsupponeret, sed
faceret inæquales. 147

Quo sensu decretum permissimum
malitiæ potest dici ex præscientiâ
efficax? 148

Dependet in genere causæ materialis ab
aliquo, quod in nullo genere causæ est
à Deo.

Paragraphus Tertius.

Comparisonem gratiæ determi-
nantis, & gratiæ determinatæ, ve-
raciter exhiberi in SPECULO
Scientiæ Mediæ, demonstra-
tur. 150

Fundamentum seu chalybs hujus com-
parationis est gratia, quam defendit
S. AUGUSTINUS uni dari, alio i:
denegari. 150

Durum Molinistis sermo, nec possunt
eum audire. 151

Dicta Defensoris spolia sunt, quibus
THOMISTARUM firmatur Trium-
phus. 151

Due primæ combinationes æqualis difficultatis. 152
Tertia combinatio æqualis difficultatis. 153

Quarta combinatio æqualis difficultatis. 155

Combinationes majoris difficultatis. 156

Paragraphus Quartus.

Tres Defensoris rationes de læsa libertate per GRATIAM PHYSICÆ PRÆDETERMINANTEM in ipsum retorquentur. 157

Prima Defensoris ratio in ipsum retorquetur. 157

Secunda Defensoris ratio in ipsum retorquetur. 158

Quam indifferentiam tollat gratia physice prædeterminans. 158

Tertia Defensoris ratio in ipsum retorquetur. 160

Paragraphus Quintus.

Comparatio libertatis prævolitæ cum libertate præscitâ repræsentata à SPECULO SCIENTIÆ MEDIÆ constanter defenditur. 161

Fundamentum, seu chalybs est duplex decretum. 161

Combinationes æqualis difficultatis. 162

Ex eodem principio quo concluditur, Scientiam Mediam non lædere libertatem; concluditur & DECRETUM PRÆDETERMINANS non lædere libertatem. 163

Combinationes majoris difficultatis. 165

Primum & secundum agens dicuntur

per respectum ad unam & eandem actionem, quæ ab utroque procedit: sed unum est alteri causa, cur agat. 166

Paragraphus Sextus.

Comparatio Concurfus prævij cū pedissequo ad materiale peccati, à SPECULO Scientiæ Mediæ repræsentata præclarè & gloriose stabilitur. 168

Concurfus simultaneus Molinistarum congruentissime vocatur pedissequis. 168

Combinationes æqualis difficultatis. 169

Truncat Defensor textum Triumphi. 170

Doctrina Angelica pro fundamento speculi diffunditur. 171

Deus ab æterno voluit efficere actionem peccati, inquantum ens & actio est. 171

Invidè demonstratur, omnes Defensoris difficultates militare contra concursum pedissequum. 173

Prima Defensoris difficultas militat contra concursum pedissequum. 174

Peccat Defensor, & cum eo Molinistæ, quod non considerent actionem peccati sub duplici ratione liberè poni à voluntate. 175

In adinventionibus suis defecerunt Molinistæ scrutantes scrutinio. 177

Secunda Defensoris difficultas expugnat concursum pedissequum. 178

Differentia inter moventem physice &

<i>moventem moraliter.</i>	179
<i>Tertia Defensoris Difficultas vincit concursum pedisequum.</i>	180
<i>Quomodo lex se extendat ad malitiam prohibendam: non autem prædeter- minatio ad prædeterminandam</i>	182
<i>Quarta Defensoris difficultas pugnat contra concursum pedisequū.</i>	183
<i>Angustie sunt undique Defensori.</i>	183
<i>Decretum prædeterminans actionem peccati est ex præscientiâ malitiæ efficax.</i>	184
<i>Quinta Defensoris difficultas non minùs debellat concursum pedise- quum.</i>	185
<i>Combinations majoris difficul- tatis.</i>	187
<i>Non possunt Molinistæ reddere ratio- nem, cur Deus non sit causa physica malitiæ.</i>	188
<i>Hic ovat THOMIST. TRIUMPHUS.</i>	188
<i>ELOGIUM D. THOMÆ.</i>	188
<i>DEBELLAT MOLINISTÆ.</i>	189
<i>Specialis Defensoris Impugnatio ejusque contradictio.</i>	191
<i>Implicitat se indissolubiliter Defen- sor.</i>	192
<i>Hallucinatio Defensoris & suorum de causâ morali; ex quâ oritur eos veram Christi gratiam prævenientem ignorare.</i>	193
<i>Motio moralis est ex parte objecti; mo- tio physica est ex parte voluntatis.</i>	193. 194
<i>Solis Deo competit movere voluntatem ex parte objecti.</i>	194
<i>Aequiparatur gratia præveniens</i>	

<i>Molinistarum concupiscentiæ præ- venienti.</i>	196
<i>Profunda redditur ratio, cur efficaciam gratiæ reducat S. AUGUSTINUS in omnipotentiam voluntatis divinæ, præhabentis in sua potestate volun- tates hominum magis, quàm ipsi suas.</i>	197
<i>Motio moralis ex parte objecti non im- mutat propriè cordis affectum.</i>	198
<i>Breviatum accipe verbum.</i>	199
<i>Ovans TRIUMPHI assertum indil- solubiliter confirmatur.</i>	200
<i>Quidquid de motione primi moventis verificatur, debet juxta Molinistas & de concursu simultaneo verifica- ri.</i>	200
<i>SEQUITUR 1.º Deum esse causam physicâ, tam bonitatis moralis, quàm malitiæ.</i>	200
<i>Non tamen in causalitate physicâ stat ovatio TRIUMPHI.</i>	201
<i>SEQUITUR 2.º Deû vt simultaneè influentem in actum malum es- se primum movens actus mali; mo- vere voluntatem ad actum malum; applicare voluntatem ad actum ma- lum; ipsamque voluntatem preragere actum malum in virtute Dei.</i>	202
<i>Probat sequela ex P. PLATEL.</i>	202
<i>Fucunda comparatio.</i>	203
<i>SEQUITUR 3.º Deum vtsimultaneè in fluente non minùs adjuvare ad actum malum, quàm vt simultaneè agens adjuvat ad actum bonum.</i>	204
<i>Imo æqualiter utrumque prædefinire.</i>	204
<i>Judicium CORDATI LECTORIS exquiritur.</i>	205
<i>Doctrina Angelica in confirmatio- nem præcedentium adducitur.</i>	206

CAPUT QUINTUM.

Refutatio Capitis Quinti.

Paragraphus Primus.

QUAE SIT TRIUMPHJ THOMISTARUM de libertate doctrina. 210

Indubitatum est in doctrinâ Augustinianâ & Angelicâ, potestatem peccandi non esse de essentia libertatis. 210

Plures ex eodem principio circa libertatem defecerunt, quo Molinistæ circa gratiam prævenientem. 210

Quæcumque necessitas ex objecto est solum conditionata. 211

Objectum non est causa, cur actus eliciatur hic & nunc à voluntate: sed sola voluntas & Deus. 212

Libertas est quædam contingentia. 213

Ad libertatem à potestate peccandi separatam sufficit contingentia, cum potestatis se applicandi ad agendum. 214. 216

Contingentia inest voluntati ex formâ universaliter intellectâ. 213. 214

Potestas se applicandi inest voluntati ex amore formæ universaliter intellectæ. 214. 215

Paragraphus Secundus.

Angelicam esse, & consequenter veram, TRIUMPHJ de libertate doctrinam, comprobatur. 217

An contingentia sit de essentia libertatis ut abstractæ ab omni imperfectione. 217

Deus libertate contingentia non amat suam essentiam: sed creaturas. 219

Contingentia, id est, potentia agendi vel non agendi, separatur à potentia movendi se ad agendum. 219

Potentia agendi, vel non agendi potest separari à potentia agendi plura. 220

Ad libertatem à potestate peccandi separatam, non requiritur conditio Juniorum, quod vel in objecto vel in exercitio amoris apprehendatur aliquis defectus boni. 221

Sed sufficit libertas agentis independens à libertate specificationis. 221

Subtiliter libertatem specificationis expressit D. THOMAS per potestatem volendi hoc, vel istud. 224

Exemplum sensibile. 224

Paragraphus Tertius.

Occurritur duplici Cordatorum objectioni. 224

OBJECTIO PRIMA. 225

Ex formâ universaliter intellectâ duplex indeterminatio oritur. 225

Radix, cur inquitum sit cor nostrum donec requiescat in Deo. 226

Libertas formalis non in ipsâ indeterminatione, sed in potestate se ap-

<i>plicandi consistit.</i>	227
OBJECTIO SECUNDA.	228
<i>Duplex potestas amandi, vel non amandi est distinguenda.</i>	228. 229
<i>Negatio actionis dupliciter est libera. potestativè, vel negativè.</i>	230
<i>Qui contingentiae superaddiderit potestatem applicandi se, verum causae liberae formabit conceptum.</i>	231
Paragraphus Quartus.	
<i>Non parva inesse defensori gratiae versatilis ostenditur ignorantia Angelicae doctrinae.</i>	232
<i>Præoccupatus gratiâ versatili Defensor, omne principium actus versatilis videt.</i>	232
<i>Differentia observanda inter intellectum & voluntatem, quoad movere seipsum ad agendum.</i>	234
<i>Tres specialiter adducuntur Defensoris in doctrinâ Anglicâ ignorantiae.</i>	236
Paragraphus Quintus.	
<i>Doctrina Scholæ Thomisticae communis de duplici actu elicitive & applicative libero exponitur: & expositio Angelici testimonij eam comprobantis facta à Defensore, contra apertam D. THOMÆ mentem ostenditur.</i>	236
<i>Horum actuum differentia non ex objecto, sed ex modo tendendi in objectum petitur; sicut cognoscere cum discursu, & sine discursu.</i>	237
<i>Testimonium Anglicum, quo aperte traditur ista actuum liberorum distinctio.</i>	238

CAIETANUS, ESTIUS SYLVIVS, MEDINA, ALVAREZ, CONRADUS, pluresque alij Thomistae distinctionem istam docent.	239
<i>Injuriosum ideo est Defensoris iudicium, quo prædictam distinctionem inter dogmata erronea reponit.</i>	239
<i>Mira Defensoris ballucinatio in exponendis CAIETANI verbis.</i>	240
<i>Violenta Defensoris expositio contra apertam D. THOMÆ mentem.</i>	241
<i>Testimonium Anglicum, quo Molinismus excluditur, & palmarium illius solvitur argumentum.</i>	242
<i>Solutio argumenti n. 293. propositi.</i>	243
<i>Volitio faciendi bonum quodcumque ex motivo amoris iustitiæ hic & nunc occurrentis est in homine infirmo primus actus, qui in homine sano erat secundus actus.</i>	244
<i>Actus non dicitur elicitive liber, quia præcisè elicitur à voluntate mota tantum; sed quia elicitur cum potestate amandi oppositum, & movendi se in contrarium.</i>	245
<i>Ingens Defensoris deceptio.</i>	245. 246
<i>Calvinismi exclusio.</i>	247
<i>Injustæ Defensoris correctiones.</i>	247
	248

Paragraphus Sextus.

<i>Potestas suspendendi actum vel cessandi ab actu non est de essentia libertatis à potestate peccandi separatae.</i>	248
<i>Pulsatur Defensoris conscientia.</i>	248
<i>Mutabilitas non est de ratione libertatis</i>	249
<i>Non sunt omnino idem, cessare ab actu,</i>	

- Etu, & non agere. 250
 Ut natio actus sit sub dominio agentis,
 sufficit indeterminatio ad agendum
 cum potestate se determinandi. 250
 Non TRIUMPHUM sed AUGUSTI-
 NUM irridet Defensor. 251
 Continua Defensoris hallucinatio.
 251. 252
 Paragraphus Septimus.
 De necessitate naturalis inclinatio-
 nis; & distinctione liberi à
 voluntario. 252
 Aperta est gemini Ecclesie Solis doctri-
 na, necessitatem naturalis inclinatio-
 nis non repugnare libertati. 253
 Est necessitas conditionata tenens se ex
 parte minoris in syllogismo practico.
 254
 Econtrario auget libertatem. 255
 Manifestissimo Doctoris Angelici exem-
 plo declaratur, determinationem ad
 unum obiectum non repugnare li-
 bertati à potestate peccandi separa-
 te. 256
 Libertas separata à potestate peccandi,
 quam THOMISTARVM defendit
 TRIUMPHUS, non confundit
 voluntarium cum libero. 257
 Si Defensor non truncasset textum
 TRIUMPHI, didicisset, quid sit
 negationem actum agendo impediri.
 258
 Inanes & vanæ sunt Defensoris con-
 sequentiæ. 259
 Paragraphus Octavus.
 De libertate amoris beatifici. 260
 Probatur libertas amoris beatifici du-
 plici argumento, à priori & à poste-
 riori. 260

- A posteriori ex vanitate conditionis à
 Junioribus assertæ. 260
 Quod argumentum efficacissime con-
 firmatur ex ratione Eximij ac R.
 P. HECKIJ Ordinis S. Augu-
 stini SS. litterarum Romæ in
 Sapientia Professoris. 260
 A priori probatur ex SYLLOGISMO
 PRACTICO. 261
 Objectio, ejusque solutio plurimum
 observanda.
 Paragraphus Ultimus.
 Nullam de tribus primis ab Inno-
 centio X. damnatis propositio-
 nibus admittit TRIUMPHUS
 THOMISTARUM. 263
 Si pretiosum à vili separaveris quasi os
 meum erit, ait veritas. 264
 Nullum præceptorem & informatorem
 agnosco, præter solem Angelicum.
 264
 PRIMA PROPOSITIO ab Innoc. X.
 damnata reprobat in omni sensu
 ab Ecclesia damnato. 264
 Assumit Defensor quæ non intelligit.
 264
 Duplex gratia faciens præcepta possibi-
 lia, DANDA scilicet & DATA.
 264
 Inanis Defensoris conatus. 265
 Apertam fugit veritatem. 266
 Duos inter amores voluntas est posita,
 quibus duæ ædificantur civitates.
 267
 Sine conversione ad Deum, vel justi-
 tiam non vitatur peccatum. 267
 Circa hoc hallucinatur Defensor. 267
 Præclara & humilians S. AUGUS-
 TINI sententia: liberum arbitrium
 ad malum sufficit; ad bonum autem
 * * *

INDEX.

nihil est, nisi adjuvetur ab omnipotente bono. 268
Scut est verum dicere, gratia ad impletionem præcepti necessaria non datur nisi consentienti; ita verum est dicere, gratia ad impletionem præcepti necessaria nõ denegatur, nisi moventi se in contrarium. 269

Angelicam truncat Defensor auctoritatem. 269
SECUNDA PROPOSITIO ab Innocentio X. damnata reprobatur in omni sensu ab Ecclesia damnato. 271
Similiter & TERTIA PROPOSITIO 272

CAPUT SEXTUM.

Refutatio Capitis Sexti.

COLLATIONES ALPHABETICÆ materia sunt præsentis capitis. 273
COLLATIO PRIMA.
Primus Scientiæ Mediæ funiculus. 275
Refutatio Junioris Molinistæ. 275
Paragraphus Primus.
Refutatio Defensoris. 276
Nodus funiculi stringitur indissolubiliter. 276
Discrimen Defensoris impertinens, & larvatum. 277
COLLATIO SECUNDA.
Secundus Scientiæ Mediæ funiculus. 281.
Refutatio Junioris Molinistæ. 281
Paragraphus Secundus.
Refutatio Defensoris. 283
In quo consistat nodus funiculi secundus. 283
Larvata Defensoris explicatio impugnatur. 285
Ludens in verbis rem eludit. 285
Gratiæ prævenientis cura concupiscen-

tia præveniente aptissima Molinistarum comparatio. 285
COLLATIO TERTIA.
Tertius Scientiæ Mediæ funiculus. 289
Refutatio Junioris Molinistæ. 290
Paragraphus Tertius.
Refutatio Defensoris. 293
Obdormire videtur Defensor. 293
Indissolubilis semper manet tertij funiculi nodus. 294
Molinæ iactantia. 295
Palliatum ostenditur Defensoris delictum. 295. 296
Tria S. AUGUSTINI adducuntur testimonia, quibus funiculus triplex insolubiliter stringitur. 297. 298
Paragraphus Vltimus.
Aperta est sententia P. Suarez quod opinio de sufficientiā attritionis ad Sacramentum non est certa, & potest esse falsa; nec valde antiqua, nec multum communis sit. 299
Ad vindicandum Eximium Approbatorem nostrum D. DE LA

I N D E X.

VERDURE ordinatur hic paragra-	
phus.	299
Qua sit Molinistis in eum insurgendi	
causa?	300
Portio mea, VERITAS.	300
Textus Suarez Alphabetice distinc-	
tus adducitur.	301.302.303 304
Probatur ex prædicto textu quanta sit	
in P. Suarez Defensoris halluci-	
natio.	305
Duo plurimum observanda ex doc-	
trina P. Suarez, in quibus deficere	
videtur.	308

Ignorantiam legis divinæ non ex-	
cusare, & necessariam esse con-	
tritionem ad sacramentum pœ-	
nitentiæ, breviter & efficaciter	
demonstratur.	309.310
Ad inclytos almæ Societatis Jesu	
Professores EPILOGUS.	311
Zelus PHILALETHIS vs Iesuitæ de-	
finant esse & Molinistæ & Pro-	
babilitæ.	312
Urget eos ad hoc Reverendissimus P. eo-	
rum Generalis MUTIUS VITEL-	
LESCUS.	312

THEOLOGUS LOVANIENSIS.

Proœmium.	3
Paragraphus primus.	
Status quæstionis aperitur.	4
Quod ab æterno decrevit Deus hoc in	
tempore exequitur per PRÆDETER-	
MINATIONEM PHYSICAM.	4
Cur Molinistis tantum insit PRÆ-	
DETERMINATIONIS PHYSICÆ	
odium.	5
Paragraphus secundus.	
Probatur ex Philosopho, causam	
secundam recipere aliquid à	
primâ, quo determinetur ad	
agendum.	6
Prima adversariorum Responsio elidi-	
tur.	6
Similiter & secunda.	7
Ad oculum ostenditur efficacia impug-	
nationis.	7
Paragraphus Tertius.	
Probatur ex Sole Angelico, cau-	
sam secundam recipere aliquid	
à primâ, quo determinetur ad	

agendum.	8
Cæcutiunt in Meridie, qui veritatem	
banc in Sole Angelico non intuentur.	
9.	
Paragraphus Quartus.	
Prima ratio probans causam se-	
cundam recipere aliquid à pri-	
mâ quo determinetur ad agen-	
dum.	10
Desumitur vis illius ex S. AUGUSTI-	
NO.	11
Paragraphus Quintus.	
Secunda ratio, probans causam	
secundam recipere aliquid à	
primâ, quo determinetur ad	
agendum.	12
Radiæ detegitur, cur Molinistæ non	
valeant intelligere gratiam christi,	
quam SS. AUGUSTINUS & THO-	
MAS defendunt.	13
Paragraphus Sextus.	
Tertia ratio, probans causam se-	
cundam recipere aliquid à pri-	

I N D E X.

mâ, quo determinetur ad agendum.	13	SECUNDUM ex eo quòd PRAE- TERMINATIO non sit in potestate voluntatis.	21
Molinistæ incidunt in Scyllam volen- tes evitare charibdim.	14. 15	TERTIUM ex suppositione antecedente.	22
Elogium Scientiæ Mediæ.	14	QUARTUM ex determinatione sui.	23
Paragraphus Septimus.		QUINTUM ex carentia potestatis ad oppositum.	25
Suavitas PRAETERMINATIONIS PHYSICÆ exponitur,	16	SEXTUM ex quâdam D. THOMÆ doctrinâ relatâ in Extracto Mo- linistico Iosephi de vita.	27
Duplex PRAETERMINATIO PHY- SICA distinguitur.	17	SEPTIMUM ex actu peccati, ad quem deberet Deus prædeterminare.	29
Paragraphus Octavus.		OCTAVUM ex Fallacijs & Calvinis- mi imposturis.	33
Solvuntur argumenta Molinista- rum.	18		
PRIMUM ex definitione causæ liberæ.	18		




APPROBATIO.

HÆc modesta & dilucida R. P. Fourmestraux
Refutatio, autore GERMANO PHILALETHE
EPISTINO, nullatenus fidei orthodoxæ, aut
bonis moribus adversatur, nihilque absolum so-
nat: sed TRIUMPHUM THOMISTARUM,
vbique probatum, in perpetuum firmando, evin-
cit, Philalethen non ante victoriam cecinisse
TRIUMPHUM. Quapropter illam prælo dignam
censeo. Duaci die 7. Aprilis 1674.


NICOLAUS IOSEPHVS DE LAVERDURE
S. Theologiae Doctor & Professor regius ordinarius.



THOMISTARVM
TRIUMPHVS
IN PERPETVVM FIRMATVS,
ID EST, SANCTORVM
AUGUSTINI, ET THOMÆ,
GEMINI ECCLESIAE SOLIS;
INCONCVSSA CONCORDIA,
I. De Scientia Media. II. De Natura Pura. III. De Libertate.
IV. De Contritione. V. De Probabilitate.
ADVERSUS INJUSTAM RECENTIS MOLINISTÆ DEFENSIONEM.



Prooemium.

I.  RATIÆ versatilis Defensionem suscepit *Recens Molinista*, adversus Thomistarum Triumphum, id est Sanctorum AUGUSTINI, & THOMÆ, Gemini Ecclesiæ Solis Summam Concordiam. Aggressus eam fuerat in primo sui ortu *Defensoris Predecessor*; sed in secundâ CONCORDIÆ editione sub nomine THOMISTARUM TRIUMPHI factâ, adeò potenter est refutatus, ut aggredi deinceps non satis tutum habuerit *Recens Molinista*, viâ Defensionis contentus. Justam, quæ maximè injusta est, vocat Defensionem. Non iusta, sed injusta dici debet Defensio, quæ non servat moderamen inculpatæ tutelæ. Moderamen istud non solum non servavit,

A

sed adeò excessit, ut magnū pusillis scandalum sit, & non leve Cordatis irritamentum. Ego autem gaudebo in Deo Jesu meo, qui Christianis omnibus dicit, *Beati estis cum maledixerint vobis homines, & persecuti vos fuerint, & dixerint omne malum adversum vos, mentientes propter me: gaudete & exultate, quoniam merces vestra copiosa est in cælis.* Matth. 5.

Sed & nunc gaudeo propter Doctrinæ Angelicæ firmitatem, & adversæ doctrinæ infirmitatem. Firmitas prioris elucet, ubi infirrior apparet; quia quanto magis impugnatur doctrina Angelica, tanto magis roboratur, ut in sua infirmitate perficiatur. Infirmitas posterioris ex ipsis calumniis satis se ostendit: etenim non nisi ex infirmitate doctrinæ procedit calumniatio personæ. Vultum se præbet, qui declinando doctrinam calumniatur personam.

II. Quare omnium injuriarum immemor, doctrinæ, favente Deo, infirmam, & pro personâ deprecabor, O veritas Deus fac nos unum tecum in charitate perpetuâ. Imple nos agnitione veritatis tuæ, ut GRATIAM tuam VICTRICEM & PRÆDETERMINANTEM confiteamur, ac concorditer tueamur. Non alia secutus sum, quàm tutissima & inconcussa Sanctorum AUGUSTINI & THOMÆ dogmata. Scio de doctrina Solis Angelici à summis Christi Vicariis pronuntiatum, quòd *nunquam qui eam tenuit invenitur à viâ veritatis deviasse, & qui eam impugnavit, semper fuit de veritate suspectus.* Scio ab iisdem declaratum, eam *sine ullo prorsus errore conscriptam esse.* Nescivit hoc *Defensor*, vel ad hoc non attendit, dum in publicis disputationibus velle probare non erubuit, dari errores formales in D. THOMA. Si os suum in cælum ponere non timuerit, quid mirum si & discipulo errores imposuerit? *Non est discipulus supra Magistrum; sufficit discipulo ut sit sicut Magister suus,* ait Magistrorum Magister Matth. 10.

Ordinem *Defensoris* sequar, qui sex capitibus gratiam suam versatilem defendere conatur. Inanem illius conatum demonstrabit Refutatio præsens, quam non ab extraneis, sed ex solis THOMISTARUM TRIUMPHI rationibus & fundamentis, nec non propriis adversarii sermonibus, Deo prædeterminante, elaboravi. Si THOMISTARUM TRIUMPHUS seipsum defendit, non ante victoriam cecinit triumphum. Si propriis sermonibus refutetur *Defensor*, altera non parva TRIUMPHO accrescet victoria. Nam, ut quidam ait relatus Opusc. 1. n. 275. *Speciosa victoria est, contrariam partem cartulis suis, velut propriis laqueis irretire, & testimoniorum suorum vocibus confutare, & amulum telis suis evincere, ut pugnatoris sui argumenta, tuis probentur utilitatibus militare.* O Veritas Deus adjuva me: pro te enim pugno: da gratiam victricem, ut in te vincam; da & prædeterminantem, ut superari non valeam.

CAPVT I.

Refutatur gratiæ versatilis Defensor in primo defensionis suæ capite.

III. **A** Falsitate nominis assumpti defensionis suæ initium dedit *gratiæ versatilis Defensor*. Notam istam à *Predecessore* illius antè impositam TRIUMPHUS sic diluit. Opusc. I. n. 271. „ Verùm non consideravit, quod nomen „ PHILALETHIS sit nomen personæ assumptæ, quæ verè, & falsò potest assumi. Unde verè assumpta, potuit retractare ea quæ dixit falsò assumpta; idque „ ad cuiusdam significationis mysterium, quod suo tempore revelabitur. „ *Verax significatio* (ait S. AUGUSTINUS lib. contra mendacium cap. 10.) *nullo modo mendacium rectè dici potest; ut autem in facto, ita & in verbo.*

Conqueritur capite primo de conviciis, ac violatione Censurarum Sedis Apostolicæ; renovat etiam confictam propositionum Lessii approbationem. Tribus paragraphis prædictum caput refutabimus.

§. I. *Non habet gratiæ versatilis Defensor justam de conviciis conquerendi causam.*

IV. **R** Heterico planè ornatu pro conviciis exponit allusiones, quas stylo nobis familiari fecimus ad loca Sacræ Scripturæ, quibus quælibet doctrina quæ falsa creditur, & maxime quæ gratiæ Christi inimica habetur, stylo accommodatitio potest significari. Quæ etiam de inimicis perfectæ gratiæ, de Impugnatoribus S. AUGUSTINI, à nobis ut plurimum ex S. AUGUSTINO in universali dicta sunt, ipse in particulari rhetoricis consequentiis de Scientiæ Mediæ defensoribus intellecta esse concludit. Quod certè non alio sensu verificatur, quàm secundum tritum linguæ nostræ adagium: *Qui se sent rogneux, se gratte.*

Ista omnia, & si quæ sint alia, non animo conviciandi sunt dicta; sed ut quibusdam quasi stimulis Molinistas excitaremus, à profundo quo videntur sopiti Scientiæ Mediæ somno. Quo impediuntur, ne ad tutissima & inconcussa utriusque Solis de perfectâ Christi gratiâ dogmata, vigiles habere pos-

sint sensus. Zelo zelatus sum, sicut & de facto zelor pro veritate gratiæ Jesu Christi Domini nostri; ad quam defendendam aptiores non video, si à somno prædicto excitarentur, quàm qui Societatem iniere cum Jesu. Est aliquid zelo dandum: norunt, qui habent.

V. Quidquid tandem sit, Dico *Defensorem* nullam habere justam de conviciis conquerendi causam. Hoc probò ex iis quæ s. ultimo præsentis capitis habet: in quo sibi objicit: „ At, inquires, in quo alterum judicas teipsum condemnas. Nunquid enim Sectatores Scientiæ Mediæ in scriptis suis, in scholis, in pulpitis, clamitant prædeterminationem physicam esse libertatis ever-
sivam, & Deo injuriosam? quid asperius adversus illam dici potest? quid contumeliosius? Debebat addere, nihil minus habere ac Calvinii sententiam, ut exposulat P. Annatus, quem refert TRIUMPHUS Opusc. 1. n. 177: & n. 222. Pluraque alia debebat addere, quæ si in statera appenderentur cum nostris, quasi arena maris graviora apparerent Molinistarum convicia; qui in his, propter frequentiore Rhetoricæ usum semper nos superabunt; & in aliis etiam superarent, si veritas sine eloquentiæ fuco fortior & clarior non appareret.

Respondeo ad istam objectionem: „ Fateor quidem illos satagere ut id „ probent; neque id vetat Sedes Apostolica. Permisit utrique parti, & doctrinam suam tradere, & adversariam impugnare: nulla autem habent arma, quibus prædeterminationes physicas oppugnent, validiora, quàm argumenta quibus probant illas esse & libertatis everivas, & Deo injurias. Nec de te querimus, quòd probare contendas Scientiam Mediam esse Christi gratiæ inimicam, Deum libero hominis arbitrio subicere, eandemque videri cum doctrina Semipelagianorum. Probationes tuas placidis oculis legimus, calamo diluimus.

VJ. Placidis oculis legunt Molinistæ, Scientiam Mediam esse Christi gratiæ inimicam; nec de hoc sibi dicto justè queruntur. Atqui scientia quæ est Christi gratiæ inimica, eò ipsò est fucata, deformis, vana, fraudulenta, muscipula pedibus insipientium, similis meretrici fucata, & mentitæ pulchritudinis; ergò hæc omnia Scientiæ Mediæ applicata, debent placidis oculis legere Molinistæ; nec non nisi injustè, ut facit *Defensor* n. 126. de istis omnibus prædicatis, Scientiæ Mediæ applicatis queruntur; si non justè querantur quòd dicatur, Scientiam Mediam esse gratiæ Christi inimicam. Aut certò convincentur, non quæ Jesu Christi, sed quæ sua sunt querere.

Amanti Christum & gratiam ejus suo sanguine nobis promeritam, nihil potest gravius dici, quàm quòd sit inimicus gratiæ Christi, qualis est omnis qui defendit scientiam quæ est inimica gratiæ Christi. Omnia suffert, omnia sustinet ut non sit inimicus gratiæ Christi; si ergò placidis oculis legunt Molinistæ

se dici inimicos gratiæ Christi, placidis quoque oculis legere debent se dici vanos, cavillatores, superbos, præsumptuosos, malæ fidei, & cætera quæ prosequitur *Defensor* ibid. Aut seipsos, & non Christum amabunt.

Fortè non scit *Defensor* quid sit, scientiam aliquam esse gratiæ Christi inimicam? Adeat Doctores Lovanienses, qui in conclusione suæ Censuræ docebunt eum, quòd scientia quæ est gratiæ Christi inimica, diviniæ bonitatem obscurat, justitiam enervat; scripturis illudit; Patrum testimonia in sensus alienos detorquet; humanæ rationis corruptioni applaudit; humilitatis fundamentum evertit; precandi necessitatem non magnam relinquit; propriarum virium soluciam ingenerat; in salutis negotio, quod præcipuum est homini donat; quod minus Deo; gratiam Dei libero arbitrio subijcit, ac ejus pedissequam facit; in summa à Pelagio non satis abscedit. Hæc sunt prædicata propria illi scientiæ quæ est gratiæ Christi inimica: ab illis ergò debent hæc placidis oculis legi, qui placidis oculis legunt Scientiam Mediam esse gratiæ Christi inimicam. Et cum minora sint nostra, de quibus conqueritur, nullam suæ querelæ justam habet causam.

VII. Secundò assertio nostra probatur. Thomistæ non justè queruntur de Molinistis, dum probant prædeterminationes physicas esse Deo injurias, quia dicit *Defensor* non habent arma quibus prædeterminationes physicas oppugnent, validiora, quàm argumenta quibus probant, illas esse Deo injurias. Atqui arma validiora, quibus impugnamus Scientiam Mediam & gratiam verfatilem, desumuntur majori ex parte ab enumeratis prædicatis: ergò non justè de prædicatis istis conqueruntur Molinistæ. Nam si probationes nostras placidis oculis legant, quibus probamus Scientiam Mediam esse gratiæ Christi inimicam, omnia media quibus hæc probamus, debent etiam placidis oculis legere, & nonnisi injustè de illis queruntur.

VIII. Tertiò. Fatetur *Defensor*, quòd justam non habeant conquerendi causam dum probamus Scientiam Mediam esse gratiæ inimicam, Deum libero hominis arbitrio subijcere, eandemque videri cum doctrinâ Semipelagianorum. Probationes istas placidis oculis legunt. Rationem reddit in initio suæ responsionis, quia non id vetat Sedes Apostolica. Optimè, sublimo. Atqui omnes illi termini, quos artificiosè depingit *Defensor* toto capite primo, sunt à nobis assumpti, ut probemus à priori, vel à posteriori, directè vel indirectè, unum ad minus de tribus supra enumeratis. Ergò nullum ex omnibus istis terminis, ut à nobis assumpti sunt, vetat Sedes Apostolica: & consequenter fateri cogitur *Defensor*, nihil in omnibus istis terminis à nobis actum contra prohibitionem Sedis Apostolicæ.

Certe, CORDATE LECTOR, quomodo, illà Paternitatis suæ auctoritate, quâ *Defensor* nos censuris sine fundamento innodavit; eadem ipse nos etiam à censuris rationabiliter absolvit. Sic injustè innodati, remanemus justè absoluti.

*§. II. Nullam fecit Germanus PHILALETHES violationem
Censurarum Sedis Apostolicae.*

IX. **V**iolationis Censurarum Sedis Apostolicæ reum esse Germanum PHILALETHEN contendit *gratie versatilis Defensor* sect. 2. §. 2. ex eo quòd Opusculo primo TRIUMPHI THOMISTARUM de Scientia Media ad examen revocata Censuras Facultatis Theologicæ Lovaniensis & Duacensis inferuerit; quas Censuras n. 38. dicit suprema autoritate reprobatas, & severe admodum sub Excommunicationis anathemate vetitas. Nec aliud prohibitionis instrumentum adduxit, quàm Edictum Calatini Nuncii Apostolici. Crambem bis coctam obtrudit. Istud argumentum planè evacuat AMICUS PHILALETHIS in suo Opusculo, cui titulus, *Vanitas Triumphorum quos ab auctoritate adversus Prædeterminationes Physicas pro Scientia Media erigere nititur Germanus Philalethes Episcopus, in opere priori Authore Amico Philalethi consentaneo.*

X. Adverte CORDATE LECTOR, nomen PHILALETHIS, ut initio capitis dixi, esse nomen Personæ assumptæ, quam quidam Molinista falsò assumens edidit libellum, in quo ab auctoritate Scientiam Mediàm commendare voluit; & cum auctoritates falsificatæ, truncatæ, vanæ, & inutiles falsitatem nominis assumpti apertè cordatis demonstrarent, placuit idem nomen & eandem personam assumptam verè assumere, & retractare sub eadem persona verè assumpta doctrinam Scientiæ Mediæ, revocando eam à suis fucis denudatam ad examen, cui, sub eadem personâ falsò assumpta, fuerat conciliata autoritas.

Personam Philalethis verè à nobis assumptam probabit Refutatio præfens. Falsò autem à Molinista assumptam invictè probant & AMICUS PHILALETHIS in Opusculo nominato, & R. P. FASSEAU in alio præclaro Opusculo, cui titulus, *Autoritas exanthorata*, &c. Uterque in S. Ordine Prædicatorum S. Theol. Professor, & Almæ hujus Universitatis Licentiatus.

XJ. Ad rem nostram redeamus. Accusationem Defensoris subvertit hic syllogismus. Tota Censurarum Sedis Apostolicæ violatio consistit, in violatione Edicti Calatini prohibentis Censuras utriusque Universitatis: sed edictum Calatini Censuras istas non prohibet: ergo nulla est Censurarum Sedis Apostolicæ à Germano PHILALETHE facta violatio. Major est *Defensoris*.

Minorem probat AMICUS cap. 20. his verbis: Si Nuncius Calatinus suo edicto Lovaniensium, & Duacensium sententias, sive Censuras proscripserit, nunquam viris illi sapientissimi, atque adversus Sedem Apostolicam devotissimi, commisissent, ut eas iterum longo tempore post latum Edictum innovarent & confirmarent, esset enim hujusmodi innovatio, aperta decreti violatio, & manifesta adversus Sedem Apostolicam rebellio; Atqui Lovanienses longo

tempore post Edictum Calatini, suas Censuras iterum, atque iterum innovarunt, confirmarunt, notumque omnibus fecerunt se in iis permanere, nec ab eis se recessuros unquam, donec à Sede Apostolica definiretur: equidem Edictum Calatini latum fuit Lovanii anno 1588. & Duaci 1591. Suum verò manifestum de Censuris emisit Facultas Theologica anno 1613. & protestationem anno 1649. & Facultas Duacena anno 1648. Ergo nonnisi per summam calumniam dici potest, quòd prohibita sint & damnata Universitatum censuræ.

Hæc etiam manifestum fit intuenti & propriis oculis legenti Edictum Calatini, quod quidem prohibet, ne quis novas Patrum Societatis opiniones tanquam hæreticas, aut suspectas traducat, donec pro talibus Autoritate Apostolica fuerint condemnata; de censuris verò jam latis nullam prorsus mentionem facit. Unde quemadmodum absurdè quis argueret, prohibuit Ecclesia ne edantur libri circa materiam de Auxiliis: Ergo prohibuit libros circa materiam de Auxiliis ante prohibitionem editos. Ita non minus absurdè procedunt, qui ex Edicto Calatini censurarum ante latarum prohibitionem, & damnationem inferunt.

Hæc amicorum Amicus, quæ non potuit ignorare *Defensor*. Judicet *CORRIGENS LECTOR*, an ille quærat sincero corde veritatem, qui agnoscens argumenti sui falsitatem, eo adhuc utitur non ad exercitium, sed ad veritatem comprobendam.

XIj. At Recentem Molinistam audio mihi reclamantem n. 22. Censuras istas agnoscis majori autoritate, videlicet Apostolicâ sublata, & citat n. 34. in quo hæc habentur: „Non possum hic præterire censuras Facultatum „S. Theol. Lovan. & Duacens. sine magno veritatis præjudicio. Quamvis „omnis vis censurandi ab eis majori autoritate fuerit semota, & ideo ex eis „doctrinam Scientiæ Mediæ in aliquo censurare non intendam; veritati tamen, „quam defendo, multum detraherem, si prædictis censuris Opusculum „hoc nostrum non fulciretur, ac ornaretur. Nam in illis Scientiæ Mediæ deformitas ex suis consequentiis quasi in speculo ita relucet, ut cæcum eum „esse oporteat, qui eam gratiæ Christi inimicam, & utroque Ecclesiæ Soli „adversari, ex prædictis censuris non animadverterit.

Fateor omnem vim censurandi ab eis sublata: ergo fuere prohibita per Edictum Calatini. Nego consequentiam. Unde igitur vis censurandi sublata? ex illo universalis præcepto neutram partem censurandi. Distingui debet sententia à censurâ; sententia respicit id quod propriè sentimus & credimus, censura increpat verbis censurantibus contrariam sententiam. Dum assertio alicujus sit, cum dicta increpatione, sententia illius sit censura. Nulla Pontificia Bulla potest tollere, quin doctrina in censuris tradita fuerit sententia Faculta-

tis utriusque: & cum tenuerint sapientissimi illi viri, qui utramque Facultatem componebant. Non potest igitur esse prohibitum uti prædictis censuris ut sunt sententia sapientissimorum illorum virorum; sed illis uti ad increpandum verbis censurantibus doctrinam Scientiæ Mediæ, fatemur prohibitum.

Cum ab illâ sententiâ nunquam recesserit utraque Facultas, veritati, quam defendo, multum detraxissem, si prædictas censuras prætermissem; usque Opusculum nostrum fulcitum, & ornatum non fuisset. An non egregium ornamentum, elegans dictarum censurarum seu sententiarum doctrina? An non potens fulcimentum, perennis usque ad hoc tempus in illis sustinendis constantia? Quæ constantia ut non lateat *Defensorem*, subijcimus ex AMICO Manifestum, & Protestationem Facultatis Lovaniensis.

Manifestum Facultatis Theol. Lovaniensis.

XIII. *Cum ad aures Facultatis Sacra Theologia Universitatis Lovaniensis pervenerit, sparsum esse in Hispania, Italia, & aliis partibus, eam in materia de Auxiliis & Gratia Christi mutasse sententiam, & ab antiqua, quam in sua Censura Summo Pontifici Romam transmissa quondam tenuit, retrocessisse: idq; ob energiam argumentorum, quæ P. Lessius tum vivæ vocis dictamine, tum edito libro in medium attulit. Volens huic sparso rumori obviare, & veritatem omni volenti scire, manifestare, sub juramento congregata in Capitulo parvo S. Petri die 30. Mensis Julii post vesperras anno 1613. nullo Magistrorum ipsius contradicente, tota Facultas uniformiter declaravit, & testata est, se semper tenuisse, & nunc de præsentî tenere, semper perstitisse, & nunc de præsentî persistere in sua antiqua sententia, quam in dicta Censura tenuit, & ibi declaravit: nec unquam ab illa sententia discessisse, nec in posterum, Deo favente discessuram, donec per Summum Pontificem aliud definiatur, aut à S. Romana Ecclesia (cujus Censura & correctioni omnia in prædicta Censura contenta, & qualibet alia à se dicta, & in posterum dicenda humiliter subijcit) aliud tenere ei præcipiatur. Declarat insuper tantum abesse ut argumentis P. Lessii antedicti à sua sententia recesserit, ut ex adverso, quemadmodum olim ipsius dicta improbat, ita nunc improbat ipsius edita scripta in hac determinata materia.*

Protesta-

Protestatio ejusdem Facultatis.

Adhuc receptior est declaratio, quam facit eadem Facultas in capite libri, quem anno 1649. conscripsit adversus Joan. Martinez de Ripalda. Ibi enim in fidei & suæ doctrinæ professione inter cætera hæc habet :

*Belgarum quoque Universitatum Lovaniensis & Duacensis, à sexaginta jam-circiter annis Censuras adversus P. Leonardum Lessium, & P. Joannem Deckerium, aliosque Societatis S. Theologia Lovanii, & Duaci Professores. Denique quidquid postea Clemens VIII. & Paulus V. in celebri disputatione Romana; contra Ludovicum Molinam, & Sectatores ejus censuerunt exosculamur, & Dei gratiâ firmiter retinere conamur. Quicunque de nobis aliter, pro mendacibus & calumniatoribus habemus; & si opus est, tales eos esse, publicè in judicio contradic-
torio sustinebimus.*

Manet ergo (ait Amicus noster) ut pertinaciter mendaces sint, & ut calumniatores habeantur, qui deinceps sparserint, quòd Sacra Facultas Lovaniensis suas Censuras quondam in Lessium & alios latas revocaverit. Manifestum simile emisit Facultas Theologica Duacena anno 1648.

§. III. *In conficta propositionum Lessii approbatione, se convictum ostendit Gratia versatilis Defensor, & novo commento eam confirmata.*

XIV. **D**electat me Defensoris infirmitas. Hoc habet veritas, quòd à suis adversariis agnita negari non valet. Confictam luculenter ostendit TRIUMPHUS in fine Opusc. 1. propositionum Lessii approbationem. Voluit falsitatis notam diluere §. 4. Sect. 2. Sed convictum se ostendit, & novum commentum superaddit.

Primum sic probatur. Qui prætermittit & non solvit rationem à priori efficaciter probantem assertionem, quam refutare intendit, ille se convictum ostendit, ut de se patet. Sed Gratia versatilis Defensor prætermittit & non solvit rationem nostram à priori, quâ efficaciter probamus confictam esse Lessii approbationem, quòd figmentum refutare intendit: Ergo prædictus Defensor in conficta propositionum Lessii approbatione, convictum se ostendit. Probatur minor. Relatis Edicti Calatini verbis, quibus approbatio præten-
sa continetur in hunc modum:

Cum igitur nos Coloniae commorantes, quasdam opinionum. dissensiones orias esse cognoverimus inter Universitatis Lovaniensis Theologos, & Sacerdotes Societatis Jesu Theologiam profuentes SUPER QUIBUSDAM DOCTRINÆ SANÆ ARTICULIS, quibus fidelium unitas scindendi, ac Christi Corpus lacerari posset, nisi maturè sapienterque occurreretur: **B** non solum S. D. N. Sixto Papæ V. Sanctæque Sedi Apostolicæ significavimus, ut tam periculoso subsidio obviam iretur, sed quâ potuimus diligentia litteris propriis utramque partem monuimus, obsecravimusque ut à disceptationibus huiusmodi, quoad sua Sanctitatis quæstiones controversas desinere, tum verbo, tum scripto desisterent: QUOD UT FACEREMUS, APOSTOLICO MANDATO AD NOS DIRECTO jussi sumus.

Relatis, inquam, fideliter prædicti Calatini verbis, rationem efficaciter & à priori probantem sic formavi: „ Ex quibus patet, quòd solummodò mandatum Apostolicum habebat Calatinus ad impediendum disceptationes, „ usque dum sua Sanctitas quæstiones controversas definiisset. Si autem propositiones Lessii ut sanæ doctrinæ articulos declarasset, transgressus fuisset suum mandatum, & judicium Sanctæ Sedis usurpasset: siquidem ipse totum controversiæ punctum determinasset.

Hanc rationem efficacissimam &, ut aiunt, à priori, utpote ex ipso Edicto Calatini sumptam prætermittit *Defensor*, nec verbum de ea facit: ergò eâ confictum se ostendit.

XV. Quid igitur facit? Carpit quòd dixerim, verba ista *super quibusdam sanæ doctrinæ articulis* non esse Sixti V. sed Nuncii Calatini. Deciperis, ait, prædicta verba & Sixti sunt & Calatini. Utque hoc probet adducit testimonium Lessii. Sed reponam ipsi quod n. 43. ait: *inane est argumentum tuum inde petitum? nam probatio petenda erat non ex litteris Facultatis, quæ pars erat, sed ex Nuncii responso.* Hæc ipse ignorans vim probationis nostræ. At ego iisdem verbis efficaciter testimonium Lessii eludo dicens ei, *inane est argumentum tuum inde petitum? nam probatio petenda erat non ex testimonio Lessii qui pars erat, sed ex Nuncii Edicto.* Memores sumus verborum Domini nostri Jesu Christi dicentis: Si ego testimonium perhibeo de meipso, testimonium meum non est verum: Atqui Lessius testimonium perhibet de seipso: Ergò testimonium Lessii non est verum.

Argumentum autem nostrum petitum ex litteris Facultatis Duacenæ efficax est ad probandum ista verba, *sanæ doctrinæ articulis* non fuisse à Calatino applicata propositionibus Lessii: Quia in dictis litteris nullum perhibent Doctores de se testimonium, sed simpliciter conqueruntur, quòd Professor Theologus in dictato quodam extraordinario contenderit, prædictis verbis suam & suorum doctrinam à Calatino SANAM appellari, & tantæ temeritatis punitio-nem postulant. Si Calatinus declarasset propositiones Lessii doctrinæ sanæ articulos, quomodo Doctores illi ad Calatinum de hoc conqueri fuissent ausi?

& quâ ratione de temeritate ab illo punitionem postulassent? Ipsæ igitur literæ sine Nuncii responso sufficienter probant intentum.

XVI. Majoris est efficacix, quod Henriquez celeberrimus Societatis Scriptor asserat, sententiam Lessii de prædestinatione post prævisa merita fuisse graviter à Sixto reprehensam: non ergo eam vocavit sanæ doctrinæ articulum. Hoc facti testimonium invalidat *Defensor*, n. 44. quia illud non probat Henriquez. Ergo ea quæ Historici suis temporibus facta scribunt, nullius sunt valoris, quia ea non probant. Imò in quæstionibus facti indubitata fidei habentur qui suis temporibus vel quæ viderunt, vel quæ audierunt gesta enarrant: si docti sint, & pii. Si non sit credendum Henriquez, quia quod dicit non probat: ergo nec *Defensori* credendum, dum n. 46. novo commento dicit, quòd ista propositio, *Liber aliquis (qualis forte est secundus Machabæorum) humanâ industriâ, sine assistentia Spiritus Sancti scriptus, si Spiritus Sanctus postea testetur ibi nihil esse falsum efficitur Scriptura Sacra*, non sit Lessii, sed altera quam recitat: quia id non probat. Eam tamen esse Lessii, manifestè probat utriusque Facultatis Theologica Lovanienfis & Duacensis Censura. Consulat eam Cordatus Lector: & advertat in similibus fidem non facere, qui in illis quæ apud nos sunt verax non est.

Talis est *Defensor*, qui in sua præfatione ad Lectorem; publicas Theses Lectoris Prædecessoris nostri dicit authoritate Magnifici Domini Rectoris Almæ hujus Universitatis Duacensis prohibitas. Quod falsum esse, testatur Eximius Dominus D. Lalain S. Theol. Professor Ordinarius, tum temporis Rector Magnificus. Testatur & Prior, qui tum Collegium Duacenum regebat. Testantur Lector, & *Defensoris* cognatus, qui Theses sustinuerunt. Omnes hi vivâ voce testantur, falsum esse *Defensoris* pronuntiatum. Non igitur illi credendum, qui ad confictam Lessii approbationem novum commentum suppositæ assertio-
nis superaddit.

CAPVT II.

Refutatio Capituli secundi.

Gratia versatilis *Defensor* ut de falsificationibus, mutilationibus, diversisque testimoniorum imposturis, de quibus à triginta annis & amplius, aperte

per Gemini Ecclesiæ Solis discipulos tanquam Plagii arguuntur, quarum aliquas adducit TRIUMPHUS; ut inquam, de istis omnibus vicem nobis aliqualliter reponeret, aliquas excogitavit & finxit iste imposturas, quas veritates esse Molinisticas, Deo prædeterminante & vincente, lucidissime evincemus.

§. I. Aliquid esse à libero arbitrio, quod non est effectivè ab auxilio gratiæ, veritas est Molinistica.

XVII. **H**Æc est prima Molinistarum veritas, à quâ omnia ipsorum in materia gratiæ dogmata ferè dependent; & reipsâ tam apertè ab eis traditur, ut mirum sit *Defensorem* istam veritatem vocasse imposturam, quam nonnisi verbis, & adhuc apud simplices & incautos diluere potest.

Nec alio id probandum est testimonio, quàm ipsius Lessii verbis, qui totam difficultatem nervosè complexus est, dum dixit: *Libèrum arbitrium directè esse causam cur hic & nunc Deus influat in opus, tum per sua dona tum per seipsum; non autem Deum & gratiam, cur liberum arbitrium hic & nunc influat.* Nihil clariùs dici potest ad rem nostram, & tamen tantâ claritate non perfunditur intellectus *Defensoris* sed persistit dicens n. 47. *Si enim, ut his verbis Lessius asserit, Deus influit in opus tum per se, tum per sua dona, quomodo ex illis consistit aliquid esse à libero arbitrio, quod non est effectivè ab auxilio gratiæ? Quid est Deum in opus influere per dona sua, nisi Deum per ea opus ipsum efficere?*

In gratiam *Defensoris* fiat hoc argumentum: liberum arbitrium est sibi causa cur hic & nunc influat in opus, & auxilium gratiæ non est causa cur liberum arbitrium hic & nunc influat in opus: ergo liberum arbitrium est causa alicujus, cujus auxilium gratiæ non est causa. Nec de alia causa hic agitur, quàm de causa effectiva, ut per se patet. Prima pars antecedentis est evidens: secunda pars antecedentis est Lessii. Si negetur consequentia, faciamus syllogismum. Certum est, quòd Lessius asserat neque Deum, neque gratiam efficere, quòd liberum arbitriū hic & nunc influat in opus. Nam si hoc efficerent, Deus & gratia essent causa cur liberum arbitrium hic & nunc influat in opus. Si auxilium gratiæ non efficiat quòd liberum arbitrium hic & nunc influat in opus: ergo quòd liberum arbitrium hic & nunc influat in opus, non est effectivè ab auxilio gratiæ, & tamen id ipsum est à libero arbitrio: ergo evidens est Lessium docere aliquid esse à libero arbitrio quod non est effectivè ab auxilio gratiæ, nempe ipsum influere quod à se accipit, & non ab auxilio gratiæ.

XVIII. Oleum & operam perdidit, *Defensor* in conquirendis Molinistarum testimoniis, quibus demonstraret gratiam tum prævenientem, tum adjuvantem influere in opus; sicut etiam perdidisset, si quesivisset testimonia quibus ostendisset liberum arbitrium influere in opus. Damnum Molinistis, nec ul-

lus est adeo insipiens, qui negat actum liberum & supernaturalem indigere, & libero arbitrio, & aliquo principio supernaturali (quod vocamus gratiam) à quibus effectivè procedat. In hoc non est difficultas. Utrumque simul influit in opus, & liberum arbitrium influit in opus, & Deus tum per se, tum per dona sua influit in opus. Sed quaeritur utrum ex duobus, unum sit alteri causa influendi? En difficultatis pondus totum & unicus cardo. Quaestionem resolvit Lessius dicens, quod liberum arbitrium in illo opere, in quod simul cum Deo & gratia influit, est Deus & gratiae causa influendi; non verò Deus & gratia sunt libero arbitrio causa influendi. Hic est germanus istorum verborum sensus: *liberum arbitrium directè esse causam cur hic & nunc Deus influat in opus tum per sua dona, tum per seipsum, non autem Deum & gratiam, cur liberum arbitrium hic & nunc influat.*

Cui sententiae directè opponitur ista: *Gratia directè est causa cur hic & nunc liberum arbitrium influat in opus, non autem liberum arbitrium cur gratia hic & nunc influat.* Ad quod non requiritur, quod omnis gratia hoc faciat, sed sufficit dari aliquod gratiae auxilium quod id praestet: quomodo cumque illud vocetur.

Ad istas duas sententias reducuntur omnes sententiae de gratia; & quidquid verbis dixeris, unam reipsà de duabus tenes sententiam. In prima sententia Deus & gratia se habent ut *principium sine quo non* fit actus, & liberum arbitrium ut *principium quod fit* actus. In secunda sententia liberum arbitrium est *principium sine quo non*, & gratia est *principium quo*. In prima sententia liberum arbitrium influit in opus determinando Deum ad simul influendum. In secunda sententia Deus influit in opus per gratiam suam, determinando arbitrium ad simul influendum.

XIX. Ista est determinatio arbitrii, quam dicimus non procedere effectivè ab auxilio gratiae. Dum liberum arbitrium est sibi causa, quod hic & nunc influat in opus, dicitur determinare se, & hoc vocavimus determinationem arbitrii. Cum ergo Lessius dicat gratiam non esse causam, cur liberum arbitrium hic & nunc influat in opus; sequitur quod Lessius etiam dicat, gratiam non esse causam determinationis arbitrii, in sensu à nobis intento, & intelligentibus pervio.

In quo apparet efficacia rationis nostrae, quam refert n. 158. „Auxilium gratiae determinatur à libero arbitrio ad amorem: cum enim auxilium gratiae de se sit indifferens ad amorem & odium, liberum arbitrium suam determinationem facit quod sit ad amorem. Implicat autem quod aliquid effectivè determinet illud, à quo effectivè determinetur. Est ergo major illa vera, quod Petrus non accipiat ab auxilio gratiae quod se determinet ad amorem; ac proinde si Petrus accipiat hoc à libero arbitrio, oportet ut aliquid habeat ex suo libero arbitrio, quod non habeat ab auxilio gratiae.

Quid est liberum arbitrium suam determinatione facere, quod auxilium gra-

tiæ quæ est de se indifferens ad amorem & odium, sit ad amorem, nisi liberum arbitrium esse causam cur hic & nunc gratiæ auxilium de se indifferens influat in amorem? Et quid est Petrum non accipere ab auxilio gratiæ quòd se determinet ad amorem, nisi gratiæ auxilium non esse causam cur hic & nunc liberum arbitrium influat in amorem? Ista est propositio Lessii manifesta, gratiam non esse causam cur hic & nunc liberum arbitrium influat in opus: ergo & ista erit propositio secundum Lessium vera, Petrum non accipere ab auxilio gratiæ quòd se determinet ad amorem; & cum hoc à suo libero arbitrio accipiat, est per se manifestum Molinistas docere, aliquid esse à libero arbitrio, quòd non est effectivè ab auxilio gratiæ.

§. II. *Supradicta veritas Molinistica stabilitur respectivè ad gratiam Molinistarum, & prævenientem, & adjuvantem.*

XX. **P**er comparisonem ad utramque Molinistarum gratiam tam prævenientem, quàm excitantem supradicta manifestatur veritas Molinistica. Primò expendamus hanc Lessii veritatem respectu gratiæ prævenientis. „ Nemo, ait *Gratiæ versatilis Defensor* num. 159. unus è nostris est, qui non doceat ad quamlibet salutarem voluntatis determinationem, necessarium esse „ gratiæ prævenientis auxilium, specialem videlicet intellectus illustrationem, „ inspirationemque voluntatis. Nullus qui non admittat hæc auxilia voluntatem movere, inclinare, allicere, ut se determinet, ut velit, ac consentiat. Et „ si quidem efficacia sint ita movere ut permoveant, vel ut Augustinus loquitur, ita suadere ut persuadeant; universi ore uno affirmant, hanc excitationem, hanc motionem, hoc invitamentum, moraliter influere in voluntatis „ determinationem, & tanto quidem potentiùs quantò major est excitatio, „ majusque allecamentum.

Quam pulchra verba! quis simplex & incautus non eis crederet veram Christi prævenientis gratiam prædicari? Applicetur doctrina tradita, & non erant nisi verba. Ista excitatio, ista motio, istud invitamentum influit in opus, in quod simul etiam influit liberum arbitrium. Utrumque influit, & gratia præveniens, & liberum arbitrium. Sed quodnam est causa alteri influendi? Respondent in Lessio Molinistæ, quòd liberum arbitrium est causa, cur hic & nunc ista excitatio, ista motio, istud incitamentum, sive gratia præveniens influat in opus; non autem ista excitatio, ista motio, istud incitamentum, sive gratia præveniens est causa, cur hic & nunc liberum arbitrium influat in opus. Ergo ut priùs, est aliquid à libero arbitrio quòd non est effectivè à gratia præveniente, nempe ipsum influere liberi arbitrii.

XXI. Pulchra verba sunt, dum dicitur, *Nullus qui non admittat illustra-*

tionem intellectus, inspirationemque voluntatis movere, allicere, inclinare ut velit, ut se determinet, ut consentiat. Sed nonnisi verba sunt, dum superadditur, quod liberum arbitrium est causa, cur hic & nunc illustratio intellectus, inspiratioque voluntatis influant in volitionem, in determinationem, in consensum: non verò illustratio intellectus, inspiratioque voluntatis est causa, cur hic & nunc liberum arbitrium influat in volitionem, determinationem, consensum. Et ideo semper est aliquid à libero arbitrio, quod non est effectivè ab illustratione intellectus, inspirationeque voluntatis.

Pulchra verba sunt, dum dicitur, & *si quidem efficacia sint ita movere ut permoveant, vel ut Augustinus loquitur, ita suaderent ut persuadeant.* Sed nonnisi verba sunt, dum superadditur, quod liberum arbitrium est causa, cur sint efficacia, eò ipso quòd fit causa, cur hic & nunc influant. Si gratia præveniens à libero arbitrio redditur efficax: ergo aliquid est à libero arbitrio, quod non est effectivè à gratia, nempe efficacia gratiæ.

XXIJ. Eadem veritas Molinistica locum habet per comparisonem ad gratiam adjuvantem. Gratia adjuvans influit in opus, & liberum arbitrium simul influit in opus. Utrumque influit, & liberum arbitrium, & gratia adjuvans. Sed quæritur quodnam est alteri causa influendi? Respondent per Lessium Molinistæ, quòd liberum arbitrium est causa, cur hic & nunc gratia adjuvans influat in opus. Ergò etiam respectu gratiæ adjuvantis eadem est ratio. Nam istius quòd est hic & nunc influere in opus est sibi causa liberum arbitrium, cuius tamen non est causa gratia adjuvans: ergò liberum arbitrium sibi aliquid efficit, quod ei non efficit gratia adjuvans. Determinatio liberi arbitrii non est influxus præcisè, sed est esse sibi causam influendi. Hoc non est effectivè à gratia adjuvante, est tamen à libero arbitrio: ergo determinatio liberi arbitrii, ut de ea loquimur, est à libero arbitrio, sine eo quòd sit effectivè à gratia adjuvante.

Mirabiliter hic se implicat *gratiæ versatilis Defensor*, qui tandem agnoscens pondus difficultatis n. 222 sic sibi objicit: „ Urges & vim eò ponis præcipuam: ut docent Scientiæ Mediæ Defensores, non gratia auxiliatrix voluntatem determinat & applicat, facitque ut bonum agat potius quàm non agat: sed ipsa voluntas auxiliatricem gratiam determinat & applicat, efficitque ut coëfficientiâ suâ in actum prodeat sterilis alioquin permanens, nisi à voluntate operi bono applicetur. Jam verò clarum esse id quòd alterum determinat, quòd illud operi applicat, quòd efficit ut secum operetur: potiores in opere habere partes: stare igitur inconcussè à Defensoribus Scientiæ Mediæ primas tribui voluntati, posteriores gratiæ auxiliatrici; hanc constitui ut pedissequam, illam præcedere ut dominam.

XXIIJ. Quàm eleganter veritatis punctum tetigit *Defensor*? Verùm quomo-

do ab eâ declinet, agendum videamus. Prædictæ instantiæ quâ fortiter urgetur, sic Respondet n. 223. „ Hæc speciosâ argumentatione ageres fortasse aliquid apud imperitos, si ex sententiâ nostrâ gratiæ adjuvantis cum voluntate coëfficientiam non præcederet excitantis influxus; si hanc applicationem factam à voluntate, si determinationem istam nulla anteciret gratiæ præmotio per illustrationes, inspirationesque prævias. Sed cum demonstratum sit Scientiæ Mediæ propugnatores non admittere voluntatem determinare & applicare auxilium gratiæ concurrentis, nisi ut excitatam & præmotam à prævenientis influxu per congruam efficacemque invitationem; &c. quis non videat in eorum sententiâ istam etiam determinationem & applicationem gratiæ adjuvantis factam à voluntate sic excitatâ & præmotâ per influxum prævenientis, non tam esse voluntati tribuendam, quàm præviæ isti excitationi & præmotioni gratiæ antecedentis, proindeque semper ab illis absolute primas deferri gratiæ, postremas voluntati.

Quis imperitus audiens voluntatem præmoveri per influxum gratiæ prævenientis non crederet Molinistæ nomine potius, quàm re differre à genuinis gemini Ecclesiæ Solis discipulis?

Ne facile credas, CORDATE LECTOR, latet anguis in herba, toto cœlo differunt, eô quidem modo quo Impugnatores S. AUGUSTINI à tanto differunt Doctore. Illa præmotio gratiæ prævenientis est credenti & non credenti communis: non autem est præmotio gratiæ discernentis credentem à non credente solis credentibus propria, quam prædicat S. AUGUSTINUS, quam sequitur S. THOMAS, & quam discipuli eorum vocavere VICTRICEM & PRÆDETERMINANTEM. Ne igitur speciosis eorum verbis capiaris diligenter adverte, quòd concedant Molinistæ juxta *Defensorem* liberum arbitrium habiturum primas partes respectu gratiæ absolute, si non excitaretur & præmoveretur per influxum gratiæ prævenientis. Voluntas, dicunt, applicat operi gratiam adjuvantem, sed istam applicationem antecit gratiæ præmotio per illustrationes, inspirationesque prævias: & ideo ista applicatio quâ gratia adjuvans applicatur tribuenda est magis præmotioni & excitationi gratiæ prævenientis, quàm voluntati.

XXIV. Mirabiliter hic, ut dixi, implicatur *Defensor*, & in eo omnes Molinistæ. Liberum arbitrium non mirus applicat operi præmotionem gratiæ prævenientis, quàm gratiam adjuvantem: siquidem est etiam causa, cur gratia præveniens hic & nunc insuat in opus. Ergò licet applicatio, quâ gratia adjuvans applicatur, posset tribui gratiæ prævenienti, ipsa tamen applicatio quâ gratia præveniens applicatur operi, non poterit tribui præmotioni gratiæ prævenientis. Fatetur *Defensor* in objectione clarum esse, quòd alterum operi applicat primas in opere habere partes: sed liberum arbitrium gratiam prævenientem

nientem applicat operi, siquidem est illi causa, cur hic & nunc influat in opus: ergo etiam respectu gratiæ prævenientis primas in opere habebit partes.

Fundamentum istius est, quòd juxta Molinistas cum omnibus illustrationibus, inspirationibusque gratiæ prævenientis possit conjungi dissensus ad opus v. g. fidei; unde fit ut eadem illustrationes & inspirationes, quæ sunt in credente, possint quoque esse in non credente. Non igitur prædictæ illustrationes & inspirationes gratiæ prævenientis discernunt actu credentem à non credente, nisi conjunctæ operi fidei: sed applicantur operi per liberum arbitrium: ergo primas in discernendo habet partes tam respectu gratiæ prævenientis; quàm respectu gratiæ adjuvantis. Cum etiam Scientia Media prævideat gratiam prævenientem in istis circumstantiis applicandam operi per liberum arbitrium; necesse est ut prævideat liberum arbitrium in istis circumstantiis primas in opere habiturum partes respectu gratiæ prævenientis, si hæc in illis daretur.

XXV. Si liberum arbitrium respectu gratiæ prævenientis primas in opere non haberet partes, & si nihil esset à libero arbitrio, quòd non foret effectivè à gratia præveniente, nulla foret indigentia Scientiæ Mediæ, nec opus esset ad cognoscendum efficaciam gratiæ prævenientis prævidere aliquid ex parte liberi arbitrii. Quod tam ex naturalibus, quàm ex moralibus evidenter ostendit TRIUMPHUS, & quasi sensibilibiter demonstrat. Si *Defensor gratiæ versatilis* quæreretur veritatem, ista adduxisset, & solvisset quæ Opusc. 1. cap. 1. art. 1. num. 6. 7. & 8. diximus, ut probarem indigentiam Scientiæ Mediæ, & recursum ad illam pro efficaciâ gratiæ, oriri ex eo quòd aliquid sit à libero arbitrio, quod non subditur gratiæ.

XXVI. Denique concluditur, in hoc defecisse Molinistas, quòd principium applicans quo fit actus, non distinxerint à principio eliciente, seu influente, ex parte gratiæ, sed solum ex parte liberi arbitrii. Aliud est influere simul cum alio, aliud est esse causam influendi alteri. Docent Molinistæ gratiam influere simul cum libero arbitrio, sed non agnoscunt aliquam gratiam quæ sit causa influendi arbitrio. Ipsum arbitrium non solum dicunt influere in opus simul cum gratia & præveniente, & adjuvante; sed insuper eum esse causam influendi utrique gratiæ. Ex quo aperte sequitur, quòd aliquid amplius habeat liberum arbitrium respectu operis, quàm utraque gratia: est siquidem principium influens, & applicans: utraque verò gratia solum est principium influens. Certum est quòd cuilibet principio correspondet aliquid sibi proprium in opere: ergo principio influenti & applicanti simul correspondet in opere aliquid sibi proprium, quod non correspondet principio influenti tantum. Hunc Molinistarum defectum fortiter & fuse urget TRIUMPHUS loco citato art. 1. tribus ultimis paragraphis.

De quibus filuit *Recens Molinista*, ne sicut & *Prædecessor* ejus apertissimè confunderetur. Confundantur *Deus meus*, & non confundar ego; paveant illi, & non paveam ego: quia nihil operis agnoscens in quo quasi in homine confidere possim, & ponere carnem brachium meum, totum tibi tribuo, qui dixisti, *Benedictus vir, qui confidit in Domino, & erit Dominus fiducia ejus.* Hierem. 17. Quare si consistant adversum me castra Molinistica non timebit cor meum. Si exurgat adversum me Molinistarum prælium, in hoc ego sperabo. Unam petii à Domino, & hanc requiram, ut centuplum hujus sæculi, quod promissit Deus relinquentibus omnia, sit mihi veritatis agnitio, & perfectæ Christi gratiæ invicta defensio.

s. III. *Dari gratiam, quæ non solum influat in opus, sed insuper sit causa cur liberum arbitrium hic & nunc influat; quam prædeterminantem vocamus, dogma est gemini Ecclesiæ Solis manifestissimum.*

XXVII. **A** Ristificosè in nomine ly gratiæ prædeterminantis, ludit *gratia versatilis Defensor*, dum eam à gemino Ecclesiæ Sole excludi, demonstrare pretendit s. 6. & 7. Sectionis secundæ. Cum nomen istud ita Molinistis, sine causa, displiceat; ne rem ipsam propter nomen perdamus; veram Christi gratiam in terminis Lessii proponemus dicentes: gratiam quæ non solum influat in opus, sed insuper sit causa, cur liberum arbitrium hic & nunc influat in opus. Talem gratiam refugiant, ut vidimus Molinistæ, eam verò esse dogma gemini Ecclesiæ Solis manifestissimum, invictè demonstrat TRIUMPHUS: cujus probationes ad duo capita breviter, quantum sufficit ad Refutationem præsentem, reducemus; quorum unum est in æternitate, alterum in tempore.

XXVIII. Primum caput in æternitate est Decretum Dei discretivum, seu propositum, quo Deus independentè ab omni præscientia decrevit dare uni actum fidei, alteri denegare. Non dico dare uni gloriam, quia (ut notat TRIUMPHUS Opusc. 1. cap. 2. art. 4. in Appendice ad s. 6. De causa Prædestinationis) propositum discretivum dandi gloriam sine prævisione meritorum non proponitur à S. AUGUSTINO tamquam fidei dogma, sed tamquam ex lumine naturæ, gratiæ, quam defendit S. AUGUSTINUS, consentaneum.

Ad evidentiam supradicti Decreti sciendum est, id quod facit Deus in tempore, esse ab æterno efficaciter prævolitum, & certò præscitum. Sicut in tempore duo sunt principia actus fidei, gratia, & liberum arbitrium; ita ab æterno duo sunt principia actus fidei, prævolitio, & præscientia. Nullus Catholicus id negat: sed eadem est de principiis æternis, ac de temporalibus

difficultas: an scilicet sicut in principiis temporalibus unum est causa influendi alteri, vel enim gratia sive sit excitans, sive sit adjuvans est causa, cur liberum arbitrium hic & nunc influat in opus, vel liberum arbitrium est causa, cur gratia hic & nunc influat in opus: ita in æternis quæritur, an unum sit ratio alterius, ita ut, vel efficacia decreti oriatur ex certitudine alicujus præscientiæ? vel certitudo præscientiæ oriatur ex efficaciâ alicujus decreti? Primum decretum vocari potest *decretum ex omnipotentia efficax*; secundum dici potest *decretum ex præscientiâ efficax*.

XXIX. Quorum differentiam prosequitur TRIUMPHUS Opusc. 1. cap. 1. art. 2. & appolito ex moralibus exemplo declarat num. 27. his verbis: Si à Prælato habente totum Capitulum sibi perfectè subiectum, ita ut nihil agat, nisi ad nutum Prælati, requiratur aliquid expediendum per suum Capitulum; ipse statim potest efficaciter promittere, se illud facturum; & si quærat ratio, quare promissio Prælati sit efficax? statim se offert responsio, quia potens est facere quod promittit, ita ut potestas illa, quam scit se habere supra Capitulum sibi perfectè subiectum, sit prima radix efficacix promissionis. Econtra si à Prælato non habente Capitulum suum sibi subiectum, ex eo quòd quilibet capitularis se dirigat secundum suum beneplacitum, requiratur aliquid expediendum per suum Capitulum, ipse non potest statim illud efficaciter promittere: sed debet prius explorare voluntates capitularium, & sic præsciens voluntates suorum capitularium promittit efficaciter se illud facturum; si quærat ratio, quare promissio Prælati prædicti sit efficax? non potest responderi, quia potens est facere quod promittit; sed debet responderi, quia quæ præscivit potens est promittere: non enim promittit ex plenitudine potestatis, quam habet supra suos capitulares; sed ex scientia explorantè eorum dispositionem.

XXX. Dux in genere tantummodo sunt sententiæ de gratiæ efficaciam, ut supra dictum est; una quæ dicit, gratiam esse sibi & libero arbitrio causam, cur hic & nunc influant in opus: Alia quæ dicit, liberum arbitrium esse sibi & gratiæ causam, cur hic & nunc influant in opus. In primâ sententiâ usus liberi arbitrii totaliter subijcitur gratiæ; unde ut Deus decernat efficaciter dare alicui actum fidei, sufficit quòd cognoscat se habere potestatem dandi talem gratiam, & eâ mediâ totaliter sibi subijciendi liberum arbitrium. Ex hac solâ simplicis intelligentiæ cognitione, nullâ præcedente & explorantè dispositionem liberi arbitrii præscientiâ, discernit dare uni actum fidei, alteri denegare. In hac ergo prima sententiâ Decretum discretivum, non habet suam efficaciam ratione alicujus præscientiæ, sed ex omnipotentis potestate.

In secundâ sententiâ usus gratiæ totaliter subditur libero arbitrio; unde ut Deus decernat efficaciter dare alicui actum fidei, debet prævidere dispositio-

nem liberi arbitrii, secundum quam in certis circumstantiis uteretur gratiâ, si illi daretur in dictis circumstantiis; in aliis autem non uteretur. Ex hac exploratione præscientiâ decernit efficaciter dare uni actum fidei, alteri denegare; vel ponere unum in circumstantiis, quibus prævidit liberum arbitrium usurum gratiâ; & alium non ponere. In hac ergo sententiâ decretum discretivum non ex omnipotenti potestate, sed ratione alicujus præscientiæ sortitur efficaciam.

Est ergo inter gratiam influentem & applicantem simul (id est, quæ ita influit in opus cum libero arbitrio ut sit ei causa influendi) & decretum ex omnipotentiâ (id est, non ratione alicujus præscientiæ habens efficaciam) mutua connexio; ut qui asserit prædictam gratiam, debeat quoque asserere decretum ex omnipotentiâ: & qui asserit decretum ex omnipotentiâ, debeat quoque asserere prædictam gratiam. Similiter est inter gratiam influentem, & applicatam (id est, quæ ita influit in opus cum libero arbitrio, ut hoc, sit gratiæ causa influendi) & decretum ex præscientiâ (id est, habens suam efficaciam ratione alicujus præscientiæ) mutua connexio; ut qui tenet prædictam gratiam, debeat quoque tenere decretum ex præscientiâ; & qui tenet decretum ex præscientiâ, debeat quoque tenere prædictam gratiam.

XXXI. Hinc concluditur, gratiam dari, quæ non solum influat in opus, sed insuper sit causa, cur liberum arbitrium hic & nunc influat, dogma esse gemini Ecclesiæ Solis manifestissimum, si uterque Ecclesiæ Sol manifestissime asseruerit, decretum discretivum dandi uni actum fidei, & alteri denegandi, non ratione alicujus præscientiæ fuisse efficax; sed ex plenitudine potestatis. En primum caput ad probandum gratiam intentam dari. Ad hoc caput deveniendum est ei, qui sincero corde quærit in gratia Augustiniana erudiri. Qui hoc caput fugiunt, & silent, eò ipso probantur à gemino Ecclesiæ Sole retrocedere, & aliâ linguâ loqui. Nam in meridie cæcutiunt, qui decretum ex omnipotentiâ efficax, esse dogma gemini Ecclesiæ Solis manifestissimum, non agnoscunt.

Hoc invictè probat TRIUMPHUS Opusc. 1. cap. 1. art. 2. Et ex conflictu S. AUGUSTINI cum suis Impugnatoribus clarissime ostendit s. 5. 6. & 7. Nam decretum ex omnipotentiâ efficax, est decretum præveniens omnes humanas voluntates, quod Impugnatores S. AUGUSTINI non discerni à fato Gentilium exproabant; quod liberum extinguere arbitrium eis videbatur: desperatorem in peccatoribus causare, ignaviam in Sanctis; frustaneas reddere exhortationes, correptionesque inutiles, omnemque orationem extinguere. Quis nonnisi insipiens dicat, ea omnia militare contra Decretum ex præscientiâ efficax? Consule TRIUMPHUM, & de *Defensore gratiæ versatilis* agnoscas triumphantem. Ad doctrinam in eo traditam obmutuit? Unde, quæso, nisi fulgidissimâ illius luce convictus?

XXXII. Alterum in tempore caput, quo probatur, gratiam intentam manifestissimum esse gemini Ecclesiæ Solis dogma, est constans utriusque Solis doctrina, quæ docent, aliquid esse donum datum misericorditer credenti, & non credenti iuste denegatum: de quo cap. ultimo plura. Sufficit ad intentam gratiam probandam, quod donum proprium credenti discernens eum à non credente, debet esse conjunctum inseparabiliter actui fidei, quia solo actu fidei discernitur credens à non credente; & cum donum proprium credenti sit causa actus fidei, necesse est ut sit auxilium aliquod inferens actum fidei, ab ipso actu fidei inseparabile; Talis autem est gratia, quæ ita influit in opus; ut sit etiam causa, cur hic & nunc liberum arbitrium influat; hæc siquidem infert opus, & ab eo non separatur; cum de ratione illius sit facere, ut liberum arbitrium hic & nunc influat. Hæc igitur propria est credentibus gratia, quæ uni misericorditer datur, & alteri iuste denegatur. Econtra gratia, cui liberum arbitrium est causa hic & nunc influendi, potest credenti & non credenti dari, & à credentis libero arbitrio accipere, quod hic & nunc influat; ab arbitrio autem non credentis accipere, quod non influat hic & nunc. Ipsa igitur non potest esse illud donum, quod uni datur misericorditer, alteri iuste denegatur.

XXXIII. Confirmatur primò. Quod maximè facessit difficultatem in negotio discretionis, est carentia alicujus auxilii necessarij ad actum v. g. fidei. Urgent hoc semper Molinistæ, injustam unius præ alio esse increpationem, si uni & non alteri defuerit aliquid ad credendum necessarium. Unde & *Defensor* non aliter injustam, ait num. 548. esse excusationem Judæorum, nisi quia nullo caruerunt medio necessario ad credendum, eò quod habuerint gratiam sufficientem nullo ulteriori auxilio indigentem. Est ergò manifestum, quod gratia, cui liberum arbitrium est causa hic & nunc influendi, non possit esse gratia, quæ uni datur, alteri denegatur; alioqui ille cui denegaretur prædicta gratia, careret medio necessario ad credendum: quod reputant summum inconueniens.

Confirmatur secundò. Certum est, S. AUGUSTINUM duplex distinxisse gratiæ auxilium, unum *sine quo non* fit actus, alterum *quo fit* actus. *Auxilium quo fit* actus, est ab actu inseparabile; nam si ab eo separaretur, non eo fieret actus. Gratia, cui liberum arbitrium est causa hic & nunc influendi, est ab actu separabilis: non enim influet, si liberum arbitrium fuerit ei causa non influendi. Ergo ista gratia non est *auxilium quo fit* actus, sed tantum *auxilium sine quo non*. Oportet igitur ut alia detur gratia, quæ sit juxta S. AUGUSTINUM *auxilium quo*. Hanc autem non inuenies præter illam, quæ ita influit in opus, ut sit causa, cur liberum arbitrium hic & nunc influat. Ista est gratia per quam (ait S. AUGUSTINUS in TRIUMPHO THOMISTARUM Opusc. I. Num. 25.) *Voluntas indeclinabi-*

liter & insuperabiliter agitur : Per quam voluntas inclinatur à Deo, quò ipse voluerit, & quando voluerit ; ita ut volenti Deum factum facere nullum hominis resistat arbitrium ; nulla voluntas divinam impediat voluntatem, vel superet potestatem : Per quam nemo venit ad Christum, nisi cui illa gratia datur ; at omnis cui datur, venit : Per quam voluntas Dei semper iusta, facit nos bonum invictissime velle, & hoc deferere invictissime nolle ; Per quam non solum homines perseverare possint, sed & non nisi perseverantes sint ; Per quam voluntates hominum Deus magis habeat in sua potestate, quàm ipsi suas.

XXXIV. Hæc est denique illa gratia, quæ secundum S. AUGUSTINUM de Prædest. Sanct. cap. 8. *Occultè humanis cordibus divinà largitate tribuitur ; à nullo duro corde resistitur, ideoque tribuitur ut cordis duritia primitus auferatur.* Quæ secundum fidelissimum ejus Discipulum Solem Angelicum. 2. 2. q. 24. a. 11. suam efficaciam habet ex virtute Spiritus Sancti, qui adeò infallibiliter operatur quodcumque voluerit, ut impossibile sit eum non moveri, quem ipse movere voluerit. Verba D. THOMÆ, aureo certè digna charactere, sunt hæc : *Triplex ergò possumus considerare charitatem. Uno modo ex parte Spiritus Sancti, moventis animam ad diligendum Deum : & ex hac parte charitas impeccabilitatem habet ex virtute Spiritus Sancti, qui infallibiliter operatur quodcumque voluerit. Unde impossibile est hæc duo simul esse vera, quòd Spiritus Sanctus velit aliquem movere ad actum charitatis, & quòd ipse charitatem amittat peccando. Nam dum perseverantia computatur inter beneficia Dei, quibus certissimè liberantur quicumque liberantur, ut August. dicit lib. de Prædest. Sancti. Habet TRIUMPHUS prædictum testimonium Opusc. 1. num. 176.*

XXXV. Judicet modò CORDATUS LECTOR, judicet quilibet veritatis amator, an ista prædicata gratiæ à gemino Ecclesiæ Sole assertæ, quadrent gratiæ versatili à Molinistis defensione. Hæc enim gratia talis est cui, ut terminis Lessii utar, liberum arbitrium est pro nullo suo causa influendi, & causa non influendi ; Hæc est gratia, quàm ipse Molina dicit in nostra potestate esse, vel illam efficacem reddere consentiendo, & cooperando cum illa, vel inefficacem illam reddere continendo assensum & cooperationem nostram, aut etiam eliciendo gratiæ dissensum ; Hæc est illa gratia, quæ à suis Defensoribus habitibus virtutum comparatur, quibus pro innata nostra libertate utimur, licet non sine virtutum auxilio ; Hæc est denique illa gratia, cum quâ componi potest non actio, & dissensus.

Quis habens communem sensum unquam judicabit, gratiam cum quâ potest componi dissensus, esse illam gratiam, quâ juxta AUGUST. insuperabiliter & indeclinabiliter voluntas ad consensum agitur ? esse illam gratiam, per quam juxta D. THOM. Spiritus Sanctus ita movet voluntatem ad actum, ut impossibile sit eam non moveri ? Quis adeò hebes ut judicet, gratiam quæ pro innata libertate redditur, vel efficax, vel inefficax, esse illam gratiam, per quam voluntates hominum Deus magis habeat in sua potestate, quàm ipsi suas ?

esse illam gratiam, per quam omnis cui datur, ad Christum veniat? Quis tantillo utens discursu, iudicabit, gratiam, quæ à libero arbitrio totam suam habet efficaciam quoad actuale influxum, esse illam gratiam, quæ à nullo duro corde respuitur, & ideo detur ut cordis duritia primitus auferatur? esse denique illam gratiam, per quam bonum invictissimè volumus, & hoc desistere invictissimè nolumus?

§. IV. *Vana sunt, quæ ex S. AUGUSTINO in defensionem gratiæ suæ versatilis adducit Defensor.*

XXXVI. **P**Rætermisiss duobus supradictis capitibus, ad quæ omnes de gratiæ efficaciam sententias reduci necesse est, & in quibus cuius sententiæ fuerit S. AUGUSTINUS statim elucescit, adducit Defensor §. 4. Scēt. 1. quædam S. Doctoris testimonia, ut probet quòd neque aliam AUGUSTINUS uspiam agnoscit in gratia, quæ voluntatem bonam prævenit, efficaciam, quàm moralem jam explicatam, id est, quæ secundum entitatem suam spectata, nullam habeat repugnantiam, ut pro libertate voluntatis ei resistentis, conjungatur cum negatione amoris, aut contrario actu odii. Sic eam explicuit n. 160.

Primò producit S. AUGUSTINUM dicentem: *Visorum suasionibus agit Deus ut velimus, & ut credamus: sive extrinsecus per Evangelicas exhortationes..... sive intrinsecus ubi nemo habet in potestate quòd ei veniat in mentem.* Ita lib. de spiritu & litera cap. 34. Ad quæ verba inquit Defensor, Quid visum, quid suasio, quid cogitatio occurrens menti aliud indicant, quàm moralem gratiæ excitantis efficaciam? hæc enim in voluntatem agunt non physice, sed moraliter.

Deinde ex eodem loco prosequitur: *His ergo modis quando agit Deus cum anima rationali ut ei credat (neque enim credere potest quolibet libero arbitrio, si nulla sit suasio, vel vocatio cui credat) profectò & ipsum velle credere Deus operatur in homine, & in omnibus misericordia ejus prævenit nos.* Quomodo? jam dixit: vocando scilicet & suadendo. Hæc utique efficientia moralis est, non physica, subjungit Defensor.

Tertiò ex libro 1. ad Simplic. q. 2. refert: *quia non præcedit voluntas bona vocationem, sed vocatio (non ait physica prædeterminatio) bonam voluntatem: propterea vocanti Deo (non dixit physice prædeterminanti) rectè tribuitur, quòd bene volumus, nobis verò tribui non potest quòd vocamur.*

Quartò ex eodem loco profert: *voluntas nisi aliquid occurrerit quòd deleat, atque invitet animum, moveri nullo modo potest.*

Quintò ex lib. 83. qq. quæst. 68. hæc citat: *quoniam nec velle quisquam potest, nisi admonitus & vocatus, sive intrinsecus, ubi nullus hominum videt; sive extrinsecus per sermonem sonantem, aut per aliqua signa visibilia, efficitur, ut etiam ipsum velle Deus operetur in nobis.*

XXXVII. Fatemur omnibus istis testimoniis agi de efficacia morali, quæ fit per vocationem & suasionem, non autem in illis (si locum ad Simplicianū exceperis, propter ea quæ s. 8. dicturi sumus) excludi efficientiam physicam, quæ fit per inspirationem bonæ voluntatis. Solutionem istam debet *Defensor* habere ratam. Nam n. 290. ait: *Quamvis enim nec inspiratio, quod falsum esse ostendi (sed fallit) phrasi Augustinianâ sub vocatione contineretur; nihilominus erroris damnari non posset nisi fuisse & temere hæc propositio: vocando facit ut velle nostrum sit suum, qui enim affirmat velle nostrum vocando suum efficere, non negat idem præstare inspirando.* Vocibus igitur suis confutetur *Defensor*, & ad omnia ista testimonia applicentur: S. AUGUSTINUS affirmat quidem velle nostrum sicut & credere, vocando, admonendo, suadendo suum efficere, non tamen negat idem præstare inspirando, id est; prædeterminando.

XXXVIII. Ut veritas ista *Defensori*, omnibusque sit manifesta, recolendum est, quòd voluntas non fertur in bonum, nisi hic & nunc apprehendatur ut conveniens; ita D. THOMAS in TRIUMPHO relatus Opusc. 1. n. 166. *Objectum enim movens voluntatem, est bonum conveniens-apprehensum. Unde si aliquid bonum proponatur in ratione boni, non autem in ratione convenientis, non movebit voluntatem.* Ista apprehensio quâ judicatur aliquod bonum hic & nunc esse conveniens, & quidquid eam aliquomodo causat nomine vocationis, & suasionis à S. AUGUSTINO describitur, & intelligitur; quæ tamen nunquam practicè persuadet, id est nunquam influet in actum voluntatis particularem, nisi virtute alicujus amoris inspirati. Si enim voluntas non amaret quod sibi conveniens est, nunquam moveret se, aut moveretur ad amandum aliquid particulare, quia judicaretur hic & nunc esse conveniens. v. g. si voluntas non amet delectabile, nullus persuadebit voluntatem ad amandum aliquid hic & nunc occurrens, quia suaderetur esse hic & nunc delectabile. Similiter si voluntas non amet justitiam, nullus eam persuadebit ad amandum præcepti impletionem hic & nunc occurrentem, quia suaderetur esse hic & nunc justitiæ conveniens. Sed si quis voluerit hoc, non amanti justitiam, persuadere, oportet ut sub alia ratione quæ amatur, id proponat. v. g. ille qui non amat justitiam, amabit vitam & integritatem sui esse; qui suaserit illi impletionem præcepti hic & nunc occurrentem sub ratione amissionis vitæ, integritatis sui esse, persuadebit quidem, sed in virtute amoris vitæ, & integritatis sui esse; & ille qui sic persuasus fuerit, implebit præceptum hic & nunc occurrens, non amore justitiæ, sed amore vitæ, & timore eam amittendi, aut amore integritatis sui esse, & timore patiendi pœnam.

XXXIX. Quare manifestum est, motionem moralem ex parte objecti, sive quod idem est, ex parte vocationis & suasionis, semper exigere aliam physicam ex parte voluntatis agentis, ut sit cum effectu, & ita suadeat, quod persuada-

persuadeat. Nullus ergò admonitus & vocatus, quantumcumque congrua fuerit suasio, unquam credet, si Deus non tetigerit prius voluntatem pia aliqua affectione iustitiæ hic & nunc occurrentis; ratione cuius ipse actus credendi dicitur inspiratus. Unde actus credendi Deo tribuitur duplici titulo, & ratione vocationis, & ratione bonæ inspirationis. S. AUGUSTINUS ante Episcopatum actum credendi solummodo tribuebat Deo ratione vocationis, quem errorem initio sui Episcopatus speciali revelatione didicit, eumque refutans in q. 2. ad Simplicianum verba citata profert secundum illum errorem, ut s. 8. invictè contra *Defensorem* probabitur. In aliis libris quos S. Doctor postmodum elaboravit, dum meminit solius vocationis, semper intelligendus est de vocatione conjuncta, vel potius innixa bonæ inspirationi.

XL. Inspiratio autem amoris, seu bonæ volitionis, non est nisi quædam voluntatis ad amandum, seu volendum salubriter bonum, physica prædeterminatio. Nam inspiratio amoris est ipsum auxilium quo fit amor; est illa gratiæ motio, per quam voluntas indeclinabiliter & insuperabiliter amat, secundum S. AUGUSTINUM; per quam voluntas ita movetur ad amandum, ut impossibile sit ei non amare, secundum S. THOMAM; omnis qui habet illam, amat, & qui non habet, non amat. Quibus omnibus exprimitur quoddam auxilium inferens amorem, & ab amore inseparabile. Tale auxilium, talem amoris, aut bonæ volitionis inspirationem, debent admittere Molinistæ, si voluerint gemino Ecclesiæ Soli consentire. Non contendamus verbis. Reim ipsam perpendamus. Per GRATIAM PHYSICÈ PRÆDETERMINANTEM, nihil aliud intelligunt Solis Angelici Discipuli, quàm aliquod auxilium essentialiter inferens actum; quàm inspirationem essentialiter inferentem amorem.

XLI. Judicet modò Cordatus, annon verissimè subsumatur: Atqui auxilium quo fit actus, ab AUGUSTINO admissum, est auxilium essentialiter inferens actum: siquidem est tale, ut eo habito continuè fiat actus propter quem datur, sicut beatitudine continuè quis fit beatus: ergò auxilium quo fit actus ab AUGUSTINO admissum, est GRATIA PHYSICÈ PRÆDETERMINANS.

Atqui gratia, per quam voluntas indeclinabiliter, & insuperabiliter agitur secundum S. AUGUSTINUM, est auxilium essentialiter inferens actum; si enim posset componi non actio cum istâ gratiâ, non ab eâ indeclinabiliter, & insuperabiliter ageretur voluntas: ergò gratia per quam voluntas indeclinabiliter, & insuperabiliter agitur secundum S. AUGUSTINUM, est GRATIA PHYSICÈ PRÆDETERMINANS.

Atqui gratia, per quam ita movetur voluntas secundum S. THOMAM, ut impossibile sit eam non moveri, est auxilium essentialiter inferens actum; si enim cum illâ gratiâ posset componi non actio, posset voluntas non moveri: ergò gratia, per quam ita movetur voluntas secundum S. THOMAM, ut impossibile

fit eam non moveri, est GRATIA PHYSICÈ PRÆDETERMINANS.

Atqui inspiratio ad amorem, quam juxta AUGUST. omnis qui habet, amat, & qui non habet, non amat, est auxilium essentialiter inferens amorem, ut patet: ergo inspiratio ista Augustiniana, est GRATIA PHYSICÈ PRÆDETERMINANS.

XLII. Contraria juxta se posita magis elucescunt. Consideremus inspirationem Molinianam. Consistit hæc in quibusdam actibus indeliberatis quos Deus physicè producit in intellectu, & in voluntate, quibus formaliter hæc potentia excitantur v. g. ad amorem, ita tamen ut voluntas pro nutu suo possit cum illis conjungere, vel amorem, vel odium. Quis illicò non obstupescat, auxilium cum quo potest conjungi odium dici inspiratio amoris? Quidquid de hoc sit, certum est inspirationem Molinianam, cui potest conjungi odium, non inferre essentialiter amorem.

Judicet modò Cordatus an non legitime inferatur? ergo inspiratio Moliniana non est auxilium quo fit actus; ergo inspiratio Moliniana non est illa gratia per quam secundum S. AUGUSTINUM voluntas indeclinabiliter & insuperabiliter agitur: ergo inspiratio Moliniana non est illa motio per quam secundum S. THOMAM ita movetur voluntas, ut impossibile sit eam non moveri: ergo inspiratio Moliniana non est illa inspiratio, quam omnis qui habet, amat, & qui non habet non amat: ergo uno verbo inspiratio Moliniana, non est inspiratio Augustiniana.

Quidquid igitur verbis Molinistæ dixerint, si rem ipsam attentè ponderemus, inspiratio gratiæ prævenientis non excedit adjutorium legis, utrumque in amorem moraliter influit, nec actus illi indeliberati ullum in amorem habent influxum, quem lex non habeat. Ipsa etiam lex non minus est opus Dei, quàm actus illi indeliberati: & si ordinetur ad vitam æternam, erit æquè supernaturalis, ac prædicti actus indeliberati. Quid ergo legi deerat ut actus ex inspiratione legis supernaturalis factus, diceretur fieri ex inspiratione gratiæ prævenientis, si gratia præveniens non aliter influat in amorem, quàm lex supernaturalis. Imò potentius influit lex, quàm inspiratio Moliniana; non enim solum suadet, & promissis allicit ac invitat, sed & præceptis jubet, & poenis cogit. Sufficiebat ergo inspiratio legis ad inspirationem Molinianam.

XLIII. Vanum modò ostenditur, quod intendit *Defensor*, nempe excludi à S. AUGUSTINO GRATIAM PRÆDETERMINANTEM, dum solummodò meminit gratiæ excitantis & adjuvantis; utraque siquidem gratia, est prædeterminans; excitans prædeterminat ad volendum independenter à consilio & actu præcedente: ac proinde ad actum qui solum est elicitive, & non applicative liber. Adjuvans prædeterminat ad actum ex vi voluntatis præcedentis; & consequenter ad actum, qui est elicitive, & applicative liber v. g. dum homo in materia fornicat.

tionis abstrahitur & illicitur à concupiscentiâ suâ, Deus excitat eum, prædeterminando illum ad amorem justitiæ hic & nunc occurrentis, id est, ad amorem præcepti de non fornicando, & vi istius amoris, adjuvat eum Deus, prædeterminando illum ulterius ad recedendum hic & nunc ab hoc fornicationis actu.

At potiori jure per gratiam excitantem, & adjuvantem S. AUGUSTINI apertissimè excluditur omnis gratia Moliniana. Nam nō aliam excitantem, & adjuvantem agnoscit Sol Ecclesiæ gratiam, quam illam quæ essentialiter infert actum, propter quem immediatè datur. Unde utraque gratia est auxilium quo fit actus; per utramque voluntas indeclinabiliter & insuperabiliter agitur; per utramque ita movetur voluntas, ut impossibile sit eam non moveri: utramque omnis qui habet, elicit actus propter quos immediatè dantur, & qui non habet, non elicit. Cum ergo gratia Moliniana nulla à parte rei talis sit, ut nuper expendimus: sequitur manifestè per gratiam Augustinianam omnem excludi Molinianam.

XLIV. Quæ *Defensor* n. 172. de congruitate gratiæ, & vocationis assert ex S. AUGUSTINO plenissimè solvit TRIUMPHUS Opusc. 1. cap. 2. a. 4. paragrapho primo ad id specialiter destinato. Nihil horum meminit, quia veritatem non quærit. Gloriantur Solis Angelici Discipuli in refutationibus difficultatum, quæ ab Adversariis opponuntur; non fugiunt eas, sed cum gaudio excipiunt; quia sciunt, & continuo experiuntur, solutionibus illarum adversarios magis confundi, & Doctrinam Anglicam firmiùs stabiliri. Econtra fugit *Defensor* argumenta nostra, fugit solutiones, fugit explicationes, quia certè novit, inanes omnes fore conatus suos, si nudè & simpliciter ea omnia referret. Audeo dicere, quòd nihil unquam afferet *Defensor*, quòd TRIUMPHUS non diluat: non ergo ante victoriam cecinit concordia nostra TRIUMPHUM.

XLV. Superest locus ex tract. 26. in caput 6. Joannis, ubi explicans hæc Christi verba: *Nemo potest venire ad me, nisi Pater, qui misit me, traxerit eum*, ait: *Trahit sua quemque voluntas: non necessitas, sed voluntas: non obligatio, sed delectatio: quanto fortius nos dicere debemus, trahi hominem ad Christum, qui delectatur beatitudine, delectatur justitiâ, delectatur sempiternâ vitâ, quod totum Christus est.* An non hæc apertè demonstrant, ait *Defensor*, tractionem istam non fieri physicâ voluntatis prædeterminatione; sed ejus excitatione, sed invitatione, sed delectatione, ut ovem trahit ramus viridis, ut puerum nux demonstrata.

Tollamus fucum. Quæro à *Defensore*, an excitatio, invitatio, delectatio, sit causa, cur liberum arbitrium hic & nunc influat? An verò liberum arbitrium sit causa, cur excitatio, invitatio, delectatio, influat? Si asserat delectationem esse causam, cur liberum arbitrium hic & nunc influat, non verò liberum arbitrium esse causam, cur delectatio influat, VICTRICEM & PRÆDETERMINANTEM fatetur DELECTATIONEM, quod sufficit nobis. Si verò putet delectationem non

inferre essentialiter actum, ita ut possit cum eâ componi non actus, victri-
cem & prædeterminantem repudiat delectationem; sed apertè contradicit
S. AUGUSTINO, qui lib. de Prædest. SS. cap. 8. tractionem istam sic explicat :
*Ergo trahi à Patre ad Christum; & audire ac discere à Patre, ut veniat ad Christum, nihil
aliud est, quam donum accipere à Patre, quo credas in Christum. Donum quo quis credit,
est auxilium quo fit actus, ab ipso actu inseparabile; quicumque habet illud
donum, credit, & qui non habet, non credit. Et ideò subdit S. Doctor :
Neque enim audientes Evangelium à non audientibus; sed credentes à non credentibus discer-
nebat, qui dicebat, Nemo venit ad me, nisi fuerit ei datum à Patre meo (id est) nisi ac-
ceperit à Patre auxilium quo credat, quòd omnibus non datur. Unde conclu-
dit : Fides igitur & inchoata, & perfecta, donum Dei est; & hoc donum quibuscumque dari, qui-
busdam non dari omnino non dubitet, qui non vult manifestissimis sacris litteris repu-
gnare.*

Admittant Molinistæ gratias prævenientes; admittant illustrationes, inspi-
rationes, complacentias, desideria divinitus immissa, quibus fucum faciunt
imperitis: semper longè distabunt à gratiâ Augustiniana, usque dum admise-
rint auxilium quoddam inferens, essentialiter actum, non omnibus datum. Tale auxilium
dicimus esse prædeterminationem physicam; si nomen Molinistis displiceat,
relinquant nomen, & accipiant rem.

S. V. *Non minùs vana sunt, quæ ex Concilio Tridentino, &
gemino Ecclesiæ Sole refert, ut probet GRATIAM PHYSICÈ
PRÆDETERMINANTEM eis repugnare.*

XLVI. **N**ESCIO quomodo non pudeat Defensorem adhuc uti Concilio Tri-
dentino CONTRA GRATIAM PHYSICÈ PRÆDETERMINANTEM; cum ita
manifestè ostendat TRIUMPHUS THOMISTARUM cap. 2. a. 2. §. 8. summam esse, Cõ-
cilii Tridentini, & GRATIÆ PRÆDETERMINANTIS concordiam; imò ita efficaci-
ter argumento ad hominem facto redarguit Molinistas, ut invictè demonstret,
GRATIAM PHYSICÈ PRÆDETERMINANTEM non tollere libertatem, fuisse à Con-
cilio definitum. Argumentum est huiusmodi: Molinistæ semper obtrudunt
GRATIAM PHYSICÈ PRÆDETERMINANTEM esse illam gratiam, quã docuit Calvinus:
ergò dum Calvinus dicit, liberum arbitrium motum à Deo non potest dis-
sentire, idem est ac si dixisset, liberum arbitrium physicè prædeterminatum
à Deo non potest dissentire. Ex quò apertè sequitur, quod Concilium dam-
nans ad sensum Calvinii istam propositionem, *liberum arbitrium motum à Deo non
potest dissentire*, damnavit & istam, *liberum arbitrium physicè prædeterminatum à Deo
non potest dissentire*. Si hæc propositio fuerit à Concilio damnata, ergò contradi-
ctoria illius est vera, & definita, videlicet, *liberum arbitrium physicè prædetermi-*

natum à Deo potest dissentire. Est igitur verum & definitum à Concilio, GRATIAM PHYSICÈ PRÆDETERMINANTEM non tollere potentiam dissentiendi; nec consequenter libertatem. Tacet *Defensor* ista omnia, quæ fusiùs habentur, & confirmantur in TRIUMPHO loco citato §. 9. Ubi etiam §. ult. adducitur corollarium à nullo Molinistâ huc usque infirmatum, nec unquam infirmandum, in quo facillimè colliget quilibet parùm Cordatus, hæc duo non posse subsistere, quæ Molinistæ asserunt; videlicet, *Scientiam Mediam esse necessariam ad conciliandam libertatem cum divinâ Providentiâ; & eâ nihilominus non fuisse usos Patres Concilii Tridentini, ceterosque Patres, tum in aliis Conciliis Arausicano, & Milevitano, tum in suis tractatibus posteritati traditis ad prædictam conciliationem.* Hæc inquam duo, necessitatem Scientiæ Mediæ, & tamen Patres eam non adhibuisse ad conciliandam libertatem, moraliter implicare, luculentissimè ostendit TRIUMPHUS, & concludit dicens: *Concludamus igitur cum Magistro Luna, & quolibet Cordato, satius esse cum S. AUGUSTINO, cum Sanctis Patribus, cum totâ Ecclesiâ in Concilio congregatâ, Scientiam Mediam ignorare, vel eâ non uti ad conciliandam libertatem cum divinâ Providentiâ, quàm cum totâ Molinistarum turbâ, eam tenere, vel ad prædictam conciliationem eam adhibere. Nam hoc solo titulo SCIENTIA MEDIA EST AB OMNI CORDATO THEOLOGO EXPLODENDA, QUOD EÂ NON FUERIT USUS S. AUGUSTINUS.*

XLVII. Quid novi obtrudit *Defensor*? ait num. 182. „ Ne autem sub gratia excitante existimes occulte latitare gratiam prædeterminantem; addit excitationem hanc fieri per illuminationem, inspirationemque Spiritus Sancti, quarum vis est invitare, allicere, inclinare, non physicè voluntatem prædeterminare.

Non parùm hîc hallucinatur *Defensor*, dum non distinguit inter illuminationem legis, & illuminationem Spiritus Sancti, ejusque inspirationem. Illuminatio legis invitat, & allicit ex parte objecti, potestque cum illâ componi dissensus. At illuminatio, & inspiratio Spiritus Sancti infert essentialiter consensum: de illâ etenim scriptum est, *Omnis qui audit à Patre, & didicit, venit ad me.* Joan. 6. Absit ergò, inquit S. August. cap. 8. de prædest. SS. *Vt quisquam non veniat, qui à Patre audit & didicit.* Non igitur cum illuminatione Spiritus Sancti componitur dissensus. Si contrâ hoc reclamet *Defensor* per illa verba, quippe qui istam & abicere potest, quæ vim omnem prædeterminativam (ait) omninò proferunt. Quomodo enim abici potest, si voluntatem physicè prædeterminaret? si actum illius irresistibiliter inferret? si essentialem haberet cum eo connexionem?

Sciat se reclamare contrâ S. August. qui eam fatetur Christi gratiam, quâ voluntas humana indeclinabiliter & insuperabiliter agitur. Quid minùs habent *ly indeclinabiliter, & ly insuperabiliter*, quàm *ly irresistibiliter*? si gratia, quæ movet liberum arbitrium irresistibiliter, contrariatur Concilio Tridentino: ergò gratia S. August. contrariatur Concilio, quia ipsa INDECLINABILITER & INSUPERABILI-

LITER movet arbitrium; imò si vis & irresistibiliter, cum & S. Doctor etiam dicat, quòd Deo volenti saluum facere, humanæ voluntates non possunt resistere, ut retulimus §. 3.

Sciat se reclamare contrà S. THOMAM, qui Opusc. 1. n. 176. relatus ait, quòd si Deus movet voluntatem ad aliquid, impossibile est huic positioni quòd voluntas non moveatur. Qui iterum docet, quòd impossibile est hæc duo simul esse vera, quòd Spiritus Sanctus velit aliquem movere ad actum charitatis, & quòd ipse charitatem amittat peccando. Habet igitur motio gratiæ essentialem cum actu connexionem. Si gratia habens essentialem cum actu connexionem contrariatur Tridentino, ergò & gratia, quam defendit S. THOMAS.

Si hesteria Ludovici Molinæ commenta (ut ait Mariana Jesuita) non sequuti fuissent Molinistæ, potius conclusissent in hunc modum: Gratia, quæ defenditur à gemino Ecclesiæ Sole, non contrariatur Concilio Tridentino, sed gratia irresistibiliter movens arbitrium, & habens cum actu essentialem connexionem est gratia, quæ ab illis defenditur: ergò gratia irresistibiliter movens arbitrium, & habens cum actu essentialem connexionem, qualis est GRATIA PHYSICÈ PRÆDETERMINANS, non contrariatur Concilio Tridentino.

Quomodo igitur potest abjici? potest abjici non per separationem gratiæ ab actu, sed per abjectionem actus ex positione actus contrarii. Eo prorsus modo quo potest abjici actus, potest & abjici GRATIA PHYSICÈ PRÆDETERMINANS. Potest abjici actus per positionem contrarii in sensu diviso, non in sensu composito. Ita potest abjici gratia physicè prædeterminans per positionem actus contrarii in sensu diviso, non in sensu composito. Quam explicationem latè deducit TRIUMPHUS locis citatis. Videatur etiam THEOLOGUS LOVANIENSIS, qui in præclarâ suâ de Prædeterminatione physicâ disputatione, quam Bruxellis cum Privilegio Regio nuperrimè edidit, omnem difficultatem clarissimè, & brevissimè evacuat ex doctrinâ TRIUMPHI THOMISTARUM.

XLVIII. Adducit n. 191. testimonium S. AUGUSTINI, ex Sermon. 13. de verbis Apostoli, quo probare solent gemini Solis Discipuli efficaciam gratiæ. Tractat S. Doctor sermone citato locum Apostoli ad Rom. 8. *Quotquot enim spiritu Dei aguntur, hi sunt filii Dei.* Objicit S. AUGUSTINUS, ergò agimur, & non agimus. Respondet cap. 11. *Imò & agis, & ageris, & tunc bene agis, si à bono ageris: spiritus enim Dei qui te agit, agentiliter adiutor est. Ipsum nomen adiutoris præscribit tibi quia & tu ipse aliquid agis. Agnosce quid possas; agnosce quid confitearis, quando dicis: Adiutor meus esto, ne derelinqua me. Adiutorē tuique invocas Deum. Nemo adiuvatur, si ab illo nihil agatur.*

Quinies nomen adiutoris tribuit Deo, subdit Defensor, ne fœmel quidem prædeterminantis, & superaddens sequentia: *Quotquot enim spiritu Dei aguntur, hi sunt filii Dei, non litterà, sed spiritu: non lege præcipiente, minante, promittente; sed spiritali exhortante, illuminante, & adiuvante.* Quam velles (ait) addidisset, prædeterminante.

Si sciret *Defensor* donum Dei (id est) sensum S. AUGUSTINI, non expostularet, & votis nostris tribueret additionem spiritus prædeterminantis. Nam eò ipso ò fulgentissimus Ecclesiæ Sol distinguit spiritum adjuvantem à lege præcipientem, minantem, & promittentem, cum prædeterminantem physicè agnoscit. Tenim sub lege præcipientem, minantem, & promittentem cadit motio moralis: parte objecti, quam solam tribuit *Defensor* n. 160. gratiæ prævenienti, & determinanti. Distinguit autem eam S. AUGUSTINUS à spiritu adjuvante, quem ltrà requirit: quòd certè non faceret, si præter motionem moralem ex parte objecti, aliam physicam non agnosceret ex parte spiritus exhortantis, illuminantis, & adjuvantis, Qui agitur, sine dubio determinatur, & qui agitur ut agat, non solum determinatur, sed & prædeterminatur, priùs enim agitur, quàm agat; Agitur autem non solum lege (id est moraliter) sed & spiritu agitur (id est physicè) ergò & physicè prædeterminatur, qui à spiritu agitur ut agat.

Nec solum (quòd cautè observet Cordatus) à spiritu adjuvante physicè agitur, sed etiam à spiritu exhortante, & illuminante physicè agitur: siquidem non solum adjuvantem, sed & spiritum exhortantem, & illuminantem à lege distinguit: quæ tamen promissionibus exhortatur, & præceptis illuminat. Unde ista distinctio? nisi quia non omnes qui audiunt legem, ita discunt & illuminantur, ut ament, & faciant; omnes verò qui recipiunt spiritum, ita discunt quòd ament, & faciant. Inter spiritum exhortantem, & opus, est essentialis, & necessaria connexio; at inter legem exhortantem & opus, nulla est essentialis, & necessaria connexio. Siquidem potest cum lege exhortante, & illuminante conjungi non actus, & actus oppositus.

Hoc est, quòd docet S. AUGUSTINUS lib. de Prædest. Sanct. cap. 8. „ Quid est, „ omnis qui audit à Patre, & didicit, venit ad me, nisi, nullus est qui au- „ diat & discat à Patre, & non veniat ad me? si enim, omnis qui audit à Pa- „ tre & didicit, venit; profectò omnis qui non venit, non audit à Patre, nec „ didicit, nam si audisset & didicisset, veniret. Neque enim ullus audit ac di- „ dicit, & non venit; sed omnis (ut ait veritas) qui audit à Patre, & didicit, „ venit. Est ergò essentialis quædam connexio inter ipsum venire, & audire à Patre, ac discere: siquidem nullus venit, qui non audit, nec didicit: & omnis qui audit, ac didicit, venit.

XLIX. Hinc manifestum est intelligentibus phrasim Augustinianam, cum qui agitur gratiâ præveniente Molinistarum, magis agi lege præcipientem, & promittentem: quàm spiritu exhortante, & illuminante. Nam, ut vidimus, spiritus exhortans, & illuminans, prout distinguitur à lege exhortante, & illuminante, infert essentialiter actum, ad quem exhortatur, & illuminat; non autem lex. Cum ergò gratia præveniens Molinistarum non inferat essentialiter actum, ad quem excitat; siquidem, ut *Defensor* n. 160. dicit, secundum suam emi-

ratem spectata, nullam habet repugnantiam ut pro libertate voluntatis ei resistentis conjungatur cum negatione amoris, aut contrario actu odii; magis assimilabitur legi exhortanti, & illuminanti: quàm spiritui exhortanti, & illuminanti.

Quare non immeritò dixi, si *Defensor* sciret donum Dei, id est, sensum S. AUGUSTINI, nunquam ulus fuisset insigni illo S. AUGUSTINI testimonio; quo apertè convincuntur Molinistæ, quidquid verbis dixerint, solum fateri adjutorium legis, non verò perfectam Christi gratiam, quæ est adjutorium spiritus. Insonent buccis gratiam excitantem, & prævenientem, si res examinetur in fundo, non nisi quædam legis excitatio, & quoddam legis adjutorium à parte rei invenietur. De quâ gratiâ verè *Molina* dixit, quòd si ad illam attenderet S. AUGUSTINUS sub quâdam quasi caligine constitutus, non tot turbasset fideles, nec tot ad Pelagianos defecissent. Nam tota radixurbationis fuit illa gratia præveniens, quam omnis qui accipit, credit; & qui non credit, non accipit. Usque dum tale aliquid præveniens, & habens essentialem connexionem cum actu quem caulat, fateantur Adversarii, nunquam eorum gratia præveniens excedet legis adjutorium.

Verba sonant, spiritum non conferunt: Pulchriter dicunt, cor non accendunt: litteras tradunt, sensum non aperiunt: mysteria proferunt, signatorum non resonant intellectum: mandata edicunt, ad perficiendum non juvant: viam ostendunt, ad ambulandum non confortant: foris tantum agunt, corda non instruunt, nec illuminant: exterius rigant, fecunditatem non donant: clamant verbis, auditui intelligentiam non tribuunt. Non ergò loquantur mihi Molinistæ, sed tu Domine Deus meus, æterna veritas, ne fortè moriar, & sine fructu efficiar, si fuero tantum foris admonitus, & intus non accensus: ne sit mihi ad judicium, verbum auditum, & non factum: cognitum, nec amatum; creditum, & non servatum. Quòd certè fieret Deus meus, si solum lex tua, & quæcumque alia motio moralis, non verò spiritus tuus exhortaretur cor meum, illudque illuminaret, & adjuvaret.

L. Quæ denique §. 6. ex Sole Angelico adducit, non aliud probant, quàm voluntatem seipsam determinare, & habere sui actus dominium: quòd ambabus ulnis amplectimur. Si inferat: ergò à Deo non prædeterminatur. Negabit consequ. Sol Angelicus dicens: *Manifestum est, quòd cum aliquis movet alterum, non ex hoc ipso quòd est movens, ponitur quòd sit primum movens. Unde non excluditur quin ab altero moveatur, & ab altero habeat similiter hoc ipsum, quòd movet. Similiter cum aliquid movet seipsum, non excluditur, quin ab alio moveatur, à quo habet hoc ipsum, quòd seipsum movet.* quæst. 3. de malo a. 2. ad 4. sic refert TRIUMPHUS Opusc. l. n. 152. & subdit: ita & Molinistis dicimus, cum voluntas se determinat, non excluditur quin à Deo prædeterminetur, à quo habet hoc ipsum, quòd seipsam determinet.

Solum nota, quòd voluntas dupliciter se movet, & determinat, videlicet, *elicitive,*

elicitive, & *applicativè*. Dum se determinat *elicitive tantum*, tunc prædeterminatur à Deo prædeterminatione speciali: dum verò ex præcedente consilio & actu, *determinat se applicativè*, tunc prædeterminatur à Deo prædeterminatione universali. Consulte TRIUMPHUM Opusc. 1. cap. 2. art. 1. §. 3. & Opusc. 3. cap. ultimo. Item THEOLOGUM LOVANIENSEM.

Nec refert D. THOMAM subindè proferre voluntatem ab alio non determinari; ut contendit *Defensor* n. 195. Intelligitur ab alio ejusdem ordinis; siquidem particula exclusiva nunquam excludit essentialia, & necessariò connexa; est autem de ratione secundi determinantis, quòd ab alio alterius ordinis determinetur: vel intelligitur de prædeterminatione speciali, quâ voluntas secundum se spectata non indiget circa particularia bona, ut explicat TRIUMPHUS Opusc. 1. n. 77.

LI. Falsò sibi in patronos advocat Capreolum, Ferrariensem, Caietanum, Josephum de Vita. Vide eruditissimos Patres P. FASSEAU, & AMICUM nostrum in eorum Opusculis. Josephum de Vita refutat TRIUMPHUS Opusc. 3. de Libertate cap. 5. §. 5. & 6. Inò quandoque ostendetur, eum communem Thomistarum tenere sententiam. Oportet tamen locum Ferrariensis explicare, quia diversus est ab aliis, quos refutant citati Magistri. *Defensor* sumpsit illum ex 4. Cont. Gent. cap. 22. Ubi explicans, quomodo à Spiritu Sancto agimur, ex mente D. THOMÆ dicit, nos liberè nihilominus agere, quia sic movemur à Spiritu Sancto, sic inclinamur ad agendum, ut tamen in potestate permaneat agere, vel non agere; agere hoc modo, aut illo. Id autem in potestate permanere, quia motio divini Spiritus non est ad unum determinativa, sed aliquàlitter dumtaxat inclinans. Quis non videt, ait *Defensor*, hæc gratiam prædeterminantem penitus destruere? Ego autem dico, quòd Cordatus omnis videat, hæc nihil prorsus adversari gratiæ prædeterminanti: cum enim hæc gratia determinet voluntatem ad unum, relinquendo potestatem ad oppositum, sic per eam inclinamur ad agendum, ut tamen in potestate permaneat agere, vel non agere; agere hoc modo, aut illo. Unde determinat ad unum solummodò ex parte actus secundi, & non ex parte actus primi: optimè ergò dicitur, quòd absolutè, & simpliciter non sit determinativa ad unum; quia determinatio ad unum simpliciter & absolutè, est determinatio ad unum ex parte actus primi; tollens propterea potestatem ad oppositum.

Hoc impedit *Defensorem*, ejusque socios à cognitione veritatis, quòd non velint concipere, cum aliquo inferente essentialiter actum, remanere potestatem ad oppositum. Quòd tamen concipere debent, si D. THOMAM negare noluerint. Ipse enim luculenter de verit. q. 23. a. 1. ad 3. docet, quòd *Quamvis non esse effectus divinæ voluntatis, non possit simul stare cum divinâ voluntate, tamen potentia deficiendi effectum, simul stat cum divinâ voluntate*. Concipiat igitur *Defensor*, quòd

quamvis non actus, seu actus oppositus non possit simul stare cum prædeterminatione physica ad actum; tamen potentia non agendi, aut agendi oppositum, simul stat cum prædeterminatione physica. Quia sicut subjungit D. THOMAS: *Non enim ista sunt impossibilia, Deus vult istum salvari, & iste potest damnari; sed ista sunt impossibilia, Deus vult istum salvari, & iste damnabitur*: Ita concipiat Defensor, quòd non ista sunt impossibilia, iste prædeterminatur ad amorem, & iste potest elicere odium, sed ista sunt impossibilia, Deus prædeterminat istum ad amorem, & iste eliciet odium. Consule TRIUMPHUM Opulc. 1. n. 140. & paragraphum qui ibid. sequitur: ibi plura absurda invenies, quæ deglutire debent Molinistæ, qui cum omnibus prærequisitis componunt non actionem.

§. VI. *Alia perstringuntur veritates Molinisticæ.*

LII. **P**aulò fusiùs immorati sumus cum Defensore in primâ Molinistarum veritate, quia, ut ipse notavit n. 207. ex illâ pleræque aliæ scaturiunt, quas hoc paragrapho breviter perstringemus.

Duas diximus esse sententias, ad quas omnes aliæ necessariò reducuntur. Prima asserit, quòd in actu, qui à libero arbitrio & gratiâ simul procedit, liberum arbitrium sit causa, cur gratia sive sit præveniens, sive adjuvans, hic & nunc influat; non verò gratia sit causa, cur liberum arbitrium hic & nunc influat. Secunda asserit directè oppositum, videlicet, quòd in actu, qui à libero arbitrio & gratiâ simul procedit, gratia est causa, cur liberum arbitrium hic & nunc influat; non verò liberum arbitrium est causa, cur gratia hic & nunc influat. Prima sententia est Molinistarum; secunda est gemini Ecclesiæ Solis, omniumque Cordatorum utriusque Solis discipulorum.

LIII. Ex primâ sententiâ STATIM SEQUITUR, *liberum arbitrium esse causam effectivam alicujus, cujus causa effectiva non est gratia*; liquidem est sibi causa, cur hic & nunc influat, quòd tamen effectivè non procedit à gratiâ. Quare si veritas Molinistica sit, gratiam non esse causam effectivam, cur liberum arbitrium hic & nunc influat, ut docet Lessius; veritas quoque trit Molinistica, aliquid esse à libero arbitrio, quòd non est effectivè ab auxilio gratiæ. Vide quæ supra dicta sunt.

LIV. SEQUITUR SECUNDÒ, *liberum arbitrium se habere ut dominum, gratiam verò ut pedissequam*; dominus enim in causando dicitur, qui est causa influendi alteri; & servus, seu pedissequus in causando dicitur, qui ab alio accipit, quòd influat. Sicut patet in duobus trahentibus nayem, quorum unus trahit ex motione, & imperio alterius; quamvis isti in potestate essent æquales, si tamen unus sua motione & imperio, est causa trahendi alteri, ipse erit in trahendo dominus; & ille qui non trahit nisi ex motione & imperio alterius,

erit in trahendo pedissequus. Cum ergò sit veritas Molinistica, quòd in actu, quem liberum arbitrium, & gratia simul efficiunt, liberum arbitrium est causa, cur hic & nunc gratia efficiat; non verò gratia est causa, cur liberum arbitrium hic & nunc efficiat; Veritas quoque erit Molinistica, liberum arbitrium se habere ut dominum, & gratiam ut pedissequam in-influendo.

Nec ab hâc veritate se expedient Molinistæ per gratiam suam prævenientem, quam toties reclamatione *Defensor*; quia etiam si ad raucedinem usque eam reclamaverit, semper dictâ illaqueatur veritate. Nam licet tempore antecesserit determinationem liberi arbitrii, semper tamen verificatur, in illo opere, quòd gratia præveniens moraliter influendo, & liberum arbitrium physicè influendo, simul efficiunt, liberum arbitrium esse causam, cur gratia præveniens hic & nunc influat: non verò gratiam prævenientem esse causam, cur liberum arbitrium physicè hic & nunc influat. v. g. actus fidei moraliter causatur à gratiâ præveniente, physicè etiam causatur à libero arbitrio; utrumque suo modo in actum fidei influit; quæritur utrum liberum arbitrium sit causa cur gratia præveniens hic & nunc influat? si affirmaveris, tui affirmant Molinistæ, facis liberum arbitrium in causando actum fidei, dominum, & gratiam in causando eundem actum, pedissequam.

Quam Molinisticam veritatem non colligimus, ut putat *Defensor* n. 209. ex eo quòd aliquid sit à libero arbitrio, quòd non sit effectivè à gratiâ, sed ex eo quòd in opere, gratiæ & libero arbitrio communi, liberum arbitrium est causa, cur gratia hic & nunc influat; & ita duas illas Molinistarum veritates, videlicet *aliquid esse à libero arbitrio, quòd non est effectivè à gratiâ, & gratiam esse pedissequam* non unam ex aliâ, sed utramque deducimus ex illâ primâ sententiâ à Molinistis assertâ *in actu qui est amorum, liberum arbitrium esse causam influendi gratiæ; non verò gratiam esse causam influendi arbitrio.*

LV. SEQUITUR TERTIÒ, *initium fidei, & primam radicem discretionis esse ex libero arbitrio.* Certum est quòd actus fidei, (quem dicimus initium fidei) est illud, quo formaliter discernitur credens à non credente, sicut albedo discernit formaliter album à non albo. Cum ergò in omni sententiâ actus fidei causetur à voluntate, & à gratiâ; sequitur apertè quòd in omni sententiâ, discretio credentis à non credente causetur à voluntate, & à gratiâ.

Hic in Triumpho Opusc. 1. cap. 1. art. 1. §. 3. diximus sistere Molinistas, quia quidquid docent de gratiâ præveniente, solum probant quòd gratia præveniens sit causa discretionis, cò quòd solum probent, gratiam prævenientem in actum fidei influere.

Mittamus securim ad radicem; & excidetur discretio Moliniana. Gratia præveniens, quæcumque illa sit, non discernit, antequam hic & nunc influat in actum fidei; sicut nulla causa discernit album à non albo, antequam actu

causet albedinem, ut de se notum est. Ergò quòd est causa, cur gratia præveniens hic & nunc influat in actum fidei, est etiam causa, cur gratia præveniens discernat; influendo discernit; ergò ab eo accipit quòd discernat, à quo accipit quòd hic & nunc influat. Veritas est Molinistica, quòd in actu fidei, qui à gratiâ præveniente, & libero arbitrio procedit, liberum arbitrium est causa, cur gratia præveniens hic & nunc influat, non verò gratia præveniens est causa, quòd liberum arbitrium hic & nunc influat; ergò veritas est etiam Molinistica, quòd liberum arbitrium sit causa, cur gratia discernat, non verò gratia sit causa, cur liberum arbitrium discernat. Hoc vocamus esse primam causam dilectionis, quando scilicet utrumque actu discernit, & unum est alteri causa, cur discernat.

Unde inaniter recurrit *Defensor* ad suam gratiam prævenientem determinationem liberi arbitrii. Nam hoc quod est, *esse sibi causam influendi*, dicimus esse determinationem liberi arbitrii, ita ut hoc totum quòd est, *liberum arbitrium esse causam, cur gratia & ipsum arbitrium hic & nunc influant*, vocemus nomine complexo determinationem arbitrii. Cum ergo liberum arbitrium sit causa, cur gratia præveniens hic & nunc influat, non verò accipiat à gratiâ præveniente, quòd hic & nunc influat, verissimè dicitur, determinationem liberi arbitrii non esse à gratiâ præveniente; quia licet gratia præveniens influat in eandem volitionem, quam elicit liberum arbitrium, non tamen est causa, cur arbitrium hic & nunc eliciat, sed ipsum arbitrium est sibi, & gratiæ causa, cur hic & nunc influant; illam ergò determinationem quâ sibi est causa hic & nunc influendi, non accipit à gratiâ præveniente.

Videant modò Molinistæ, quomodo se expedire poterunt ab hoc Apostoli testimonio 2. Cor. 4. *Quis enim te discernit? Quid autem habes quod non accepisti. Si autem & accepisti, quid gloriaris quasi non acceperis?* Quomodo à S. Cypriani efato lib. 3. ad Quirinum c. 4. *In nullo gloriantur quando nostrum nihil est.*? Isto Apostoli testimonio convictum se fuisse fatetur fulgentissimus Ecclesiæ Sol lib. de Prædest. SS. cap. 3. & 4. ut errorem suum revocaret, quem per revelationem didicerat. Qui error in hoc consistebat, quòd initium fidei diceret esse à libero arbitrio, & non ex gratiâ. Utinam & Molinistæ tantum Doctorem imitarentur, qui similiter docent, in opere quod est à libero arbitrio & gratiâ, liberum arbitrium *esse causam hic & nunc influendi*, cuius causa non est gratia.

LVI. SEQUITUR QUARTO: *gratiam dari dependenter ab operibus sub conditione prævisis.* Juxta primam Molinistarum sententiam, gratia simul cum libero arbitrio influit in opus, sed liberum arbitrium est causa, cur gratia hic & nunc influat. Unde ut detur gratia influens in opus, debet prævideri quando liberum arbitrium erit ei causa influendi in opus, & quando erit ei causa non influendi.

ne Deus eligens istas circumstantias, secundum quas praevidit, quod liberum arbitrium esset causa, cur gratia in dictis circumstantiis influeret, certo efficaciter decernit, dare gratiam influentem in opus. Clarissimum igitur est, quod antequam detur gratia influens in opus, praevisum fuit quod liberum arbitrium esset causa, cur gratia influeret in opus, supposito quod in talibus circumstantiis ei gratia daretur; & cum liberum arbitrium non habeat ab aliquâ gratiâ, quod sit causa hic & nunc influendi, manifestissimum est quod quam detur gratia influens in opus, debet praevideri aliquid sub conditione quod est à libero arbitrio, & non est ex aliquâ gratiâ. Illud claritatis gratia vocavimus determinationem liberi arbitrii; quæ proinde in isto sensu est à gratiâ, & debet sub conditione praevideri ante collationem gratiæ.

See sequelam istam enervat *Defensor*. Nam testimonia Molinæ, quæ adducimur. 247. & seq. ostendunt tantum, quod nulla sit ratio, neque causa, neque conditio sine quâ non, discretionis, perquam Deus dat uni media, praevidit ex libero arbitrio; & non ex aliquâ gratiâ determinanda in sensu icato, alteri autem deneget talia media. Non tamen negant, sed supponit, quod media quæ dantur uni sint praevisa habitura effectum ex aliquo, id est à libero arbitrio, & non à gratiâ, supposito quod dentur in istis circumstantiis.

Non videtur *Defensor* difficultatem percipere, vel si percipit, imperitis illud. Non agimus modò de causâ discretionis, sed de dependentiâ gratiæ à sensu praeviso sub conditione. Dato quod consensus sub conditione praevisus non sit ratio, neque causa, imò neque conditio sine quâ non discretio, quod solum probant adducta Molinæ testimonia: est tamen semper verum Molinisticum, quod collatio gratiæ influentis in opus, dependeat à consensu sub conditione praeviso. Idcirco si in consensu sub conditione praeviso, aliquid à libero arbitrio, quod non est ex aliquâ gratiâ, ab eo etiam dependet collatio gratiæ influentis in opus.

Non negamus dependentiam gratiæ ab aliquo sub conditione praeviso, quod non est gratiâ, inspectatur TRIUMPHUS sub nomine determinationis liberi arbitrii. 1. cap. 1. art. 1. §. 2. & 3. Et invictè ostendit destruere gratiam ab ipso assertam, ad cuius veritatem requiritur, ut nihil sit nostrum. Ut autem aliquid nostrum, non exigitur, quod Deus à consensu conditionate solo moveatur, & alliciatur; sed sufficit in tali consensu aliquid esse sub conditione praevisum, quod est à libero arbitrio, & non ex aliquâ gratiâ. Hoc fateri, velit nolit *Defensor*; Nam assertio est Molinistica, quod liberum arbitrium in opere amborum, est causa, cur hic & nunc influat non verò gratia, cur liberum arbitrium hic & nunc influat. Ex quo apertè sequitur, liberum arbitrium esse causam alicujus, nempe, quod hic & nunc

influxat, cujus causa non est gratia aliqua. Atqui hoc sub conditione debet prævideri, antequam detur gratia influens in opus: cum enim liberum arbitrium, hic & nunc influendo, sit causa cur gratia hic & nunc influxat; influxus gratiæ in opus, non potest esse prævisus sub conditione, nisi etiam sub conditione prævideatur, quod liberum arbitrium hic & nunc influxet: ergo si veritas sit Molinistica, nullam gratiam esse causam, cur liberum arbitrium hic & nunc influxat: veritas quoque erit Molinistica, collationem gratiæ influentis in opus, dependere ab aliquo sub conditione prævisio, quod est à libero arbitrio, & non ex aliquâ gratiâ.

§. VII. *Verè dixit TRIUMPHUS: Larvam esse Molinistarum, discrimen, quo ab Impugnatoribus S. AUGUSTINI se discernunt.*

LVII. **S** EQUITUR SEPTIMÒ, larvam esse Molinistarum, discrimen, quo ab Impugnatoribus S. AUGUSTINI se discernunt, quod exhibet *Defensor gratiæ versatilis* num. 269. his verbis: *Equidem illud etiam discrimen verum est, quod Deus Semipelagianorum placitis prævideat initium fidei à gratiâ independens; nostrâ verò sententiâ, omniumque rectè sentientium omninò dependens. Sed hoc discrimen minimè sufficit, nec ab errore immune est, si id ita asseratur; ut bonus usus gratiæ per Scientiam Mediam prævisus, ab hoc potius quàm altero faciendus, dicatur per modum alienius meriti, aut conditionis Deum movisse, ut huic potius quàm alteri gratiam decerneret: inepta enim sunt merita quælibet conditionata, &c. Et num. 270. Recurrimus igitur ad Scientiam Mediam, non ut ex operibus nostris sub conditione prævisis petamus, vel causam, vel motivum, vel conditionem discretionis unius ab altero in gratiarum distributione: hunc enim affirmamus pendere ab unâ Dei voluntate: sed ut Deus, quod pro beneplacito suo, inscrutabili judicio circa unumquemque quoad fidem, quoad justificationem & perseverantiam decrevit, efficacissimè illas à libertate ad exitum perducatur.*

Quis de consensu cum Impugnatoribus S. AUGUSTINI arguens Molinistas non timeret? Quis non paveret? Quis non tremere de imposturâ adeò insigni, dum tales audit tam lati discriminis sermones? Verùm non alios expedit, quàm Domini tremere sermones, qui dixit *Isai. 66. Ad quem autem respiciam, nisi ad pauperculum, & contritum spiritu, & trementem sermones meos?* Pauper sum in virtutibus à juventute meâ, & calumniis *Defensoris* modò contritus sum; ad me respice Deus meus, non aliquo legis, & potestatis adjutorio, sed spiritu GRATIÆ VICTRICIS & PRÆDETERMINANTIS,* quo pauperculum me facias & contritum spiritu, & trementem sermones tuos; ut in verbo tuo rete gratiæ tuæ laxare possim, ad capiendum gratiæ versatilis *Defensorem*.

Larvam igitur probemus. Illud discrimen est larva, quando cum omni dis-

ine semper manet convenientia in principali difficultatis puncto: sed cum i suprà allato discrimine, adhuc conveniunt Molinistæ cum Impugnatori. AUGUSTINI in principali difficultatis puncto: ergo discrimen eorum lapsit. Prob. minor. Præcipuum difficultatis punctum, est in æternitate Deum ex omnipotentia efficax, nulli præscientiæ innixum; In tempore est sitas auxilii essentialiter inferentis actum non omnibus dati. Utrumque tanter docet S. AUGUSTINUS, ut luce meridiana clarius est; Aliquid utriusque repugnans admittunt Molinistæ, & Impugnatores S. AUGUSTINI; & ideo neque negant, nonobstante suprà allato discrimine: ergo nonobstante imine, adhuc conveniunt in principali difficultatis puncto.

VIII. Decreto ex omnipotentia efficaci repugnat necessitas prævidendi id ex parte liberi arbitrii; cuius gratia non sit causa. Nam si totum quod libero arbitrio, sit ex efficacia, & motione gratiæ, nulla debet prære præscientia. Patet hoc discurrenti per omnes S. AUGUSTINI Impugnati. Primi recurrerunt ad opera naturæ, quæ non essent ex gratia: & secundum illos decretum efficax dandi uni gratiam, innitebatur præscientiæ operum; ut iis decerneretur dari gratiam, qui prævidebantur bene usuri naturæ; ut iis decerneretur dari gratiam, qui prævidebantur bene usuri naturæ. Postremi Impugnatores recurrerunt ad voluntatem credendi, quæ non ex gratia: & secundum illos decretum efficax dandi uni gratiam, innitebatur præscientiæ voluntatis credendi; ut iis decerneretur dari gratiam, qui videbantur ex propria voluntate credituri. Molinistæ recurrunt ad causam: nunc influendi, quam dicunt esse liberum arbitrium, & non gratiam: undum illos decretum efficax dandi gratiam, innititur præscientiæ determinationis arbitrii; ut iis decernatur dari gratiam, qui prævidentur in certis circumstantiis determinaturi gratiam, id est, fore gratiæ causam hic & nunc influendi. conveniunt igitur omnes in necessitate prævidendi aliquid, cuius gratia sit causa. Et quamvis differant in determinatione illius, quod debet præi, aliquibus dicentibus esse opera naturæ, aliis dicentibus esse voluntatem credendi, Molinistis sustinentibus esse determinationem arbitrii in sensu lato: Quamvis etiam differrent in hoc, quod aliqui dicerent objectum, esse motivum, & ratio, quæ moveret Deum ad dandum uni gratiam, & alteri denegandi, alii verò sicut Molinistæ id negent: attamen omnia differètia non impedit, quominus opponantur unanimiter decreto ex omnipotentia efficaci prævenienti omnes humanas voluntates. Nam hæc oppositio e tantummodo oritur puncto, quod necessaria sit præscientia alicujus, cuius non sit causa. Cumque punctum istud commune sit Molinistis cum Impugnatoribus S. AUGUSTINI, oportet, ut tam Molinistæ, quam Impugnatores AUGUSTINI, unanimiter repudient decretum ex omnipotentia efficaci, præiens omnes humanas voluntates. Una quoque est illis causa repudii, de-

structio, scilicet, libertatis: si enim independenter ab aliquo voluntatis consensu prævisio, decernat Deus efficaciter aliquid fieri, videtur destrui libertas arbitrii, quâ potest voluntas ferri in opposita; siquidem non potest non fieri, quòd decrevit Deus efficaciter fieri.

Quare vox una est Impugnatorum S. AUGUSTINI, & Molinistarum, quæ in Epistola Proſperi ad S. AUGUSTINUM auditur: *Quoque enim modo se egerint, non posse aliud erga eos, quàm Deus definiuit, accidere, & sub incertâ spe cursum non posse esse constantem: cum si aliud habeat prædestinantis electio, cassa sit adniventis intentio. Removeri itaque omnem industriam, tollique virtutes, si Dei constitutio humanas præveniat voluntates, & sub hoc prædestinationis nomine, fatalem quamdam induci necessitatem; aut diverſarum naturarum dici Dominum conditorem, si nemo aliud possit esse, quàm factus est.*

LIX. Conveniunt etiam Molinistæ cum Impugnatoribus S. AUGUSTINI in præcipuo puncto difficultatis, quantum ad auxilium in tempore datum. Unanimiter enim rejiciunt auxilium essentialiter inferens actum non omnibus datum: eò quòd libertati contrariari putent auxilium, cum quo componi non potest tam actio, quàm non actio, aut actus oppositus. Nam si adsit hujusmodi auxilium, insuperabiliter & indeclinabiliter fiet actus: quæ ergò potestas ad oppositum? Si desit, non fiet actus, & cum non sit in potestate arbitrii dare sibi prædictum auxilium: nec actum, qui essentialiter ab auxilio pendet, habebit in suâ potestate. *Quomodo servas liberum arbitrium* (inquit Impugnator S. AUGUST. apud S. Hieronymum, lib. 3. Dialogorum) *qui dicis hominem nihil posse facere, nisi Deus semper adjuverit?* Et ibid. *Quidquid ex alterius pendet arbitrio, non ejus est, quem posse contendit, sed illius sine quo eum non posse perspicuum est.* Idem S. Hieronymus in Epist. ad Ctesiph. hanc Impugnatorum S. AUGUST. velut acutam ratiocinationem profert: *Frustrâ dedit arbitrii potestatem, quam implere non possum, nisi ipse me semper adjuverit. Destruiitur enim voluntas, quæ alterius ope indiget, sed liberum dedit arbitrium Deus, quod aliter liberum non erit, nisi fecero quod voluero. At per hoc ait, auctor semel potestate, quæ mihi data est, ut liberum servetur arbitrium; aut si alterius ope indigeo, libertas arbitrii in me destruetur.* Et rursùm paulò post: *Quis destruit arbitrium? Ille qui semper Deo agit gratias, & quocumque in suo rivulo fluit, ad fontem refert? An qui dicit, Recede à me, quia mundus sum, non habeo te necessarium? Dedit enim mihi semel arbitrii libertatem, ut faciam quid voluero, quid rursùm te ingeris, ut nihil possum facere, nisi tu in me tua dona compleveris.*

Quæ Impugnatorum S. AUGUSTINI doctrina, tantummodò militat contrà auxilium essentialiter inferens actum. Nam de auxilio cum quo pro nutu voluntatis potest componi tam actio, quàm non actio, non video quomodo sanæ mentis homini, vel in suspensionem cadere possit, ut putet huiusmodi auxilium, quod nutui hominis ad operandum hoc, vel oppositum, omni ex parte semper subiacet, libertati esse contrarium. Quis enim unquam vel sapiens

iens dixit, vel insipiens cogitavit, vel vigilans suspicatus est, vel dormiens omniando deliravit, adiutorium lucis semper assistentis ad videndum, cognitionis & habitus ad operandum, bacilli & scipionis ad ambulandum, itemque gratiæ versatilis sufficientiam ad bene vivendum afferentis, libertati ad eadem la præstanda repugnare?

Sed hoc malè habuit Impugnatores S. AUGUSTINI, sicut & nunc malè habet solinistas tale in medium proferre adiutorium, quo non sola possibilitas, in quâ componi potest tam actio, quàm non actio, adjuvatur, sed ipsa voluntas, seu volitio & actio essentialiter inferantur; ita ut voluntas insuperabiliter, & indeclinabiliter agatur; ita ut rebelles compellat voluntates, omnemque frangat cordis duritiam; ita ut omnes qui illud accipiunt, ad Christum veniant, & nemo veniat, cui datum non fuerit.

Nec Molinistæ suâ gratiâ præveniente, & adjuvante discernere se sufficienter possunt ab Impugnatoribus supradictis. Nam eò ipsò quòd nulla detur gratia, quæ sit causa, cur liberum arbitrium hic & nunc influat, quæ essentialiter beat cum actu, in quem influit, connexionem, sed cum utràque possit imponi non actio, & actus oppositus; nihil plùs admittunt in re Molinistæ, quàm legis, & possibilitatis adiutorium: siquidem influxus moralis gratiæ prævenientis, non excedit legis influxum; & influxus physicus gratiæ adstantis, similis est influxui potentiae, quæ physicè influit in actum pro voluntatis.

LX. Quocirca legitime concludit TRIUMPHUS dicens: „ Quamcumque datur gratiam fateantur Adversarii, nunquam reipsa ab Impugnatoribus

AUGUSTINI recedent, si eam determinantem, & applicantem voluntatem, id est, eam esse causam, cur voluntas hic & nunc influat, non agnoscant; sed magis à voluntate determinari, & applicari, id est, à voluntate accipere, quòd hic & nunc influat. Non datur medium in actu, qui à voluntate & auxilio procedit, vel procedit gratiâ determinante, & applicante voluntatem, id est, gratiâ, quæ sit causa, cur voluntas hic & nunc influat, vel voluntate determinante, applicante gratiam, id est, voluntate, quæ sit causa, cur gratia hic & nunc influat. Si primum dicis, S. AUGUSTINO consentis; si secundum, ejus Impugnatoribus adhæres. Si primum dicis, gratiam dominam fateris, & voluntatem ut pedissequam; si secundum, voluntatem dominam reputas, & gratiam pedissequam. Quibus addo; si primum dicis, gratiæ tribuis initium fidei, quæ discretionis primam constituis radicem; si secundum, initium fidei, primam radicem discretionis asseris esse ex nobis. Si primum dicis, nullam scis gratiæ dependentiam ab aliquâ præscientiâ, ut suam habeat efficaciam; secundum, non excludis gratiæ dependentiam ab operibus sub conditione futuris, sed solum ab operibus præsentibus, aut saltem absolute futuris. Si

denique primum dicis, nulla tibi cum Impugnatoribus S. AUGUSTINI major conventio, quàm lucis ad tenebras; si secundum, in hoc fortè te discernes, quòd velis fidem dari illis, quos prævídít Deus ex viribus gratiæ credituros, illi autem dicant ex viribus naturæ: verumtamen quia vires gratiæ determinandas contendis per liberum arbitrium, semper cum illis convenies, quòd necessaria sit alicujus præscientia, cujus causa non sit gratia.

LXI. Has omnes, ut vides CORDATE LECTOR, legitimas consequentias ex uno capitali asserto insuperabiliter, & indeclinabiliter deductas, vocat *gratiæ versatilis Defensor* imposturas. Judica me Deus, & discerne causam meam de omnibus Scientiæ Mediæ Propugnatoribus; ab omnibus eorum subtilitatibus & argutiis eripe me. Quia tu es Deus fortitudo mea, quare me repulisti, ut defendens veritatem, quasi impostor insignis traducer, dum calumniis affligit me gratiæ inimicys. Titulum istum placidis oculis legunt Molinistæ (ut ait *Defensor* n. 125.) At ego placidis oculis legere non valeo, quòd in tam apertâ lententiarum contradictione, ut gemini Ecclesiæ Solis Discipuli velint reputari; si ut Molinæ sententiam sua proferrent, patientiam haberem, sed SS. AUGUSTINUM & THOMAM *gratiæ versatilis* constituere Magistros, zelus non sustinet, & tu Domine, Deus meus, veritas æterna, usquequò sustinebis? Emitte lucem tuam, & veritatem tuam, ipsa me deduxerunt, & adduxerunt in montem GRATIÆ VICTRICIS ET PRÆDETERMINANTIS. Ipse est mons verticem omnium superborum percalcans, ad quem non confugiunt omnes gentes, sed quibus datum est. Super istum montem elevatus, introibo ad altare Dei, quod est Christus Dominus, ad quem nemo intrat, nisi qui audit, & didicit lumine GRATIÆ VICTRICIS & PRÆDETERMINANTIS. Hanc igitur gratiam, omnes uno ore confiteamur, si voluerimus introire in potentias Domini; quibus cor Regis in manu Dei est, & quocumque voluerit inclinabit illud. Confitebor tibi in citharâ Deus meus, id est, in calumniis, quas pro te patior, quia tristis est anima mea, & conturbat me, quòd hanc Jesu gratiam non ubique prædicent, qui societatem inière cum Jesu. Attamen in te spero, & confitebor tibi salutare vultus mei, & Deus meus, quòd veniet tempus quale non fuit, ex quo Molinistæ esse cœperunt, in quo GRATIA TUA VICTRIX & PRÆDETERMINANS gloriose triumphabit, & ego misericordias tuas in æternum cantabo.

§. VIII. Verè dixit TRIUMPHUS, P. Annatum

objectionem errantium sumpsisse pro solutione

S. AUGUSTINI.

LXII.

A Veritatibus juris transimus cum *Defensore* ad veritates facti. Nescit n. 271. quâ impudentiâ ausus fuerim Opusc. 1. TRIUMPHI

1. art. 1. §. 4. n. 14. & seq. rem adeo falsam Annato attingere: cum nullo in loco quem citat Annatus, hujus rei veltenue vestigium. Si ita sit, udens certe fui, si contrarium clarissime eluceat, quid erit *Defensor*? *JUDICORDATUS LECTOR.*

Objectionem hanc sibi formavit TRIUMPHUS loco citato. „ S. AUGUSTINUS 1. 1. ad Simplicianum q. 2. ait, quod ipsum velle sit Dei, vocando; non sequendo: ergo non potest dici, quod in operatione gratiae nihil nostrum. Hanc objectionem proponit P. Annatus disp. 1. de Scientia adia n. 57. Impress. Paris. sub his verbis: Et si quis obinurmuret, quod constituenda divinae gratiae congruitate illa, partes esse aliquas dicamus gratiae libertatis; AUGUSTINUM appellet, cujus est illa vox ad Simplicianum, velimus, & suum esse voluit & nostrum: suum vocando: nostrum sequendo.

Respondi ad hanc objectionem, „ quod iste locus ab AUGUSTINO disputantem profertur secundum suum errorem, quo ante Episcopatum tenebatur; postea in eodem loco refutatur. Ad probandam solutionis veritatem exposui errorem S. AUGUSTINI; deinde dixi istum errorem retractasse AUGUSTINUM, non citando locum. Ex quo insignis fraudis arguit me *gratiae Defensor*, quasi significassem S. Doctorem in ista q. 2. ad Simplic. reisse suum errorem. Distinguere debebat inter *resumere*, & *retractare*. Erroris non debet retractari. Signanter dixi, in ista quaestione 2. ad Simplic. reisse suum errorem; quod ergo postea dixi, errorem retractasse non potest gi, nisi de illo loco, in quo omnia sua retractavit S. Doctor. Cum sit certum, libros retractationum edidisse S. AUGUSTINUM, dum dicitur aliter retractasse, non alibi quam in praedictis libris quaerendum est. Imò, nec novae fraudis vestigium arripisset *Defensor*, si considerasset n. 17. ubi locutavimus.

III. Veritati insistamus. Iterum atque iterum dico, verba ista ex q. 2. ad Simplic. *Ut velimus & suum esse voluit, & nostrum suum vocando, nostrum sequendo*, non errantium sibi objicere S. AUGUSTINUM, & ibidem solvere. Ipse *versatilis Defensor*, nostrae sit assertionis probator. Ludit cum eo veritas; quia tam magis impugnat, ipsa se magis manifestat.

multa inaniter dicta, timens solutionem subdit n. 288. *Ne autem vocationis inspiratione contra mentem S. AUGUSTINI dividas, ut speciem aliquam erroris in ista sententia consingas, utrumque nomine vocationis comprehendit S. AUGUSTINUS.* suis condemnabitur, si ostendero Ecclesiae Solem vocationem dividere inspiratione, nec utrumque nomine vocationis comprehendere. Primò id ipse probat locus, quo utitur *Defensor* in expositione quarundam pronominum Epistolae ad Romanos. Quem locum sic refert n. 283. „ Non ergo

„elegit Deus opera cuiusquam in præscientia, quæ ipse daturus est; sed si-
 „dem elegit in præscientia; ut quem sibi crediturum esse præcivit, ipsum ele-
 „gerit, cui Spiritum Sanctum daret, ut bona operando etiam vitam æternam
 „consequeretur. Dicit enim idem Apostolus, idem Deus qui operatur omnia,
 „& in omnibus: nusquam autem dictum est; Deus credit omnia in omnibus.
 „Quod ergo credimus nostrum est: quod autem bonum operamur, illius est,
 „qui credentibus in se dat Spiritum Sanctum. *Et rursum infra:* Non ergo elegit
 „Deus bene operantes, sed credentes potius, ut ipse faciat illos bene operari.
 „Nostrum enim est credere & velle: illius autem dare credentibus & volenti-
 „bus facultatem bene operandi &c.

*Hæc AUGUSTINUS, ait Defensor; ubi inter credere & velle ex una parte, & bene ope-
 rari ex alterâ statuit hoc discrimen, quod credere & velle non sint ex Deo, sed ex libero arbi-
 trio: bene autem operari sit ex Deo, sive ex ejus gratiâ. Cujus doctrinâ pars prima continet er-
 rorem Semipelagianorum.*

LXIV. Si verba media, quæ omisit *Defensor*, referantur, videbit CORDATUS LECTOR, statutum ab AUGUSTINO discrimen non esse, quod credere & velle non sint ex Deo, bene autem operari sint ex Deo, ut dicit *Defensor*; sed esse, quod credere & velle sint ex Deo vocante, non autem ex Deo inspirante; at bene operari sit ex Deo inspirante. Sic enim habent verba media prætermittenda à *Defensore*: *Est autem gratia ut vocatio peccatoris provogetur, cum ejus merita nulla nisi ad damnationem præciserint. Quod si vocatus vocantem secutus fuerit, quod est jam in libero arbitrio, merebitur & Spiritum Sanctum per quem bona possit operari. Et post pauca: Primò enim misertus est nostri Deus, cum peccatores essemus ut vocaret nos, cui ergò misertus ero, inquit, ut eum vocem, miserebor adhuc ejus cum crediderit.*

Quibus verbis certò constat, docuisse illic S. AUGUSTINUM, quod credere & velle essent ex Deo vocante; & cum negaverit esse ex Deo inspirante, ut fatetur *Defensor*, luculenter concluditur, S. DOCTOREM divisisse vocationem ab inspiratione, nec utrumque nomine vocationis comprehendisse. Quare error Semipelagianorum, & S. AUGUSTINI fuit, ut in TRIUMPHO dictum est, quod actum fidei & volitionem bene operandi tribuerent Deo ratione vocationis tantum, & non ratione bonæ inspirationis.

LXV. Ne quis de hoc dubitare possit, ipsemet S. AUGUSTINUS lib. de Prædest. Sanctorum c. 3. errorem suum sic explicuit. Nam ad illa verba Apostoli, *Quid autem habes quod non accepisti? Si autem accepisti, quid gloriaris quasi non acceperis?* ait, „Quo præcipuè testimonio etiam ipse convictus sum cum similiter er-
 „rare, putans fidem quâ in Deum credimus, non esse donum Dei, sed à no-
 „bis esse in nobis, & per illam nos impetrare Dei dona quibus temperanter, &
 „justè, & piè vivamus in hoc sæculo. NEQUE ENIM FIDEM PUTABAM DEI
 „GRATIA PRÆVENIRI, ut per illam nobis daretur quod posceremus utiliter;

ISI QUIA CREDERE NON POSSEMUS, SI NON PRÆCEDERET PRÆCONIUM VERITATIS. Ut autem prædicato nobis Evangelio consentiremus, nostrum esse proprium, & nobis ex nobis esse arbitrabar. Quem meum errorem nonnulla opuscula mea satis indicant, ante Episcopatum meum scripta. In quibus est illud quod commemorastis in litteris vestris, ubi est expositio quarundam propositionum ex Epistola quæ est ad Romanos.

Illicidè exprimit S. Doctor, errorem, quem ante Episcopatum tenuit, mà in loco citato expositionis ad Romanos, fuisse, quòd actum credendi fore tribueret Deo ratione vocationis, quæ sit prædicatione Evangelii. Neque fidem putabam, ait, Dei gratia præveniri, nisi quia credere non possumus, si non præconium veritatis, quo, qui audiunt, vocantur ad fidem. Quis modo Cor- dubitare poterit, S. AUGUSTINUM divisisse gratiam prævenientem Dei antis à gratia præveniente Dei inspirantis, & in hoc ante Episcopatum er- quòd credere & velle solùm gratiâ Dei vocantis putaret præveniri, non ve- gratiâ Dei inspirantis, sive quòd idem est, Deum non inspirando, sed solùm do dare & præstare fidem.

XVI. Contra istum errorem in q. 2. ad Simpl. disputavit, & vicit gratia. Quod ibi disputando processerit, probat modus inquirendi quo utitur, *An forte, An idèd.* Primò igitur disputando veritatem resoluit, dum ait: *idèd dictum est miserebor cui misertus ero, & misericordiam præstabo cui misericors fuerit: cui misertus erit Deus ut eum vocet, misericors miserebitur ejus ut credat: & cui miseri- fuerit ut credat, misericordiam præstabit, hoc est faciet eum misericordem, ut etiam benè- tur? Vide admonemur, nec ipsis operibus misericordiæ quemquam oportere gloriarì & ex- quòd eis quasi suis Deum promeruerit: quandoquidem ut haberet ipsam misericordiam, ille itit qui misericordiam præstabit, cui misericors fuerit. Quòd si eam credendo se meruisse quis- at, NOVERIT EUM SIBI PRÆSTITISSE UT CREDERET, QUI MISERETUR INSPI- DO FIDEM cujus misertus est, ut adhuc infideli vocationem impertiret. Lam enim discerni- delis ~~ab~~impio. Quid enim habes, quod non accepisti? Si autem accepisti, quid gloriaris quasi acceperis? RECTÈ QUIDEM HOC. His ultimis verbis Respòd quidem hoc quæstio- 1, quam disputando proposuit dicens *An idèd dictum est* &c. determinat se- dum veritatem sibi revelatam, & testimonium Apostoli, quo dicit se fuisse victum in lib. de Prædest. SS. cap. 3.*

XVII. Verba quæ refert P. Annatus habentur in expositione illius dicti stolici: *Igitur non volentis, neque currentis, sed misereantis est Dei.* Quem locum liciter exponit, primò inquirendo, secundò determinando. Prima exposi- continens verba, de quibus est quæstio, sic proponitur: *An quia NEC VELLE SUMUS NISI VOCATI, & nihil valet velle nostrum, nisi ut perficiamus adjuvet Deus? est ergo velle & currere. Non enim frustra diceretur, & in terra pax hominibus bone- natis. Et sic currite ut comprehendatis. Non tamen volentis neque currentis, sed misereantis*

est Dei, ut quod volumus adipiscamur, & quod volumus perveniamus. Noluit ergo Esau & non cucurrit, sed & si voluisset & cucurrisset, Dei adjutorio pervenisset, qui ei etiam VELLE ET CURRERE VOCANDO PRÆSTARET, nisi vocatione contempta reprobis fieret. Aliter enim Deus præstat ut velimus, aliter præstat quod voluerimus. UT VELIMUS ENIM ET SUUM ESSE VOLUIT ET NOSTRUM : SUUM VOCANDO, NOSTRUM SEQUENDO. Quod autem voluerimus solus præstat : id est posse bene agere, & semper beate vivere.

Quibus verbis inquirendo proponitur error Semipelagianorum, quo voluntatem faciendi bonum tribuebant Deo ratione vocationis tantum, ipsum autem posse facere bonum ratione alicujus adjutorii. Nihil enim aliud sonant prima verba : An quia nec velle possumus nisi vocati, & nihil valet velle nostrum, nisi ut perficiamus adjurvet Deus? Nec aliud voluit, dum dixit, Deum daturum vocando velle & currere ipsi Esau, si vocationem non contempsisset : non enim dixit daturum adjurvando, si adjutorium non contempsisset, sed daturum vocando, si vocationem non contempsisset. Quo etiam sensu intelligitur, ut velimus suum esse velle vocando, non dixit, adjurvando.

Hanc esse mentem S. AUGUSTINI declarat alia istius loci expositio, quam non inquirendo, sed determinando post pauca subjungit dicens : Illa etiam verba si diligenter attendas, igitur non est volentis neque currentis, sed miserentis est Dei : non hoc Apostolus propterea tantum dixisse videbitur, quod adjutorio Dei ad id quod volumus perveniamus, sed etiam ex illa intentione quâ & alio loco dicit, cum timore & tremore vestram ipsorum salutem operamini, Deus enim est qui operatur in nobis & velle & operari pro bona voluntate. Ibi satis ostendit etiam ipsam bonam voluntatem in nobis operante Deo fieri. Quasi diceret, si verba Apostoli diligenter considerentur, non solum debent intelligi de adjutorio Dei ad perficiendum bonum quod facere volumus, sed & maxime de adjutorio Dei ad ipsam voluntatem quâ, volumus facere bonum. Ex quo clarissime elucet, primam expositionem non admisisse adjutorium Dei ad bonam voluntatem ; sed eam Deo tribuisse ratione vocationis : quam expositionem corrigit fulgentissimus Ecclesiæ Sol per secundam diligenter verba Apostoli attendentem. Cum ergo verba, quæ refert P. Annatus, sint verba primæ expositionis, sequitur efficaciter, cum objectionem errantium sumpsisse pro solutione S. AUGUSTINI.

LXVIIJ. Verum speciosa magis erit victoria, si Defensorem gratiæ versatilis verbis propriis confundamus. Si hæc S. AUGUSTINI verba continent errorem ; quomodo, inquit, Augustinus adeo diligens in castigandis omnibus à se olim scriptis, quæ vel speciem aliquam erroris, vel quidpiam minus bene sonans continere videbantur, in librorum suorum retractatione ea dissimulavit ? quomodo non indicavit saltem verbo uno in his aut illis latere errorem aut erroris suspensionem ? quomodo doctrinam in ea questione contentam absolute & simpliciter commendat ? quomodo dixit in hoc libro vicisse Dei gratiam ? vicine gratia per errorem, gratiam ipsam destruentem.

si vicit Dei gratia errorem; ergo pugnavit in hoc libro contra errorem; non enim sine pugna datur victoria. Si pugnavit in hoc libro contra errorem; ergo erit error in hoc libro: at non aliis, quam prædictis verbis, error, quem it gratia Dei, refertur: est igitur manifestum, P. Annatum verba errantium npsisse pro doctrinâ Augustinianâ. Nec error refutatus debuit retractari, doctrina errorem refutans debuit commendari. Vicit quoque Dei gratia, non per errorem, sed per refutationem erroris gratiam ipsam destruentis. enim fuisse gratiæ victoriam satis declarat ipse Augustinus lib. 2. Retract. pertractans q. 2. ad Simpl. de illa ait: „ In cujus quæstionis solutione LABORATUM EST QUIDEM PRO LIBERO ARBITRIO voluntatis humanæ, SED VICIT DEI GRATIA. Nec nisi ad illud potuit perveniri, ut liquidissimâ veritate dixisse intelligatur Apostolus; quis enim te discernit? Quid autem habes quod non accepisti? Si autem & accepisti, quid gloriaris quasi non acceperis? Quod volens etiam Martyr Cyprianus ostendere, hoc totum ipso tulo definivit, dicens in nullo gloriandum cum nihil nostrum sit. Ecce uare dixi superius, hoc Apostolico præcipue testimonio etiam meipsum visse convictum; cum de hac re aliter saperem, quam mihi Deus in hac æstione solvenda, cum ad Episcopum Simplicianum, sicut dixi, scriberem, revelavit. Hæc August. lib. de Prædest. SS. cap. 4.

Duo in illa quæstione se fecisse, enarrat fulgentissimus Ecclesiæ Sol; Elaboratum est, ait, pro libero arbitrio, 2o. vicit Dei gratia. Per quid *elatum est pro libero arbitrio*? per errorem quo tenebatur S. AUGUSTINUS: & mihi recitavit. Per quid *vicit Dei gratia*? per Apostolicum testimonium, quod ipse seipsum fuisse convictum. Discat igitur *Defensor*, P. Annatum sump- in defensionem *gratiæ versatilis* verba illa, quibus contra Dei gratiam elatum est pro libero arbitrio voluntatis humanæ:

discat etiam, sensum Apostolici testimonii, quo S. Doctor fuit convictus, addere quidquid est à libero arbitrio, & non ex gratiâ: & consequenter ex- ere *gratiam versatilem*, cui liberum arbitrium ex seipso, & non ex aliquâ à est causa hic & nunc influendâ. Discat denique in nullo gloriandum, nihil nostrum sit; & ingenuè fateatur, P. Annatum fuisse hallucinatum.

X. *Verè dixit TRIUMPHUS: P. Annatum dolosè truncasse hunc S. AUGUSTINI locum: Anima non deserta est ut desereret, sed ut deseretur deseruit.*

X. **P** Robat TRIUMPHUS Opusc. 1. de Scientia Media ad examen revocata cap. 2. art. 4. § 3. n. 240. huius loci dolosam mutilationem à P. Annatam his verbis: „ Solutionem nostram, quâ dicimus S. AUGUSTINUM

„ in præfenti loco loqui de desertione animæ per ablationem gratiæ sanctifi-
 „ cantis, esse de mente S. AUGUSTINI, clarissimè patet ex verbis antecedentibus,
 „ quæ astutè omittit P. Annatus, ut in ipso limine supradicti testimonii dolus
 „ illius ac mala fides manifestaretur. Quare meritò illum dixi truncasse hoc
 „ testimonium, non quod truncare sit aliqua quæ ad intentum nihil faciunt,
 „ omittere; sed quia truncare testimonium propriè quis dicitur, quando ea
 „ quæ sunt conjuncta illi testimonio, dolosè omittit, quæ tamen si conjuncta
 „ proferrentur, contrarium illius quod probare intenditur, manifestarent.

„ Hoc P. Annatum fecisse verba immediatè antecedentia ostendunt, sic
 „ enim habet S. AUGUSTINUS (pertractans illum locum) *In quocunque die comē-*
 „ *deris ex eo, morte morieris, & quæ ibi mors intelligatur, exponens; si eam (inquit)*
 „ *solum intelligamus quæ fit cum anima deseritur suâ vitâ, quod illi Deus est; non enim de-*
 „ *serta est, ut desereret; sed ut desereretur, deseruit, ad malum quippe ejus prior est voluntas*
 „ *ejus, &c.* Si quis legerit prædictum capitulum, videbit S. AUGUSTINUM expo-
 „ nere istum versum scripturæ de duplici morte, animæ scilicet, & corporis: &
 „ exponens primò de morte animæ ait, *si eam solum intelligamus, quæ fit cum*
 „ *anima deseritur suâ vitâ.* Deinde quasi probans, quòd de morte animæ possit
 „ ille locus exponi, ostendit quod priùs comedendo peccaverit, & ex hoc mor-
 „ tua sit, id est, perdidit suam vitam, quam Deus illi dabat per gratiam, ideò
 „ subjungit: *Non enim diserta est ut desereret, sed ut desereretur deseruit.* Quam ratio-
 „ nem plenissimè exposuit paulò infra dicens: *Tamquam diceret; quâ die me deserue-*
 „ *ris per inobedientiam, deseram vos per justitiam, &c.*

„ Astutè igitur omittit P. Annatus hæc verba: *si eam solum intelligamus quæ fit*
 „ *cum anima deseritur suâ vitâ, quod illi Deus est.* Astutè etiam abstulit particulam
 „ enim, quæ verba subsequentiâ à se relata refert ad mortem animæ; ne in ipso
 „ limine testimonii, ut dixi, manifestaretur S. AUGUSTINUM loqui de desertio-
 „ ne, quæ fit per ablationem gratiæ sanctificantis, & sic totum argumentum elu-
 „ deretur.

LXX. OBSERVA CORDATE LECTOR, Defensorem quinque pedes, ut dicitur;
 in ariete quæsiuisse, dum verba illa scripturæ: *In quocunque die comederis ex eo,*
morte morieris. Gen. 2. pro verbis S. AUGUSTINI à nobis asserit substituta. Fa-
 teor, verba ista pertractans illum locum parenthesi inclusa, deesse in utraque im-
 pressionem. Quod impressionis esse mendum, facile advertere poterat Defensor, ex
 illis verbis interpositis: & quæ ibi mors intelligatur, exponens. Rursum ex istis: *si quis*
legerit prædictum Capitulum, videbit S. AUGUSTINUM exponere istum versum scripturæ de du-
plici morte. Compatior gratiæ versatilis Defensori, qui veritatis fructum legere non
 valens, in foliis, quem devoret, quærit.

LXXJ. Verbis Defensoris probemus, P. Annatum omissione prædictorum
 verborum truncasse citatum S. AUGUSTINI testimonium. Dicit n. 300. *Visque*
probatio

probatio tua petenda erit ex scopo Annati, & ostendendum illi obfuisse S. AUGUSTINUM intel-
 lum de anime desertione à Deo per subtractionē gratiæ sanctificantis. Deinde n. 301. probat
 AUGUSTINUM sic intellectum nihil officere fini, quem intendebat P. Annatus,
 eo quòd assumat probandum, non omnia à Deo prædefiniri, quæ ab eo
 præsciuntur futura. Utque ex S. AUGUSTINO evincat, inter cætera hoc pro-
 pt: *Anima non deserta est, ut desereret; sed ut desereretur deseruit. Ad malum quippe ejus
 or est voluntas ejus: ad bonum verò ejus, prior voluntas Creatoris ejus: sive ut eam faceret,
 e nulla erat; sive ut resciceret, quæ lapsa perierat.* Tum sic ratiocinatur; si fuit prædefi-
 nitio actus mali, cujus fuit præscientia, evidentissimum est, & desertam fuisse voluntatem,
 ipsam ipsa desereret: ipsam non esse ad malum priorem, cum supponat prædefinitionem
 n, quæ voluntas quedam Dei est.

Vis hujus ratiocinationis talis est, subjungit Defensor n. 302. „ Actus mali
 non possunt à Deo prædefiniri; alioqui enim contrà AUGUSTINUM prius vo-
 untas à Deo foret deserta, quàm Deum desereret; nec ipsa esset ad malum
 prior; sed Deus suâ prædefinitione: Atqui actus mali præsciuntur à Deo:
 ergo non omnia præscita sunt prædefinita.

LXXII. Qui cavillos P. Annati perspectos non haberet, calumniæ tribue-
 quòd veritati dedit TRIUMPHUS: qui Opusc. 1. cap. 2. art. 3. §. 4. & 5.
 aciâ accidentis continuo peccare ostendit Annatum, dum ex eo quòd San-
 Patres unanimiter negent à Deo prædefinitos esse actus malos, ipse infert
 negare à Deo prædefiniri materiale peccati; id est, actum peccati sub illâ
 one ad quam nulla sequitur malitia. Quòd certè non inferret P. Annatus, si pro-
 lem non sumeret prædefinitionem actus mali, & prædefinitionem actus
 cati. Ex quo fit, ut dum citato AUGUSTINI testimonio utitur, ad pro-
 dum Deum non prædefinire actum malum, quem tamen præscit; ipse
 in fallaciter intendat ex eodem testimonio probare, Deum non prædefi-
 actum peccati.

Je de hoc posset esse dubium, aperte se prodit ipse Annatus loco citato in
 UMPHO n. 216. ubi impugnans prædefinitionem actus peccati; *Ex quis (ait)
 sensus ejus quod dicitur, Anima non deserta est, ut desereret, sed ut desereretur deseruit,
 im prævenitur voluntas deserentium antecedenti decreto efficaciter operante actu, quo
 n deserunt in illis circumstantiis, in quibus implicat non esse desertum; quid habet vo-
 is, quòd dici possit prius tali præoccupatione, ut ideo censeatur deseruisse ut desereretur,
 ritim si recurramus ad Angelorum aut Adami peccatum.* Disp. 1. n. 86.

is hujus ratiocinationis talis est: Decreto prædeterminante materiale pec-
 anima est à Deo deserta: sed antecederet ad istud decretum anima non
 ruit Deum, præsertim si recurramus ad Angelorum aut Adami peccatum:
 decreto prædeterminante materiale peccati prius anima est à Deo deserta,
 n deseruit Deum. Et quis ergo erit sensus ejus quod dicitur, *Anima*

non deserta est ut desereres, sed ut desereretur deseruit.

Vides, CORDATE LECTOR, P. Annatum probantem ex verbis S. AUGUSTINI, Deum non posse deferere animam decreto prædeterminante materiale peccati, quia ista desertio præcedit omnem animæ desertionem; & S. AUGUSTINUS dicit, animam prius Deum deferere, quàm à Deo deferatur. Quæ probatio non potest esse efficax, nisi dictum S. AUGUSTINI intelligatur universaliter de omni desertione, quâ anima à Deo deseritur: tunc enim efficaciter concluditur, non esse admittendam illam desertionem, quæ fit prædicto decreto. Efficax est hoc argumentum, suppositâ præmissarum veritate: Nunquam secundum S. AUGUSTINUM anima à Deo deseritur, si prius Deum non deserat: sed antea antea ad decretum prædefiniens materiale peccati, non deserit anima Deum: ergo anima à Deo non deseritur decreto prædefiniente materiale peccati.

LXXIII. Judica CORDATE LECTOR, annon totaliter infirmetur argumentum, si in majori addatur, Nunquam secundum S. AUGUSTINUM anima à Deo deseritur per subtractionem gratiæ sanctificantis, si prius Deum non deserat? Quis posita tali maiore non statim videat, inde non sequi animam debere prius deferere Deum, quàm ab eo deferatur decreto prædefiniente materiale peccati; quandoquidem non magis subtrahatur gratia sanctificans tali decreto, quàm subtrahatur decreto denegante gratiam efficacem, sive quod in idem redit, quàm subtrahatur decreto permittente peccatum. Et sicut decreto denegante gratiam efficacem, sive permittente peccatum, Deus non deserit subtrahendo gratiam sanctificantem, ita nec decreto prædefiniendo actum peccati, deserit subtrahendo gratiam sanctificantem. Quia ergo ex verbis S. AUGUSTINI non potest efficaciter probari, quod anima debeat prius deferere, quàm deferatur decreto permittente peccatum: ita infirmum est illius argumentum, qui ex iisdem verbis S. AUGUSTINI, intendit probare animam debere prius deferere Deum, quàm deferatur decreto prædeterminante materiale peccati.

Nam prius decernit Deus permittere peccatum, seu denegare gratiam efficacem, quàm decernat modo nostro intelligendi prædeterminare materiale peccati, id est, influere ut primum movens in actionem peccati, sub illâ ratione ad quam nulla sequitur malitia. Unde prius deserit permittendo peccatum, quàm deserat prædeterminando materiale peccati. Evidens est, non prius animam deferere Deum, quàm ab eo deferatur permissione peccati; nec minus evidens est, verba S. AUGUSTINI de desertione per subtractionem gratiæ sanctificantis in nullo posse officere desertioni, quæ fit permissione peccati. Ergo evidens quoque erit, verba S. AUGUSTINI non posse officere desertioni, quæ fit prædeterminatione actionis peccati; cum hæc prædeterminatio non detur, nisi præcesserit permissio peccati. Dolosa igitur fuit P. Annati mutilatio, dum illa verba reticuit, quæ fini suo plurimum officiebant.

Quare, ut clarissima fiat dolosa P. Annati mutilatio, utamur verbis *Defens.*, qui n. 302. explicans vim ratiocinationis P. Annati ponit hanc maiorem, probat dicens: *actus mali non possunt à Deo prædefiniri: alioqui contra AUGUSTINUM voluntas à Deo foret deserta, quàm Deum desereret, nec ipsa esset ad malum prior, sed us suâ prædefinitione.* Si efficax sit hæc probatio majoris: ergo & hæc efficax oque erit: *actus mali non possunt à Deo permitti: alioqui contra AUGUSTINUM prius voluntas à Deo foret deserta, quàm Deum desereret, nec ipsa esset ad malum prior, sed Deus permissione.* Eadem etiam efficaciam dicitur: *materiale peccati non potest à Deo prædefiniri, alioqui contra AUGUSTINUM &c.* Non potest negare *Defens.* fallax fore illud argumentum, qui ex verbis S. AUGUSTINI prætenderet probare, quod us non permittat peccatum: Fateatur ergo fallax fuisse P. Annati argumentum, dum ex verbis S. AUGUSTINI voluit probare, quod Deus non prædefinit materiale peccati: siquidem & illius, & P. Annati fallacia in hoc consistit, quod ea quæ dixit S. AUG. de speciali & propria desertione, quæ sit per subtractionem gratiæ sanctificantis, applicentur omni desertioni, si vè propriæ, si vè improprie. LXXIV. Observa, veritatis amator, permissionem peccati nihil aliud esse, quàm denegationem gratiæ efficacis essentialiter inferentis actum bonum oppositum peccato; ad quam sequitur prædeterminatio actus peccati. Denegatio ista gratiæ triplicem respectum habet ad actum malum, antecedentem, concomitantem, subsequenter. *Antecedit* prout est denegatio gratiæ, quæ si data fuisset, voluntas non peccasset. *Concomitur*, prout est denegatio gratiæ, quæ est cum peccato impossibilis. *Subsequitur*, prout est denegatio gratiæ, quæ si post peccatum daretur, retractaret illud, ejusque inferret dispendium & dolorem. Ut est *antecedens* propriè dicitur permissio peccati, & tam habere potest ex parte voluntatis causam, nisi in quantum unum peccatum permittitur in poenam præcedentis: & ideo sub hac ratione denegatio antecedentis, prius deferitur anima, quàm deferat, sed desertione improprie sumptâ pro subtractione gratiæ actualis. Ut est *concomitans* habet causam in cre causæ materialis, non verò meritorie, ex parte voluntatis, quæ peccato suo ponit gratiæ obstaculum, propter impossibilitatem: & cum denegatio gratiæ in nullo genere causæ sit causa peccati; potest convenienter dici quod sub hac ratione denegationis concomitantis, anima prius deferat, non deferatur, nisi fuerit denegatio gratiæ vincentis concupiscentiam propter poenam datam in TRIUMPHO Opusc. 1. n. 240. & Sect. 6. de causâ Prædefinitionis. Ut denique denegatio gratiæ est *subsequens*, habet ex parte voluntatis causam demeritoriam; qui enim finem ultimum in creaturâ constituit, averte ab incommutabili bono, sicut facit omnis qui mortaliter peccat, mereatur in suo peccato deferatur; ac proinde denegetur ei eadem gratia, quæ si data fuisset, non peccasset, & quæ si modò daretur postquam pecca-

vit, peccatum suum retractaret. Nam idem est Dei amor, idem etiam est iustitiæ hic & nunc occurrentis amor; quo quis non peccasset, si illo Deus eum prævenire voluisset; & qui est impossibilis cum peccato; & qui retractaret peccatum, si post illud daretur. Ista tria uni & eidem amoris competunt: poterit igitur denegatio istius amoris triplicem supradictam habere considerationem: & per consequens denegatio unius & eiusdem gratiæ efficacis, essentialiter inferentis huiusmodi amorem, propter diversa ministeria, habere etiam poterit triplicem respectum supradictum.

LXXV. Hæc non in *Defensoris* gratiam, qui ad ista defectum non habet intellectum propter Scientiæ mediæ, & gratiæ versatilis impedimentum; sed in gratiam proferimus Cordatorum; ut sapienter discernant inter desertionem, quæ fit denegatione gratiæ efficacis, essentialiter inferentis actum; & desertionem, quæ fit subtractione gratiæ sanctificantis. Prima desertio est impropria, nec tam est desertio, quam ipsissima peccati permissio. Secunda desertio est propria: quia ut in TRIUMPHO n. 239. dicitur; „ Nullus propriè lo-
 „ cum deserit, nisi prius in loco fuerit; nec aliqua alia res deseritur, nisi prius
 „ teneatur. Deus est præsens animæ duplici præsentia, præsentia scilicet im-
 „ mensitatis, secundum quam substantialiter est in animâ, ut possidens eam,
 „ sicut & in omnibus rebus; & præsentia gratiæ sanctificantis, secundum quam
 „ substantialiter inhabitat animam, ut possessus ab eâ. Primam præsentiam
 „ non potest Deus subtrahere, nisi animam annihilando. Secundam quoque
 „ præsentiam subtrahere nequit Deus, nisi prius per gratiam in animâ fuerit;
 „ nec anima potest Deum deserere, nisi prius eum per gratiam tenuerit, &
 „ possederit. Deus igitur deserit animam, subtrahendo gratiam sanctifican-
 „ tem, secundum quam erat illi præsens, vivificando, & regendo eam; prius
 „ tamen anima deseruit Deum, quem ut vitam suam & rectorem possidebat,
 „ peccando mortaliter: est enim peccatum mortale aversio à bono incommu-
 „ tabili per conversionem ad bonum commutabile.

LXXVI. Ut etiam fideliter discernant inter Deum permittentem peccatum (id est, denegantem gratiam efficacem, essentialiter inferentem actum bonum peccato oppositum) & Deum causantem physicè actionem peccati: non enim solummodo denegat Deus suam gratiam, sed etiam physicè influit ut primum movens in actionem peccati; idque negare, asserit Præceptor noster Doctor Angelicus cap. 4. referendus, esse duplici errori propinquissimum. Deus permittens peccatum, sive denegans prædictam gratiam, antecedenter se habet ad peccatum. Deus verò causans physicè actionem peccati, concomitanter tantum se habet ad peccatum; non enim causat actionem sub illa ratione, ad quam sequitur malitia, sub quâ tamen ratione illam permittit; sed prædeterminat ad actionem, cui voluntas pro innatâ suâ libertate inseparabiliter

jungit malitiam. Quò fit, ut Deus cauſando phyſicè actionem peccati, cui uitas ſuperaddit malitiam, non cauſet denegationem gratiæ efficaciſ conſiſtente peccatum. Sed ſola uoluntas pro innatâ ſuâ libertate coniungens itiam actioni peccati; ad quam prædeterminatur; ipſa inquam, ſola uoluntat cauſat in genere cauſæ materialis denegationem gratiæ efficaciſ concomitem peccatum. Ob eandem rationem Deus, cauſans phyſicè actionem peccati non cauſando malitiam, non cauſat denegationem gratiæ ſubſequentem peccatum; ſed ſola uoluntas ſuperaddendo malitiam meretur, ut denegat peccatum ſubſequentem, relinquitur in ſuo peccato.

Quare Deus cauſans phyſicè actionem peccati, nullius denegationis gratiæ cauſa; ejus tamen influxus phyſicus, eſt effectus uoluntatis permittendi datum, ſiue uoluntatis denegandi gratiam efficaciſ. Quibus ritè intellectis, dati intueri poterunt, omnia Moliniſtarum argumenta, quæ faciunt contra Deum prædeterminantem phyſicè actionem peccati, eandem vim habere contra Deum permittentem peccatum, & cauſantem phyſicè actionem peccati; quòd omnes fateri coguntur, qui ſecundum Solem Angelicum duplici uoluerint errore illaqueari. Hoc clariffimè, prædeterminante Deo, 4. contra *Defenſorem gratiæ verſatilis* oſtendemus. Modò ad *Defenſorem* reueni.

X. *Expoſitio Tridentini ſeſſ. 6. cap. 11.* Deus namque ſuâ gratiâ ſemel juſtificatoſ non deſerit, niſi ab eis priùs deſeratur, *facta in TRIUMPHO de gratiâ habituali, à calumniâ Deſenſoris vindicatur.*

CVI]. **L**ocum iſtum Tridentini, de gratiâ habituali exponit Eximius D. Eſtius; præfulgidum Almæ hujus Uniuerſitatis lumem: at *gratiæ verſatilis Deſenſor*, & reueretur tanti Magiſtri expoſitionem. Sic in 1. diſt. 41. §. 18. ad 5. loquitur: „ In huiusmodi Patrum ſententiis um deſerere hominem, non eſt idem quòd permittere eum labi in peccatum, nec proinde primus eſt reprobationis effectus. Videtur enim hoc id dicitur, Deus non deſerit niſi deſertus, juxta mentem Concilii acciſum de gratiâ habituali quâ juſtificamur, ut ſenſus ſit, Deum nunquam auferre gratiam juſtificantem ab homine, niſi propter peccatum quod erit Deum; ſic nimirum ut quamvis ſimul ſint tempore, peccatum moriſ; & amiſſio gratiæ, peccatum tamen cauſa ſit meritoria amiſſionis. Quòd em Deus permittat hominem, vel Angelum cadere in peccatum quod am deſerit, uidelicet non præbendo auxilium efficac ne cadat, hoc non et cauſam in ipſis. Sic docet, & rem explicat Bartholomæus Medina ſu-

„per 1. 2. q. 109. a. 10. ad 3. ET HOC SANÈ VOLUNT VERBA CONCILII TRIDENTINI, quæ sic habent: *Deus namque suâ gratiâ semel iustificatos non deserit, nisi ab eis prius deferatur.*

Quam expositionem confirmat alterum præclarum Almæ hujus Universitatis sydes Eximius D. Sylvius 1. p. q. 23. a. 5. 5. *An reprobatio sit ex prævijs meritis?* Ubi in argumento 2. locum prædictum Tridentini adducit; & postquam solutionem Eslii retulit, eam in hunc modum confirmat: „Quandiu homo „manet iustus, tandiu Deus manet ipsi amicus, conservatque in illo charitatem, ac cætera dona supernaturalia; ergò non est dicendum quòd Deus illum deserat, etiam si permittat eum, vel negligentem esse, vel etiam in alia „quàm negligentia peccata decidere; sed tunc demum videtur deserere, „quando desinit illi esse amicus, & quando gratiam, seu charitatem, quæ filiorum Dei propria est, subtrahit: Eam verò nunquam subtrahit, nisi ab homine mortaliter peccante: ergò verum est, quòd Deus neminem deserat, „nisi prius naturâ deferatur.

Audiat *gratiæ versatilis Defensor* Bartholomæum Medinam 1. 2. q. 109. a. 10. ad 3. docentem: *Quando dicunt SS. Patres, & approbant sacra Concilia, Deum suâ gratiâ semel iustificatum non deserere, nisi prius ab eo deferatur, explanatio est de gratiâ iustificante: nunquam enim gratiam iustificantem auferit ab homine, nisi propter peccatum mortale. Unde Aug. sic inquit* (lib. de natura & gratia c. 22.) *Prævaricatorem legis Dei dignè lux deseruit veritatis.* Idem docet Alvarez de auxiliis disp. 110. n. 119. in fine. Hòs sequuntur doctissimi Salmanticenses Tract. 5. disp. 8. dub. 2. n. 66. P. Gabriel à S. Vincentio in 1. p. disp. 23. dub. 7. n. 165. Labat in 1. p. tract. 1. disp. 7. dub. 10. & communiter Thomistæ; pluresque alii extra Scholam D. THOMÆ invenirentur, si consulendi poenam mereretur temeraria *Defensoris* increpatio, quâ novitium in Theologiâ se exhibet, dum expositioni tantorum Magistrorum, & inter Thomistas communi, notam perversitatis inurit.

LXXVIII. Quòd putas, CORDATE LECTOR, fundamentum adducit *Defensor* suæ calumniæ? *Locus AUGUSTINI*, inquit n. 310. *desumptus est à Tridentino ex cap. 26. libri de naturâ & gratiâ, in liquet ex notâ marginali hinc locum designante: non autem ex cap. 15. lib. 3. de Civit.* Cur non ex utroque? an sibi contrarius in istis locis AUGUSTINUS? si non est sibi contrarius, sed summè consentiens, quod ex uno loco sumitur, ex altero etiam sumi convenientissimè diceretur. Parcendum est *Defensori*, qui Molinismo addictus, sensus non habet in phrasibus Augustinianis exercitatos: quos certè si haberet, non aliam piâ & iustam vitam à S. AUGUSTINO agnosceret assertam, quàm eam quæ ex gratiâ sanctificante procedit. Quòd pluribus efficaciter probat TRIUMPHUS Opusc. 2. de Naturâ purâ cap. 9. per totum.

Quare *piè semper & iussè vivere*, est *exercere opera vitæ* secundum S. Au-

inun. Certum est, quòd principium dans potestatem exercendi opera vitæ, & gratia sanctificans, aut saltem includit illam. Non enim gratia sanctificans solum remissiva peccati, ut docebant Impugnatores S. AUGUSTINI, tiam influit in opera nostra, faciens ea esse opera vitæ, quam habemus eo animam inhabitante & vivificante; faciens quoque ea esse condigna viernâ, quam ex Deo glorificantē fiducialiter expectamus.

XIX. Consulamus locum S. AUGUSTINI ex cap. 26. libri de natura & l. In eo reprehendit Pelagium, quòd aliam misericordiam Dei non ageret, quam illam, quâ peccatum præteritum dimittitur; nullam autem facit misericordiam, quâ peccatum futurum præcavetur, piè & justè vivendo: a quem docet fulgentissimus Ecclesiæ Sol, non sufficere homini, quòd icordiâ Dei restitutus sit sanitati & vitæ, per remissionem peccati, sed c indigere adiutorio & misericordia Dei ut opera vitæ, & meritoria : exercere. Hic est scopus S. AUGUSTINI, in quo cum *Defensore* convess, & secundum quem profert S. Doctor : *Ipse autem Deus cum per mediatorem hominum, hominem Jesum Christum, spiritaliter sanat egrum, vel vivificat mortuum, vivificat impium; & cum ad perfectam sanitatem, hoc est, ad perfectam vitam iustitiam duxerit, non deserit si non deseratur, ut piè semper justèque vivatur. Sicut enim oculus etiam plenissimè sanus, nisi candore lucis adiutus non potest cernere: sic homo etiam iustum iustificatus, nisi æterna luce iustitiæ divinitus adjuvetur, rectè non potest vivere.* ERGÒ DEUS NON SOLUM UT DELEAT QUOD PECCAVIMUS, SED UT PRÆ- ETIAM NE PECCEMUS.

XXX. Pondera, inquit *Defensor* n. 313. verba illa, *ut piè semper justèque vivatur*. Quænam gratia est ad id necessaria? nonne actualis præveniens, & adiuvens? cum ergò AUGUSTINUS illud pronuntiat: *non deserit, si non deseratur, & semper justèque vivatur*; intelligendus est de illâ desertione, quæ fit per subtractionem gratiarum actualium; illæ enim sunt, quibus homo indiget iè semper & justè vivat.

lequamur *Defensori*. Ponderemus verba illa, *ut piè semper justèque vivatur, & etur Defensor* minùs habens. Nam ea, ut vidimus, non aliud sonant, quàm opera vitæ. Utamur verbis *Defensoris*, & interrogemus eum, quænam est ad vitaliter operandum necessaria? nonne gratia sanctificans? ergò S. AUGUSTINUS illud pronuntiet: *non deserit, si non deseratur, ut piè semper justèque vivatur*, intelligendus est de illâ desertione, quæ fit per subtractionem gratiæ sanctificantis; illâ enim est, quâ homo indiget, ut piè semper & vivat, id est, ut vitaliter operetur, sive semper faciat opera vitæ illius, àum quam Deus est ejus vita.

XXI. Infirmitatem *Defensoris*, quâ minùs habens invenitur, ponderatio nis superque ostendit. Quia tamen sapientibus debitores etiam sumus;

operæ pretium est inquirere quodnam sit auxilium illud, quo homo perfectissime iustificatus indiget? & an denegatio illius sit illa desertio Dei, de qua S. AUGUSTINUS loquitur? Si à Lessio, & in eo à Molinistis inquiramus, constanter respondebunt, esse auxilium dans tale posse, cui liberum arbitrium sit causa, cur hic & nunc influat: & illicò probabant ex comparatione S. AUGUSTINI, quâ ait: *Sicut enim oculus corporis etiam plenissime sanus, nisi candore lucis adjunctus non potest cernere: sic homo etiam perfectissime iustificatus, nisi æternâ lucis iustitiæ divinitus adjuvetur, rectè non potest vivere.* Verùm sequentia verba, quæ silet *Defensor* (quo animo iudicet CORDATUS LECTOR) remouent hunc intellectum, qui Molinianus est, non Augustinianus. Concludit enim S. DOCTOR: *Sanat ergo Deus, non solum ut deleat quod peccavimus, sed ut præstet etiam ne peccemus.* Gratia ita sanans ut etiam præstet ne peccemus, non nisi est GRATIA VICTRIX ET PRÆDETERMINANS; quæ inquantum *victrix* sanat vincendo morbum actualis concupiscentiæ, & inquantum *prædeterminans* gratiam sanctificantem, præstat ne peccemus, faciendo ut piè semper iustèque vivamus, id est, opera vitæ faciamus. Inquantum sanat, dat aliquod *posse*, faciendo illud expeditum per remotionem impedimenti: ex quâ parte adiutorio lucis aptissime comparatur. Inquantum præstat ne peccemus, dat *posse* cum effectu; ex quâ parte sufficientia Moliniana retunditur, & gratia versatilis efficaciter excluditur. Tale est adiutorium, quo homo infirmus, etiam perfectissime iustificatus, indiget.

LXXXII. Non tamen denegationi illius adiutorii applicat S. AUGUSTINUS verba ista, *non deserit, si non deseratur*: sed ea applicat præsentia Dei quâ inhabitat & vivificat animam; cuius præsentia necessitatem probat indigentia ulterioris adiutorii. Mirum in modum hallucinatur *Defensor*, dum ignorans AUGUSTINUM, putat cum assumere indigentiam ulterioris auxilii, ad explicandum desertionem; quam tamen solum assumit, ut ostendat præsentia necessitatem. Comparatio medici, quâ utitur, id evincit. Necessaria est præsentia medici; quamdiu indigemus illo; & quia dum ad perfectam sanitatem perduxit, non amplius indigemus illo, eò quòd ultra nihil præstare possit, abscedit medicus, & deserit. Non sic Deus, quia cum ad perfectam vitam iustitiamque perduxit, secundum quam inhabitat animam, adhuc indigenus illo, eò quòd & sanitatis conservatio continuò ab eo dependeat, & recta ambulatio sine ulteriori illius auxilio perfici non valeat; ideo præsens manet, nec unquam abscedit, & deserit, si prius non deseratur. Pulchrè hoc explicat lib. 8. de Genes. ad litter. cap. 12. dicens: *Non ita Deus operatur hominem iustum, id est iustificando eum, ut si abscesserit, maneat in absente quòd fecit; sed potius sicut aer, presente lumine non factus est lucidus, sed fit, quia si factus esset non fieret, sed etiam absente lumine lucidus maneret.* Sic homo à Deo sibi præseente illuminatur, absente continuò tenebatur, à quo non locorum intervallis, sed voluntatis aversione disceditur. Quem locum refert, TRIUMPHUS Opusc. 2. de Natura purâ cap. 9. n. 122.

Hic

Hic est igitur planissimus loci Augustiniani sensus, quod Deus cum ad perfectam vitam iustitiamque perduxit, si non deseratur, non deserit subrahendam gratiam sanctificantem, quâ cum ulteriori auxilio GRATIÆ VICTRICIS PRÆDETERMINANTIS piè semper iustèque vivitur. Ipsa enim gratia sanctificans facit Deum animæ præsentem, & ipsa etiam GRATIÂ VICTRICE ET PRÆTERMINANTE adjuva, influit in piam & iustam vitam. Ista est ergo grâtiâ, am subrahendo non deserit Deus, si prius non deseratur.

LXXXIIJ. Judicet CORDATUS LECTOR, quis nostrum fuerit præcipiti cado, an *Defensor*, qui expositionem Tridentini Scholæ Angelicæ communem, veritatis notat, ? an ego, qui eam tradidi post tantos Magistros, & quam AUGUSTINI modò evici, ex eodem ipso loco, quo secundum *Defensorem* tur Tridentinum? Imò & evincam ex scopo Tridentini. Nam agit de possibilitate servandi mandata, quam habent iusti; quæ potestas inest iustis ex gratia sanctificante ulteriori auxilio adjuvandâ. Dicit enim Concilium, *qui autem sunt eum, ut ipsentestatur, servant sermones ejus; quòd utique cum divino auxilio preestantur*, non dato, sed dando. Sicut indigere ope alterius non designat aliud datum, sed aliquid dandum; ita posse facere aliquid cum indigentia alterius, non significat posse facere ex aliquo accepto, sed posse facere ex quo accipiendo. Acceptum tollit indigentiam. Quæ ergo potest esse indigentia ubi tota gratia jam est accepta; & nulla restat ulterius accipienda? noscant tandem aliquando gratiæ versatilis defensores, agnoscant gratiæ icientis nullo ulteriori auxilio indigentis assertores, quòd potestas servandamandata, non sit apud ipsos potestas servandi mandata cum indigentia illi divini, cum totum fateantur datum, & nihil ulterius dandum.

Quapropter longè sunt à possibilitate servandi mandata, quam definit Concilium habere iustos; hæc enim possibilitas est potestas cum indigentia ultionis auxilii; quæ inest iustis ex ipsâ gratiâ sanctificante, per quam ait Concilium *liberati jam à peccato, servi autem facti Deo simul cum auxilio GRATIÆ VICTRICIS ET PRÆDETERMINANTIS, sobriè, iustè, & piè utrentes proficere possint per Iesum Christum; per quem accessum habuerunt in gratiam istam*: quam Deus eis non subtrahit, prius, peccando mortaliter, Deum deseruerint. Deus namque sua gratiâ semel iustos non deserit, nisi ab eis prius deseratur. Cujus rationem reddit S. AUGUSTINUS, Deus tale bonum est; ut dum semel vivificaverit animam, eum nemo trahit, nisi qui dimittit. Cætera bona, etiamsi vehementi amaveris voluntate, & nere volueris, invitissimum te sæpè deserent. Potes enim aurum perdere, & nos, potes domum, potes honores, potes ipsam carnis salutem; bonum verò quo verè bonus es, invitus accipis, nec invitus amittis. En germanus Concilii sensus, non calamo præcipiti, sed calamo Augustiniano, sed calamo principum hujus Universitatis, sed calamo Scholæ Angelicæ tutissimè & inconculsè exaratus; nec con-

tra cum prævalebit unquam *gratia versatilis* cum omni virium suarum sufficientiâ. Si Dominus pro nobis, quis contra nos.

§. XI. *Veritas antithesis* AUGUSTINI & Molinistarum *defenditur.*

LXXXIV. **U**T Scientiam Mediam S. AUGUSTINO demonstrarem con-
trariam, subjecimus oculis præsentem antithesim:

Antithesis Augustini & Molinistarum.

S. AUGUSTINUS DOCET

MOLINISTÆ DOCENT

1.
*Deum simpliciter & absolute
convertere voluntates hominum.*

1.
*Deum sub conditione convertere
voluntates hominum, si scilicet ipsi
voluerint.*

2.
*Deum volentes ex nolentibus effi-
cere.*

2.
*Deum volentes ex prævisis vo-
luntatis efficere. Quo sensu potest
dici nolens, qui prævisus est velle?*

3.
*Motionem divinam auferre du-
ritiam cordis.*

3.
*Motionem divinam supponere mol-
litiem cordis. Quæ major mollities
cordis, quàm ipsa liberi arbitrii de-
terminatio?*

4.
*Deum inclinare corda hominum
quò, & quando voluerit.*

4.
*Deum inclinare corda hominum
quò, & quando ipsis placitum
viderit.*

5.
*Deum non prærequirere certas
temporis occasiones, & morum dis-
positiones; nec expectare consen-
sum voluntatis.*

5.
*Deum alligari certis circumstan-
tiis, & morum dispositionibus;
necnon expectare consensum vo-
luntatis.*

6.
*Deum movere voluntatem fa-
ciendo, ut velit.*

6.
*Deum movere voluntatem, præ-
videndo si velit.*

Hi oppositi modi loquendi (cuilibet Theologo mediocriter in his materiis versato satis noti) convincunt efficaciter contrarietatem conceptuum inter S. AUGUSTINUM & P. MOLINUM, Scientiæ Mediæ (ut ipse de se glorietur) inventorem: ait enim q. 23. a. 4. & 5. disp. 1. memb. 6. *Et hæc nostra ratio conciliandi libertatem à nemine quem viderim huc usque tradita.* HÆC THOMISTARUM TRIUMPHUS, Opusc. 1. de Scientiâ mediâ ad examen revocatâ c. 1. a. 2. §. 3. Mirum in modum displicuit Defensori gratiæ versatilis ista antithesis, & turbulentum non valens temperare calumum, sic eam calumniatur: *Propositiones illæ, quas in hac commentitiâ antithesi tribuit Scientiæ Mediæ Defensoribus, ut sententiis AUGUSTINI oppositas, adeo sunt absurde, aut falsæ, aut subdolæ, ut diffuile mihi statuerem, vincant absurditatem falsitas? an dolus utrumque? Quò abriperis gratiæ versatilis Defensor? certamen istud, præcipuum est defensionis injustæ scutum, vobis familiare, nobis penitus ignotum. Quò acrius insectarer, nisi motos præstaret componere vultus; & ipsâ rei veritate calumniam diluere.*

Fûdatur ista antithesis in duabus supra n. 18. & 28. enumeratis sententiis, quarum unam si cum Molinistis doceas, omnes propositiones, quas exhibet antithesis docere Molinistâs, necesse est ut doceas. Si verò alteram cum S. AUGUSTINO docueris, etiam docebis omnes propositiones, quas exhibet antithesis, docere S. AUGUSTINUM. Breviter id ostendamus per singulas propositiones.

I.

Deum simpliciter & absolute Deum sub conditione convertere voluntates.
re voluntates hominum, si scilicet ipsi voluerint.

LXXXV. Molinistæ, teste Lessio, docent Deum movere & convertere voluntatem per gratiam, cui liberum arbitrium est causa, cur hic & nunc influat in conversionem; non verò gratia est causa; cur liberum arbitrium hic & nunc in eandem conversionem influat. Ex quo apertè sequitur, efficaciam istius gratiæ non esse absolutam, sed conditionatam: siquidem non potest absolute dici, *gratia hic & nunc influet*, sed solum conditionatè: *gratia hic & nunc influet, si liberum arbitrium sit ei causa, cur hic & nunc influat.* Docent ergò Molinistæ, Deum convertere voluntates hominum per gratiam non absolute, sed conditionatè efficacem; quòd prorsus apud nos idem est, ac *Deum sub conditione convertere voluntates hominum, si scilicet ipsi voluerint.*

S. AUGUSTINUS docet, Deum movere & convertere voluntatem per gratiam, quæ sit causa, cur liberum arbitrium hic & nunc influat in conversionem, non verò cui liberum arbitrium sit causa influendi. Ex quo apertè sequitur, efficaciam gratiæ esse absolutam, efficaciam verò arbitrii esse conditionatam. Nam absolute de istâ gratiâ verum est dicere, *gratia data hic & nunc*

influet: at de libero arbitrio non potest absolute dici, *liberum arbitrium hic & nunc influet*, sed solum conditionate; *liberum arbitrium hic & nunc influet, si gratia sit ei causa hic & nunc influendi*. Docet ergo S. AUGUSTINUS, Deum convertere voluntates hominum per gratiam absolute efficacem; quod prorsus apud nos idem est, ac Deum simpliciter & absolute convertere voluntates hominum.

Quare inconcussa manet veritas primæ antithesis, quam non intellexit *Defensor*; eò quòd in suo eam principio non consideravit.

II.

Deum volentes ex nolentibus ✠ *Deum volentes ex prævisis volentibus* ✠
efficere. ✠ lituris efficere.

LXXXVI. SEQUITUR SECUNDÒ ex eodem principio Molinistas docere; *Deum volentes ex prævisis volentibus efficere*; cuius sensus non est, quòd voluntas ante non fuerit nolens; sed quia cum qui fuit nolens, gratia non facit volentem, nisi dependenter ab aliquo præviso, quòd est à libero arbitrio, & non ab ipsâ. Nam eò ipsò quòd gratia non sit causa, cur liberum arbitrium hic & nunc influat in volitionem: gratia data non influat in volitionem, & consequenter non faciet volentem, nisi priùs prævisum fuerit, quòd liberum arbitrium hic & nunc influat in volitionem: ac proinde nisi priùs prævisum fuerit aliquid, cuius gratia non est causa. Et ita gratia Moliniana nolentem non facit immediate volentem, sed mediante aliquo præviso, quòd est à libero arbitrio, & non ab ipsâ. Unde in hoc sensu verè dicitur, Molinistas docere, *Deum volentes ex prævisis volentibus efficere*.

Econtra cùm S. AUGUSTINUS doceat, gratiam esse libero arbitrio causam hic & nunc influendi, nec esse aliquid ab eo, quòd non sit à gratiâ, sit ut gratia AUGUSTINIANA nolentem faciat immediate volentem, id est, independentem ab aliquo præviso, quòd sit à libero arbitrio, & non ab ipsâ. Unde in hoc sensu verè dicitur, S. AUGUSTINUM docere, *Deum volentes ex nolentibus efficere*.

Quare inconcussa stat veritas secundæ antithesis; in quâ multum aberrat *Defensor*, dum n. 331. dicit, quòd in omnium sententiâ verum sit, Deum volentes efficere ex prævisis volentibus; hoc enim Molinisticum est; quia ad veritatem illius exigitur, ut in volituro sit aliquid ab ipso, & non à gratiâ; quòd solum Molinistæ docent. Et ideo nec ridiculè, nec vanè interrogantur (ut irridet *Defensor*) dum quæsit TRIUMPHUS, *quo sensu potest dici nolens qui prævisus est velle?* Nam qui quoad aliquid prævisus est ex seipso, & non ex gratiâ velle, nullo sensu præsupponitur immediate nolens; fuit quidem nolens, sed ut transeat de nolente in volentem, mediat aliquid ex seipso prævisum.

Aperiat mentis oculos *Defensor*, & fixè intueatur, quòd facere de nolente volentem, sit energia principii quo, non principii sine quo non. Cùm ergo gratia

oliniana, in actu qui est amborum, se habeat ut principium *sine quo non*, erum verò arbitrium se habeat ut principium *quo*; non gratia Moliniana, sed erum arbitrium facit se de nolente volentem. Manifestat hoc concursus domini cum servo ad trahendum navem; non enim servus facit dominum de non trahente trahentem; sed dominus est, qui servum facit de non trahente trahentem. Cur hoc? quia non servus domino, sed dominus servo est causa alendi. Atqui gratia Moliniana, ut docent Adversarii in Lessio, non est libero arbitrio causa influendi in volitionem, sed liberum arbitrium est causa; ut gratia influat: ergò gratia Moliniana non facit de nolente volentem, sed libero arbitrio hoc erit proprium, sicut quædam illius energia Moliniana.

II J.

Motionem divinam auferre duritiæ cordis. *Motionem divinam supponere molliitiem cordis.*

LXXXVII. SEQUITUR TERTIO, ex eadem ratione, Molinistas docere, *motionem divinam supponere molliitiem cordis*; quia supponit illud, quo liberum arbitrium est ei causa influendi, cujus ipsa motio divina non est causa. Quòd jam sæpe vocavimus *determinationem arbitrii*. Certum est, quòd gratia non emolliat cor auferendo illius duritiem, usque dum influat in consensum. At juxta Molinistas liberum arbitrium est causa, cur gratia hic & nunc influat in consensum: ergò ipsum est causa cur gratia cor emolliat, auferatque ejus duritiem. Si gratia accipiat à libero arbitrio, quòd auferat duritiem cordis, convenientissime dicitur, *motionem divinam supponere molliitiem cordis*: nam quæ major molliities cordis, quàm ipsa liberi arbitrii determinatio? id est, quàm liberum arbitrium esse causam, cur gratia emolliat?

Ne disputemus de nominibus, si liberum arbitrium est causa, cur gratia influat, & influendo emolliat; certum est, quòd à parte rei sit in libero arbitrio aliqua ratio realis, quæ id faciat; istam rationem nominavimus *determinationem arbitrii*, & dicimus esse quamdam cordis molliitiem; baptizent eam alio nomine Molinistæ, semper illud nomen significabit istam rationem realem quæ liberum arbitrium est causa, cur gratia emolliat; quam rationem realem præsupponit motio divina, sicut aliquid quod non est ex ipsa.

Ubi autem gratia est causa, cur liberum arbitrium influat in consensum, nihil est in consensu, quòd non sit ex ipsa; & ideo ipsa est, quæ præstando indeclinabiliter & insuperabiliter consensum, cor emollit, auferendo ejus duritiem. Istam gratiam docet S. AUGUSTINUS; docet ergò, *motionem divinam auferre duritiem cordis*.

Quare inconcussa stat veritas tertiæ antithesis, in quâ totaliter extravagatur gratia *versatilis Defensor*, ut intuenti patebit.

IV.

*Deum inclinare corda hominum,
quò & quando voluerit.*

*Deum inclinare corda hominum,
quò & quando ipsis placitum
viderit.*

LXXXVIII. SEQUITUR QUARTO, Molinistas docere, *Deum inclinare corda hominum, quò & quando ipsis placitum viderit.* Cum nulla sit inclinatio cordis influens in amorem, cui liberum arbitrium non sit causa, cur hic & nunc influat, juxta doctrinam Molinistarum toties jam decantatam: sequitur aperte Deum efficaciter inclinare corda hominum ut ament, quò, & quando ipsis placitum viderit, id est, quò & quando viderit liberum arbitrium fore causam, cur inclinatio hic & nunc influat in amorem.

Cum contra inclinatio AUGUSTINIANA sit causa, cur liberum arbitrium hic & nunc influat in amorem, utpotè talis, quam omnis qui accipit amat, & qui non accipit non amat: sequitur aperte S. AUGUSTINUM docere, *Deum inclinare corda hominum, quò & quando voluerit.*

Quare inconcussa stat veritas quartæ antithesis, quam zelo veritatis abrep- tus sic in TRIUMPHO expressi: „ Quare exoptando concludo, utinam Deus „ meus tam essem certus de salute meâ, quam certò deduci arbitrer Scientiam „ Mediam gratiæ tuæ esse inimicam, & Sanctis tuis AUGUSTINO & THOMÆ „ contrariam. Scio à te scriptum *cor Regis in manu Domini, quocumque voluerit incli-* „ *nabit illud*, Prov. 26. Sed Molina excogitavit, *gratia Domini in manu Regis, quo-* „ *cumque voluerit determinabit eam.* Absit ut te deserens, Molinam sequar, non me „ impinguabit oleum gratiæ versatilis in æternum. Sed omnem voluntatis meæ „ determinationem tibi Deus meus subicio, *tu enim es causa, quò influam in tui* „ *amorem, non ego causa, quò in eum influas: & idè* præventus benedictionibus „ dulcedinis tuæ, misericordias tuas in æternum cantabo. Amen. Opusc. 1. „ de Scientiâ Mediæ ad examen revocatâ cap. 1. art. 2. §. 6.

In hac antithesi inscitiam suam demonstrat Defensor, dum n. 342. ait: *Vixne* tantummodo Deum non inclinare corda hominum per gratias excitantes, nisi præviderit ipsorum complacentiam, seu consensum in illud, ad quod ipsos inclinare decreverit, eo tempore futurum quoslatuerit? at id in omnium sententiâ verissimum est; cum una sit omnium doctrina Deum ab æterno omnia prævidere, quæ in tempore geruntur, & eo planè modo, iisque temporis, & loci circumstantiis quibus geruntur, in quocumque denique hæc præscientia actuum liberorum fundetur. Non est igitur quòd in eo sensu nobis obicias Deum ex doctrinâ nostrâ inclinare corda hominum, quò & quando ipsos voluturos præviderit.

LXXXIX. Prodit, inquam, suam inscitiam Defensor, dum inclinationem ex præscientiâ efficacem, & inclinationem ex omnipotentia efficacem inter se confundit, non dijudicans doctrinam AUGUSTINIANAM. Ubi ad efficaciam inclinationis

est præscientiâ explorante, necesse est, ut aliquid sit à libero arbitrio, & non sit ex illâ inclinatione. Est enim phrasis AUGUSTINIANA, id eligi ex præscientiâ, quod non subditur electioni; patet hoc ex testimonio relato à *zfore* n. 283. de quo supra §. 8. *Non ergo elegit Deus opera cuiusquam in præscientiâ ipse daturus est, sed fidem elegit in præscientiâ, ut quem sibi crediturum esse præseivir, ipse elegerit, cui Spiritum Sanctum daret, ut bona operando etiam vitam æternam consequeretur.* Fatetur *Defensor* S. AUGUSTINUM proferre hæc verba secundum suum errorem postea retractatum, quo sentiebat credere & velle non esse ex Deo, sed libero arbitrio; bene autem operari esse ex Deo, sive ex ejus gratiâ. Cum eripsum credere dicat eligi in præscientiâ, non autem bene operari; sequitur id & ex præscientiâ, quod non subditur electioni. Unde si ut inclinet Deus gratias excitantes, opus est præscientiâ; ita ut inclinatio fiat ex præscientiâ efficax, oportet ut aliquid sit, quod non subdatur inclinationi.

Nec ab hoc defendere se valet *Defensor*; siquidem cum Lessio asserere debet, nullam esse inclinationem, quæ sit causa, cur liberum arbitrium hic & nunc inuat in opus, sed liberum arbitrium esse causam, cur inclinatio qualiscumque terit ex parte Dei, hic & nunc influat in opus. Quare perspicuum est, non esse opus præscientiâ explorante ad inclinandum corda hominum, nisi ex eo quod utatur, aliquid esse à cordibus hominum, quod non est ab ipsâ inclinatione. Et in hoc sensu Deus non inclinat corda hominum quod voluerit, sed quod præviderit liberum arbitrium voliturum, id est, fore causam, cur inclinatio hic & nunc influat in opus.

V.

Deum non prærequirere certas temporis occasiones, & morum dispositiones; nec expectare consensum voluntatis. *Deum alligari certis circumstantiis & morum dispositionibus; nec expectare consensum voluntatis.*

LXXXX. SEQUITUR QUINTO, Molinistas docere, Deum alligari certis circumstantiis, & morum dispositionibus, nec non expectare consensum voluntatis. Nihil hic nobis probandum, quia utrumque admittit *Defensor gratiæ versatilis*, cõtendens utrumque esse S. AUGUSTINI. Mirabilis facta est Scientia Media ex adinventionibus suis, quibus gratiam versatilem tam subtiliter pro GRATIA AUGUSTINIANA obtrudit, ut non solum imperiti, sed & ingeniosi, qui exercitatos sensus non habent in phrasibus AUGUSTINIANIS vix unam ab aliâ discernere valeant, etsi non minus ac nigrum & album inter se adversentur. *Veni Sancte Spiritus & emitte calicis lucis tue radium.* Radius lucis in hâc materiâ, est duplicis sæpius decantatæ sententiæ consideratio, ad quam tamquam ad regulam recurrendum semper est ei, qui germa-

num S. AUGUSTINI sensum, & perfectam Christi gratiam discere voluerit de corde puro, & conscientiâ bonâ, & fide non fictâ. Nihil tam certum, quàm gratiam in influxu cuiuscumque operationis dependere à libero arbitrio, & similiter liberum arbitrium in influxu cuiuscumque operationis salutaris, dependere à gratiâ. Verùm si dependentiam gratiæ à libero arbitrio ita explices, ut liberum arbitrium sit causa, cur gratia hic & nunc influat, *gratiam versatilem* concedis, & liberum extollis arbitrium: si contra liberum arbitrium ita dependere à gratiâ dixeris, ut gratia sit causa, cur liberum arbitrium hic & nunc influat, GRATIAM AUGUSTINIANAM extollis, & liberum deprimis arbitrium.

LXXXXI. Quid dicat *Defensor*, inspiciamus. Ad primam sequelæ partem sic edisserit n. 345. „ Certas vocationes, seu gratias excitantes alligari certis „ circumstantiis, certisque & morum, & nativæ indolis dispositionibus certissima est AUGUSTINI doctrina lib. 1. ad Simpl. quæst. 2. his verbis: *Quamvis multi uno modo vocati sunt: tamen quia non omnes uno modo affecti sunt, illi soli sequuntur vocationem, qui ei capiendæ reperiuntur idonei.* Et infra verum est ergo multi „ vocati, pauci electi; illi enim electi qui congruenter vocati: illi autem qui non congruebant, „ neque contemperabantur vocationi, non electi, quia non secuti, quamvis vocati. Videlicet „ vocationis congruentiam, & aptitudinem, ut efficaciter moveat, respectivam esse ad temperamentum, & affectiones eorum qui vocantur? cur enim „ è multis eodem modo vocatis alii vocationem respuant, alii sequantur, hanc „ reddit rationem: *quia non omnes uno modo affecti sunt*, sive quia non omnes congruebant, & contemperabantur vocationi.

Non credo *Defensorem* intendere, quòd illi, qui reperiuntur idonei, sequantur vocationem ex solo influxu liberi arbitrii sine influxu gratiæ in sequelam vocationis: sed catholicè eum sentire existimo, quòd quicumque reperiuntur idonei, sequantur vocationem gratiâ simul cum libero arbitrio influente in sequelam vocationis. Applicemus huic assertioni supradictam regulam. In sequelam vocationis influit ex parte Dei, gratia, & ex parte liberi arbitrii, congruitas; si gratia sit causa, cur congruitas arbitrii hic & nunc influat, congruitas vocationis erit AUGUSTINIANA; si verò congruitas arbitrii sit causa, cur gratia hic & nunc influat, congruitas erit *Moliniana*. In utràque sententiâ verum est dicere, quòd *uno modo vocati, non omnes sequuntur vocationem; quia non omnes uno modo affecti sunt.* Differentia est, quòd Molinistæ velint, eos qui diversimodè affecti sunt, ita esse affectos, ut eorum congruitas sit causa, cur gratia hic & nunc influat in sequelam vocationis. At S. AUGUSTINUS doceat, quòd illi, qui diversimodè affecti sunt, ita sint affecti, ut gratia sit causa, cur eorum congruitas hic & nunc influat in sequelam vocationis. In vocatione, v. g. prædicatione Evangelii sunt æquales; in sequendo inæquales, propter diversam affectionem, cui gratia est causa sequendi.

LXXXIJ. Doctrinam istam latè deducti TRIUMPHUS Opuſc. 1. de Scientiâ

• *Mediâ ad examen revocâti* cap. 2. art. 4. §. 1. Ubi inter alia, quæ ſit vocatio efficaciſſime congrua tam interna, quàm externa, ſic explicatur. „ Quò ſe vertet „ apud AUGUSTINUM gratia ſufficiens Moliniſtica? cùm aliènum ſit à doctrinâ „ AUGUSTINIANâ, & gratiâ Redemptoris noſtri Jeſu-Chriſti directè contrarium, vocationem dici congruam, quòd illam efficaciſſime reddit voluntas ex „ propriâ ſua determinatione, Deo ſolùm exhibente concurſum indifferentem „ ad amorem, & odium, voluntate verò illum determinante ad amorem &c. „ Quis hic non timeat *Sathanam ſicut fulgur de cælo cadentem*, cernens voluntatem præcipuas habere partes, & de aliquo quaſi non acceperit, poſſe gloriari? „ Non ſic pius & humilis Doctor Cyprianus, qui dicit IN NULO ESSE GLORIAN- „ DUM CUM NIHIL SIT NOSTRUM. Tutiores ergò vivimus, ſi vocationem externam efficaciſſime congruam dicamus eſſe illam, *quæ Deo interius prædeterminante affectum voluntatis, ſignis congruentibus diſpoſitioni animæ movet efficaciſſime voluntatem.* „ Si etiam vocationem internam efficaciſſime congruam dicamus illam eſſe, *quæ affectus voluntatis prædeterminat, juxta inclinationem voluntatis*, ut timido timorem, „ forti ſpem, iracundo peccatorum vindictam, &c. Vel illos affectus prædeterminat medio judicio indifferenti, ratione cujus voluntas movetur ſecundùm „ quod congruit ſuæ libertati. Tutiores, dico, ſic vivimus, quia non partem „ damus voluntati, & aliam Deo, ſed totum ita damus voluntati, ut totum illud Deo miſericorditer donante, accipiat: ſic enim in nullo quaſi non acceperimus gloriantes, ſoli Deo honor, & gloria tribuitur.

LXXXIII. Ad alteram quintæ antithetiſ partem, testimoniis S. Scripturæ, probat Deum expectare voluntatem, & n. 359. ſubjungit: *Hanc etiam Dei expectationem evincit libertas conſenſus noſtri: ſi enim liber eſt, pendet à voluntate: id autem quòd ab altero dependet, ab altero expectandum eſt. Quamvis ergò Deus præveniat voluntatem, illamquæ ad conſenſum excitet, viresque auxiliatrices ad conſentiendum præbeat liberalitate prorsus gratuita: quia tamen ipſum conſenſum relinquit in poteſtate voluntatis, optimo ſenſu dicitur ab eâ conſenſum illum expectare.*

Et num. 364. *Videſne*, ait, *expoſitum quò ſenſu Deus expectet voluntatem noſtram; quò ſenſu illam præveniat? nihil ab eâ expectat, ut illam vocet, atque excitet; ſed expectat ut vocata, atque excitata divina motioni conſentiat.*

Ad regulam ſupradictam, ſicut ad lydium lapidem recurramus, & diſtorta probabitur *Deſenſoris* ſententia. Fatetur ipſe Deum voluntati vocatæ, atque excitatæ præbere gratiam auxiliatricem influentem in conſenſum, quem elicit liberum arbitrium. Si gratia auxiliatrix ſit cauſa, cur liberum arbitrium hic & nunc eliciat conſenſum, expectatio conſenſus erit AUGUSTINIANA; ſi liberum arbitrium ſit cauſa, cur gratia auxiliatrix hic & nunc influat in conſenſum, expectatio erit *Moliniana*.

Quarum hæc est principalis differentia, quòd Deus secundum expectationem AUGUSTINIANAM expectat opus suum, nihil enim expectat, cujus gratia sua non sit causa. At secundum expectationem *Molinianam* Deus expectat aliquid, cujus non est causa per suam gratiam; expectat enim ut liberum arbitrium hic & nunc influat, cujus, ut toties decantatum est, gratia non est causa secundum Lessium, & Molinistas. Quæ expectatio in re convenit cum expectatione Impugnatorum S. AUGUSTINI; quia licet non respiciat aliquod meritum, aut motivum voluntatis divinæ, respicit tamen aliquid quod est nostrum, & non à gratiâ: & consequenter destruit veram Christi gratiam, secundum quam dicit S. Cyprianus, IN NULO ESSE GLORIANDUM, CUM NIHIL SIT NOSTRUM.

Quare inconcussa manet veritas quintæ antithesis. Cum enim S. AUGUSTINUS, doceat, nihil esse in opere salutari à libero arbitrio, quòd Deus per suam gratiam non operetur, sequitur S. Doctorem docere, *Deum non præquirere certas temporis occasiones, & morum dispositiones; nec expectare consensum voluntatis*. Econtra cum Molinistæ doceant, aliquid esse à libero arbitrio in opere salutari, quòd Deus per suam gratiam non operetur, nempe *esse causam hic & nunc influendi*, sequitur eos docere, *Deum alligari certis circumstantiis, & morum dispositionibus; nec non expectare consensum voluntatis*.

VI.

Deum movere voluntatem faci- *Deum movere voluntatem præ-*
ciendo ut velit. *videndo si velit.*

LXXXXIV. SEQUITUR ULTIMO, Molinistas docere, *Deum movere voluntatem prævidendo si velit*, quia motio efficax Dei innitur præscientiæ alicujus, quòd non facit gratia; ut pluries probatum est. Et cum talem præscientiam non doceat S. AUGUSTINUS, sed motio Dei efficax innitur decreto de se, id est, ex omnipotentia efficaci secundum ipsum, sequitur eum docere, *Deum movere voluntatem faciundo ut velit*.

Inconcussa igitur manet veritas ultimæ antithesis, quam ridiculam & absurdam pronuntiat *Defensor*: eò quòd regulam supradictam non attenderit, duarum scilicet sententiarum, quarum qui unam cum S. AUGUSTINO docuerit, & qui aliam cum Molinistis sequutus fuerit, oportet ut in omnibus antithesis nostræ propositionibus sibi contradicat.

Judicet inodò CORDATUS LECTOR annon jure merito quadret gratia *versatilis Defensori* certamen calumniosè nobis ab ipso hic impositum, quo absurditas, dolus & falsitas pro palmâ decertant.

§. XII. *Vindicatur TRIUMPHUS à fraudulentis mutilationibus
& corruptionibus quorundam Probabilistarum.*

LXXXXV. **F**raudulentas quorundam Probabilistarum mutilationes & corruptiones nobis imponit *gratia versatilis Defensor*, ac in eis lætatur, sicut qui invenit spolia multa. Lessium contendit à nobis corruptum; Tamburinum duobus locis fraudulenter truncatum; Thomam Sanchez adulteratum; Escobarium auctum & imminutum. *Defensorem* telis propriis, sicut hactenus factum est, evincamus; ejusque argumenta nostris probemus utilitatibus militare. Völens ipse, P. Annatum vindicare à dolosa loci Augustiniani mutilatione, de qua supra §. 9. differuimus; medium quo debuisset dolosa probari mutilatio, nobis suggerit. 300. dicens: *Vtique probatio tua petenda erit ex scopo Annati, & ostendendum illi obfuisse AUGUSTINUM intellectum de anime desertione à Deo per subtractionem gratie sanctificantis. Si enim AUGUSTINUS sic intelletus nihil officiat fini, quem intendis; cur, amabo, præfata verba abscidisset, ne AUGUSTINUS in hoc sensu acciperetur? videamus ergò quid loco citato intendat Annatus: & num prædictus sensus verborum AUGUSTINI, ejus intentioni repugnet.* Ita probatio *Defensoris* petenda erat ex scopo nostro. Si enim verba quæ dicit vel corrupta, vel mutilata nihil officiant fini, quem intendimus, fraudulenta nequit esse nec corruptio, nec mutilatio. Videamus ergò quid intenderimus, & num exprobrata verborum omissio, aut mutatio nostræ intentioni repugnet.

LXXXXVI. Tomo secundo TRIUMPHI THOMISTARUM Opusculo quinto; expugnavimus & expurgavimus Probabilitatis doctrinam. Expugnavimus dum à lege Dei tam naturali, quam supernaturali ablegavimus eam. Expurgavimus, dum in lege humana firmavimus eam. Post expugnatam & expurgatam Probabilitatem, tres agendorum regulas exhibuimus, secundum quas, Probabilistarum aliquas ex innumeris laxitates, insectati sumus. Istas Probabilistarum laxitates ex Autoribus Jesuitis retulimus, non quòd illarum semper sint authores; sed quòd illas ut probabiles defendant majori studio, & autoritate; ipsique doceant communiter, licitum esse sequi opinionem probabilem. Nam ex hoc sequitur, nihil in praxi referre, quòd Author aliquis dicat; se non tenere istam sententiam, aut in praxi non esse sequendam, sive quòd idem est solum speculative esse probabilem: eò ipsò quòd defendat aut referat eam ut probabilem ab aliis asseritam, virtualiter & reipsa docet, licitum esse eam sequi; quidquid verbis ad simplicibus & incautis illudendum in contrarium dixerit. Ex hoc communi Probabilistarum asserto, quòd unius est, fit in ipsa praxi omnium, novobstante propria reclamatione.

LXXXXVII. Ad hoc non impulit amarus in Jesuitas animus, sed veritas

tis amor, quo vehementer urgeor, ut Jesuitæ desinant esse Molinistæ, & Probabilistæ. Si primum desiderit esse, & secundum corrumpetur, quia, ut dixit TRIUMPHUS, *non nisi iusto Dei iudicio Molinistæ facti sunt Probabilistæ*. Tales certe ab initio non fuere Jesuitæ; nec tales erant, quando S. Teresa Carmeli primitivi instauratrix; *se Societatis filiam*, ut ait *Defensor*, appellabat: nec tales erunt venturis sæculis, si in illis fructus uberrimos sint producturi, ut sibi pollicentur ex revelatione eidem S. Virgini factâ, quam Societati appropriat *Defensor* n. 80. Nec tales denique sunt, qui in cordibus suis & cubilibus *de vanitate Scientia Media*, ejusque infelici gratie *versatilis fatu*, à Societate amplexis compunguntur, quæ *ut hesternæ Ludovici Molina commenta* (verba sunt Marianæ Jesuitæ) oportuisset ab ea fuisse contempta.

LXXXXVIIJ. Gratias etiam ago Deo meo, quod talis non fuerim; Misericordiâ enim Domini subductus, qui in tempore oportuno; & post plures vitæ militaris annos, ut non dicam impiæ, vocatus fui in admirabile lumen Solis Angelici D. THOMÆ Aquinatis. Quod certè donum à Patre luminum descendens in me ita magnifico, ut post sacrum Baptisma, & Professionem religiosam, nihil habeam, de quo ita gratias agam Deo, quàm quod in sapientiâ D. THOMÆ erudierit me. Audeo dicere, & non silebo (absit verbo invidia) cum non intelligere D. THOMAM, qui illum super omnes scholasticos non diligit, nec omnibus anteponit, nec sibi super omnes sapit: sicut nec sacram Scripturam intelligit, qui eam super omnes scripturas non amat, nec omnibus eam præfert, sibi que super omnes non sapit. Sol Patrum est S. AUGUSTINUS; sol Scholasticorum D. THOMAS.

Os sapientia D. THOMÆ, quæ ex ore Altissimi dicentis tibi, *Bene scripsisti de me*, prodixit, veni ad docendum me tutissima & inconcussa dogmata tua; & à te nunquam separari permittas, Molinistarum sequendo novitates, aut Probabilistarum amplectendo laxitates. Protege me in brachio tuo super omnem terram extento, & ostende, quod qui te tenuit, nunquam fuit de veritate suspectus.

Quod in epistolâ dedicatoriâ dixit TRIUMPHUS, hoc iterum dico; *Jesuitas dilexi, Molinistas autem odio habui*, addo & *Probabilistas*. Desinant esse Molinistæ, desinant esse Probabilistæ, & omnibus Cordatis amori erunt Jesuitæ. Hoc unum eis exopto, hoc unum & deprecor, ut *retractatione Molinismi* major in re fiat Societatis gloria in sæculo secundo, quàm in imagine *exaltatione Molinismi* representata fuit in sæculo primo. Sic in Domino, & non in seipsis gloriabuntur. Hic est proximus finis Opusculi primi, cui titulus, *Scientia Media ad examen revocata*; nec unquam, ubi occasio se obtulerit, ab isto fine consequendo desistam. Nam gratia Christi urget me. *Si quis est Domini, jungetur mihi*.

Lessius non corruptus exhibetur.

LXXXIX. Tertiam agendorum regulam exhibuit TRIUMPHUS, quæ regulararet amanda, præscribens ordinem diligendorum, & ordinem concupiscendorum. Ordo concupiscendorum ex gemino Ecclesiæ Sole sic præscribitur: „Hoc igitur semper est præ oculis habendum, quòd bona corporis sint regula & mensura bonorum exteriorum; intelligibilia sensibilibus; sempiterna temporalium. Hinc firmissimè tenendum est, quòd si amor honorum exteriorum v. g. divitiarum ita crescat, ut in vitâ patiatur homo detrimentum, est inordinatus. Similiter si amor vitæ ita crescat, ut in bonis animæ patiatur homo detrimentum, est inordinatus; inordinate igitur amat, qui amat divitias cum detrimento vitæ; qui vitam amat cum detrimento animæ; qui sensibilia amat cum detrimento intelligibilium; qui temporalia v. g. honorem amat cum detrimento æternorum.

Laxitates aliquas Probabilistarum dictum concupiscendorum ordinem pervertentes ex Authoribus Jesuitis, ratione jam dictâ protulimus. Inter quas retulimus eam, quæ docet esse quandoque licitum proximum occidere in defensionem honoris; & usi sumus Lessio, & Amico ad istam laxitatem exhibendam in hunc modum n. 151:

„Fas etiam est viro honorato occidere invasorem qui sustem, vel alapam conatur impingere ut ignominiam inferat, si aliter hæc ignominia vitari nequit. Lessius de Jure & Justit. lib. 2. c. 9. dub. 12. n. 77.

„Notandum est variis modis honorem alterius posse impeti, & auferri, in quibus videtur concessa defensio n. 78. Primo, si baculum vel alapam nitari impingere, de quo jam dictum est. Secundo, si oxumeliis afficiatur, sive per verba, sive per signa, hic etiam est jus defensionis. Tertiò, si illatâ alapâ cesses, vel etiam fugias. Ibid. n. 79. Quartò, si nomini meo falsis criminationibus apud Principem, vel viros honoratos detrahere nitaris, nec aliâ ratione possim illud damnum sanæ avertere, nisi te occultè interficiam. n. 81.

„Hæc Lessius de quocumque honore indiscriminatim. At de honore qui ex virtute & sapientiâ nascitur; sequentia docet Amicus in Cursu Theologico hic Duaci impresso anno 1640. Tract. de Jure & Justitia disp. 36. sect. 7. num. 118.

„Ergo saltem hunc honorem poterunt Clerici ac Religiosi cum moderamine inculpatæ tutelæ, etiam cum morte invasoris defendere, quia interdum lege saltem charitatis, videntur ad illud defendendum teneri, si ex violatione propriæ sanæ integræ Religio infametur. Unde licet Clerico vel Religioso calumniatorem gravia crimina de se, vel de suâ Religione spargere minantem occidere, quando alius defendendi modus non suppetat; uti suppetere non videtur, si calumniator sit paratus, ea vel ipsi Religioso, vel ejus Religioni publicè, ac coram gravissimis viris impingere, nisi occidatur.

„ Hæc Probabilistarum de eade doctrina in suâ radice evellitur per assignatum concupiscendorum ordinem. Nam vita præminet honori &c.

„ C. Primus Lessii locus cum Amici sententiâ (Anno 1649. die 6. Septembris à Facultate Theologicâ Lovaniensi, ut falsâ in se, & omni generi hominum perniciofa, censurât) sufficiebat ad exhibendam Probabilistarum laxitatem à nobis ibi intentam, quâ docent, *esse quandoque licitum proximum occidere in defensionem honoris*. Nam ex ordine concupiscendorum ibidem assignato, apertè sequitur, nunquam licere proximum occidere in defensionem honoris. Cum ergò in primo loco doceat Lessius, *fas esse viro honorato occidere invasorem, qui sustinet vel aliam conatur impingere ut ignominiam inferat, si aliter hæc ignominia vitari nequit*; sequitur evidenter Lessium tenere illam laxitatem, quam ex ordine concupiscendorum assignato refutare intendebamus. Unde quoad laxitatem doctrinæ principaliter intentam, non fuit aliqua fraudulenta corruptio; quia etsi daremus, in tribus casibus secundi loci Lessium non tenere licitam esse occisionem, primum tamen casum admittit; quòd sufficit ut verificetur, Lessium docere, *esse quandoque licitum proximum occidere in defensionem honoris*. Et hoc indiscriminatim docuit, id est, non distinguendo inter honorem qui ex virtute & sapientiâ nascitur, & cum qui aliunde habetur, sicut distinxit Amicus in sententiâ censurâtâ.

Fateretur *Defensor* primum Lessii locum fideliter recitatum; sed prætermisos conqueritur n. 368. Authores gravissimos, quos pro hac opinione appellat Lessius; ut scilicet in unum Lessium deriveret, ait, *si quid sit in eâ reprehendendum*. Injustam esse *Defensoris* querelam, ostendunt resumpta verba: *Hæc Probabilistarum de eade doctrina in suâ radice evellitur*. Etenim si in unum Lessium voluissim derivare laxitatem istius sententiæ, resumpsissem, *Hæc Lessii de eade doctrina*: cum ergò Probabilistis illam tribuerim, agnoscent omnes injustam esse *Defensoris* querelam de præmissione aliorum.

Cl. Nec minùs injusta est illius calumnia, quâ secundum Lessii locum corruptum fraudulenter improperat. Non dubito, quin simplices aliquos, & mysteriosam Probabilistarum astutiam ignorantes deluserit. Quis enim eorum non plagii nefandus me arguet, dum tribuo Lessio, sententiam, quam dicit expresse non esse sequendam; vel si admittat speculative esse probabilem, in praxi tamen disertè sentit non esse admittendam? Ut simplicibus istis satisfaciam, dico nullam esse secundi loci Lessiani fraudulentam corruptionem.

Quòd probò ex *Defensore* in hunc modum: Nulla est fraudulenta corruptio, ubi verba prætermissa nihil officiant fini intento; sic docet *Defensor* relatus supra n. 95. Sed verba à nobis prætermissa in secundo loco Lessiano nihil officiant fini intento: ergò nulla illius loci facta est fraudulenta corruptio.

Prob. minor. Finis intentus erat, Lessium docere, quòd in casibus notatis

in secundo loco, *licitum quandoque esse occidere proximum in defensionem honoris*. Verba autem prætermittam nihil officiant huic fini, ut ostendam discurrendo per singulos casus. Imprimis in secundo casu (nam primum admittit) etsi dicat Lessius, sententiam non esse sequendam, quæ docet, contumeliosum licite posse occidi; adhuc tamen datur casus in quo id licitum esse potest ex sententiâ Lessii. Nihil autem aliud intendimus, quàm Lessiam docere, *esse quandoque licitum contumeliosum occidere*.

CII]. Ut id probemus necesse est integrum Lessii textum adducere, qui sic se habet: *Secundo, si contumeliosus afficiat, sive per verba, sive per signa. Hic etiam est ius defensionis. Nam ex sententiâ omnium, licet contumeliosum occidere, quando aliter ea injuria arceri nequit (quamquam ipse armis non invadat) ait Petrus Navar. lib. 2. cap. 3. n. 326. Esti autem id non inveniam apud Auctores expressum, tamen videtur ex illis posse colligi (præciso scandalo, & aliis gravibus incommodis) quando contumeliæ sunt atroces, & aliaratione vitari nequeunt. RATIO ENIM NATURALIS DICTAT LICITAM ESSE EAM DEFENSIONEM, QUÆ NECESSARIA SIT AD CONTUMELIAM DEPELLENDAM ET COMPRIMENDAM. alioqui daretur licentia improbitati optimos quosque contumeliis vexandi: quæ tamen multo quàm damna rei familiaris sunt acerbiores, magisque mordent animos. Cavenda tamen vindictæ libido. Non enim licet privatâ auctoritate contumeliam vindicare, sed tantùm compestere. Quod etiam in vitæ & rerum defensione servandum: Tanti interest quo animo quid agas. Verùm hæc sententia non est sequenda. Satis enim esse debet in Republicâ ut injuria verbales verbi repelli, & legitimâ vindictâ comprimi & castigari possint.*

CIII]. Insurgit Defensor; quid clariùs ad illum falsitatis arguendum? Insurgam & ego, quid efficacius ad Defensorem confutandum? Versipellis est reprobatio; vulpina prorsus ratiocinatio, sententiam quæ docet, licitum esse contumeliosum occidere, quando aliâ ratione arceri nequit injuria, reprobât Lessius; cur quæso? quia satis est quòd in Republicâ injuriæ verbales verbis repelli possunt. Si contumelia verbis repelli potest in Republicâ; ergò aliâ viâ quàm occidendo repelli potest injuria: ac proinde ratio Lessii, & consequenter sententia illius solummodò negat, licitum esse occidere contumeliosum; quando aliâ ratione quàm occidendo vitari, aut arceri potest injuria. Quapropter firmum semper agnoscit illud principium ex sententia omnium, *licet contumeliosum occidere, quando aliter ea injuria arceri nequit*. Immobiles manet etiam ratio naturalis, quæ secundum Lessium dicitur, *licitam esse eam defensionem, quæ necessaria sit ad contumeliam depellendam & comprimendam*. Posito igitur casu, quòd verbis nequeat contumelia depelli & comprimi, sed necessaria sit occisio ad contumeliam depellendam & comprimendam, licita erit ea defensio, quæ occisione contumeliosi depellet & comprimet contumeliam. Alioqui, urget Lessius, *daretur licentia improbitati optimos quosque contumeliis vexandi; quæ tamen multo quàm damna*

rei familiaris, sunt acerbiores magisque mordent animos. Notandum est, quòd ante n. 68. docuerat. Si furtum unius pomi tibi verteretur probro, nisi rem furi extorqueas, posses conari, & si opus esset etiam occidere: tunc enim non tam rei, quàm honoris esset defensio. Quantò igitur magis licebit contumeliosum occidere, quando contumeliæ sunt atroces, & aliaratione vitari nequeunt, quæ multò quàm damnum unius pomi sunt acerbiores, magisque mordent animos. *Cervenda tamen vindicta libido &c.*

Agnosce CORDATE LECTOR, versipellem reprobationem. Quòd ore repro- batur, corde tenetur, dum ratio reprobandi ore, est sublatio conditionis se- cundum quam asseritur in corde. Ore negatur licere, si sit alia arcendi contu- meliam via; in corde affirmatur licere, si nequeat aliter arceri. Ore negatur, dum dicitur, *verum hæc sententia non est sequenda*; in corde asseritur, dum assertur ratio solùm indicans non licere, ubi est potestas verbis depellendi injuriam. Oris negatione lavat inter innocentes manus suas, sed cordis confessione tran- sit in laxitatem Probabilistarum. O astuta calliditas; non in Dei majorem glo- riam, sed in proximi perniciem!

Agnosce CORDATE LECTOR, vulpinam ratiocinationem, Vulpina est ratiocinatio, quæ non est contraria propositioni, quam volumus reprobare. Propositio, quam voluit reprobare Lessius, est ista, *licitum est occidere contume- liosum, quando alià vià quàm occidendo arceri nequit contumelia*. Ratio, quam assert ad eam reprobendam est ista. *Satis esse debet in Republicâ, ut injuriæ verbales verbis repelli, & legitima vindicta comprimi & castigari possint*. Quæ ratio dicit, adesse potestatem injuriam alià vià quàm occidendo repellendi; ac proinde non est contraria propositioni dicenti, *licitum esse occidere contumeliosum, quando alià vià, quàm occidendo nequit arceri contumelia*. Quam tamen propositionem intendit reprobare dum ait, *Verum hæc sententia non est sequenda*. Vulpina igitur est Lessiana ratiocinatio: quia non infirmat, licitum esse occidere, si detur casus, in quo à Republicâ nequi- ret arceri injuria, & sola occisio id posset.

Confirmatur. Vulpina ratiocinatio est, quæ nullatenus infirmat, sed stabi- lit principium, cum quo necessariò connectitur propositio reprobanda. Ra- tiocinatio Lessiana nullatenus infirmat, sed stabilis istud principium, *licitam esse eam defensionem, quæ necessaria est ad contumeliam depellendam*: hoc enim princi- pium proponit ut dictamen rationis naturalis. Ex quo tamen si subsumpseris: Atqui ubi alià vià, quàm occidendo nequit arceri injuria, defensio quæ fit occidendo, est neces- saria ad contumeliam depellendam: necessariò concludes: *licitam esse in eo casu occisionem contumeliosi, secundum dictamen rationis naturalis Lessianæ*.

Aperite simplices oculos vestros, & Lessianam discite astutiam. Infelix pror- sus astutia! quia non est sapientia, non est consilium, non est prudentia contra Dominum dicentem? *Quicumque effuderit humanum sanguinem fundetur sanguis illius: ad imaginem quippe Dei factus est homo*. Gen. 9.

Alia

Alii duo Lessiani casus à corruptione vindicantur.

CIV. **C**andidior est aliorum duorum casuum reprobatio Lessii, & manifestior nostra in illis à corruptione vindicatio. Nam ad tertium casum, Si ulara alapa cesses, vel etiam fugias, post relatos Authores gravissimos, & varias rationes pro affirmativa, teste Defensore, subjungit: Ob has rationes hec sententia est speculative probabilis; tamen in praxi non videtur facile permittenda; primum ob periculum odii, vindictæ, & excessus; si enim D. AUGUSTINUS ob has causas ægrè admittit, ut quis pro vitâ tuendâ alterius possit occidere; quanto minus in tali casu ob honorem tuendum concederet? Secundo ob periculum pugnarum & cædium. Vnde qui tali casu occideret, puniretur in foro externo, &c.

Fatetur Lessius quòd sit speculative probabile, occidi licere qui alapam impegerit, nec dixit in praxi non esse absolute permittendum, sed non videri facile permittendum. Non parva est differentia inter non esse, & non videri, inter absolute, & facile. Qui improbat aliquid ut per se malum, v. g. stuprum, adulterium, dicet non in praxi non videri facile permittenda; non igitur occisionem impingentis alapam, reprobât Lessius ut per se malam, qui eam speculative licitam dicit, & in praxi non videri facile permittendam. Quid est non facile permittendam? nisi aliquando permittendam esse, sed rarius. Est igitur manifestum Lessii esse sententiam, quòd etiam practice quandoque liceat occidere qui alapam impegerit. Quo tempore licebit? tempus indicant rationes Lessii, dum scilicet abfuerit odium, abfuerit vindictæ cupiditas, nec multis cædibus dabitur locus. Hæ sunt rationes, cur Lessius negat in praxi licitam esse occisionem impingentis alapam: si igitur hæc incommoda removeantur, nullum jam ex Lessio in cæde impingentis alapam nefas, etiam in praxi.

Hoc solerter viderunt alii ab Escobario citati tract. 1. ex. 7. n. 58. An liceat, inquit, post impactam alapam persequentem insequi & interimere? aliqui negant, quia id esset injuriam vindicare, non defendere. At Lessius lib. 2. c. 9. dub. 12. n. 80. licere existimat speculative; sed in praxi non consulendum ob periculum odii, vindictæ, & excessum pugnarum & cædium in Reipublice perniciem: alii seclusis his periculis probabilem & tutam judicant. Henríquez lib. 4. n. 3. &c.

CV. Quartum casum, Si nomini meo falsis criminationibus apud Principem, &c. post adductos Authores affirmativæ faventes, & varias rationes eandem probantes, se improbare dicit his verbis: Verum hec quoque sententia mihi in praxi non probatur, quia multi oculis cædibus cum magnâ Reipublice perturbatione præberet occasionem. In jure enim defensionis semper considerandum, ne ejus usus in perniciem Reipublice vergat: tunc enim non est permittendus. Accedit, quòd etsi speculative vera esset, tamen vix in praxi posset habere locum. Nam infamia vel est illata, vel non est. Si est illata non extinguetur per mortem

insamantis. Si non est illata, plerumque non satis constat, aliter non posse eam impediri: ac proinde non poterimus eo modo defensionis uti.

Eadem est hujus ac præcedentis improbationis versutia; sicut enim ob adjunctas circumstantias improbatur occisio alapam impingentis; ita non ut de se mala, sed propter multarum occultarum cædium in perniciem Reipublicæ adjunctam circumstantiam, improbatur occisio detrahentis. Et sicut occisio alapam impingentis, licet afferatur speculative probabilis, in praxi non videtur facile permittenda, id est, *aliquando videtur permittenda, sed rarius*: ita & occisio detrahentis, licet concederetur speculative probabilis, in praxi vix posset habere locum, id est, *aliquando posset habere locum, sed valde raro*. Denique sicut occisio alapam impingentis practice permitti ex Lessio potest, dum abfuerit periculum odii, vindictæ, &c. quia ob istas rationes solum negat Lessius esse in praxi licitam: ita occisio detrahentis practice ex Lessio permitti poterit, dum injuria non fuerit illata, sed inevitabiliter inferenda, scitur; quia ob istam rationem solum negat Lessius in praxi vix posse habere locum: ait enim, *si non est illata PLERUMQUE non satis constat, aliter non posse eam impediri; ac proinde non poterimus eo modo defensionis uti. Nota ly. plerumque, quod non tollit quin aliquando constet aliter non posse eam impediri; ac proinde aliquando poterimus eo modo defensionis uti.*

CVI. Eandem utrobique, imò & trium casuum esse energiam, probant efficaciter rationes, quas pro parte affirmativâ formæ, & insolutas relinquit.

Primò, ait, quia si baculo vel alapa impatiâ velis meum honorem vel famam violare, possum armis prohibere: ergo etiam si id cõferis linguâ. Nam parum videtur referre, quo instrumento quis nitatur inferre noxam, si æquè efficaciter nocebit.

Secundo, quia contumeliæ possunt armis impediri; ergo etiam detractiones.

Tertiò, Periculû famæ equiparatur periculo vitæ. Quod est commune pronuntiatum Iuris peritorum, inquit Clarus n. 26. Atqui ob periculum vitæ evadendum, licitum occidere; ergo, &c.

Quartò, quia jus defensionis videtur se extendere, ad omne id quod necessarium est, ut te ab omni injuriâ serves immunem.

Cernis CORDATE LECTOR, in tribus casibus enumeratis, nempe in occisione alapam impingentis, in occisione contumeliantis, in occisione detrahentis eandem esse ratiocinationis Lessianæ energiam; & communi inniti principio, quod *jus defensionis se extendat ad omne id quod necessarium est, ut te ab omni injuriâ serves immunem*. Hinc fit, ut omnes illas occisiones non nisi ob adjunctas circumstantias in praxi licitas esse neget; à quibus si contingat eas separari, licet rarius id fiat, prædictæ rationes secundum Lessium evincunt etiam in praxi tres illas occisiones permittendas: & ideo rationes reliquit insolutas.

Quibus omnibus evidens fit, nullam à nobis factam esse Lessii fraudulentam corruptionem: sed veram ejus protulisse sententiam: & ideo speramus Defensorem non amplius simplicibus illisurum.

Mysteriosa Probabilistarum detegitur astutia.

CVII. **N**unc lubet mysteriosam Probabilistarum detegere astutiam. Communis est Probabilistarum doctrina, præsertimque viginti quatuor Societatis Seniorum apud Escobarium in Princ. exam. 3. n. 8. quod *Probabilis ea opinio dicitur, quæ rationibus innititur alicujus momenti. Unde aliquando unus tantum Doctor gravis admodum opinionem probabilem potest efficere. Rationem adjungit. Quia vir doctrinæ specialiter additus, haud adhaerebit sententiæ cuilibet, nisi præstantis sive sufficientis rationis vi allectus.* Hinc fit, ut licet in diversos sensus abeant Probabilistæ, nulla oriatur perplexitas: nam dissentiant an consentiant nihil ad rem; quia singulorum autoritate, singulæ quas tuerentur sententiæ probabiles fiunt. Imò magna inde oritur commoditas. Quid enim commodius, quam est vel non respondere pro voluntate. Quævis eligatur controversia: quod unus affirmabit, negabit alius, & tunc diversarum opinionum utraque probabilis. Prodest illa quam sequeris, non nocet illa quam rejicis: hæc si displicet, ad aliam confugium patet: par utrobique securitas: & Probabilistis semper dicere fas est quod Diana alicubi faventem sibi Baunium amplexus dixit contra Patrem Lugo: *Expe præmente Deo fert Deus alter opem.*

Nec aliam inquiras rationem, quàm commune Probabilistarum dogma: *licetum esse minus tutam & minus securam opinionem amplecti reliquâ probabiliore & tutiore.* Præclare hoc explanavit Emmanuel Sa in Aphorismis, verbo *Dubium.* *Potest quis facere quid probabili ratione vel autoritate putat licere; etiamsi oppositum tuius sit: sufficit autem opinio alicujus gravis Authoris, aut bonorum exemplum.* Et Filiucius Tr. 21. c. 4. n. 128. *Licetum est sequi opinionem minus probabilem, etiamsi minus tuta sit. Est communis Recentiorum.*

CVIII. Istâ probabilitatis doctrinâ separatim stabilitâ, mox animis hâc generalis sententiâ imbutis, alias scorsim instillant opiniones, quas etsi dicant non sequendas in praxi, imò nec speculativè probabiles, eas tamen vel à gravibus viris tueri, vel rationibus alicujus momenti muniri, perhibent; & ita genere sermonis inaudito, quod detestantur docent. Unde cuilibet Probabilistarum eam quam repudiat sententiam attribui posse manifestum est, si illam ut probabilem exhibeat, ad quod sufficit, ut asserat eam à viris gravibus tueri, vel rationibus alicujus momenti eam fulciat. Quod certè caput sufficeret ad vindicandum TRIUMPHUM à fraudulentâ Lessii corruptione: esto enim sententias in TRIUMPHO relatas repudiaret (quod falsum esse ostendimus) eas tamen docet à viris gravibus tueri, & rationibus alicujus momenti eas munit.

Istâ Probabilistarum astutiâ, quâ conjunctione dogmatum suorum suas sententias introducunt laxitates, quæ eorum separatione improbari, videbantur, non

parum elucet in distinctione opinionis speculative tantum probabilis, & opinionis practice probabilis. Hanc distinctione utuntur in illis quæ Republicam tangunt. Timor enim humanorum Judicium fecit, ut id quod speculative judicaretur probabile, in praxi negarent esse probabile. Cædes hominum, quas speculative licitas affirmant, non ob aliam causam in praxi eas non probant nisi ob Reipublicæ perniciem & Judicium metum. Quò lex Dei evertitur, quæ cædes hominum propter se prohibet; quò secundum se malum est, nec speculative licitum esse potest.

CIX. Verum Judicibus illudunt, conjunctione suorum dogmatum, quorum separatione videbantur eos reveriti. Nam generali sententiâ statuunt, quod speculative licet, idem etiam practice licere. Ita Escobarius in primo magnæ Theologiæ Moralis volumine; ubi perspicacior extitit, quàm olim in illo morum doctrinæ breviario, quod ex viginti quatuor Jesuitis congesserat. Nam cum quasdam illic docuisset esse opiniones speculative probabiles, quæ in praxi non forent tutæ, falsum hoc esse postea cognovit, & pulcherrimè in postremo illo opere demonstravit Prolog. c. 3. num. 15. his verbis:

Plures Iurisperitorum non audent in praxi opiniones Duareni, Cujacii, Donelli, &c. & aliorum sectari; easque theoreticas solum, & non practicas vocant, ratiùmque ad scholarum ludum profectas. Decipiuntur planè. Minimè enim percipio aliquam opinionem esse speculative probabilem, & in praxi amplexari non posse; cum probabilitas practica ab speculative oriatur probabilitate, ab eaque solum differat tamquam effectus à suâ causâ. Id enim quod quis opere jussè exequitur vel injussè, ab eo exoritur quòd speculative judicabit licitè posse geri, cum cognitio speculative ad opus dirigat voluntatem. Unde in praxi tutò hærescere poteris ejusmodi Doctorum sententiæ, imò fortè securius quàm aliorum, non tam theoreticè sapientum sensui. Nam qui theoreticè rem planius examinant, & fundamenta discutunt, melius quoque regulam ad operandum demonstrabunt: aliis nihil prodesset alicui rem sanius percipere, nisi in ordine ad operandum certiorè regulam constituueret.

CX. Non incongruè discurrit Escobarius. Tantus nexus est theoria inter & praxim, ut cum illa radices egit, continuò altera sine dissimulatione plantetur. Quod videre licet in licitâ homicidii permissione ob acceptam alapam. Hanc Lessius à nudâ speculatione provexit ad eam praxim, quæ non esset facillè permittenda: Escobarius ad praxim faciliorem: Postremò Patres Cado-menses ad plenam permissionem, nulla vel theoriæ vel praxeos factâ mentione; *Potest, inquit, vir nobilis aut honoratus interficere eum qui fuste aut alapâ percuteret.* Et alio loco: *Licet volentem te percutere leviter, occidere, ubi id insignis injuria est, præserim in nobilibus; nimirum alapâ acceptâ gladio percutere statim ad vitandam ignominiam conservandumque honorem.* Hoc Cadomi (Cæñ) à Patribus an. 1644. traditum in publicis prælectionibus, quas Parisiensis Academia palam in supremo Senatu exhibuit, in tertiâ postulatione adversus eorum de homicidio doctri-

nam, ut pag. 337. & 340. libelli hâc de re ab ipsâ editi cernere est.

Hâc arte opiniones Probabilistarum sensim adolescunt. Omnibus horro-
forent, si quidquid sceditatis contineat statim evomerent; at tacito illo, len-
toque progressu paulatim ipsi homines consuefiunt, sensimque offensio discu-
titur. Possem vice versâ & titulo multis modis urgentiore iisdem verbis uti,
quibus usus est in suâ Præfatione *Defensor* trepidans timore ubi non erat timor.
Illis inquam ad materiam nostram applicatis veritatis indicare possem: *Ex malum*
probabilitatis serpit, & in Molinistis cum incrementoredivivum altiores agit radices, nec leve
periculum est ne quos quotannis toto orbe instruant, inficiant.

Quis dabit capiti meo aquam, & oculis meis fontem lacrymarum? & plo-
rabo die ac nocte præclaram Jesu Societatem Probabilitatis fieri Magistram;
inlytos illius Scriptores nomen sibi conquirere in adinveniendis rationibus,
quibus Probabilistarum laxitates fulciant, & novas excogitent; studentes ar-
ctam viam cœli, reclamante Christo Domino, dilatare; ut quantum saltem
apparet, commodius per spatiosam ambulent. Aut Christus fallitur, qui
dixit, *Quam arcta porta & angusta via est, quæ ducit ad vitam, & pauci sunt qui inveniunt*
eam. Matth. 7. Aut Probabilistæ errant, qui volunt viam salutis spatiosam fa-
cere, & multos eam invenire; sed divinam impossibile est falli sapientiam.

Tamburinus non fraudulenter truncatus offenditur.

CXI. **P**rima agendorum regula à TRIUMPHO exhibitâ regulat intellectum;
& est ista: „*Quandocumque intellectus movetur ab aliquo fallibili signo est ali-*
„*qua inordinatio in ipso, sive perfectè sive imperfectè moveatur.* Tradit hanc regulam
„D. THOMAS citatus n. 4. Probabile falsum, sive quòd idem est, apparens ve-
„rum est fallibile signum. Quicumque igitur ei adhæret sive cum formidine
„(quod est imperfectè moveri) sive sine formidine (quod est perfectè moveri)
„est aliqua inordinatio in ipso. Probabile verum est via ad veritatem. Qui er-
„gò ab illo movetur, non ab aliquo fallibili signo movetur; & sic nulla erit
„inordinatio uti Probabilibus veris, tamquam viis ad veritatem. Hæc regula
„coincidit cum eâ, quâ dicit S. THOMAS, de rebus esse judicandum prout
„sunt; sic docet. 2. 2. q. 60. a. 4. his verbis: *In iudicio quo judicamus de rebus, at-*
„*tenditur ibi solum bonum judicantis si verè iudicet, vel malum, si falsò, quia verum est bonum*
„*intellectus; falsum autem est malum ipsius, ut dicitur in 6. Ethic. Et ideo unusquisque*
„*DEBET NITI AD HOC QUÒD DE REBUS JUDICET SECUNDUM QUÒD SUNT.* Et
„ad 3. *In rerum iudicio debet aliquis niti ad hoc, ut interpreteetur unumquodque secundum*
„*quòd est.*

Ex hâc regulâ, quâ unusquisque niti debet ad hoc quòd de rebus iudicet
secundum quòd sunt, sive quòd idem est; quâ unusquisque tenetur adhærere.

„vero quantum potest; statim reprobandur omnes Probabilistarum laxitates,
 „quas Societas Seniores docent apud Escobarium in falsitatibus rerum; in
 „mendaciis; in perjuriis; in falsis testimoniis; in æquivocationibus restrictio-
 „num mentalium. Certum est, eum qui operibus suis alium decipit, non
 „adhærere vero quantum potest; quod lucidissime docet Præceptor noster
 „Doctor Angelicus 2. 2. q. 111. his verbis: *Ad veritatem pertinet, ut quis talem*
 „*se exhibeat exterius per signa exteriora, qualis est; &c.* Vide TRIUMPHUM.

CXII. Post hanc primæ regulæ exhibitionem plures Probabilistarum laxi-
 tates, ut plurimum ex viginti quatuor Societatis Senioribus relatas, propo-
 suimus ad normam prædictæ regulæ judicandas, & inter alias, istam quæ tol-
 lit obligationem implendi promissum, ex eo quod promiserit sine animo rem
 promissam exequendi, quam casu septimo proposuimus.

Tota difficultas eò pertinet quando jurans habet animum jurandi, at nullatenus juramento se obligandi, an tunc reverà obligetur Posterior sententia, quàm probabiliorum puto, ait tunc juramentum non obligare. Sanchez Op. Mor. l. 3. c. 10. n. 17. & 8. Scio Valentiam. 2. 2. d. 6. q. 6. p. 1. censere: *Si promittas animo quidem te obligandi, sed cum voluntate rem promissam nullatenus exequendi, tunc nullam exurgere obligationem; quia si nullam habet voluntatem rei faciendæ, nullum emittit votum.* Tambur. Decal. lib. 3. c. 12 §. 1. n. 4. Illud nota: sic simulat etiam in re gravi verbo tenus vovete, non transcendere peccatum veniale, quia solum est mendacium, nec redundans in gravem Dei injuriam. Ibid. n. 3.

Contendit Defensor, Tamburinum fraudulenter esse truncatum, quia sententiam istam negat, & Valentiam refutat. Verùm Defensor decipitur, non attendens ad intentionem, quam habui referendi laxitates ex viginti quatuor Senioribus, ut patet ex verbis TRIUMPHI supra n. 111. relatis. Valentia est unus de Senioribus; & idè testimonio Tamburini usus sum, non propter Tamburinum, sed propter Valentiam à Tamburino relatum. Sic enim fini intento planè satisfeci, dum istam laxitatem à duobus de Senioribus, videlicet Sanchez, & Valentia, exhibui assertam. Omissio eorum, quæ nihil officiunt fini intento non potest esse fraudulenta, ut fatetur Defensor n. 300. De quo vide supra num. 95.

CXIII. Alius Tamburini locus, quem vult Defensor fraudulenter truncatum, militat contra ordinem diligendorum in tertiâ regulâ exhibitum; quæ regula sic se habet: *Hic est ordo diligendorum, Plus debet homo diligere Deum, quàm seipsum; plus seipsum, quàm proximum; plus proximum, quàm corpus suum.* Istum ordinem diligendorum ex Sole Angelico probavit & elucidavit TRIUMPHUS Opusc. 5. de Probabilitate. c. 5. §. 4. Plures Probabilistarum laxitates contra istum ordinem militantes retulit toto §. 5. Ultima fuit ista ex Tamburino: *Si amicus meus velit ut ego feram munuscula, & similia turpis scilicet amoris incitamenta, quæ ipse mittit ad suam concubinam, possum sine peccato deferre..... Si tibi inagui sit ejusmodi amicitia, ac verè*

timeas amittere, quia tunc notabilis momenti (nocuimenti) iustus metus accenditur. Huic casui alium subjecimus ex aliis Probabilistis hujus tenoris: *Famulus qui submissis huiusmodi scienter adiuvat herum suum ascendentem per fenestram ad stuprandam virginem, & multo-rities eidem inseruit, deferendo scalam, aperiendo iannam, aut quid simile cooperando, non peccat mortaliter, si id faciat metu notabilis detrimenti: puta ne à domino malè tractetur, ne porvis oculis aspiatur, ne domo expellatur.*

„ Militant isti casus, inquit TRIUMPHUS, contra ordinem, quo plus debet ho-
 „ mo amare seipsum, quàm proximum. Cujus amoris signum est, ait Magister
 „ noster D. THOMAS, quòd homo non debet subire aliquod malum peccati,
 „ ut proximum liberet à peccato. Multò igitur minùs ut habeatur illius ami-
 „ citia & gratia.

Locum Tamburini dicit *Defensor* n. 380. truncatum, quia intermissa sunt verba intermedia, quibus absolutè negat licitum esse, turpis amoris incitamenta deferre ad concubinam amici, id desiderantis. Neget id absolutè Tamburinus, quid ad nostrum casum? casus noster, quem referre ex Tamburino specialiter intèdit TRIUMPHUS, est quòd *ad conservandam amicitiam, quæ magni sit, licet ista turpis amoris incitamenta deferre ad concubinam amici, id desiderantis.* Si istum casum admittit Tamburinus, ut reverà facit, nulla fuit fraudulenta truncatio secundum regulam *Defensoris*, quam n. 300. præscribit asserens, omissionem eorum, quæ nihil efficiunt fini intento, non esse fraudulentam. Nec similiter quæcumque alia accidat mutatio, poterit dici fraudulenta, si fini quem intendimus, non oblit. Ad fidelem enim relationem sententiæ ab aliquo auctore assertæ non exigitur, ut referantur omnia, & propria ejus verba, sed sufficit quòd rem asserat, sicut refertur in assertione, quam impugnare contendimus. Iste honor referendi verba propria debetur S. Scripturæ, SS. Patribus, gravissimis Authoribus, qualis apud cordatos non est Tamburinus.

Thomas Sanchez demonstratur non adulteratus.

CXIV. **A**D improbandum restrictiones mentales ex primâ agendorum regulâ adduxit TRIUMPHUS locum Thomæ Sanchez n. 126. in hunc modum: *Possunt quoque absque mendacio ea verba usurpari, etiamsi ex sua significatione non sint ambigua, nec eum sensum admittant ex se, nec ex circumstantiis occurrentibus, sed tantum eum sensum reddant ex aliquo addito mente proferentis retento, quodcumque illud sit: ut si quis vel solus, vel coram aliis, sive interrogatus, sive propria sponte, sive recreationis gratiâ, sive quocumque alio sine juret se non fecisse aliquid quòd reverà fecit, intelligendo intra se aliquid aliud quòd non fecit, vel etiam diem ab eo in quo fecit, vel quodumque aliud additamentum, reverà non mentitur, nec perjurus est, sed tantum non diceret unam veritatem determinatam, quam audientes concipiunt, ac verba illa ex se significant: SED. ALIAM*

VERITATEM DISPARATAM. Sanchez Op. Mor lib. 3. c. 6. n. 15. Rationem reddit: *Quia alteri respondere non obligatus, nec obligatur respondere ad ejus mentem. A quo enim removetur genus, omnis quoque species removetur.* Aliam rationem reddit Filiucius tom. 2. tract. 25. n. 330. dicens: *Quia qui sic loquitur & jurat, non habet intentionem dicendi falsum, vel jurandi falsitatem ut supponimus. Et quod profertur, in rigore habet aliquem sensum verum, quem talis intendit. Ergo non mentitur. Non repugnat autem veritati & fidelitati, quia non opponitur illi per defectum veritatis, sed per nimiam veritatis occultationem.*

„ En subtilis inquit TRIUMPHUS, & recondita restrictionum mentalium doctrina, non in sacris Scripturis fundata, nec cujusquam Sancti Patris auctoritate munita, sed proprio Probabilistarum Marte adinventâ; & ideo ab omni cordato ac sincero veritatis amatore explodenda. Ad hoc sufficienter inducit præsens regula, quâ unusquisque niti debet, ut de rebus judicet secundum quod sunt. Signa exteriora sunt etiam quædam res ordinatæ ad aliarum rerum significationem, &c.

CXV. Adulteratum dicit *Defensor gratia versatilis* Thomam Sanchez, quia pro his vocibus vel quodvis aliud additum verum substituit TRIUMPHUS, vel quodcumque aliud additamentum. Certum enim est, ait *Defensor*, non sufficere ad vitandum mendacium quodcumque mente additum; sed necessarium est ut verum sit quod mente additur.

Demus *Defensori* ita esse in posterioribus editionibus sicut dicit; adhuc illa substitutio non potest dici adulteratio, eo quod verba ista, *vel quodvis aliud additum verum*, sicut & *ly verum* additum ad sensum, sufficienter intelliguntur per ultima hæc verba, *sed aliam veritatem disparatam*. Præterea nihil officiūt fini intento. Nam finis intentus est reprobare restrictiones mentales, etiam illas, in quibus id quod mente retinetur, est verum. Inordinatio restrictionis mentalis non oritur ex eo quod mente retentum sit falsum, sed ex eo quod, quis utitur vocibus, non secundum debitam mensuram, quæ est propria earum significatio, quam habent, vel ex suâ institutione, vel ex circumstantiis occurrentibus. Quidquid mente retinueris, etiamsi verum sit, dummodò usus vocis non sit secundum propriam sibi, vel ex institutione, vel ex circumstantiis, significationem, semper erit usus vocis inordinatus. Manifestum est, istum vocis usum pronuntiari licitum à Thomâ Sanchez; & consequenter eum tenere illam laxitatem, quam intendit reprobare TRIUMPHUS, etiam sub illis verbis, quæ restituenda contendit *Defensor*. Quæ igitur esse potuit facta adulteratio? Limitationes, quas dicit *Defensor* omittas, inanes etiam sunt ad finem intentum, quia et si eas addideris, adhuc erit verum Sanchez tenere illam sententiam, quam impugnat TRIUMPHUS, nempe *licere in conversatione humanâ uti vocibus non secundum propriam, quam habent vel ex suâ institutione vel ex circumstantiis, significationem.*

CXVI. Ista sententia est, quam ex primâ agendorum regulâ impugnat TRIUMPHUS : cuius inordinatio non ex eo quod mente retinetur est perpendenda, sed ex eo quòd vocibus utamur aliter, quàm exigit humana conversatio, propter quam sunt institutæ. In conversatione humanâ non intellectus loquentis, sed intellectus audientis est mensura locutionis. Veritas rei mensuratæ consistit in adæquatione ad mensuram. Dum id quod mente retinetur est verum, habeo cogitationem veram; non tamen propterea habeo locutionem veram. Locutio est manifestatio conceptûs; non manifestatur alteri conceptus, nisi mens loquentis fiat mens audientis. Dum igitur locutio ita fit, ut alia sit mens loquentis, alia sit mens audientis, non datur vera conceptûs manifestatio, quam humana exigit conversatio. Unde *mentiri est loqui contra mentem, quæ secundum exigentiam conversationis humanæ una debet fieri cum mente audientis.* Indicatur doctrina ista 22. q. 5. c. *Quarumque.* Ubi Isidorus ait: *Quarumque arte verborum quisque juret, Deus tamen, qui conscientiæ testis est, ita hoc accipit, sicut ille cui juratur intelligit. Dupliciter autem reus fit: quia & Dei nomen in vanum assumit, & proximum dolo caput.*

Humana autem conversatio, cum debeat esse rationabilis, non petit, ut dicam alteri quod ratio mihi dicat non esse ei dicendum: unde si alter petat, an fecerim, aut dixerim, vel an alius fecerit, aut dixerit aliquid quod ratio mihi dicat non esse dicendum; possum absolute nihil mente retinendo dicere, non feci, aut non dixi, vel alius non fecit, aut non dixit; quia tunc humana conversatio, quæ rationabilis esse debet, permittit ut alia sit mens loquentis & audientis: Nec proximus dolo capitur, dum ei nego scire, quòd scire non debet. Non tamen dictamen rationis uniformiter se habet; quia ratio dictans non esse dicendum extraneo, non erit quandoque sufficiens ut celetur amico; & quòd in unâ circumstantiâ non debet dici, in aliâ rationabiliter dicetur, & contra rationem celaretur.

Si regulam istam attendisset *Defensor* cum suo Sanchez; non adduxissent in exemplum restrictionum suarum mentalium verba Christi Joan. 7. *Non ascendam ad diem festum*, & tamen statim ascendit. Quæ oratio, inquirunt, vera fuit ex addito mente Christi retento, scilicet, non ascendam manifestè. Hæc, inquam, verba non adduxissent: quia eorum veritas non ex aliquo Christi mente retento, sed ex unâ Christi loquentis, & audientium mente processit. Volebant enim audientes, ut ascenderet manifestè, dum ergò eis dixit *non ascendam ad diem festum* conformans se eorum menti, significavit quòd manifestè non ascenderet: quasi diceret, non faciam quod vultis. Cui non contrariatur, quòd statim occultè ascenderit. Vide D. THOMAM super istum locum.

Quòd de Angelo dicente se esse ex filiis Israël Azariam Ananiæ magni filium Tobiae 7. refert, figuratè & mysticè accipitur, sicut & factum Jacob, nec non

& dicta Judith. De figuratis locutionibus & factis sic ex sapientissimo Magistro suo loquitur fidelissimus Discipulus Doctor Angelicus 2. 2. q. 110. art. 3. ad 6. *Nec est simile de hyperbolicis, aut quibuscumque figurativis locutionibus, quæ in Sacra Scriptura inveniuntur; quia sicut AUGUSTINUS dicit in libro contra mendacium, quidquid figuratè sit, aut dicitur non est mendacium. Ominis enim enuntiatio ad id quod denuntiat referenda est: omne autem figuratè aut actum, aut dictum, hoc enuntiat quod significat* EIS QUIBUS INTELLIGENDUM PROLATUM EST. Observa, quomodo etiam mensura enuntiationis figurativæ, dicatur esse intellectus illorum, quibus intelligenda profertur.

Escobarius nec auctus, nec imminutus comprobatur.

CXVII. **V**OLENS TRIUMPHUS probare, quòd cogantur deterrima Probabilistarum confectionaria transglutire, qui ignorantiam juris naturalis à peccato credunt excusare, ostendit puerum gentilem posse excusari à peccato Idololatriæ, quo nihil est deterius, si possit dari ignorantia excusans à peccato contra legem naturæ. Casum ex S. AUGUSTINO in Psalm. 64. sic proponit: *Quid faceret puer natus inter Paganos, ut non coheret lapidem, quando illum cultum insinuaverunt parentes? Inde prima verba audivit, illum errorem cum lacte suxit: & quia illi qui loquebantur majores erant, & puer qui loqui discebat insans erat, unde poterat parvulus nisi majorum auctoritatem sequi; & id sibi bonum ducere quod illi laudarent? Addit TRIUMPHUS: „ Addiscentem credere oportet, dixit Philosophus. Quibus igitur puer „ ille addiscens convenientius & prudentius crederet, quam eis quos natura de- „ dit illi Magistros? Non prudentius agit rusticus Christianus, qui nullam aliam „ fidei suæ scit reddere rationem, quàm quòd sequatur parentum fidem: so- „ lent enim vulgariter dicere, *Je croid ce que Pere & Mere ont dit*. Deo sine dubio „ credit, sed non aliâ ratione persuasus, quàm fide, & vitâ moribusque Paren- „ tum. Si iste prudenter credit, nec levitatis argui potest; cur similiter rusti- „ cus gentilis, qui à parentibus idola esse colenda audivit, non prudenter illis „ crederet, aut levitatis argueretur, solâ istâ ratione persuasus, *Je croid ce que „ Pere & Mere ont dit*. „ Scio Probabilistas ejusmodi puerum, & rusticum infidelem excusare à pec- „ cato in cultu idolorum. Est enim eorum hæc conclusio: *Infidelis cui proponitur „ nostra fides ut magis credibilis dum ejus secta probabiliter adhuc credibilis apparet, non tene- „ tur ad recipiendam nostram fidem*. Ita viginti quatuor Societatis Seniores apud Es- „ cobarium. Dico viginti quatuor Seniores; eò quòd unius sententia probabilis sit „ omnium viginti quatuor propter communicationem probabilitatis benignæ „ partis. Si infidelis prudenter credit suæ fidei, etiam nostra fides videatur „ magis credibilis, adhuc magis prudenter credet, si nihil de fide nostrâ au-*

„dierit. Non ergò peccabit in cultu idolorum, cum fides sua dicat ea esse
 „colenda. Et cum idem de hæretico sentiant, sequitur quòd nullus ferè propter
 „hæresim poterit damnari hæreticus, cum vix nullus sit, cui ejus secta non videatur probabi-
 „lis, proinde poterit quilibet in eâ Religione quam proficetur salutem consequi. Hæc
 „TRIUMPHUS.

CXVIII. Escobario & viginti quatuor Senioribus dicit *Defensor* TRIUMPHUS impoluisse, eò quòd locum Escobarii non citaverit, & post diligentem inquisitionem reperire non potuerit. Consulat P. Gonet Tractatu de Probabilitate, & n. 139. inveniet Thomam Sanchez unum de viginti quatuor Senioribus id docere apud Escobarium pag. 39. Quòd docet Thomas Sanchez, docent & omnes alii Seniores propter communicationem Probabilitatis. Hæc est ratio cur non dixerimus, *Ita Thomas Sanchez apud Escobarium*; sed signanter diximus, *Ita viginti quatuor Seniores apud Escobarium*. Qui unius ore loquens, omnium ore loquitur.

Non capit hoc *Defensor*, & in omnem partem se versat, ut excutiat quæ sit ista probabilitatis communicatio, quæ unius sententiam facit esse omnium. Consideret praxim, & commune Probabilistarum dogma, quo intrepidè asserunt *licitum esse sequi opinionem probabilem*. In hoc asserto, unius probabilis sententia fit omnium quoad praxim. Non enim sententiæ probabilis detrahitur probabilitas ex contradictione alterius. Quamvis ergò Thomas Sanchez v. g. neget, licitum esse sequi opinionem, quam probabiliter defendit Vasquez, & ipsi Sanchez non videatur probabilis; quia tamen propter dictum Sanchez, non desinit sententia Vasquez esse probabilis; ideo Sanchez docet, licitum esse sequi sententiam Vasquez, quia docet licitum esse sequi opinionem probabilem. In quo cernitur incredibile Probabilitatis mysterium, quò id quod reprobatur, docet; & quòd negat, affirmat. Quo edocti mysterio Probabilistæ, ad hoc ingenii sui vires contulerunt, ut probabilia omnia facerent, nec ampliùs veritatem, sed probabilitatem à peccato liberantem ostenderent. *O veritas Deus! fac me unum tecum in charitate perpetuâ: non probabilitatem, sed veritatem tuam edoce me. Qui contra legem tuam probabilitatem prevalere volunt, non in spiritu & veritate, sed in probabilitate te adorare docent. Ab illis separa me, O veritas Deus, & fac me unum tecum in charitate perpetuâ.*

CXIX. Id quod dixit TRIUMPHUS, & cum de hæretico idem sentiant, de Probabilistis est intelligendum, qui idem sentiunt de hæretico, quòd de infideli; ex quâ doctrina intulit TRIUMPHUS quòd nullus ferè propter hæresim poterit damnari hæreticus, &c. Quæ illatio nostra est, & Italico charactere conscripta ad majorem Lectoris attentionem. Vide P. Gonet loco citato.

CXX. Locus Escobarii, quem *Defensor* dicit imminutum, militat contra secundam agèdorum regulam à TRIUMPHO sic exhibitam: „SECUNDA REGULA est

„ ista : Semper contingit inordinatio quando aliquid movetur à non proprio motivo, sicut si
 „ voluntas moveatur à delectabili sensus, cum debeat tantummodo moveri ab honesto. Quod
 „ idem est ac si diceretur : omnis motus voluntatis est inordinatus, qui non
 „ procedit ex amore boni honesti, sive qui non procedit ex amore iustitiæ.
 Hoc principium latè probat TRIUMPHUS Opusc. 4. De Contritione.

Contra istam regulam proposuimus militantem hunc casum : *Suppono causam esse æqualem ; potestne iudex aliquid accipere ? Docet Fagundes aliquid accipi posse, non solum ab Electoribus Majoratum, Cathedram, Capellam, sed etiam à Iudice, quando, ut supponitur, sententiam profert in causâ æquali.* Escobar. Tr. 3. exam. 2. c. 6. n. 111. Rationem reddit : *Quia pro suo arbitratu potest cuilibet parti dare victoriam, quare datur locus gratificationi, quæ est pretio æstimabilis.*

„ Ubi iustitia est æqualis, non potest ex amore iustitiæ unus alteri præferri.
 „ Quidquid autem ex amore iustitiæ non facit voluntas peccat. Deinde ubi iustitia est æqualis, præelectio unius fit ob solum motivum pecuniæ, & aliorum munerum corporalium. Cum ergò hæc præelectio sit actus spiritualis & virtutis, non potest sine inordinatione magnâ cum pecuniâ, aliisque muneribus corporalibus commutari. Ex quo ratio Escobarii deijcitur, cum gratificatio sit benevolentiae affectus, qui sub æstimatione pecuniæ non cadit, ut ait D. THOMAS 2. 2. q. 78. a. 2. ad 3. & 4. Hæc, & alia TRIUMPHUS.

CXXJ. Attende CORDATE LECTOR, ridiculam *Defensoris* imminutionem. Locum Escobarii dicit imminutum n. 339. his verbis : „ Numquid in Escobario legisti hanc restrictionem, *seclusâ lege positivâ in contrarium*, immediate sequentem hæc verba, quando sententiam profert in causâ æquali ? Potuerunt ista verba sine fraude omitti ? minimè : cum multum ad rem faciant, & traditam doctrinam ut laxiorem ab aliis è Nostreis improbatam non parum restringant.

Multum procul dubio ad rem faciunt verba omissa, sed ad rem meam, non ad rem *Defensoris*. Res mea est, Escobarium docere, quòd non sit secundum se malum, accipi aliquid à Iudice, quando sententiam profert in causâ æquali. Verba omissa efficaciter id probant ; nam quòd *seclusâ lege positivâ in contrarium* licet, non est secundum se malum. Verba igitur omissa ad rem meam faciunt. Res *Defensoris* est, quòd verba omissa doctrinam laxiorem restringant. At contrarium planè faciunt, quia laxior est doctrina, quæ docet non esse secundum se malum accipi aliquid posse à Iudice in dicto casu, quàm quæ doceret nõ esse malum existente solum lege positivâ in contrarium. Cum igitur verba omissa perhibeant, Escobarium docere, quòd illud non sit secundum se malum, nihil prorsus faciunt ad rem *Defensoris* : ac proinde ridicula omninò est prætensa *Defensoris* imminutio.

CXXII. Agnoscat CORDATUS LECTOR, ex omnibus quæ in presenti para-

grapho diximus, injustam omninò esse *Defensoris* querelam de fraudulentis suorum Probabilistarum corruptionibus & mutilationibus. Nodum in scirpo quæsiuit; & maculam, quâ à tot annis inficiuntur, nomini nostro inferre voluit, ut maculatâ personâ doctrinam infirmaret apud simplices & incautos. Vicem reponere putavit ejus, quod dixit TRIUMPHUS Opusc. 3. de Libertate cap. 5. §. 5. *Accusantur Molinistæ de variis imposturis, falsificationibus textuum, truncationibus & mutilationibus testimoniorum. Quid facilius erat, quàm ostendere falsò eos accusari, adducendo ipsos textus, ipsaque testimonia. Et sicut fecerunt genuini Doctoris Angelici Sancti Thomæ discipuli, qui non ad inania recurrunt effugia. Vicem putans reponere, imposturas excogitavit, fraudulentæ corruptiones confinxit, ut nos secum dolo & falsitate illaquearet. Sed laqueus contritus est, & nos liberati sumus. Nam adjutorium nostrum in nomine Domini, qui tribuit mihi intellectum adversus insidias Defensoris, qui cor meum amore succendit veritatis, quo me totaliter à Molinistis abalienavit, quia ferre non potui (ut in TRIUMPHO dixi) quòd à tot criminibus falsi, à triginta annis eis impositis, purgare se non curarent, nec valerent.*

CXXIIJ. In quo confirmavit me injusta *Recentis Molinistæ* defensio, quæ doctrinæ declinans veritatem, novum imposturarum obtrudit genus, & continuis laceffens personam calumniis, ac *tutionibus* alloquens, nò tam viri Religiosi, quàm saxigeri cujusdam, ut quidam dixit, responsio reputatur; talemque in eâ se exhibet, qualem exprobrat TRIUMPHUS dicens: *Non igitur nova facta obtrudant, sed ad præterita respondeant; ne istis assimilentur litigantibus, quos vulgò dicimus CHICANEURS, qui injustitiam suæ causæ agnoscetes, nunquam ad principale, ut dicitur, veniunt, sed semper nova incidentia excogitant, & imponunt.*


Agnosceat etiam CORDATUS LECTOR, nihil obesse alienis videre oculis, si propriis lucidiores sunt. A quo accipiatur verum, non curat veritatis amator. Verum dixi, & adhuc PRÆDETERMINANTE DEO dicam, dum ad obsequendum *Defensori*, id n. 401. imperanti, totam viginti quatuor Seniorum, aliorumque Sodalium propriis oculis scrutabimur Ethicam in lucernis trium regularum, quas de agendis exhibuit TRIUMPHUS; ut ad laxitates suarum opinionum erubescant, & quærant nomen tuum Domine; nec non Scientiæ Mediæ, omnibusque *gratiæ versatilis* pompis abrenuntiantes humiliter dicant, & confiteantur: *Tua est potentia Domine: Tuum est regnum: omnia opera nostra operatus es in nobis. Tua est potentia Domine, quia in actione, quæ à te & à nobis procedit, GRATIÀ TUÀ ESSENTIALITER INFERENTE ACTUM dominaris arbitrio nostro. Tuum est regnum Domine, quia omnes infirmitates cordis nostri à concupiscentiâ suâ abstracti & illecti, GRATIÀ TUÀ VICTRICE ET PRÆDETERMINANTE vincis, & regis. Omnia opera nostra operatus es in nobis Domine, quia in operibus nostris nihil nostrum, quod non sit à GRATIÀ TUÀ INSUPERABILITER ET INDECLINABILITER AGENTE agnoscimus, in quo sit gloriandum. Tibi igitur soli honor & gloria in sæcula sæculorum: fiat, fiat.*

Hanc Molinistarum confessionem expectant omnes Cordati; & ut in Domino auctore gratiæ confidimus, gloria hæc eorum erit in secundo Societatis sæculo.

§. Vltimus *Calumnia à Molinistis in S. AUGUSTINUM evomita confirmantur.*

CXXIV. **N**on possent efficacius adversus *Defensorem* confirmari calumniæ, quas Molinistæ in S. AUGUSTINUM evomuerunt, quam Authore illo cui P. Platel in suo Caco-Philalethe conciliavit autoritatem. Intendens prædictus Molinista Scientiæ Mediæ extollere Triumphum, adducit Authorem undecim Scriptorum n. 118. his verbis: *Hanc postremam Molina victoriam conditionatè prævidit auctor undecim scriptorum an. 1652. factorum pro tuendis ad- verdis imminentiæ Vaticanæ fulmina quinque propositionibus Iansenisticis, quæ Dominicanis tribuit, & suo Diurnali de actis Romæ ad an. 1652. circa quinque propositiones subnectit Dominus de Saint Amour Doctor Sorbonicus. Et post pauca prædictum concludit numerum: Advertit autem D. de Saint Amour pag. 59. in monitione ad Lectorem scriptis illis præfixâ 10. se primam istorum scriptorum notitiam per quemdam prælatum accepisse in Minerva 25. Feb. 1652. 20. fuisse à Dominicanis composita ut exhiberentur Pontifici. 30. singulari beneficio se à PP. Dominicanis unum ex iis exemplar accepisse.*

Auctor igitur ille undecim Scriptorum inter scripta Pontifici exhibenda, fecit & nonum scriptum, in quo colluviem calumniarum à TRIUMPHO THOMISTARUM congestam cernere poteris, CORDATE LECTOR, utque fidelitatem nostram in illis referendis agnoscas, oculis tuis integrum scriptum subijcio. In quo eas pluribus aliis gravioribus adjunctas reperies, & ab ipsâ Inquisitione generali Hispaniæ decerptas ex Molinistarum libris, & damnatas conspicias.



NEUVIÈSME ESCRIT.

Il contenoit par dehors ce tiltre :

Irreverenter dicta contra D. AUGUSTINUM
à Patribus Societatis IESU.

Et il contenoit au dedans ces paroles :

Quæ irrereverenter dixerunt adversus D. AUGUSTINUM
Patres Societatis maximè recentiores.

CXXV.

CXXV. *Renovant omnes querelas Massiliensium, & omnes injurias, sive parum reverenter dicta contra D. AUGUSTINUM Patres Societatis. Primò igitur subjiciemus 22. Propositiones quas Generalis Inquisitio Hispania ex ipsorum libris decerpfit & damnavit.*

I. **A**ugustini quædam dogmata ab Apostolicâ Sede in terminis sunt damnata. Dionysius Petavius discept. priori de Trid. Conc. & Augustini doctrinâ.

II. *Miseram fore Ecclesiam si Augustini placitis obstricta maneat.* Jesuitæ Lovanienses in articulis censuratis

III. *Ecclesiam à tuelâ & pedagogiâ Augustini esse vindicandam.* Idem ibidem.

IV. *Augustini auctoritatem non plus valere, quam rationes, quas allegat, evincant.* Idem ibidem.

V. *Augustinum fuisse Doctorem perinde ac alium quempiam, etiam modernorum.* Idem ibidem.

VI. *Augustini dotes, sive naturales, sive infusæ, non fuisse altioris ordinis quam aliorum Doctorum, etiam Scholasticorum.* Idem ibidem.

VII. *Si post Augustinum nihil Christianæ eruditioni accesserit, Scholasticam Theologiam penitus rejiciendam fore.* Joannes Roberti in opus de Natal. c. 3.

VIII. *Augustini auctoritatem interponentibus respondendum fore, Ecclesiam in suis filiis usque hodie crescere, etiam eruditione.* Idem ibidem.

IX. *Augustinum etiam Iuliani Pelagiani argumentis non satisfecisse.* Jesuita Logicus relatus à Joanne Rivio in vitam S. Augustini l. 4. c. 10. s. 6.

X. *Si triumphus Ecclesiæ de Pelagianis nueretur posterioribus Augustini scriptis, immeritò de eis illa triumphasset.* Idem.

XI. *Volentem sustinere partes Iuliani, non posse Augustini rationibus convinci.* Idem ibidem, & Jesuitæ in articulis censuratis.

XII. *Augustini Theologiam de originalis peccati traduce esse rusticannam.* Jesuitæ ibidem.

XIII. *Ex Augustini opinione de peccato originali cogimur incidere in sententiam Pelagii.* Vasquez. 1. 2. disp. 132. cap. 3. resp. 14.

XIV. *Augustinum sacrarum Scripturarum auctoritatem suâ expositione evacuare, & libro infidelium exponere.* Molina de opere sex dierum. disp. 1. s. postremo.

XV. *Augustinum quasi sub caligine constitutum ad veritatem à Patribus inventam non ascendisse.* Molina 1. p. q. 23. art. 4. & 5. disp. 1. m. 6.

XVI. *Augustini sententiam non paucos fidelium turbasse, ejusque auctoritate periculosum Pelagianismum declinasse.* Molina in Concord. q. 23. art. 4. & 5. disp. 1. m. ult. s. Credens.

XVII. *Augustini sententiam à multis duram nimis indignamque divinâ bonitate ac clementiâ judicari, non mirum.* Idem 1. p. q. 23. disp. 1. m. 6. s. Ex his patet.

XV III. *Ab Auguftino aliisque idem ſentientibus peti poſſe undenam ſua ſententia certitudinem hauſerint.* Valquez.

X I X. *Auguſtini veſtigii non eſſe inſiſtendum, ſed aliter philoſophandum.* Valquez in 1. 2. diſp. 193. c. 4. n. 39.

X X. *Auguſtini locutiones quamvis aliquo ſenſu veras, improprias tamen eſſe nec frequentandas.* Jeſuitæ Lovanienſes in articulis ſupra citatis.

X X I. *Verum Auguſtinus contra quod ſentiamus ſentiat, non admodum referre.* Iidem ibidem.

X X II. *Non rectè dici poteſt, illud ſaltem neceſſariò ab omnibus eſſe tenendum quod Auguſtinus tenuit nec retraxavit.* Iidem ibidem.

P. Annatus hoc anno 1653. edidit Pariſiis volumen, in cuius libro oſtavo integro collegit dicta, quæ aliis contra Divum Auguſtinum exciderunt, vel certè non dicuntur de doctrinâ D. Auguſtini in materiâ de gratiâ in quâ eſt approbatus ab Eccleſiâ, & tamen ipſe applicat huic materiæ, & ſunt ita indigna, ut ipſemet erubeſcat cap. 3. & ad decretum Clementis VII. quo in principio diſputationum de auxiliis cavet ſequendum eſſe D. Auguſtinum, reſpondet ſolum juſſiſſe ut inquireretur ſententia Auguſtini, nempe ut retineretur, quod perſpicuum eſſet, illud voluiſſe, non autem quidquid conſtaret eum dixiſſe, atque ita ſapè dixit D. Auguſtinum minus voluiſſe & plus dixiſſe, quod eſt reverà concedere quòd D. Auguſtinus exceſſit, contra expreſſam definitionem Cæleſtini in epiſtolâ ad Episcopos Galliæ cap. 3. l'nde idem P. Annatus pag. 172. dicit D. Auguſtinum ſuavi interpretatione torquendum in alteram partem.

Il Padre Adamo Gieſuita in un libro che egli fece ſtampare doi anni ſa intitolato, il Calvino diſſatto da ſe ſteſſo, & per l'armi di S. Agoſtino, dice le coſe ſequenti, il quale libro è in lingua Franceſe.

Che la luce delli libri di queſto Santo e grave Dottore è coperta di tenebre e di nuvole; che la ſua dottrina è intricatiſſima, come che da ſe ſteſſa ſi combatte e ſi diſtrugge. pag. 614.

S. Agoſtino non è riuſcito nella ſcelta delle ſue opinioni ne delli fondamenti con li quali ſi prova, talche ci ha laſciata l'aboſolutiſſima libertà de ſeguirarli ovvero d'applicarci ad un altro partito, benchè li ſia contrario, anzi che lui iſteſſo dubita ſpeſſe volte intorno alla certezza dell'opinioni che egli inſegna. pag. 531.

Che non ha voluto parlar chiaro, ovvero che n'ha potuto ſpiegar li ſuoi penſieri con tanta facilità, che non ci ha luogo di dubitare delle ſue intentioni. pag. 615.

Che nella guerra che egli ha fatto contra li Pelagiani ha dato in eſtremità pericolose. pag. 626.

Certo è che S. Agoſtino ha parlato con errore in materia della gratia e della predeſtinatione, gia che biſogna addolcire e temperare le ſue parole per non trapasare della lor aſpreſſa ad un errore contrario: non ſarà troppo lecito di cercar un temperamento Catolico. pag. 639.

M'è permeſſo di revocare ad un giuſto temperamento tutto quello che li Dottori giudicano eſſere nell'eceſſo. pag. 644.

Conforme al ſuo parere & al conſiglio de ſanti Padri apporto quello temperamento convenevole

vole col quale suggendo l'error de Pelagiani non casto nell'eccesso di S. Agostino. Perche io non casto nell'error de Pelagiani con i quali S. Agostino combatte e ci obbligo di seguir l'impeto e tutta la forza delle parole delle quali egli si serve per convincerli? Per questo io tengo il meso tra Pelagio e Calvino: se con voler temperare le parole di S. Agostino calassi io troppo in qui sarei subito Pelagiano; così se ancora volessi io stare nella lor forza sarei Calvinista: mi tengo io dunque nel meso con la Chiesa. pag. 640.

L'opinioni di Calvino si trovano provate in certi luoghi delli libri di S. Agostino, se vi applicate all'apparenza sola delli termini. pag. 635.

Basta à me che io costringa il mio adversario à confessare che S. Agostino secondo l'apparenza delli termini ha parlato à favore delli doi partiti, cioè della Chiesa e di Calvino. pag. 639.

Benche li Pelagiani havessero predicato contra que' opinioni, la Chiesa non l'haveria mai potuto metter nell'indice o catalogo de gl'Eretici. pag. 661.

L'opinioni di S. Agostino sono feroci. Ibid.

E lecito detestare quell'opinione laquale assevera il peccato originale esser fondamento col quale viene giustificata la distinzione che Dio ha fatto delli salvati dalli dannati. pag. 667.

Questo mancamento non è tanto colpevole che non l'abbia Iddio supportato in questi Autori che ispirava, che noi chiamamo canonici, che parlano conforme alla loro imaginatione nell'esprimere le cose che Iddio gli ha rivelate, che il foco e l'ardore che era naturale à S. Paolo era bastevole à trasportarlo in espressione di questa natura, e l'istesso afferma di David nel psal. 11. pag. 662.

Oltre le sopradette cose in tutto il suo libro dice più cose dell'istesse condizioni contra l'autorità di S. Agostino come si può vedere.

Il Padre Causino nel 2. tomo della sua Corte santa, massima 6. della predestinatione, n. 2. composto in lingua Francese così dice.

Non è in ragione di spaventarsi dalle parole di S. Paolo e di S. Agostino che senza fare nessuna riflessione sopra le nostre buone opere, pare che diano ogni cosa alla semplice volontà di Dio, perche havemo da considerare questi doi gran cervelli giunti come doi grandissimi mari quali si gonfiano con l'impeto del lor genio, di tal maniera in una riva che paiono voler lasciar l'altra senza acqua per un pezzo; ma come l'Oceano dopo di essersi largamente diffuso d'una banda, torna poi à i limiti, che Dio li ha prescritti, così nell'istessa maniera questi doi dopo di essersi inaspriti contro li rebelli della Chiesa, che combattono la verità, tornano poi in un temperamento pacifico per l'edificatione della Chiesa di Dio.

P. Pallavicinus Jesuita in Collegio Romano anno superiori 1652. in tractatu de Deo uno & trino, quem legit suis discipulis, in unico §. disputatione de predestinatione expresse docet,

1. S. Augustinum non recte interpretatum esse Scripturas circa predestinationem.

2. Doctrinam S. Augustini de predestinatione favere heresi Calvinii.

3. Recentiores Jesuitas accuratiores esse antiquis Patribus, scilicet S. Augustino, S. Thomà & aliis.

*Italicè dicta reddidit Quidam in idioma nostrum,
ut mihi non habenti librum P. Adami
satisfaceret.*

CXXVI. *L*E Pere Adam Iesuite dans un livre qu'il a fait imprimer depuis deux ans intitulé, Calvin defait de soy-mesme, & par les armes de S. Augustin, dit les choses suivantes, ce Livre est en françois.

Que la lumiere des Livres de ce grand Saint & grave Docteur est toute convertie de tenebres & de nuëes, que sa doctrine est extremement intriguée comme se combattant & se destruisant de soy-mesme.

Que S. Augustin n'a pas reussy dans la suite de ses opinions & ses fondemens avec lesquels il les prouve, de maniere qu'il a laissé absolument la liberté de les suivre, & les appliquer à l'un ou l'autre party quoy que contraire, jusqu'à là que luy mesme doute souvent de la certitude des opinions qu'il enseigne.

Qu'il n'a pas voulu parler clairement ny pu exprimer si facilement ses pensées qu'il n'ait laissé lieu de douter de ses intentions.

Que dans la guerre qu'il a fait aux Pelagiens il a donné dans des extremités dangereuses.

Il est certain que S. Augustin a parlé avec erreur en matiere de la grace & de la predestination jusqu'à là qu'il a salu adoucir & temperer ses paroles pour ne donner pas dans un erreur contraire, ainsi il ne me sera que trop licite de leur chercher un temperament catholique.

Il m'est permis de revoquer à un juste temperament tout ce que les Docteurs ont jugé donner dans l'excès.

Suivane son advis, & conformément au conseil des Saints Peres il a donné ce temperament convenable, par lequel se sauvant de l'erreur des Pelagiens, il n'est pas tombé dans l'excès de S. Augustin. Pourquoi (dit-il) ne suis-je pas tombé dans l'erreur des Pelagiens, que S. Augustin combat, & dans lequel on est forcé de tomber s'arrestant à la rigueur de la lettre, & suivant toute la force des paroles, desquelles il se sert pour les convaincre ? c'est pour ce que je tiens le milieu entre Pelage & Calvin; si voulant temperer les paroles de S. Augustin je donne dans le trop me voila si tost Pelagien; si je donne dans le peu m'arrestant avec trop de rigueur à la pointe de la lettre, je me trouve Calviniste, je tiens donc le milieu avec l'Eglise.

Les opinions de Calvin sont prouvées dans certains lieux des livres de S. Augustin, si on les entend selon la seule apparence des termes.

Il suffit que je contraigne mon ennemy à avouer que S. Augustin selon l'apparence des termes a parlé en faveur des deux partis qui sont celui de l'Eglise & de Calvin.

Quand bien les Pelagiens auroient preschez contre ces opinions, l'Eglise ne pourroit pas pourvant les mettre dans l'Index ou Catalogue des Heretiques.


Les opinions de S. Augustin sont sarrouches.

Il est licite de detester l'opinion qui assure que le peché originel est le fondement d'où procede la justification du discernement que Dieu a fait des sçavez & des damnez.

Que ce manquement n'est pas si criminel, que Dieu ne l'ait supporté dans ces Auteurs qu'il inspiroit, & que nous appellons canoniques, qu'ils parlent selon leur imagination en exprimant les choses que Dieu leur a revelé, que le feu & l'ardeur qui estoit naturel à S. Paul, a suffi pour l'emporter à des expressions de cette nature, & il affirme le mesme de David au Psal. 11.

Outre les choses susdites il dit encore plusieurs autres choses semblables dans tout son livre contre l'autorité de S. Augustin, comme on peut voir.

Le P. Causin au Tome 2. de sa Cour Sainte, maxime Gme. de la predestination, nombre 2. composé en langue françoise dit de la sorte: Il n'y a pas sujet de s'epouvanter des paroles de S. Paul & de S. Augustin, qui sans faire beaucoup de reflexion sur nos bonnes œuvres, semblent donner tout à la simple volonté de Dieu. Il faut considerer que ces deux grands cerveaux à guise de deux grandissimes mers par l'impetuosité de leur genie s'emportent vers l'une des rives de telle maniere qu'on diroit qu'elles veulent laisser l'autre rive sans un pied d'eau, mais comme cet element s'estant repandu si au large retourne en apres, & se contient entre ses bornes & limites que Dieu luy a prescrites, ainsi ces Saints s'estans laissé aller à la rigueur contre les rebelles à l'Eglise, qui combattoient la verité, se sont remis dans un temperament pacifique pour l'edification de l'Eglise de Dieu.



*Vindicatur TRIUMPHUS THOMISTARUM, & vanus ostenditur
Triumphus Molinistarum.*

CXXVIJ. **D**UO ex Scripto supradicto proponimus tibi, CORDATE LECTOR, observanda. Primum Defensoris calumniam; secundum, inanem P. Platel in suo *Caco-Phylalerhe* victoriam.

Calumnia Defensoris est ista, quam numero 404. infert his verbis: *Vix mihi persuadeo potuisse nobis imponere absurdissimas propositiones, quas mox subjiciam, adversus auctoritatem AUGUSTINI, nisi reclamante conscientia, & calamm mendacii arguente. Quid reclamaret conscientia, cur calamus mendacii argueret, quod decerpfit, & damnavit generalis Inquisitio Hispaniæ? Propositiones istæ sine dubio absurdissimæ continentur inter viginti duas, quas teste Auctore Scripti noni à Patre Platel approbato, generalis Inquisitio Hispaniæ ex ipsorum libris decerpfit, & damnavit.*

Nec testimoniū Lessii n. 415. adductum auctoritatem istam valet infringere; testimoniū enim perhibet de seipso: ergo ut in simili ex Salvatore nostro cap. 1. §. 3. n. 15. conclusimus, testimoniū ejus non est verum.

Nec etiam obest, quòd aliter citentur verba Molinæ, quàm videamus in posterioribus editionibus : quia posterioribus Molinistarum editionibus non magna est tribuenda fides ; eò quòd soleant eas pro beneplacito suo immutare. Possemus hoc pluribus exemplis demonstrare : sed duo sufficiunt, Posteriores scilicet *Toleti*, & *Thomæ Sanchez* editiones.

CXXVII]. Toletus in instructione Sacerdotum edition. Duacensis anni 1600. & edit. Colonienfis anni 1601. lib. 3. cap. 4. hæc habet : *Prima quidem attritio si talis sit, ut cognoscat peccitens, se non detestari peccatum, ut est Dei offensæ, sed tantum ut est alicuius mali causæ, & pænæ inferni, quamvis bonus actus iste sit, non tamen sufficit ad Sacramentum : imò qui sic accederet peccaret denuò, & non impleverit præceptum, sed esset repetendum Sacramentum..... Unde Confessores maxime debent considerare qualiter penitentes admittant ad confessionem. Non enim sunt admittendi, nisi qui peccata detestantur ut offensæ Dei sunt..... Hinc etiam sequitur contritionem quæ pars est Sacramenti Penitentiae, aut esse veram contritionem, aut existimatam, ut dixi.*

Quæ verba aliter habentur in posterioribus editionibus. Nam in editione Antuerpiensi anni 1603. habetur, *prima quidem attritio si talis sit ut cognoscat penitens se non detestari peccatum ut est Dei offensæ, sed tantum ut est alicuius mali temporalis causæ, quamvis bonus sit actus iste, non tamen sufficit ad Sacramentum.* Ubi additum est *ly temporalis*, & subtractum est *ly & pænæ inferni*. In editione Lugdunensi anni 1638. habetur, *Non enim sunt admittendi, nisi qui peccata detestantur ob debitum finem, cum in priori supra relatâ dicatur : non enim admittendi sunt, nisi qui peccata detestantur ut offensæ Dei sunt.* Nota, CORDATE LECTOR omnes illas editiones in fronte præ se ferre collationem cum Autographo : & hinc discere quam fidem mereantur Molinistarum editiones.

CXXIX. Altera editionum variatio cernitur in Thomâ Sanchez, quam sic exhibent Doctissimi Salmanticensès Tract. 13. de peccatis disp. 10. n. 265. Quocirca Thomas Sanchez lib. 9. de Matrimonio disp. 46. postquam n. 7. statuit oscula & amplexus propter solam veneream delectationem ex illis confurgentem esse lethalia, seq. n. 9. sic ait juxta primævam editionem. *Moderanda tamen est hæc sententia, nisi parvitas materię adsit : illa enim à mortali culpâ excusabit. Potest enim dari modica delectatio venerea, quæ si absint periculum pollutionis, & periculum consensus in actum carnalem, non erit culpa lethalis. Quia dari nequit ratio sufficiens, cur in ceteris præceptis detur parvitas materię, non tamen in hoc. Et quamvis parvitas copule dari nequeat, at potest dari parvitas delectationis venereæ, quæ ex solo tactu vel cogitatione insurgat.*

In editionibus posterioribus totus ille numerus expunctus est ; & loco prædictæ moderationis inserta ejus retractatio.

Nô igitur ob aliquam variationem dandæ sunt falsitatis aliquæ ex calumniis relatis ; sed magis credendum generali Inquisitioni Hispaniæ, quæ eas ex libris Molinistarum decerpit, & damnavit. Magna foret absurditas sanctum illud

Tribunal tenuissimâ perstringere suspicione. Magis etiam credendum Authori undecim Scriptorum à P. Platel approbato, qui scriptum Pontifici exhibendum in causâ tam gravi, ab omni mutilationis specie procul dubio expurgavit.

Insurget fortè recens Molinista, si tanta sit Authoris undecim Scriptorum auctoritas: ergo legitima erit P. Platel illatio, dum ex scriptis illis definitam infert totam Molinæ doctrinam; quia in illis dicitur, quòd *tota doctrina Molinæ stabilitur ex damnatione harum quinque propositionum*. Verùm firma permanet undecim Scriptorum auctoritas, & in fumum abit Molinistici Triumphi vanitas. Quintum scriptum, ex quo P. Platel prævisam asserit Molinæ victoriam, exponit sensum catholicum primæ propositionis in hunc modum: *Aliqua Dei præcepta non possunt impleri ab hominibus iustis, volentibus, & conantibus affectu & conatu imperfecto proveniente à gratia sufficiente per solam gratiam habitualement & sufficientem sive gratia efficaci, sine quâ non possunt possibilitate cum effectu, ut loquitur AUGUSTINUS cap. 42. de naturâ & gratiâ, sive in sensu composito, ut aiunt Scholastici.*

Præmissâ hâc sensus catholici expositione ait: „ si damnetur hæc prima propositio in hoc sensu, definitur nullam gratiam de se efficacem, aut actua-

„ lem esse necessariam, & tota Molinæ doctrina de viribus liberi arbitrii in natura lapsâ stabiliretur de fide, quamvis judicata sit Semipelagiana in congregationibus de Auxiliis sub Clemente VIII. & Paulo V.

Atqui prima propositio, & aliæ non fuere damnatæ in isto sensu: ergo firma permanet Scriptorum auctoritas, & in fumum abit Triumphus Molinistarum vanitas. Sublumptum probat ipse Pontifex Summus, qui die 13. Junii anni 1653. Doctoribus Augustinianis nominatim quærentibus, an efficax, quam defenderent, gratia constitutione illâ proscriberetur? Certissimum esse dixit: *Questio è certo*, nec AUGUSTINI doctrinam, nec gratiam efficacem illo iudicio violatam. Testatur hoc ipsius Christianissimi Regis Legati epistola, quam hîc subijcio:

Excerptum ex Epistolâ Christianissimi Regis Legati ad Comitem de Brienne, qui Regi est ab interioribus Secretis. Dat. Romæ 16. Junii anni 1653.

CXXXI. **D**e Jovis 12. Junii, Summo Pontifici dixi, Doctores qui vulgò AUGUSTINI defensores dicuntur, nihil cupere, antequam in Galliam revertantur, ad osculum pedum admitti, & Apostolicâ benedictione donari. Respondit Sanctitas sua sequenti die,

quibuscunque tandem negotiis distringeretur, tamen audientiam ipsi sese daturum. Nec verò promisso defuit. Honorificentissimis verbis Doctores istos prosecuta est, "Sancti AUGUSTINI ac Sancti THOMÆ doctrinam, nec non efficacis gratiæ dogma decreto suo minimè damnari confirmavit, omnesque controversias eodem loci relictas dixit, quo sub Clemente VIII. & Paulo V. relictæ sunt: sed cum ipsimet declarassent de propositionibus vel Calvinisticè, vel Pelagianè, vel Catholicè sentiri posse, erroneas ac temerarias judicari ideo debuisse, cum certo sensu hæreticæ essent. Omnis enim propositio in qua latere potest venenum, populis insillari non debet, ut nec in pascua ducantur oves quæ bonis & venenatis verbis permixta sunt, ne incautè ab orbibus venenum hauriatur. Postremò Summus Pontifex ipsos collaudavit & gratias egit.

Consultat veritatis amator Diurnale D. de S. Amour citatum à P. Platel, & inveniet parte 6. cap. 27. in Epistolâ ad Episcopos Gallix quatuor rationes probantes, propositiones in sensu gratiæ efficacis approbatas esse: Quo autem loci omnes controversiæ sub Clemente VIII. & Paulo V. relictæ fuerint, hac assertionem declarat Amicus noster cap. 21. concl. 11. *In congregationibus de Auxiliis, qui libri Molinæ examini à Summo Pontifice fuerunt deputati, ex ipso sexaginta propositiones, tanquam à SS. AUGUSTINO & THOMÆ alienas; quin etiam erroris, & temeritatis condemnarunt; sed non definitione ultimâ, quam tamen vi talis examinis ferre potuit Summus Pontifex, & intendit facere. Quam assertionem probat secundum omnes suas partes. Sed eodem loci reliquit Innocentius X. controversias circa Molinæ doctrinam, quo relictæ sunt sub Clemente VIII. & Paulo V. ut præfert recitata Epistola: ergo tota Molinæ doctrina remanet in sexaginta propositionibus condemnata, quamvis non definitione ultimâ: Inanis igitur est P. Platel victoria, & varus ostenditur Molinistarum Triumphus.*



C A P V T III.

Refutatio Capitis tertii.

CXXXII. **E**Xosa Defensori fuit conciliatio discipulorum S. AUGUSTINI cum discipulis S. THOMÆ; quam tentavit TRIUMPHUS THOMISTA-

RUM Opusc. I. de *Scientiâ Mediâ ad examen revocatâ* cap. 2. art. 1. Quæ tamen concordia, approbante Eximio S. Theologiæ Doctore, & R. Patre. Ordinis Prædicatorem P. F. MARTINO HARNEY, *feliciter tentata, facilliter declarata, firmiterque comprobata est.*

Quæ etiam ita placuit aliis ejusdem sacri Ordinis Magistris, & Studii generalis Lovanii Regentibus, ut Opusculum supra memoratum eò vel maximè approbarint, quod *pro irrefragabili concordia* (verba approbationis sunt) *circa præmotionem physicam, & gratiæ ab intrinseco efficaciæ pro utroque naturæ statu necessitatem, inter utriusque Ecclesiæ Solis SS. AUGUSTINI & THOMÆ Aquinatis discipulos stabilendâ nihil hæcenus accommodatius, & solidius in lucem editum esse viderimus.* Quam denique in suis publicis Thesibus ad unguem exaravit R. D. ANTONIUS CHASSE Ordinis S. Benedicti, & in Collegio Vedastino S. Theologiæ tunc emeritus Professor, nunc Celeberrimi Vedastini Monasterii Magnus Prior, & Eminentissimi Cardinalis de Bouillon Abbatis Vicarius Generalis dignissimus. Incitiam suam demonstrat hîc *gratiæ versatilis Defensor*, dum quid pro quo continuo accipiens non intellexit Angelicam duplicis prædeterminationis physicæ distinctionem, quæ firmiter comprobatur Concordia tentata; sed ausu planè temerario varios ei affinxit errores. Videtur *Defensori* proprium, veritates pro erroribus sumere. Tanta est illius perspicacitas.

§. I. Quid pro quo accipiens Defensor, non intellexit Angelicam duplicis prædeterminationis physicæ distinctionem.

CXXXIII. Gaudemus Defensorem distinctionis memoratæ pulsasse chordam; quia concordans illius sonus ita in mentibus Cordatorum personabit, ut ipsi, dissonantia in speciem corda modicâ mentis applicatione, & perfacili studio in unum sint tracturi, Deo, ut confidimus, favente & prædeterminante.

Ut clarius fiat *Defensoris* hallucinatio, breviter de duplici prædeterminatione exponenda est doctrina TRIUMPHI. Cum prædeterminatio sit applicatio ad actum, ex naturâ actus metienda est natura prædeterminationis. Actus est quid medium inter principium & objectum: unde duplicem habet divisionem, unam per ordinem ad objectum, aliam per ordinem ad principium. Ex ordine ad objectum dividitur, in actum naturalem & supernaturalem, amorem delectabilis, & amorem justitiæ, in amorem creaturæ, & amorem creatoris, &c. Similiter ex hac habitudine ad objectum actus, dividitur prædeterminatio in naturalem & supernaturalem, in prædeterminationem ad actum seu materiale peccati, & prædeterminationem ad actum virtutis, &c.

Ex ordine ad principium, dividitur actus in primum & secundum; primum

enim actus est, qui exit à principio independenter ab alio actu præcedente. Secundus actus est, qui exit à principio vi præcedentis actus. Quæ distinctio maximè attéditur in actibus intellectus & voluntatis. Quod *assentiri* est intellectui, hoc *amare* est voluntati. Quemadmodum assensus dividitur in assensum principiorum qui est primus assensus, & assensum conclusionum, qui est secundus assensus; ita amor dividitur in amorem finis, qui est primus amor, & in amorem mediorum, qui est secundus amor.

Ratio autem non solum discernit inter finem & media, sed etiam inter rationem finis & ipsum finem, sicut inter verum & rationem veri. Unde sicut assensus quo, v. g. assentior hominem esse animal rationale est primus assensus, & assensus quo assentior Petrum esse animal rationale quia est homo, est secundus assensus ex primo deductus; ita amor tendens in ipsam rationem boni est primus amor, & amor tendens in hoc objectum, quia bonum, est secundus amor ex præcedente deductus.

CXXXIV. Ex hac igitur habitudine actus ad principium, alia est prædeterminatio ad primum actum, alia prædeterminatio ad secundum actum. Quarum differentia ex diversitate actuum elucet. Primus amor solum est *elicitivè* à voluntate, non *applicativè* sive ut ait D. THOMAS relatus à TRIUMPHO Opusc. 1. n. 76. ad illum se habet voluntas ut mota, & non ut movens; & ideo non tribuitur voluntati sed Deo specialiter applicanti; ratione cujus prædeterminatio ad primum actum dicitur specialis; prædeterminat enim Deus ad primum actum sicut applicans particulare, non sicut applicans universale. Secundus amor est *elicitivè*, & *applicativè* à voluntate, sive ut dicit ibid. D. THOMAS ad illum se habet voluntas, & ut mota, & ut movens; & ideo tribuitur non solum Deo, sed & voluntati; ratione cujus prædeterminatio ad secundum actum dicitur universalis; prædeterminat enim Deus ad secundum actum ut applicans universale. Nam sicut illos effectus, quos se solo immediatè producit, dicitur efficere ut agens particulare, eos verò quos mediis causis secundis agentibus efficit, ut agens universale dicitur eos producere; ita quando Deus applicat & prædeterminat ad actum independenter à causà secundà applicante, dicitur applicans speciale; quando verò applicat & prædeterminat ad actum dependenter à voluntate se applicante ex vi præcedentis amoris, dicitur applicans universale.

CXXXV. Hæc est prima *Defensoris* hallucinatio, quòd non distinguens inter *elicere actum liberum*, & *applicare se ad actum liberum* putavit n. 461. quòd prædeterminatio specialis ad primum actum, quem solummodò elicit voluntas, esset ad actum necessarium; prædeterminatio verò universalis ad secundum actum, ad quem se applicat voluntas ex præcedente actu, esset ad actum liberum. Primus actus elicitur liberè, si eliciatur cum iudicio indifferenti, quo
unum

unum judicatur esse amandum, & oppositum amabile. Ut autem applicet se voluntas ad actum liberum, requiritur, quod ex præcedente amore judicetur unum esse amandum. Non consideravit *Defensor*, quod in doctrinâ Angelicâ principium applicans est *actus*; principium verò eliciens est *potentia*, *habitus*, *virtus* &c.

Quod principium applicans seu movens ad actum debeat esse *actus*, probatur ex eo, quod movens debet præhabere illud ad quod movet; siquidem movet inquantum est actu. Quare sicut movens ad formam ignis debet præhabere formam ignis, ita movens ad agendum debet esse actu agens. Non calidum non potest facere calidum; nec non agens potest facere agentem. Cum ergo applicare se ad agendum sit facere se agentem, & voluntas non agens non valeat se facere agentem, necesse est quod voluntas non dicatur applicare se ad agendum, nisi inquantum agens unum, facit se agere aliud: ac proinde ex aliquo priori actu sortitur potestatem se applicandi ad posteriorem.

CXXXVI. Secunda *Defensoris* hallucinatio est, quod credidit; prædeterminationem universalem non reperiri nisi in naturâ sanâ, specialem verò non nisi in naturâ infirmâ; & fingens id nos docere, imaginariam sibi promittit victoriam dicens n. 461. *Si igitur ostendero in utroque statu utramque prædeterminationem tam respectu actuum naturalium, quam eorum quæ supra naturam sunt; equidem consecero istam prædeterminationis distinctionem ineptam esse assignando discrimini inter geminum naturæ statum, proutque intentæ conciliationi perficiendæ omnino inutilem.* Ex hoc falso fundamento pergit totâ sectione secundâ confutare TRIUMPHI doctrinam Opusc. 1. cap. 2. §. 7. traditam, quâ septem contrarietatis capita, quibus Gratiæ Augustinianæ inter naturam sanam & infirmam discrimini videbatur opponi physicæ prædeterminationis doctrina, evelluntur. Si igitur ostendero discrimen à TRIUMPHO statutum, non esse quod sola prædeterminatio universalis inveniat in naturâ sanâ, specialis verò in infirmâ; equidem consecero ineptam esse *Defensoris* confutationem, & firmam permanere TRIUMPHI doctrinam, solidamque gemini Ecclesiæ Solis discipulorum tentatam persistere concordiam. O veritas Deus da mihi intellectum ut sciam testimonia tua, id est, perfectæ Jesu Christi gratiæ, victricis scilicet & PRÆDETERMINANTIS charismata, quæ maxima sunt maximæ tuæ misericordiæ testimonia.

CXXXVII. Cum tam in naturâ sanâ, quam in naturâ infirmâ reperiatur & primus aliquis actus, & secundus, necesse est ut utraque prædeterminatio, universalis scilicet, & specialis sedem habeat in utràque naturâ. Quare sola *Defensoris* imaginatio naturæ sanæ solam tribuit universalem prædeterminationem, & naturæ infirmæ solam appropriat specialem. Verum & solidum discrimen est, quod aliquis actus in naturâ infirmâ est primus, qui in naturâ sanâ erat secundus; & sic ad eundem actum indiget natura infirma prædeterminatione specia-

li ad quem natura sana solum indigebat prædeterminatione universalis. Hic autem actus est *amor iustitiæ hic & nunc occurrentis*, sine quo non impletur præceptum *sicut oportet*, & sine quo non perseveratur. In homine sano propter perfectam virium inferiorum subjectionem amor iustitiæ in communi, qui erat primus actus ad quem à Deo specialiter prædeterminabatur, erat sufficiens ut mediante *auxilio universalis prædeterminationis* daret sibi in particulari operabili amorem iustitiæ hic & nunc occurrentis. Nihil enim impediēbat, quò minus iustitia, quæ secundum se placebat in universalis, etiam secundum se placeret in particulari. At in homine infirmo abstractio & illectio concupiscentiæ facit quòd *delectabile hic & nunc occurrens* secundum se placeat; & consequenter facit, quòd *iustitia hic & nunc occurrens*, quæ opponitur *delectabili hic & nunc occurrenti* non possit secundum se placere: dum enim unum oppositorum secundum se placet, nequit aliud secundum se placere. Hinc fit ut in homine infirmo amor iustitiæ in universalis non sit amplius sufficiens, ut applicet se voluntas ad amandum propter se iustitiam in particulari hic & nunc occurrentem; sed necesse est ut *auxilio specialis prædeterminationis* homini infirmo abstracto & illecto à concupiscentiâ suâ inspiretur *amor iustitiæ hic & nunc occurrentis*, ex quo postmodum voluntas hominis infirmi cum auxilio universalis prædeterminationis applicat se ad implendum præceptum hic & nunc occurrens, vel *faciendo actum præceptum*, si præceptum sit affirmativum, vel *repudiando actum prohibitum*, si præceptum sit negativum.

§ II. Tentata TRIUMPHI concordia clarè firmatur.

CXXXVIIJ. EX hoc primo discrimine quòd *amor iustitiæ hic & nunc occurrens* fit in naturâ infirmâ primus actus, & in naturâ sanâ secundus actus, statim sequitur, quòd ad istum amorem non se applicat homo infirmus, quamvis libere eum eliciat, ad quem se applicabat homo sanus ex amore iustitiæ in universalis: & ideò prædictus amor tribuitur in homine infirmo, non libero arbitrio, sed Deo specialiter, id est, ut agens particulare applicanti, qui tamen amor tribuebatur in homine sano libero arbitrio, non quia à Deo non procederet, sed quia à Deo ut ab applicante universalis, & non ut ab applicante particulari produceretur.

CXXXIX. Ulterius sequitur, quòd in homine infirmo non sit sufficiens potestas DATA applicanti se ad implendum præceptum, sicut nec ad perseverandum, quamdiu non amatur iustitia hic & nunc occurrens. Ratio aperta est. Voluntas sine primo actu non habet potestatem se applicanti ad secundum. Primus actus in homine infirmo est *amor iustitiæ hic & nunc occurrentis*, secundus actus est impletio præcepti, & perseverantia in impletionem est etiam secundus

actus: ergo quamdiu non amatur iustitia hic & nunc occurrens, non habet homo infirmus potestatem sufficientem DATAM applicandi se ad implendum præceptum, & perseverandum. Quam tamen potestatem habebat homo sanus ex amore iustitiæ in universalis. Si ad hæc addideris, quod amor iustitiæ hic & nunc occurrentis non infert impletionem præcepti in homine abstracto & illecto à concupiscentiâ suâ, si non fuerit fortior amore *delectabilis hic & nunc occurrentis*; & amor iustitiæ fortior non habetur, sine GRATIÂ VICTRICE & PRÆDETERMINANTE, clarè conspiciet hominem infirmum carentem GRATIÂ VICTRICE & PRÆDETERMINANTE non habere potestatem sufficientem DATAM applicandi se ad implendum præceptum. Quâ gratiâ non indigebat homo sanus, quia potestas sufficiens DATA applicandi se, inerat ei ex amore iustitiæ in universalis; ad quem connaturaliter à Deo prædeterminabatur.

Attende, quod amor iustitiæ in universalis est homini connaturalis; & facit majorem syllogismi practici. Dum sub istâ majore homo sanus ex inclinatione & dictamine rationis subsumebat minorem, concludebat impletionem præcepti naturalis. Dum verò ex inclinatione & dictamine fidei subsumebat minorem, concludebat impletionem præcepti supernaturalis. Amor iustitiæ in universalis est elicitive solum naturalis, id est, elicitur à principione naturæ; attamen *obiectivè & applicativè*, nec est naturalis nec supernaturalis, ad eum modum quo Doctissimi Salmanticenses Tract. de visione Dei disp. 1. n. 14. docent, intellectum secundum sua essentialia abstrahere à potentia naturali & supernaturali.

CXL. Dixi in homine infirmo, non esse sufficientem potestatem DATAM; eum quò stat ipsum simpliciter & absolute posse implere præcepta ex potestate sufficienti DANDA; si ei non posuerit impedimentum. *Vexatio dat intellectum.* Vexavit me *Defensor gratiæ versatilis*, recurri ad Dominum, & notam fecit mihi distinctionem, quam huc usque non consideraveram; omne enim verum à Spiritu Sancto est. Sit ipse benedictus in sæcula. Distinctio est ista; *Posse facere eleemosinam ex pecuniâ sibi datâ, & posse facere eleemosinam ex pecuniâ ab alio sibi dandâ.* Pecuniâ dat quamdam potestatem faciendi eleemosinam. Qui pecuniam habet sibi datam non indiget alienâ potestate; Qui dandam ab alio expectat, alterius indiget potestate. Unde potestas faciendi eleemosinam orta ex pecuniâ datâ, est potestas faciendi eleemosinam per vires proprias; at potestas faciendi eleemosinam ex pecuniâ sibi ab alio dandâ, est potestas faciendi eleemosinam per vires alterius. Sit dominus habens duos servos; uni dat pecuniam ad faciendum eleemosinam, alteri destinat pecuniam ab alio ei dandam. Primus servus non indiget potestate alterius ad faciendum eleemosinam, indiget tamen motione & imperio domini, non quidem ut possit dare, sed ut det actu. Alter servus indiget & potestate alterius, & motione domini.

Dominus ille Deus est; duo servi homo sanus, & homo infirmus. Homo sanus habet potestatem sufficientem sibi datam ad implendum præceptum & perseverandum, & ideo solum indiget motione Dei, non quidem ut possit, sed ut actu impleat, & actu perseveret. Homo infirmus non habet potestatem sufficientem sibi datam, sed destinatur ei à Christo danda, & ideo indiget & potestate Christi, & motione Dei. Homo sanus non indiget potestate alterius, sed per vires sibi proprias tam naturales quàm supernaturales potest sufficienter implere præceptum, & perseverare; at homo infirmus non per vires sibi proprias, sed per vires Christi, quæ dabuntur ei, si non posuerit obstaculum, potest *cum effectu* implere præceptum, & perseverare: juxta illud Joan. 15. *Sine me nihil potestis facere*, non dixit sine me nihil facitis, sed sine me nihil potestis facere.

CXLI. Hoc est quod huc usque non adverteram, videlicet, *Potestatem faciendi aliquid per alium, non esse potestatem faciendi ex habitis & datis, sed esse potestatem faciendi ex habendis & dandis.* Habitum & datum tollit indigentiam; antequam haberentur & darentur indigebamus, sed postquam habita & data sunt non amplius indigemus. Cum ergo posse facere aliquid per alium, conjunctam sibi habeat alterius indigentiam, clarum est huiusmodi posse non oriri ex datis ab alio, sed ex dandis. Quare, sicut vera & sufficiens potestas faciendi aliquid convenienter dividitur in potestatem sufficientem faciendi aliquid per seipsum, & potestatem sufficientem faciendi aliquid per alium; ita vera & sufficiens potestas faciendi aliquid optimè distinguetur in potestatem sufficientem faciendi ex datis, & potestatem faciendi aliquid ex dandis. Primam dicimus esse hominis sani; secundam hominis infirmi. Primam habebat homo sanus ex amore justitiæ in universali sibi dato, cum perfectâ virium inferiorum subiectione; secundam habet homo infirmus ex fortiori amore justitiæ hic & nunc occurrentis sibi dando, si ei non posuerit impedimentum. Prima in homine sano non fuit conjuncta prædeterminationi universali ad actualem impletionem præcepti & perseverantiam, & ideo fuit potestas sufficiens *sine effectu*; secunda nempe *amor fortior justitiæ hic & nunc occurrentis*, semper conjungitur prædeterminationi universali ad impletionem præcepti, & ideo est potestas sufficiens *cum effectu*. Hæc est gratia medicinalis Jesu Christi Dei nostri, erudiens nos, ut abnegantes impietatem & sæcularia desideria, sobriè, & justè, & piè vivamus in hoc sæculo.

CXLII. Doctrinam istam si perspectam habuisset *gratiæ versatilis Defensor*, non tam turpiter hallucinatus fuisset circa *septem contrarietatis capita*; nec quid pro quo continuo accipiens, quæ non asseruimus, nobis imposuisset. Ne eadem repetamus solùm ea quæ de primo contrarietatis capite edidit, discutimus. Hoc primum contrarietatis caput, sic proponit, & dissolvit TRIUMPHUS.

n. 96. Primum contrarietatis caput est, quod prædeterminatio physica prorsus destruat totam illam differentiam gratiæ Adami & Christi, seu adjutorii *sine quo non*, & adjutorii *quo*; ex eo quod prædeterminatio illius sit naturæ, ut hoc ipso quod ponitur, ponatur actio, illa non posita nunquam fiat. Illa enim est ipsissima descriptio adjutorii *quo*; nullo modo adjutorii *sine quo non*, quod Adamo datum fuit. Hæc contrarietas nulla est. Nam doctissimi illi viri adjutorium *sine quo non* constituunt in aliquo actu, ex quo Adam poterat perseverare, si vellet. Ecce actus dans posse ad perseverandum, prædeterminatio igitur physica ad istum actum dabit quoque posse ad perseverandum, si homo voluerit: & sicut nō volet perseverare sine alio actu, ita etiam non volet sine aliâ prædeterminatione. Distinguendo igitur prædeterminationes, sicut & actus, nulla potest esse quoad rem diversitas inter utriusque Solis discipulos. Certum autem est contra Durandum, quod quilibet actus debet esse à Deo ut movente & applicante: & sic in quolibet actu hæc duo possumus distinguere, actum scilicet & motionem quâ fit actus; discipuli S. AUGUSTINI explicant adjutoria Dei ex parte actus; discipuli verò S. THOMÆ explicant ea ex parte motionis. Et in idem redit quoad actum subsequenter, quia primus actus, & prædeterminatio ad primum actum, non ponunt in numero in ordine ad causalitatem actus subsequentis.

Est tamen in expressione aliqua differentia; ex eo quod si actum dicamus esse adjutorium, tunc actus qui dat posse tantum ad alium actum, erit adjutorium *sine quo non*. Actus verò qui instabiliter infert alium, erit adjutorium *quo*. Et sic adjutorium *sine quo non* nunquam poterit coincidere cum adjutorio *quo*, ut bene docent discipuli S. AUGUSTINI. Verum si motionem quâ fit actus dicamus esse adjutorium, tunc una & eadem motio poterit esse adjutorium *sine quo non*, & simul adjutorium *quo*, respectu tamen diversorum actuum; prædeterminatio enim ad primum actum, erit adjutorium *quo* respectu primi actus, & adjutorium *sine quo non* respectu subsequentis, ad quem primus actus dat posse. Unde adjutorium Adamo collatum fuit adjutorium *sine quo non* respectu actus perseverandi, sed fuit adjutorium *quo* respectu præcedentis actus, ex quo poterat Adam se applicare ad perseverandum: inquantum fuit adjutorium *sine quo* Adam non perseveraret, requirebat aliud adjutorium *quo* actu perseveraret; ideo dixit S. AUGUSTINUS quod Adam accepit adjutorium perseverantiæ, non *quo* fieret ut perseveraret; sed *sine quo* per liberum arbitrium perseverare non posset.

CXLIII. Lucidissima est primæ contrarietatis conciliatio. Ad quam tamen hallucinatur Defensor dicens: Totus in eo conciliationis cardo versatur, ut ostendat in sententiâ prædeterminantium stare etiam in utroque statu integro. & corrupto discrimen illud.

utrinque adiutorii *sine quo non* & *quo*, jam memorati : id autem parat & facile exequi tribuendo naturæ sanæ prædeterminationem solum universalem; infirmæ vero specialem. Illam esse auxilium *sine quo* : hanc autem auxilium *quo*. Inspice CORDATE LECTOR, & obstupesce in duabus postremis lineis quatuor *Defensoris* imposturas. Prima est quâ dicit nos tribuere naturæ sanæ prædeterminationem solum universalem : Secunda quâ ait, nos tribuere naturæ infirmæ prædeterminationem solum specialem. Cum & primum & secundum actum in utraq; naturâ admittamus, & utrumque actum expresserimus in memoratâ conciliatione, non nisi imponendo dici potest unam solum cuilibet naturæ tribuisse nos prædeterminationem. Tertia, quod asserat secundum nos prædeterminationem universalem esse auxilium *sine quo*. Quarta, specialem esse auxilium *quo*. Ratio auxilii *sine quo non* attenditur respectu actus subsequenter; non igitur prædeterminatio universalis, quæ est ad actum subsequentem habet rationem auxilii *sine quo non* : sed id speciali prædeterminationi poterit competere, quæ cum sit ad primum actum ex quo voluntas consequitur potestatem se applicandi ad secundum, erit respectu actus primi auxilium *quo*, & respectu actus secundi auxilium *sine quo* voluntas non potest se ad eliciendum secundum actum applicare. Quintam addere possum imposturam, quod in istis suis imposturis totum reponere nos dicat conciliationis cardinem. Percurre CORDATE LECTOR alia contrarietatis capita, & similes invenies imposturas.

CXLIV. Totus conciliationis nostræ cardo consistit in hoc, quod quidquid tribuunt discipuli S. AUGUSTINI actui, hoc & discipuli S. THOMÆ tribuunt GRATIÆ PRÆDETERMINANTI. Dicunt discipuli S. AUGUSTINI, quod in Adamo amor iustitiæ, aut Dei, erat sufficiens ut posset implere præceptum quodcumque occurrens, & in eo perseverare; Quod istum amorem poterat deferere; & ideo gratia data Adamo contulit ipsi talem perseverandi sufficientem potestatem, ut in ipsius esset arbitrio perseverare & non perseverare. Hæc non videbantur stare cum GRATIÆ PRÆDETERMINANTE, quæ non est adiutorium *sine quo non*, sed *quo fit* actus; non *potestatis*, sed *actionis*. Verum si actus ita distinguantur, quod unus actus det posse applicativum ad alium cum potestate faciendi oppositum, docent discipuli S. THOMÆ, quod GRATIA PRÆDETERMINANS ad istum actum, qui in Adamo erat amor iustitiæ, aut Dei, dabat posse ad impletionem præcepti & perseverantiam, & respectu impletionis præcepti & perseverantiæ, fuit auxilium *sine quo non*, licet respectu amoris iustitiæ, aut Dei, fuerit auxilium *quo*. Eo etiam modo quo potest deferi amor Dei, potest & deferi GRATIA PRÆDETERMINANS ad istum amorem, quia quemadmodum ut possit deferi amor Dei, non requiritur ut actus oppositus possit componi cum amore Dei; ita ut possit deferi GRATIA PRÆDETERMINANS non requiritur, ut actus oppositus possit componi cum GRATIÆ PRÆDETERMINANTE:

sed sufficit quod tam cum amore Dei, quàm cum GRATIÀ PRÆDETERMINANTE conjungatur potestas ad oppositum. Ut Adamus actu impleteret præceptum, & perseveraret, requirunt discipuli S. AUGUSTINI novum justitiæ & Dei amorem, aut præcedentis amoris continuationem, qui Adamo non fuit datus: ita discipuli S. THOMÆ ad actuale præcepti impletionem, & actualem perseverantiam requirunt novam GRATIAM PRÆDETERMINANTEM, aut præcedentis continuationem, quæ non fuit Adamo data. Quidquid igitur discipuli S. AUGUSTINI de actu sunt dicturi, id ipsum de gratiâ prædeterminante ad istum actum dicturi sunt Angelici discipuli. Unde distinguendo gratias prædeterminantes sicut & actus, nulla quoad rem dabitur inter gemini Ecclesiæ Solis discipulos diversitas.

CXLV. Non enim discrimen Augustinianum exigit, quòd omne auxilium naturæ sanæ sit auxilium *sine quo non*, & omne auxilium naturæ infirmæ sit auxilium *quo*: siquidem reperitur utrumque in utrâque naturâ; ubicumque enim datur *potestas & actus*, ibi & utrumque datur auxilium. Sed discrimen Augustinianum est, quòd respectu impletionis præcepti & perseverantiæ, solum habuerit Adamus auxilium *sine quo non*, id est, potestatem sufficientem sine effectu DATAM; homo verò infirmus non DATUM, sed DANDUM sibi habeat auxilium, quo possit sufficienter cum effectu. Quod auxilium non est aliud quàm ipsa prædeterminatio specialis GRATIÆ VICTRICIS & PRÆDETERMINANTIS ad fortiorem amorem justitiæ hic & nunc occurrentis. Quâ non indigebat homo sanus propter sufficientem potestatem DATAM ex perfectâ virium inferiorum subjectione. Institutus enim fuit ut per seipsum, id est, per dona tam naturalia quàm supernaturalia sibi DATA & appropriata tenderet in Deum cum *auxilio universalis prædeterminationis*. At homo infirmus ita reparatur, ut non per seipsum sed per Christum, id est, per dona sibi à Christo DANDA, si eis non posuerit impedimentum, in Deum tendat. Divinâ sapientiâ in Angelis & primo homine ostendente, quid sufficientissima liberi arbitrii potestas potest ulterius non adjuta; & in homine infirmo quid valeret potentissimæ suæ gratiæ efficacia, ipsas etiam rebelles compellens voluntates: Ita fulgentissimus Ecclesiæ Sol lib. de correptione & gratia c. 10. docens, Deum sic ordinasse Angelorum & hominum vitam, ut in eâ prius ostenderet quid posset eorum liberum arbitrium; deinde quid posset gratiæ suæ beneficium. Consule TRIUMPHUM Opusc. 1. de Scientiâ Medicâ ad examen revocatâ cap. 2. a. 4. ad §. 6. de causâ Prædestinationis Sect. 4. §. III. *Quanta doctrina Augustiniana in Defensore gratiæ versatilis sit ignorantia, demonstratur.*

CXLVI. GEmini Ecclesiæ Solis Concordiam patere, dixit TRIUMPHUS, ex celebri illa distinctione auxilii *sine quo non*, & auxilii *quo toties à*

S. AUGUSTINO inculcata. *Quis audiens*, inquit n. 475. *Defensor gratiæ versatilis*, hæc verba toties à S. AUGUSTINO inculcata, non crederet in plerisque AUGUSTINI operibus, ac nominatim in illis, in quibus disputat cum Pelagianis, hanc geminam adiutorii distinctionem sparsim repetitam legisse: atqui AUGUSTINUS per cuncta opera sua & plurima & vastissima unico tantum Opusculo, nempe libro de correptione & gratia, quem scripsit devictis jam Pelagianis: unico tantum illius cap. 12. hanc duplicis adiutorii distinctionem explicat.

Hæc non diceret *Defensor*, nisi vel ignoraret auxilium sine quo non idem prorsus esse secundum fulgentissimam Ecclesiæ Solem, ac auxilium possibilitatis, & auxilium quo nihil aliud omnino esse, quam auxilium actionis: vel ignoraret nihil tam à S. AUGUSTINO inculcatum, quam duplex istud possibilitatis & actionis auxilium. Nam si duplex illa auxiliorum distinctio, sit in re una & eadem distinctio, oportet dum una fuit inculcata, fuerit & alia similiter inculcata: quod si negetur, non de rebus, sed de nominibus erit disputatio: quam Molinistis rei veritate destitutis non invideo, & gratiæ versatilis relinquo *Defensori*. Vincat nominibus, lubenter cedo, dummodò ipsum ipsâ rerum veritate convincam: non enim nominum, sed veritatis nræ profiteor amatorem.

Non ignoravit autem *Defensor* identitatem utriusque distinctionis; cum n. 470. aperte dicat: Itaque in eo AUGUSTINUS præcipue distinguit hæc duo adiutoria, quod auxilium sine quo aliquid non fit, det solum posse id facere, non ipsum facere; sicut alimenta dant posse vivere, non ipsum vivere: sicut lux dat posse videre, non ipsum videre. Auxilium autem quo aliquid fit, det non tantum ipsum posse; sed ipsum etiam fieri; sicut beatitudo non tantum det posse esse beatum, sed ipsum etiam esse beatum.

CXLVII. Ignoravit igitur nihil tam à S. AUGUSTINO inculcatum, quam duplex possibilitatis & actionis adiutorium. Quæ ignorantia, cum solâ S. AUGUSTINI tollatur lectione, convincitur *Defensor* AUGUSTINUM in libris suorum Molinistarum legisse, non in ipso AUGUSTINO. Ut autem tempus quotidianis occupatum, ut ait, lectionibus ei redimamus, sequentia ex uno libro de gratiâ Christi proponimus testimonia, in quibus multoties inculcatam discet memoratam distinctionem. Cum sententiam Pelagii fusè explicuisset S. Doctor, Scripturisquæ refutasset, tandem concludendo c. 25. subiungit: *Desinat itaque jam Pelagius, & seipsum & alios fallere, contra Dei gratiam disputando. Non propter illorum rinum, id est, propter POSSIBILITATEM bonæ voluntatis atque operis, sed etiam propter VOLUNTATEM (id est volitionem) & OPERATIONEM BONAM, erga nos gratia Dei prædicanda est..... Non ideo tantum adiutorium divinæ gratiæ commendetur, quia POSSIBILITATEM adjuvat naturalem. Desinat dicere, quod possumus omne bonum facere, dicere, cogitare, illius est qui hoc posse donavit, qui hoc posse adjuvat: quod verò bene vel agimus, vel loquimur, vel cogitamus, nostrum est. Desinat, inquam ista dicere, Non solum enim Deus POSSE NOSTRUM donavit atque adjuvat; sed etiam VELLE & OPERARI operatur in nobis:.....*

Quomo-

Quomodo enim dicitur, quòd possumus benè agere Dei est, quòd autem agimus nostrum est: cum dicat Apostolus orare se ad Deum pro eis ad quos scribebat, ne quid mali-ficiant, & ut quod bonum est faciant? non enim ait, oramus ut POSSITIS NIHIL MALI FACERE, sed NE QUID FACIATIS MALI, nec ut POSSITIS BONUM FACERE, sed BONUM FACIATIS.....

Quomodo dicit Pelagius, quòd benè loqui possumus, Dei est; quòd benè loquimur, nostrum est, cum dicat Dominus, spiritus Patris vestri est qui loquitur in vobis? Neque enim ait, non vos estis qui dedistis vobis benè POSSE LOQUI: sed ait non vos estis qui LOQUIMINI. Nec ait spiritus Patris vestri est qui vobis dat, vel dedit posse benè loqui: sed ait, qui loquitur in vobis: non significans POSSIBILITATIS PROPECTUM (id est, majores vi-res) sed exprimens COOPERATIONIS EFFECTUM.

Quomodo dicit liberi arbitrii elatus assertor, quòd possumus benè cogitare, Dei est: quòd autem benè cogitamus, nostrum est? Cui respondet humilis gratie predicator, Non quia idonei sumus cogitare aliquid à nobis, quasi ex nobismetipsis, sed sufficientia nostra ex Deo est. Non enim ait POSSE COGITARE, sed COGITARE.

Et mox cap. 26. subjungit: *Istam Dei gratiam voluntatis scilicet & actionis, quàm ipsū agere & velle donatur, & non tantum volendi agendique possibilitas, in divinis eloquiis manifestam etiam Pelagius fateatur, seque tandem contra sensisse non speriat impudens pudore, sed dolore saluberrimo aperiat, ut Sancta Ecclesia non turbetur pericacii ejus oblatione, sed veraci correctione letetur.*

Et cum cap. 40. iterum Pelagii sententiam retulisset, quòd ab illo suo manifestissimo dogmate non recederet omnino, ubi tria illa constituit, possibilitatem, voluntatem, actionem, & solam possibilitatem dicit divino semper adjuvari auxilio: voluntatem autem & actionem, nullo Dei adjutorio existimat indigere, &c. Impietatem condemnando subtexit cap. 41. Hæc ego pro meo capto intelligere posui in Pelagii scriptis, quando nominat gratiam. Videtis autem quòd qui ista sentiunt, ignorantes Dei justitiam, suam volunt constitutere, & longè ab illa sunt, quæ nobis ex Deo est, non ex nobis, quam in Scripturis Sanctis maximè Canonicis advertere atque cognoscere debuerunt.

CXLVIIJ. Cernis CORDATE LECTOR, quoties in uno libro, imò & in uno ferè capite inculcata fuit distinctio duplicis adjutorii possibilitatis videlicet, & actionis: & cum eandem fateatur Defensor esse distinctionem auxilii sine quo non, & auxilii quo, judica quanta fuerit in illo ignorantia Doctrinæ Augustinianæ, dum reprehendit TRIUMPHUM, quòd multoties à S. AUGUSTINO inculcatam dixerit præfatam distinctionem. Verum aliud longè gravius exoptulo judicandum, quomodo scilicet Defensor gratiæ versatilis, omnesque sui sodales separantur ab illa sententiâ, quæ negat actionis adjutorium, solamque possibilitatem asserit adjuvandam; quandoquidem Defensor gratiam quæ essentialem habeat cum actu connexionem non admittat; quia n. 182. dicit gratiam non posse abjici si essentiali habeat cum actu connexionem: ac proinde damnatam à Concilio

Tridentino vult eam gratiam, quæ essentialiter cum actu connectitur.

At certum est, & cecutit in meridie, qui id non videt, *adjutorium actionis*, quod negavere Impugnatores S. AUGUSTINI, quodque ut fidei dogma proponit S. Doctor Ecclesiæ Sol lucidissimus, essentialem habere cum actu connexionem. Quamvis id cap. 2. §. 4. efficaciter & luculentissimè probaverimus, lubet tamen ex eodem ipso libro de Gratia Christi, ex quo toties inculcatam retulimus distinctionem *adjutorii possibilitatis & actionis*, id ipsum ad illuminationem nem *Defensoris* multis præpediti occupationibus confirmare.

Docet S. AUGUSTINUS cap. 13. *adjutorium actionis* doceri à Deo, ita ut *hec sit certissimum indicium quod à Deo didiceritis*, ait, *si id quod didiceritis, seceritis. Isto modo sunt omnes secundum propositum vocati, sicut scriptum est in Prophetis, docibiles Dei. Qui autem NOVIT QUID EST, QUOD FIERI DEBEAT, ET NON FACIT, NONDUM A DEO DIDICIT SECUNDUM GRATIAM, sed secundum legem, non secundum spiritum, sed secundum litteram. Quamvis militi, quod imperat lex facere videantur timore pænæ, non amore justitiæ, quam dicit Apostolus justitiæ suam quæ ex lege est..... Justitiæ ex Deo dicitur, quæ datur per gratiæ beneficium, ut non sit terribile, sed suave mandatum, sicut oratur in Psalmo, suavis es Domine, & in tuâ suscitatio doce me justitiæ tuam, id est, ut non formidine pænæ serviliter cogar esse sub lege, sed liberâ charitate delecter esse sub lege. Præceptum quippe liber facit, qui libens facit. ET HOC MODO QUISQUIS DISCIT, AGIT OMNINO QUIDQUID AGENDUM DIDICERIT.*

Causa essentialem habet cum effectu connexionem, dum eâ posita ponitur effectus, & eâ non posita non ponitur. Sed *adjutorium actionis*, de quo S. AUGUSTINUS supra, ita se habet, ut eo posito ponatur actio, *quisquis discit, agit omnino quidquid agendum didicerit*, & eo non posito non ponitur actio, *qui autem novit quid est, quod fieri debeat, & non facit, nondum à Deo didicit se, undum gratiam*; ergo *adjutorium actionis*, de quo S. AUGUSTINUS supra, essentialem habet cum actione connexionem. Et cum tali adjutorio *liberâ quæ charitate delectetur esse cum lege, & liber faciat præceptum, quia libens facit*, ut ait S. AUGUSTINUS; sequitur hallucinari Molinistas, & totaliter fulgentissimo Ecclesiæ Soli adversari, dum ad libertatem actionis indispensabiliter requirunt, ut cum omnibus prærequisitis possit componi tam actio, quam non actio, aut actus oppositus. *Adjutorium actionis* infert actionem liberam, & tamen non potest cum eo componi non actio, aut actus oppositus, cum essentialem habeat cum actione connexionem. Non stant simul actio & non actio.

CXLIX. Clarissimè idem exprimit Sol Ecclesiæ & Magister gratiæ cap. seq. dicens: *De isto docendi modo, etiam Dominus ait, omnis qui audit à Patre meo & didicit, venit ad me. Qui ergo non venerit, non de illo recte dicitur, audit quidem & didicit sibi esse venientum, sed facere non vult quod didicit. Prorsus non rectè dicitur de isto docendi modo quo per gratiam docet Deus. Si enim sicut veritas loquitur, omnis qui didicit, venit: quis-*

quis non venit profecto non didicit..... Et isto divino docendi modo etiam ipsa voluntas, & ipsa operatio, non sola volendi & operandi naturalis possibilitas adiuvatur. Si enim solum posse nostrum hâc gratiâ iuvaretur, ita diceret Dominus, omnis qui audit à Patre & didicit, potest venire ad me. Non autem ita dixit, sed omnis, inquit, qui audit à Patre & didicit, venit ad me. Venire posse in naturâ posuit Pelagius, VEL ETIAM ut modo dicere capis IN GRATIÂ, *QUALEMIBET EAM SENTIAT*, quâ ipsa, ut dicis, possibilitas adiuvatur; venire autem iam in voluntate & opere est. Non est autem consequens, ut qui potest venire, etiam veniat, nisi id voluerit atque feceris. Sed omnis qui didicit à Patre, non solum potest venire, sed venit; ubi jam & possibilitatis profectus, & voluntatis affectus, & actionis effectus est.

Quibus verbis elucet auxilium possibilitatis esse tale, ut cum eo componi possit non actio, & actus oppositus. At auxilium actionis ab eo differre quod inferens actionem nequeat componi cum eo non actio; quia, ut ait Magister gratiâ, non est consequens ut qui potest venire veniat, sed est consequens, ut qui didicit à Patre adiutorium actionis, non solum possit venire, sed etiam veniat. Quæcumque igitur gratia admittatur, si talis sit ut cum eâ componi possit non actio, aut actus oppositus, non actionis, sed possibilitatis erit adiutorium; nec consequenter erit gratia Dei per Jesum Christum Dominum nostrum, quam contra Pelagianos constanter defendit S. AUGUSTINUS, & invictus triumphavit.

Cujus vestigiis inhærens Facultas Theologica Almæ hujus Universitatis in Censurâ propositionis 15. adhuc hodiè (ut cap. 1. §. 2. probatum est) sic loquitur: Non est negandum quin possint converti ad Deum omnes peccatores durante hâc vitâ, sed sunt quoque sciendum est, nullum peccatorem converti posse, nisi per specialem Dei gratiam, seu speciale AUXILIUM QUO VOLUNTAS EJUS IN BONUM MUTETUR, QUOD AUXILIUM NON HABET NISI CUM ACTU CONVERTITUR.

§. IV. *Qualiter sit in potestate voluntatis, Gratiâ prædeterminantem amplecti, vel non amplecti; deferere, vel non deferere.*

CL. **L**aborat gratiæ versatilis Defensor, in conciliatione tertiæ & quartæ contrarietatis, qualiter gratiâ prædeterminantem, sive sit specialis, sive universalis, possit voluntas amplecti vel non amplecti, deferere vel non deferere. Si attenderet ad naturam actus, ad quem applicat prædeterminatio physica, seu motio divina, labori parceret. Nam statim conciperet prædeterminationem physicam omnem suam speciem, & qualificationem accipere ex actu ad quem immediatè datur. Quod actus fiat, oritur ex prædeterminatione; quod taliter & taliter fiat, oritur ex naturâ actus qui petit egredi à potentia taliter & taliter adaptatâ. Prius concipitur potentia adaptata secundum exigentiam actus, quàm prædeterminari ad actum. En suavitas simul & efficacia prædeterminationis physiciæ à TRIUMPHO explicata Opusc. 1. de Scientiâ Mediâ

ad examen revocata cap. 1. art. 3. §. 3. Rogo CORDATUM LECTOREM, ut sincero veritatis amore consideret istud principium: *Potentia prius adaptatur secundum exigentiam actus, quam prædeterminetur ad actum*; & nullam ex parte prædeterminationis physicæ patietur difficultatem. Quod ingerit difficultatem est illa essentialis cum actu connexio, hoc Molinistas mirum in modum torquet propter *Molinismi velamentum*. Verùm hoc ipsum est, quod omnem Cordatis tollit difficultatem, si ibi non sistatur, sed attendatur ad naturam, & qualificationem actus, quam debet suscipere omne quod est essentialiter cum actu connexum. Sicut essentialis connexio cum actu necessario, non tollit actus necessitatem, nec essentialis connexio cum actu contingenti impedire potest actus contingentiam, alioquin non fieret cum actu necessario & contingenti connexio: ita essentialis connexio cum actu libero non potest libertati actus præjudicare, nam si præjudicaret, foret cum actu libero connexio.

CLI. Ista autem essentialis cum actu libero, aut necessario connexio, oritur ex adaptatione potentie. *Ult*, ait D. THOMAS loco citato in TRIUMPHO, *quedam fieri Deus necessariò, quedam contingenter; & ideo quibusdam effectibus aptavit causas necesarias, quæ deficere non possunt, ex quibus effectus de necessitate proveniunt. Quibusdam aptavit causas contingentes defectibiles, ex quibus contingenter eveniunt*. Appliquemus lumen Angelicum prædeterminationi.

Actui vitali prius adaptatur causa habens vim producendi actum intra se, Prædeterminatio causæ sic adaptatæ facit quòd actus egrediatur à causâ vitali, id est, à causâ habente vim producendi actum intra se; & ideo essentialem habet cum actu vitali connexionem.

Actui necessario prius adaptatur causa, quæ deficere non potest. Prædeterminatio causæ sic adaptatæ, facit quòd actus egrediatur à causâ necessariâ, id est, à causâ quæ deficere non potest; & ideo essentialem habet cum actu necessario connexionem.

Actui contingenti prius adaptatur causa defectibilis. Prædeterminatio causæ sic adaptatæ, facit quòd actus egrediatur à causâ contingenti, id est, defectibili; & ideo essentialem habet cum actu contingenti connexionem.

Actui libero prius adaptatur causa potens se movere ad opposita. Prædeterminatio causæ sic adaptatæ, facit quòd actus egrediatur à causâ liberâ, id est, potente se movere ad opposita; & ideo essentialem habet cum actu libero connexionem.

CLII. Adhuc propius ad materiam nostram accedendo, voluit Deus quosdam actus liberos esse tales, ad quos voluntas se moveret, & *elicitive*, & *applicative*; ad quod requiritur, ut voluntas ex præcedente actu se applicet ad agendum, ut h. 134. dictum est. Alios autem voluit esse actus liberos, ad quos voluntas se tantum *elicitive* moveret, non verò applicative; ad quod requiri-

tur ut independenter ab actu aliquo præcedente eliciat actum cum potestate faciendi oppositum, quam habet voluntas ex iudicio indifferenti, quo iudicatur unum esse amandum, & simul oppositum amabile.

Actui *elicitivè* & *applicativè* libero, prius adaptatur voluntas amans ipsam rationem boni, & potens ex illo amore applicare se ad amandum ea, quæ iudicabit intellectus habere prædictam rationem boni. Prædeterminatio voluntatis sic adaptatæ; facit quòd actus egrediatur à voluntate amante ipsam rationem boni, id est, potente se movere *applicativè* ad amandum; & ideo essentialem habet cum actu *applicativè* libero connexionem.

Actui *elicitivè* libero prius adaptatur voluntas sine aliquo amore sub iudicio indifferenti, quo unum iudicatur amandum, & simul oppositum amabile; in quo fit potens elicere actum sine applicatione propria, & cum potestate faciendi oppositum. Prædeterminatio voluntatis sic adaptatæ, facit quòd actus egrediatur à voluntate potente elicere, & non potente se applicare, habente tamen potestatem faciendi oppositum; & ideo essentialem habet cum actu *elicitivè* & non *applicativè* libero connexionem.

Denique actus *applicativè* liberi sunt in duplici differentiâ. Vel enim sunt *applicativè* liberi quoad exercitium tantum, vel sunt *applicativè* liberi quoad exercitium & speciem actus ex objecto sumptam. Ut sint *applicativè* liberi quoad exercitium tantum, requiritur quòd concludantur mediante syllogismo practico, sine indifferentiâ minoris, id est, minore proponente particulare objectum sine defectu. Ut sint *applicativè* liberi quoad speciem actus, requiritur ut concludantur mediante syllogismo practico cum indifferentiâ minoris, id est, minore proponente particulare objectum cum defectu.

Actui *applicativè* libero quoad exercitium tantum, prius adaptatur voluntas amans ipsam rationem boni cum minore proponente objectum particulare sine defectu. Prædeterminatio voluntatis sic adaptatæ, facit quòd actus egrediatur à voluntate potente se applicare quoad exercitium, & non potente se applicare quoad speciem actus; & ideo essentialem habet cum actu *applicativè* libero quoad exercitium tantum connexionem.

Actui *applicativè* quoad exercitium & speciem libero, prius adaptatur voluntas amans ipsam rationem boni cum minore proponente objectum particulare cum defectu. Prædeterminatio voluntatis sic adaptatæ, facit quòd actus egrediatur à voluntate potente se applicare quoad exercitium & speciem; & ideo essentialem habet cum actu *applicativè* libero quoad exercitium & speciem, connexionem.

CLIIJ. Observandum est, quòd actus *elicitivè* liber non dividitur in liberum quoad exercitium tantum, & liberum quoad exercitium & speciem simul. Sed semper est liber libertate exercitii & specificationis. Ratio est, quia non

fit ex propriâ voluntatis elicientis applicatione, sed ex solâ alterius applicatione. Voluntas autem non à se, sed ab alio tantum applicata, intantum potest liberè elicere actum, inquantum potest per applicationem ad oppositum, impedire applicationem alterius. Sicut qui accipit manum meam ad percutiendum, motus percussiois qui ex solâ fit accipientis applicatione, imputatur mihi, si potuerim movere manum in contrarium. Ita dum ad primum actum Deus movet voluntatem ex iudicio quo iudicatur iustitia hic & nunc amanda, & delectabile hic & nunc occurrens iudicatur amabile, tunc amor iustitiæ hic & nunc occurrentis solum est *elicitivè* à voluntate, & à solo Deo *applicativè*: liberè tamen applicatur, & movet se *elicitivè* voluntas, quia potest per applicationem ad amorem delectabilis hic & nunc occurrentis impedire Dei applicationem; non tamen impedit.

Alia maxime in præsentî occurrit observanda differentia, inter actum *applicativè* liberum, & eum qui solum est *elicitivè* liber; Nam actui *applicativè* libero prius adaptantur vires sufficientes *DATÆ*; non enim voluntas se applicare potest ad eaque non habet in suâ potestate: Actui verò qui solum est *elicitivè* liber, cum sit ex solâ alterius applicatione, prius adaptantur vires *DANDÆ* ab applicante, quando voluerit actum elici. Prædeterminatio ad actum *applicativè* liberum, facit actum egredi ab habente sufficientem potestatem datam: & ideo essentialem habet cum actu libero existente in potestate propriâ connexionem. Prædeterminatio verò ad actum *elicitivè* liberum, facit actum egredi ab habente vires sufficientes, non datas prius, sed quas ipsa confert; & ideo essentialem habet cum actu libero existente in potestate alterius, connexionem.

CLIV. Quibus omnibus manifestum fit, prædeterminationem physicam non ritè posse concipi, nisi principium, quod ad agendum prædeterminat, præconcipiatur adaptatum secundum exigentiam actus. Quod si fiat, nullam patietur Cordatus difficultatem circa prædeterminationem physicam; nec consequenter circa GRATIAM PRÆDETERMINANTEM. Dico Cordatus, quia Molinistis suâ vel satili gratiâ præoccupatis semper erit difficile, imò & impossibile germinum GRATIÆ PRÆDETERMINANTIS formare conceptum. Id satis ostendit *Defensor*, dum n. 284. nititur probare, non esse in potestate voluntatis eam amplecti vel non amplecti. Numquid enim, ait, prædeterminatio universalis essentialiter conjuncta est cum actu ad quem datur? necesse est id se fateri, nisi naturam ejus destruas. Quod si essentialiter cum actu suo conjuncta est; quomodo est in potestate voluntatis illam non amplecti? potestne illam reipsâ non amplecti, nisi aut illam à se abjiciat: antequam operetur: aut certè efficiat ut permanens careat effectu suo? neutrum autem præstare potest, cum fieri non possit ut existat, & careat effectu suo, ipso instanti quo existit.

Ex ipsâ essentiali cum actu connexionem discere debuisset *Defensor* quid sit

gratiam prædeterminantem amplecti, & quid sit eam non amplecti. Amplectitur voluntas gratiam prædeterminantem, dum facit actum ad quem immediatè datur; Non amplectitur, dum faciendo actum contrarium ponit ei ob-
 „ staculum. Non enim (ait TRIUMPHUS. Opusc. I. n. 123. in *Refutatione ju-*
 „ *nioris Molinistæ*) concipere debemus, gratiam efficacem exigere ad sui re-
 „ ceptionem alium actum, ab illo actu propter quem maximè datur: jam enim
 „ dixi, hoc esse Molinisticum; si videlicet dicatur, Deum suâ oblatione quasi
 „ petere à voluntate, *visne habere gratiam efficacem*, & voluntate annuente, con-
 „ ferre illi gratiam efficacem. Ipse amor Dei voluntarius, ad quem gratia effi-
 „ cax proximè datur, sicuti est virtualis consensus sui, ita est quidam consen-
 „ sus in gratiam; & ut excludens amorem creaturæ est dispositio ad gratiam
 „ efficacem præcedens eam in genere causæ materialis dispositivæ; ut verò est
 „ à gratiâ, est effectus illius, posterior eâ in genere causæ efficientis: quæ tamen
 „ prioritas & posterioritas est à quo, non in quo. Verùm hæc Angelicæ Scholæ
 „ subtilitas non capit Molinistas, quantumvis eis explicetur illo à D. THOMÂ
 „ sapius adducto exemplo, aëris intrantis per fenestram clausam, cujus ingres-
 „ sus activè concurrat ad eam aperiendam, & nihilominus apertio ejusdem
 „ fenestræ concurrat in genere causæ materialis ad prædictum ingressum. Hæc
 TRIUMPHUS.

CLV. Quæ si consuluisse *Defensor*, didicisset, quòd voluntas potest am-
 „ plecti gratiam prædeterminantem, eò ipsò quòd potest facere actum propter
 „ quem immediatè datur, & quòd potest non amplecti eam, eò ipsò quòd po-
 „ test facere oppositum: sicut qui potest credere, potest amplecti fidem, & qui
 „ potest dissentire fidei, potest fidem non amplecti. Ut voluntas possit non am-
 „ plecti fidem, non requiritur, imò est impossibile, quòd conjungere possit
 „ dissensum cum fide, sed sufficit quòd potestas ad oppositum in sensu diviso
 „ ponendum conjungatur cum fide. Similiter ut possit voluntas non amplecti
 „ gratiam prædeterminantem, non requiritur, imò est impossibile, quòd possit
 „ oppositum conjungere cum gratiâ prædeterminante, sed sufficit quòd pote-
 „ stas ad oppositum in sensu diviso ponendum conjungatur cum gratiâ præde-
 „ terminante. Quare crassa est *Defensoris* imaginatio, qui potestatem non ample-
 „ ctendi gratiam ponit in istâ disjunctivâ *aut abijcendi gratiam antequam operetur, aut*
 „ *efficiendi ut permanens careat suo effectu*. Nihil abijcitur quod ante non tenetur, non
 „ ergò antequam operetur voluntas, abijcitur gratia; sed voluntas ponendo op-
 „ positum resistit gratiæ; sicut enim subiectum frigidum resistit calori, & non
 „ amplectitur calorem; ita voluntas ponens oppositum resistit gratiæ præde-
 „ terminanti, & eam non amplectitur: Atqui antequam gratiam prædeterminan-
 „ tem recipiat, potest ponere oppositum: ergò antequam gratiam prædeterminan-
 „ tem recipiat potest resistere gratiæ, & eam non amplecti. Quando jam re-

cepit, non potest efficere voluntas ut permanens careat suo effectu, sed potest eam cum suo effectu abigere; eò ipso quòd cum illà conjungatur potestas ad oppositum in sensu diviso ponendum. Sicut permanente fide formatà non potest fieri, ut quis non sit fidelis & actu credens urgente præcepto, sed potest fides formata cum suo effectu inseparabili abjici, eò ipso quòd cum fide formatà conjungatur potestas ad oppositum fidei formatæ in sensu diviso ponendum.

CLVI. Hoc fidei exemplo clarissimè evacuatur alia *Defensoris* imaginatio, ex quâ profert n. 476. Nihil effici, dum dicitur continuationem prædeterminationis ad istum amorem justitiæ potuisse impediri ab Adamo, & de facto impediri per voluntatem non perseverandi in illo. Nihil, inquam, effici; quia quamdiu fuit prædeterminatio ad amorem justitiæ, non potuit actu esse ista voluntas non perseverandi repugnans actuali justitiæ amori, quem inferebat prædeterminatio ad amorem justitiæ. Prius igitur fuit desinere istam prædeterminationem ad amandam justitiæ, quàm incipere istam volitionem non perseverandi in amore justitiæ. Eadem ratio militat in continuatione fidei. Accipiamus hæreticum qui fidem voluntate discredendi deseruit. Quamdiu fuit fides in illo, non potuit actu esse ista voluntas discredendi repugnans fidei. Prius igitur fuit desinere fidem, quàm incipere istam volitionem discredendi. Sicut ex isto discursu non potest concludi, quòd ille hæreticus dum fidem habebat, non habuerit potestatem deserendi fidem, & impediendi continuationem fidei; ita nec *Defensor* ex suo discursu potuit, nisi in suâ imaginatione, concludere, Adamum habentem gratiam prædeterminantem, non potuisse eam deserere, & continuationem illius impedire.

Nec refert, quòd fides non habeat essentialem connexionem cum actu fidei in quem influit; quia comparatio consistit in hoc, quòd fides possit deferi, & continuatio illius impediri, etiam si non possit cum illà componi dissensus; ergò etiam gratia prædeterminans poterit deferi, & continuatio illius impediri, quamvis non possit cum illà componi actus oppositus. Sed ut omnes imaginationes *Defensoris* in fumum abeant, damus & fidem formatam, seu charitatem ab actu fidei inseparabilem, dum scilicet urget præceptum affirmativum actus fidei. Charitas in isto instanti obligationis præcepti essentialiter influit in actum fidei, potest enim si non influat: & idè essentialem habet cum actu connexionem.

CLVII. Quare pro isto instanti obligationis præcepti agnoscat **CORDATUS LECTOR** infirmitatem argumenti, quo putat *Defensor* n. 492. conciliationem quartæ contrarietatis apud defæcatos oculos in fumum redigere his verbis: *Aut ergò adest prædeterminatio ad actum continuandum, aut deficit: si adest, necessario actus continuatur; quia non potest adesse, & carere effectu suo. Quòd si deficit, non idè deficit, quia non continuatur actus, sed idè non continuatur actus, quia ipsa deficit; nisi fortè præpostero ordine* velis

velis effectum causâ priorem. Porro ipsa deficit, quia Deus vel priorem non conservat, vel novam non concedit: in Deum igitur refundi debet quod deficiat, non in eum qui cessat agere. Non ergo ipse deserit prædeterminationem, sed ab eâ deseritur; & quia deseritur non agit. Cum verò ipsa adest, sicut ipsa præsentem non potest non agere, ita non potest non agendo ipsam deferere.

Elegans planè discursus, quo sicut gladio Goliath impetitur *Defensor*, eo enim probatur, quòd in illo tempore in quo urget præceptum fidei affirmativum, nullus possit deferere charitatem, sed prius à charitate deferatur. Quia aut adest charitas in tempore obligationis fidei, aut deficit. Si adest necessario voluntas elicit actum fidei, quia non potest in tempore illo adesse, & carere actu præcepto. Quòd si deficit, non ideò deficit, quia voluntas non elicit actum, sed ideò voluntas non elicit actum, quia charitas deficit; nisi fortè præposterò ordine velis effectum causâ priorem. Porro ipsa deficit, quia Deus eam non conservat: in Deum igitur refundi debet quòd charitas deficiat, non in voluntatem quæ non elicit actum. Non ergo voluntas deserit charitatem, sed à charitate deseritur; & quia deseritur, non elicit actum fidei. Cum verò in tempore quo obligat præceptum fidei affirmativum adest charitas, sicut ipsa præsentem non potest pro tunc voluntas non elicere actum fidei, ita non potest voluntas non eliciendo actum præceptum charitatem deferere.

CERNIS CORDATE LECTOR, quòd eadem sit de fide formatâ, seu charitate, ac de gratiâ prædeterminante ratio, propter eandem causam, videlicet essentialem cum actu connexionem. Excogitet quidquid voluerit *Defensor*, eadem solutione, quâ salvabit desertionem charitatis, salvabimus & nos, si solutio efficax fuerit, desertionem gratiæ prædeterminantis. Meliorem autem excogitare non poterit, quàm ad desertionem tam charitatis, quàm gratiæ prædeterminantis non requiri, ut cum charitate, aut cum gratiâ prædeterminante componatur negatio actus, sive actus oppositus, sed sufficit quòd ponatur oppositum in sensu diviso. Desertio enim fit propter impossibilitatem oppositi, eo proportionali modo quo materia deserit formam unam in adventu alterius.

CLVIIJ. Sufficenter explicatum est, quomodo voluntas possit amplecti aut non amplecti, deferere aut non deferere gratiam prædeterminantem. Nec in hoc præcisè differunt homo sanus, & homo infirmus. De utroque verificatur, quòd utriusque voluntas possit amplecti aut non amplecti, deferere aut non deferere gratiam prædeterminantem. Differentia est ex parte gratiæ prædeterminantis, & modi eam amplectendi respectu *amoris iustitiæ hic & nunc occurrentis*, ad quem indigebat homo sanus tantum auxilio universaliter prædeterminante, quòd in ordine ad impletionem præcepti supernaturalis erat gratia universaliter prædeterminans. Homo verò infirmus ad eundem amorem indiget gratiâ specialiter prædeterminante: Potestas amplectendi gratiam universa-

liter prædeterminantem est potestas amplectendi gratiam applicando se ex-
 sufficientissimâ potestate DATÂ ad *amorem justitiæ hic & nunc occurrentis* : & ideo
amor justitiæ hic & nunc occurrentis est in potestate hominis sani , & non solum
 Deo , ut *universali applicanti* , sed & voluntati illius tribuitur . Potestas ample-
 ctendi gratiam specialiter prædeterminantem ad prædictum amorem , est po-
 testas amplectendi gratiam eliciendo liberè *amorem justitiæ hic & nunc occurrentis* .
 ex solâ Dei applicatione sufficientiam virium conferente , non præsupponente ;
 & ideo *amor justitiæ hic & nunc occurrentis* non est in potestate hominis infirmi ,
 nec voluntati illius , sed soli Deo , ut *particulari applicanti* tribuitur .

Nec efficacia gratiæ prædeterminantis potest tollere quoddam actus sit in pote-
 state agentis supernaturalis , si prædeterminatio fuerit universalis ; aut efficere ,
 quoddam sit in potestate agentis , si fuerit specialis ; sed diversitas illa oritur ex
 naturâ actus , & adaptatione potentix ac voluntatis , ut nuper diximus . Sem-
 per mente retinendum est , prius potentiam & voluntatem adaptari juxta exi-
 gentiam actus , quàm prædeterminentur ad actum . Hanc physicæ prædeter-
 minationis naturam , si defœcato oculo , ut vult *Defensor* n. 492. id est , à labe
gratiæ versatilis purgato , inspexerit amator veritatis , manus TRIUMPHO dabit ,
 ad firmandum tentatam ab eo Concordiam , ut deinceps *insuperabiliter & indecli-*
nabiliter uniti gemini Ecclesiæ Solis Discipuli , gratiam *versatilem* , Scientiam Me-
 diam *gratiæ versatilis* genetricem , laxitatem morum justo Dei judicio ideo per-
 missam , totamque *Molinismi* doctrinam inde consecutam , incessanter oppug-
 nent . Nam , ut verbis *Defensoris* utar in suâ præfatione , *malum serpis* , & ex dis-
 cordiâ nostrâ , in *Defensore* , cæterisque Almæ Societatis JESU inclytis Professio-
 ribus cum incremento redicivum altiores agit radices , nec leve periculum est , ne quos *instruant* ,
infruant .

S. V. *Confitti ostenduntur errores , quos TRIUMPHO imponit*
Defensor gratiæ versatilis ,

CLIX. **I** Nemicum fingit , *Defensor gratiæ versatilis* , quem feriat . Non valens
 sustinere tentatam à TRIUMPHO Concordiam , fingit errores , quibus
 eam inficiat . Ne mireris CORDATE LECTOR , ipse est qui , teste cognato suo , vo-
 luit in publicis disputationibus probare dari errores formales in D. THOMA . Si
 os suum (ut in præmio dixi) in cælum non est veritus ponere , quid mirum
 si in discipulum calamum suum ita exacerit . Memor iterum sum verborum
 Domini Nostri JESU-Christi Matth. 10. *Non est discipulus super magistrum* , nec ser-
 vus super dominum suum . Sufficit discipulo , ut sit sicut *Magister* ejus : & servo sicut dominus
 ejus . Si *patrem-familias* Beelzebub vocaverunt : quomodo magis domesticos ejus ? Ne ergo *timue-*
ritis eos . Nec igitur ego CORDATE LECTOR , timebo Molinistas . Sequutus sum

D. THOMAM, & certus sum, quòd qui eum sequitur, nunquam possit esse de veritate suspectus.

Imponit primò n. 429. TRIUMPHUM docere, quòd homo infirmus hoc est *spelas in hoc statu naturæ corruptæ nunquam se ad bonum applicat mediante consilio*, & ex actu aliquo præcedente quia scilicet ad rectè operandum ex ejus placito semper indiget auxilio specialis istius prædeterminationis, quæ ut patet ex ejus definitione jam allata numero præcedenti consilium excludit & actum præcedentem. Ubi legit in TRIUMPHO *Defensor*, quòd homo infirmus ad omnem suum actum indigeat prædeterminatione speciali, & consequenter, quòd nunquam se ad bonum applicet mediante consilio, & ex aliquo actu præcedente? An quia dixit TRIUMPHUS prædeterminationem specialem esse naturæ infirmæ auxilium? Jam s. 1. ostendimus hallucinatum fuisse *Defensorem*, quid pro quo accipiendo. An propter verba quæ refert n. 428. *Præcipua utriusque naturæ in ordine ad gratiam rectè vivendi differentia secundum S. TH. est, quòd homo sanus non alio auxilio indigeat, quàm auxilio universalis prædeterminationis, sive concursus generalis, quo Deus in omni operante operatur, eum ad operandum applicando. Homo infirmus alio auxilio specialis prædeterminationis indiget ad rectè operandum &c.* An, inquam, propter hæc verba errorem confinxit, quem nobis imponeret? Verum si ea quæ immediatè subsequuntur fideliter retulisset, non nobis confictum, sed verum *Defensori* attribueret Lector errorem. Verba quæ truncavit sunt ista:
 „ Ideò in homine sano erat potestas æqualiter se applicandi ad bonum & ma-
 „ lum volendum *ex præcedente voluntate boni*, & mediante consilio; in homine infir-
 „ mo est impotentia se applicandi ad bonum volendum *ex prædictâ voluntate bo-
 „ ni*, ut supra dictum est; & ideò debet SPECIALI PRÆDETERMINATIONE ad
 „ volendum justiciam applicari.

CLX. In illis verbis expressè habetur, quòd iste amor boni, seu justitiæ naturaliter homini inditus, qui erat in homine sano sufficiens, ut ex eo se applicaret ad impletionem cujuscumque præcepti occurrentis, non fit in homine infirmo amplius sufficiens. In quo non negatur; quòd homo infirmus non possit se applicare ad implendum præceptum; sed quòd non possit se applicare ex illo amore, quo se applicabat homo sanus, quia debet ipsi auxilio specialis prædeterminationis inspirari *amor justitiæ hic & nunc occurrentis*; unde amor iste, qui erat in homine sano secundus actus, fit in homine infirmo primus actus. Et cum amor justitiæ sit principium applicativum ex quo debet homo se applicare ad implendum præceptum, *sicut oportet*, & amor justitiæ in universalis, non sit sufficiens in homine infirmo, sed requiritur *amor justitiæ hic & nunc occurrentis* specialiter inspiratus; apertè sequitur, quòd deest homini infirmo sufficiens principium applicativum *DATUM*; quod tamen ei paratum est, & dabitur, si non posuerit impedimentum.

Doctrinam istam legere poterat *Defensor* in TRIUMPHO Opusc. 1. n. 89. ubi

habetur: „Præcipua ergo naturæ sanæ à naturâ infirma differentia est, quodâ
 „naturæ sanæ nihil deerat ex parte *posse*, nec ullo auxilio adjuvante vires indi-
 „geret: naturæ verò infirmæ etiam per gratiam sanatæ deest aliquid ex parte
 „*posse*, amor, scilicet, iustitiæ in particulari operabili, sine quo non potest fa-
 „cere ea quæ sunt iustitiæ. Hunc amorem poterat homo sanus sibi dare ex *præ-*
 „cedente actu *equaliter se habente ad bonum, & malum*, propter perfectam sui appeti-
 „tus subjectionem. Verum, homo infirmus non potest prædictum amorem
 „sibi tribuere ex aliquo actu *equaliter se habente ad bonum & malum*: insurgente enim
 „concupiscentiâ supervenit amor boni proprii, aut delectabilis, qui fortiore
 „amore iustitiæ debet vinci, & quem stante amore delectabilis non potest sibi
 „tribuere voluntas infirma, sed debet illum accipere speciali auxilio GRATIÆ
 „PRÆVENIENTIS, INSPRANTIS, PRÆPARANTIS, VICTRICIS, & PRÆDETERMI-
 „NANTIS.

• Amor fortior iustitiæ. hic & nunc occurrentis conjunctam sibi habet imple-
 tionem præcepti, ita ut homo infirmus ex amore isto specialiter sibi dato,
 applicet se cum auxilio universalis prædeterminationis, sive gratiæ cooperan-
 tis, ad implendum hic & nunc præceptum. An ista duo auxilia, auxilium scili-
 cet speciale ad amorem fortiozem iustitiæ hic & nunc occurrentis qui est pri-
 mus actus, & auxilium universale ad impletionem præcepti, qui est secundus
 actus, sint realiter distincta, an solum virtualiter eò quod unum sit auxilium
 eminens præstans munia utriusque? utrumvis dicatur, nihil refert ad nostrum
 intentum, ut intuenti patebit.

CLXI. Quare admittimus cum *Defensore* n. 430. aliquem divitiis affluentem,
 specialiter à Deo prædeterminatum ad volendum facere aliquod opus pium,
 ex amore iustitiæ in opere isto pio occurrentis, deliberare posse ecquod sit
 opus illud in quod thesauros subs infumat; & Deo ulterius illuminante ac *uni-*
versaliter prædeterminante applicare se ad eligendum certum quid, in quo
 exequatur voluntatem sibi specialiter inspiratam de faciendo aliquo opere pio
 ex amore iustitiæ in isto opere pio occurrentis. Ita tamen quod si in electione
 aut executione insurgeret fortior amor concupiscentiæ, quam præcedens amor
 iustitiæ, deberet præcedens amor iustitiæ novo auxilio gratiæ *specialiter præ-*
determinantis & victricis roborari. Admittimus etiam cum *Defensore* n. 431.
 alterum specialiter à Deo prædeterminatum ad mundo nuntium remitten-
 dum, & vitæ religiosæ institutum aliquod amplectendum ex amore iustitiæ
 in abdicatione mundi & religionis ingressu occurrentis, prudenter secum deli-
 berare, ecqui nomen potius adscribat sacroni Franciscanorum an Jesuitarum
 Ordini; an utrique Predicatores præferat, aut Carmelitas Discalceatos; & quan-
 doque alios consulere ut prudentem faciat vitæ religiosæ delectum? ac demum
 Deo illustrante, & *universaliter prædeterminante* eligere Divi Francisci regu-

lam, non tamen sine novo auxilio *specialis* prædeterminationis roborantis primam voluntatem, ubi in electione & executione insurrexerit fortior amor concupiscentiæ, id est, commoditatis propriæ, parentum, amicorum, &c.

Agnoscat igitur *Defensor*, verum esse quod scriptum tenet TRIUMPHUS, in hoc statu naturæ lapsæ necessariam esse specialem illam prædeterminationem, quâ homo sine præviâ deliberatione, & absque actu præcedente accipit voluntatem faciendi quodcumque opus ex amore iustitiæ in eo hic & nunc occurrentis: ipsum autem opus perficere ex propriâ applicatione cum auxilio gratiæ universaliter prædeterminantis. Quam doctrinam clarè tradit Sol Angelicus 1. 2. q. 111. a. 2. Sed sub nominibus gratiæ operantis & cooperantis, actus interioris, & actus exterioris. Gratiæ operans est gratia *specialiter prædeterminans*, gratia cooperans est gratia *universaliter prædeterminans*. Actus interior est voluntas faciendi aliquid ex amore iustitiæ in opere voluto hic & nunc occurrentis. Actus exterior est ipsum opus volitum; & quæcumque actio volita, quantumvis interior. Dicitur enim exterior, quia est objectum volitionis, & à volitione faciendi imperatur.

CLXII. Audiat *Defensor* Doctorem Ecclesiæ quintum loquentem sibi, & TRIUMPHUM Thomistarum, id est, tentatam à nobis Concordiam tutissimè & inconculsè protegentem: *Operatio enim*, ait, *alicujus effectus non attribuitur mobili, sed moventi. In illo ergo effectui in quo mens nostra est mota, & non movens, operatio Deo attribuitur, & secundum hoc dicitur GRATIA OPERANS. In illo autem effectui in quo mens nostra & movet, & movetur, operatio non solum tribuitur Deo, sed etiam animæ, & secundum hoc dicitur COOPERANS. Est autem in nobis duplex actus. Primus quidem INTERIOR voluntatis: & quantum ad istum actum voluntas se habet ut mota, Deus autem ut movens, & præsertim cum voluntas incipit bonum velle, quæ prius malum volebat. Et ideo secundum quod Deus movet humanam mentem ad hunc actum, dicitur GRATIA OPERANS. Alius autem actus est EXTERIOR, qui cum à voluntate imperetur, ut supra habitum est, consequens est, quod ad hunc actum operatio attribuitur voluntati. Et quia etiam ad hunc actum Deus nos adiuvat, & interius CONFIRMANDO VOLUNTATEM, ut ad actum perveniam, & exterius facultatem operandi præbendo: respectu huiusmodi actus dicitur GRATIA COOPERANS. Unde post præmissa verba subdit AUGUSTINUS, ut autem velimus operari: cum autem volumus, ut perficiamus (opus scilicet volitum) nobis cooperatur. Consule TRIUMPHUM, qui Caietanum, Sylvium, Conradum, Medinam, Alvarez, & Estium refert sequentes Solem Angelicum. Vide etiam infra cap. 5. in quo violenta & menti Anglicæ contraria *Defensoris* explicatio istius loci, quam ibi affert, elucet.*

Alter confictus à Defensore error relegatur; ex quo plures alios dicit profluere.

CLXIII. **I**N præcedenti verum errorem falsò nobis imposuit *Defensor gratiæ versatilis*. In præsentī veram TRIUMPHUS ex gemino Ecclesiæ Sole doctrinam dicit erroneam. Quæ non diximus, dicere nos facit; & quæ vera diximus, facit erronea. Tanta est *Defensoris* potestas. Si realis foret; si sincera, si veritatem amans, timerem utique; sed quia in imagine pertransit, sed quia in circuitu ambulat; sed quia non parat viam veritatis, nec rectas facit semitas ejus, gaudeo propter Cordatos, qui tentatæ firmitatem Concordiæ, ex oppositæ infirmitate doctrinæ luculentius penetrabunt: siquidem *contraria juxta se posita magis elucescunt*. Docuerat TRIUMPHUS, hominem sanum propter perfectam virium inferiorum subjectionem ex amore justitiæ in universali, habere sufficientem potestatem applicandi se ad implendum quodcumque præceptum occurrens, cum solo auxilio *universalis* prædeterminationis; quod in ordine ad implendum præceptum supernaturale est ipsa gratia *universaliter prædeterminans*. Consideravit etenim hominem à Deo institutum cum perfectâ agendorum cognitione, & virium inferiorum subjectione; gratiâ sanctificante, fide, spe, charitate decoratum, omnibus virtutibus tam infusis, quàm acquisitis ornatum, nullum prævenientis concupiscentiæ potentem patis motum, quamdiu voluntatem Creatori suo teneret subiectam.

In homine taliter à Deo instituto dixit TRIUMPHUS, amorem justitiæ in universali esse sufficientem, ut sine indigentia alicujus specialis auxiliû, cum solo auxilio prædeterminationis *universalis* applicaret se ad implendum quodcumque præceptum, Itâ tamen ut auxilium illud esset naturalis ordinis, dum ex dictamine & inclinatione rationis naturalis formante minorem syllogismi practici (quo semper utitur voluntas, quoties ex præcedente actu se applicat ad agendum) concluderet, Deum ut fontem omnis justitiæ naturalis esse amandum, aut quodvis aliud legis naturalis implendum præceptum. Foret autem supernaturalis ordinis, & ipsa gratia *universaliter prædeterminans*, dum ex dictamine fidei, & inclinatione charitatis formante minorem, concluderet, Deum ut fontem omnis justitiæ supernaturalis, sive ut charitatis objectum esse amandum, aut quodvis aliud legis supernaturalis implendum præceptum.

CLXIV. De hac doctrinâ sic loquitur *Defensor* n. 432. *Nec minus falsum est & erroneum, hominem sanum ac integrum in sententiâ prædeterminationes physisas admittentium, non alio auxilio indiguisse ad ætus bonos, dignosque vitam æternâ, quàm adjumento universalis prædeterminationis, sive ut loquitur, concursus generalis, quo Deus in omni operante operatur. Ex hac enim doctrinâ tanquam ex scaturigine vitiosa non pauci profluunt errores.*

Si concursus generalis, quo Deus in omni operante operatur *Molinistice* sumeretur, verum diceret *Defensor*, quod ex doctrinâ, non aliud in homine sano requirente auxilium, quàm concursus generalis *Molinistice* sumpti, *tanquam ex scaturigine vitiosa non pauci profluerent errores*: quod non censurando, sed, *Defensori* verba sua reponendo, dictum accipe **CORDATE LECTOR**. At si concursus generalis *Thomistice* sumatur, nullus ex doctrinâ **TRIUMPHI** potest profluere error. Concursus generalis *Molinistice* sumitur, (in ordine ad causam liberam, de qua nobis est sermo) dum concipitur ut indifferens ad operandum hoc vel oppositum, voluntate pro nutu suo determinante illum ad hoc operandum, id est, faciente ut, hic & nunc influat in hoc opus, & non in oppositum. Similiter dum concipitur Deus paratus concurrere, seu exhibere concursum suum voluntati indifferentem ad amorem vel odium, voluntate determinante illum ad amorem. Si non alio concursu indigeret homo sanus, aliquid esset à libero arbitrio, quod non esset à Deo in opere bono: ut probant efficaciter Angelici Solis discipuli impugnantes Scientiam Mediam, & probavit **TRIUMPHUS** Opusc. 1. de *Scientiâ Mediâ ad examen revocatâ* cap. 1. a. 1. & 2. De quo etiam supra cap. 2. §. 1. Sequeretur ulterius Deum se habere ut pedisequum, & voluntatem ut dominum, ut ex §. 6. cap. 2. colligi potest: ex quibus principiis non pauci alii profluerent errores.

Concursus generalis *Thomistice* sumptus est auxilium dans actum: & idcò non potest esse operanti & non operanti communis; nec indifferens ad amorem vel odium, sed essentialem habet cum actu connexionem, præsupponens potentiam prius adaptatam secundum exigentiam actus; & quia actus ad quem se applicat voluntas exigit completum posse **ACTU DATUM**, oportet ut concursus generalis qui datur ad actum *applicativè* à voluntate procedentem, præsupponat sufficientem potestatem **ACTU DATAM**. Ex quo dilucidè consequitur, *hominem sanum non indigere alio auxilio quàm concursus generalis*, nihil esse aliud, quàm *non indigere aliquo auxilio dante posse*; sed *solum auxilio dante AGERE*. Et in hoc consistit sanitas, quod non sit indigentia potestatis, sed solum dependentia potestatis à superiori movente: & consequenter non adjuvatur ut possit, sed solum fit ut velit, & agat sicut secundum se applicans; de cujus ratione est, à primo semper applicari.

CLXV. Videamus, qui sint illi errores, quos profluere dicit *Defensor* loco citato, ex eo quod homo sanus solo auxilio *universalis* prædeterminationis indigeat, id est, non aliquo auxilio dante posse, sed solo auxilio primi moventis ad actum, & voluntatem conferente secundo moventi.

Primo infert: *ergò non minùs habebat in potestate suâ actus illos fidei, spēs, & charitatis, quàm quolibet alios naturales*. Distinguedæ sunt in homine sano ut à Deo fuit institutus, duæ naturæ, natura rationalis; & gratia, quæ est participatio na-

turæ divinæ. Secundum naturam rationalem habebat sufficientem potestatem naturalem ACTU DATAM ad omne legis naturalis præceptum implendum. Secundum gratiam habebat sufficientem potestatem supernaturalem ACTU DATAM ad omne legis supernaturalis implendum præceptum. Cum ergo non minus cum sufficienti potestate gratia sit ei data, quam natura; verè dicitur, quòd non minus habuerit actus legis supernaturalis in suà potestate supernaturali, quam actus legis naturalis in suà potestate naturali: quia ut dixit TRIUMPHUS Opusc. cit. n. 110. *sufficiens posse supernaturale non minus facit actum esse in nostra potestate, quam sufficiens posse naturale*: quod respectivè ad potestatem actui proportionatam intelligitur..

Secundò insert: *Ergo quemadmodum debita erat homini prædeterminatio universalis ad naturalia opera; ita etiam debebatur ad supernaturalia*. Distingue duas naturas: quemadmodum debita erat homini secundum naturam rationalem cum sufficienti potestate naturali sibi datam, prædeterminatio universalis naturalis ad naturalia opera; ita etiam homini secundum gratiam cum sufficienti potestate supernaturali elevato, debebatur prædeterminatio universalis supernaturalis ad supernaturalia. Quis ibi error fingi potest?

Tertiò insert: *Ergo vel illa exercebat sine auxilio gratiæ; vel certè illud auxilium habebat simul rationem debiti & gratiæ quod repugnat*. Exercebat illa cum auxilio gratiæ universaliter prædeterminantis, quod erat debitum elevationi gratiæ, non naturæ rationali, nec personæ; & sic semper erat gratia facta naturæ rationali, & personæ. Cerne CORDATE LECTOR, quomodo funibus gratiæ suæ versatilis constringat se *Defensor*. Gratia sufficiens est debita homini obligato ad implendum præceptum secundum Molinistas, qui universaliter docent non posse homini imputari peccatum, si ei denegaretur; Pulchrè id Gabriel Vasquez in 1. 2. disp. 193. cap: 4. n. 42. *Non posse nobis à Deo negari auxilium sufficiens ad non consentiendum peccato & tentationi*, eò quòd nulla sit occasio peccati quod liberè committimus in hac vitâ que non relinquat nobis integram libertatem &c. Quemadmodum igitur libertas nulla occasione impediri potuit non perturbato iudicio rationis, ita etiam non potuit sine auxilio sufficiente ad libertatem relinquì, ac proinde nec illud penitus perdere in primo parente. Non igitur minùs quam libertas, debita erit gratia sufficiens Molinistica. Quomodo igitur gratia? cùm *Defensor* dicat, repugnare aliquod auxilium habere simul rationem debiti & gratiæ.

Expediat se *Defensor*. Nos interim veritati laboremus. Veritas est Angelica, quòd debitum elevationis gratuitæ nihil dimiuit de ratione gratiæ. Docet hoc Sol Angelicus ielatus à TRIUMPHO Opusc. 2. De Naturâ purâ cap. 11. §. 6. his verbis. *Gratia secundum quòd gratis datur, excludit rationem debiti. Potest autem intelligi duplex debitum. Primum quidem ex merito proveniens, quòd refertur ad personam, cuius est agere meritoria opera secundum illud ad Rom. 4. Et qui operatur, merces imputatur secundum debitum.*

debitum, non secundum gratiam. Aliud est debitum secundum conditionem naturæ, puta si dicamus debitum esse homini quod habeat rationem, & alia quæ ad humanam pertinent naturam. Neutro autem modo dicitur debitum propter hoc quod Deus creaturæ obligetur, sed potius inquantum creatura debet subijci Deo, ut in eâ divina ordinatio impleatur: quæ quidem est ut talis natura, tales condiciones, vel proprietates habeat, & quod talia operans talia consequatur. Dona igitur naturalia carent primo debito, non autem carent secundo debito: sed dona supernaturalia utroque debito carent, & ideo speciosius sibi nomen gratiæ vendicant. Hæc D. THOMAS I. 2. q. 111. a. 1. ad. 2.

Gratia *universaliter prædeterminans* in homine sano, & Angelis erat debita elevationi gratuitæ ad finem supernaturalem; & ideo non sine culpâ concomitante, quâ ponitur ei obstaculum, potest denegari ut loco citato TRIUMPHI dicitur. Verum quia non est debita naturæ, nec personæ, non enim ex meritis datur, adhuc *speciosius sibi nomen gratiæ vendicat*, ait D. THOMAS.

CLXVI. Quartò infert: *Ergo opera gratiæ non magis erant dona Dei, quam naturæ opera; quia ad utraque tantummodo opus habebat auxilio universali.* Consultat Defensor Doctorem Ecclesiæ quiptum I. 2. q. 113. a. 9. & ex eo discet: „quod opus „aliquod potest dici magnum dupliciter. Uno modo ex parte modi agendi, „& sic maximum opus est creationis, in quo ex nihilo aliquid fit. Alio modo „potest dici opus magnum propter magnitudinem ejus quod fit, & secundum „hoc majus opus est justificatio impii, quæ terminatur ad bonum æternum, „num divinæ participationis; quàm creatio cœli & terræ, quæ terminatur ad „bonum naturæ mutabilis: & ideo AUGUSTIN. cum dixisset, quod majus est „quod ex impio fiat justus, quàm creare cœlum & terram subjungit: *Calum enim & terra transibit, prædestinatorum autem salus & justificatio permanebit.* Ita dico, quod opera gratiæ in homine sano non magis erant dona Dei *ex parte modi agendi*, quàm naturæ opera: erant tamen magis dona Dei *propter magnitudinem facti*: id est, supernaturalitatem operis.

Modus operandi tenet se ex parte principii applicantis; supernaturalitas operis ex parte principii elicientis. In homine sano idem est principium applicans, amor scilicet *justitiæ in universali*, ex quo se applicat ad opera legis naturalis, & ex quo se applicat ad opera legis supernaturalis. Verè ergo dicitur quod ex parte modi operandi opera gratiæ in homine sano non magis sunt dona Dei, quàm opera naturæ, quia idem est principium applicans, & utrobique adest principium sufficiens actu *DATUM*. Verum quia principium eliciens in operibus naturæ est naturale, & in operibus gratiæ est supernaturale, prædeterminatio universalis ad opera naturæ est naturalis, & prædeterminatio universalis ad opera gratiæ est supernaturalis. Unde ex parte principii elicientis opera gratiæ sunt magis dona Dei, quàm opera naturæ. Vide infra num. 169.

Quintò infert: *Ergo ipsum beneficium perseverantiæ non fuisset speciale aliquod Dei do-*

num, quia non profuisset ex aliqua speciali gratia, sed ex universali dumtaxat, ut actus ceteri, predeterminatione. Donum perseverantiæ in homine sano non fuisset specialis gratia ex parte modi operandi; fuisset tamen specialis gratia ex speciali Dei providentia. Insinuat hoc Præceptor noster ad Annibaldum 1. dist. 40. a. 1. ad 3. *Dicendum quod quamvis bona natura sint à Deo, non tamen excedunt mensuram creaturæ sicut bona gratia vel gloria: & idè respectu horum est prædestinatio & non respectu naturalium: Nam in illud propriè indigemus DIRIGI EX PROPOSITO ALTERIUS, quod supra nos est.* Quid sit autem dirigi ex proposito, accipe ex hoc exemplo. Creavit Deus ad perfectionem & ornatum universi in diversis partibus terræ, herbam virentem & facientem semen, & lignum pomiferum faciens fructum juxta genus suum, cujus semen in semetipso sit. In ordine causarum quas disposuit divina providentia, earumque gubernatione cognoscit, quod arbor plantata in tali loco fructificabit, alia plantata in alio loco non fructificabit: fructificatio hujus plantæ præ aliâ non est ex proposito, sed consequitur ordinem divinæ providentiæ. Sed si Deus eligeret aliquam arborem, decerneretque fructificationem illius, quocumque loco plantaret illam, ipsa fructificaret: quia ex proposito fructificationis arceret omnia impediencia, & ubi opus esset roboraret virtutem arboris. Fructificatio hujus arboris esset ex proposito.

Secundùm hanc doctrinam dicimus opera naturæ (nisi ubi ordo gratiæ aliud postulaverit) dirigi & provideri à Deo secundùm quod exigit perfectio universi & ordo causarum à Deo institutus; similiter & actiones liberæ, ordinis naturalis; quia licet creatura rationalis gubernetur propter se, in illis tamen quæ facit, ut conservetur creatura mundi, ita propter se gubernatur, ut earum cum aliis creaturis attendatur connexio & ordo. Sed in operibus gratiæ dirigitur ex proposito. Unde si gubernatio mundi, & conservatio v. g. hujus civitatis exigat quod Deus ponat duos in quibusdam negotiis (quæ, ut ait S. Gregorius homil. 24. in Evang. sine peccatis exhiberi aut vix, aut nullatenus possunt) quem Deus ex proposito voluerit salvare præservabit, alium suo arbitrio dimittet. Quod iste, & iste sit in tali, aut tali negotio, non est ex proposito, sed ex ordine divinæ providentiæ creaturam mundi gubernantis. At quod iste in tali negotio non peccet, hoc est ex proposito.

Quare manifestum est, quod ea quæ sunt supernaturalis ordinis, ex speciali Dei providentia disponantur, & dirigantur; quamvis in homine sano, & Angelis ex modo operandi naturalibus assimilentur. Consule TRIUMPHUM Opusc. 1. cap. 2. art. 4. in Appendice de causâ prædestinationis Sectione 3.

CLXVII. Ultimò infer: Ergo non erat quod Deum orares, quod precibus auxilium ejus exprosceres; quia non alio egebat auxilio, quàm concursu generali quo Deus in omni operante operatur, qui semper paratus est, & operanti debitus. Non alitum, quàm S. AUGUSTINUM impetit Defensor. Ipse enim est, qui dixit lib. de correp. & grat.

c. 18. *Quid stultius quàm orare Deum, ut facias quod in potestate habes? Ipse etiam est, qui dixit lib. de correp. & grat. c. 10. Sic & hominem fecit cum libero arbitrio, & quamvis sui futuri casus ignatum, tamen idè beatum, quia & non mori, & non miserum fieri in suâ POTESTATE esse sentiebat. In quostatu recto, ac sine vitio, si per ipsum liberum arbitrium manere voluisset, profectò sine illo mortis & infelicitatis experimento, acciperet illam merito huiusmodi permanſionis beatitudinis plenitudinem &c. Utrumque S. AUGUSTINI dictum conjungat Defensor, & inveniet doctrinam esse S. Doctoris, hominem sanum non debuisse orare Deum ut in bono permaneret, quia hoc habebat in suâ potestate. Quid autem stultius quàm orare Deum, ut facias quod in potestate habes?* ait AUGUSTINUS.

Quare sine dubio tenendum est, hominem sanum non indiguisse oratione specialiter in sensu Augustiniano acceptâ. Oratione tamen communiter acceptâ pro recurſu ad Deum, sive fiat ex indigentia potestatis, sive fiat ex dependentia potestatis, indiguit homo sanus. De hac oratione loquitur Gelafius Papa relatus à Defensore. Aliud est carere sufficienti potestate; aliud est habere sufficientem potestatem superiori subjiçendam agenti. In primo potestatis est indigentia, in secundo potestatis est dependentia. Primum indiget aliquo dante, aut adjuvante potestatem; secundum indiget aliquo primo movente ad actum. Reducito in mentem exemplum suprà n. 142. propositum pecuniæ datæ, & pecuniæ dandæ. Prima indigentia sublevatur auxilio, quod oratione Augustinianâ impetratur. Secundæ indigentia occurratur auxilio, quod fiducia obtinetur. Importat enim fiducia, seu confidentia motum irascibilis in id quod æstimatur facultatem non excedens, ait D. THOMAS in 3. dist. 26. q. 1. a. 3. ad 5. De hoc adiutorio convenienter intelligitur, quod dicit S. AUGUSTINUS lib. 14. de civitate Dei cap. 27. *Sic erat institutus (primus homo) ut si de adiutorio Dei fideret bonus homo malum angelum vinceret. Et inferiùs: Quia & ipsum confidere de adiutorio Dei non quidem posset sine adiutorio Dei.*

CLXVIIJ. Oportet ergò concludere (ait TRIUMPHUS THOMISTARUM) *auxilium orationis esse auxilium infirmitatis; auxilium fiducie esse auxilium sanitatis. Utrumque est prædeterminans, & Scientiam Mediâ excludens. Omnis igitur Molinismus à cordibus Cordatorum excludatur, nec sit utriusque Solis discipulus qui minimum ei præbeat assensum. Quid est Molinismus? Domini Dei depressio, servi arbitrii elevatio. Quid GRATIA PRÆDETERMINANS? servi arbitrii depressio, Domini Dei elevatio. Si Deus superbis resistit & humilibus dat gratiam; An non illis resistet, quos Molinismi inflat scientia? Annon illis ad erit, quos GRATIÆ PRÆDETERMINANTIS ædificat charitas? Judicet Cordatus Theologus: nos neminem judicamus, & Adversariorum personas, ut nostros in Christo fratres, ex corde diligimus. Si Deus pro nobis, quis contra nos? Congregent Molinistæ pro se & adversum nos quoscunque voluerint Patro-*

„nos, omnis cæli & terræ potestas pertransibit, verbum autem Domini per-
 „manet in æternum, quo dixit, Qui non est mecum contra me est; & qui non
 „congregat mecum, spargit. Matth. 12.

Hæc TRIUMPHUS, Opusc. 1. in fine cap. 1. quæ placuit referre denuò, & pro-
 pter *Defensorem*, & propter *Lectorem*. Propter *Defensorem*, quia ab eo didici
 n. 125. quòd Molinistæ placidis oculis probationes nostras legunt, quibus pro-
 bare contendimus, Scientiam Mediam Deum libero hominis arbitrio subdere. Si hæc
 placidis oculis legebat, ut dicto numero fatetur *Defensor*, irrationabilis prorsus
 fuit illius querela, quæ n. 101. totus commotus exclamat, *Quâ igitur temeritate,*
quâ fronte Scientiam Mediam de finis Domini Dei depressionem, servi arbitri elationem?
 Redeat ad se *Defensor*, & non turbetur amplius cor ejus; en placidis oculis le-
 git Scientiam Mediam Deum libero hominis arbitrio subdere, placidis deinceps oculis
 legat, Scientiam Mediam, esse Domini Dei depressionem, *servi arbitri elationem*. An
 fortè poterit Deus libero hominis arbitrio subdi, sine depressione Dei, & ele-
 vatione arbitrii? Propter *Lectorem* eadem retulimus denuò, ut agnoscat non
 personarum odium, sed veritatis amorem in Scientiam Mediam, & in gra-
 tiam versatilem concitasse TRIUMPHUM. Si quis est Domini, jungatur illi.

CLXIX. Colligitur ex hæcenus dictis: quo sensu verè dixit TRIUMPHUS
 in conciliatione ultimæ contrarietatis, actum qui non est applicativè à libero
 arbitrio, sed solùm *elicitivè* dari à Deo, actum verò qui est tam *elicitivè* quàm
applicativè à libero arbitrio non dari à Deo. Quia primus actus ita est à Deo ut
 non tribuatur arbitrio; secundus actus ita est à Deo, ut tribuatur etiam libero
 arbitrio. Qui modus loquendi sumptus est ex Angelico Sole n. 162. relato. Po-
 testque confirmari ex virtute acquisitâ, quæ etiam à Deo est, & tamen tribui-
 tur arbitrio: virtus autem infusa soli Deo tribuitur & non arbitrio, quantum-
 vis non sit à Deo nisi dependenter à consensu arbitrii. Omnis igitur actus liber
 bonus, & omne meritum est à Deo; sed non *specialiter datur*, nisi quando solùm
elicitivè est à libero arbitrio. Quando verò est *applicativè* à libero arbitrio, *uni-*
versaliter datur, eo modo quo quidquid est bonum dicitur a Deo dari. Quibus
 confutantur quæ dicit *Defensor* n. 511. & seq.

Obicies. Ergò impletio præcepti hic & nunc occurrentis, & perseverantia
 in illâ non magis erunt specialia dona Dei in homine infirmo, quàm fuere in
 homine sano. Quod videtur inconveniens.

Probat sequela. Homo infirmus ex amore justitiæ hic & nunc occurren-
 tis applicat se ad implendum præceptum, & perseverandum, non minùs, quàm
 homo sanus se applicabat ad ea ex amore justitiæ in universali: ergò impletio
 præcepti &c.

RESPONDETUR negando sequelam. Ad prob. distinguitur ant. Homo in-
 firmus ex amore justitiæ hic & nunc occurrentis *gratis dato* applicat se ad im-

plendum præceptum, & perseverandum, conceditur. Ex amore justitiæ hic & nunc occurrentis sibi connaturaliter debito, negatur. Hæc est vera & germana meritum naturæ infirmæ, à meritis naturæ sanæ differentia, quod in naturâ sanâ principium applicans, videlicet *amor justitiæ in universali*, ex quo se applicabat homo sanus ad amandum Deum ut fontem omnis justitiæ, & quodcumque aliud præceptum implendum, est homini sano connaturaliter debitus, ut supra dictum est. *Amor verò justitiæ hic & nunc occurrentis* non est homini infirmo connaturaliter debitus, sed gratis omnino ei à Deo inspiratur. Unde ex principio applicante gratis datò, applicat se homo infirmus ad prædicta, ad quæ se applicabat homo sanus ex principio applicante sibi connaturaliter debito. Quare sicut Theologi docent, gloriam quæ propter merita datur, adhuc esse gratiam juxta illud Rom. 6. *Gratia autem Dei, vita æterna*; quia principium meritum est gratia. Ita in homine infirmo, etiam opera, ad quæ se applicat, sicutur specialia dona, & non tam libero arbitrio, quàm Deo tribuuntur; quia principium applicans non est connaturaliter debitum, sed gratis omnino datum.

Ex his discet *Defensor*, quid sit esse speciale donum Dei, & videbit quòd GRATIA PRÆDETERMINANS Adamum ad perseverandum, non fuisset speciale donum Dei; quia dabat actum perseverandi dependenter à principio applicante connaturaliter debito: quod non facit GRATIA PRÆDETERMINANS hominem infirmum ad perseverandum. Hallucinatus est *Defensor* n. 113. & seq. non distinguens specialitatem *auxilii elicientis* à specialitate *auxilii applicantis*. Merita naturæ sanæ sunt specialia dona ex parte *auxilii elicientis*, non verò ex parte *auxilii applicantis*. Merita naturæ infirmæ sunt specialia dona ex parte utriusque *auxilii & elicientis & applicantis*: sive quod idem est, tam *ex modo operandi*, quàm *ex magnitudine facti*, ut ait D. THOMAS supra. A specialitate *auxilii applicantis* denominatur simpliciter & absolute auxilium & donum speciale: quia operatio non tribuitur mobili, sed moventi; si Soli credamus Angelico.

Erroris duos, quos dicit *Defensor* quintæ contrarietatis conciliationem involvere, Primum, in hoc statu naturæ corruptæ deesse peccanti auxilium, sine quo non potest implere præceptum, sive deesse auxilium conferens potestatem implendi præcepti; Alterum, ipsius potestatis defectum non excusare à peccato; Duos, inquam, hos errores, commodis infra cap. 5. cum dogmatibus erroneis ostendemus, in solâ *Defensoris* imaginatione consistere. Unum ad confutationem capituli tertii superest evincendum, videlicet gratiam sufficientem Molinistarum tollere orandi necessitatem; quod s. seq. præstabitur.

5. V. *Gratiam Molinistarum sufficientem tollere orandi necessitatem, efficaciter probavit TRIUMPHUS; Et modò ex contradictione Defensoris insolubiliter demonstratur.*

CLXX. **U**T firmitatem argumenti ex necessitate orandi à TRIUMPHO formati evidenter agnoscas, **CORDATE LECTOR**; doctrinam TRIUMPHI Opusc. 3. de Libertate cap. 11. §. ultimo tibi subjicimus his verbis:

Cum libertas naturæ lapsæ nō sit libertas voluntatis se applicantis, sed voluntatis applicatæ (*intellige, respectu amoris justitiæ hic & nunc occurrentis*) secundū quam nō potest amare bonum *sicut oportet*, nisi speciali GRATIÆ VICTRICIS ET PRÆDETERMINANTIS auxilio præveniatur; sequitur necessarium esse, quòd homo infirmus in omni tempore occurrente, in quo debet cenci concupiscentia, & impleri justitia, debeat invocare Deum adiutorem, & ad eum clamare: *Deus in adiutorium meum intende, Domine ad adjuvandum me festina*. Certè præceptis salutaribus moniti audemus dicere, hominem quamvis infirmum, nunquam tamen peccaturum, si in omni suo opere crederet se impotentem, & practicè assentiretur veritati, quam de se protulit Magistrorum Magister Christus Dominus dicens: *sine me nihil potestis facere*.

Nec cuiquam difficile erit rationem nostri dicti cognoscere: si reflexerit ad modum suum operandi, dum ei mandatur aliquid, quod solus non potest. Annon statim recurrit ad alterius auxilium? quis prudens applicabit se ad implendum opus, quod scit certò se non habere ad illud vires sufficientes, sed indigere alterius auxilio? Annon potiùs credit, se potentem sufficienter, qui sine recurso ad alium se applicat ad opus aliquod perficiendum? Quare si homo infirmus verè & practicè agnosceret, se sine Christi auxilio nihil posse facere, quâ ratione ad illud se applicaret sine prævio ad Christum recurso? Hinc tota ratio peccandi est secreta & occultissima quædam de viribus suis præsumptio, non tam speculativa, quàm practica. Quis enim in Domino speravit, & confusus est: Ideò peccamus, quia ad Deum *sicut oportet*, non recurrimus: quod si, ut oportet eum invocarem, præcul-dubio non peccarem.

Nihil igitur libertati naturæ lapsæ adeò contrarium, quàm sufficiens Molinistarum gratia. Ecce quò perduxerunt ad inventiones Ludovici Molinæ. Ex-cogitavit sufficientiam gratiæ ultiori auxilio non indigentis, ut salvaret hominis infirmi libertatem; & quam salvare voluit, perdidit, destruendo orandi necessitatem. Nam si datâ gratiâ sufficiente, nullum ulteriùs debeat homo infirmus recipere à Deo auxilium, sed solummodò paratum sibi concursum prò nutu suo determinare; nihil consequenter habebit à Deo petendum, sed magis à Deo rogandus erit, ut suum determinet paratum concursum.

Hoc argumentum Opusc. 1. de Scientiâ Mediâ ad examen revocatâ n. 110. sic proposuimus : Molinistæ Deum deprecanti, ut tentationem vincat, præceptum impleat, Deus iustissimè respondebit, quid me deprecaris? credis te accepisse gratiam sufficientem ulteriori meo auxilio non indigentem: quid ultra tibi debui facere, & non feci? Ecce concursus meus indifferenter paratum habes; illum determina; tuam expecto determinationem; ego igitur non sum à te rogandus, cum concursus meus sit à te determinandus: sed magis te deo rogo, ut digneris illum determinare.

CLXXI. Hæc omnia TRIUMPHUS loco citato; quibus efficaciter probatur, gratiam Molinistarum sufficientem tollere orandi necessitatem. Nam ubi Deus nihil habet dandum, nihil est ab eo petendum. Postquam Deus dedit gratiam sufficientem, nihil secundum Molinistas habet ulterius dandum: alioqui gratia sufficiens data ulteriori auxilio indigeret, quod implicare dicunt, quia esset sufficiens ut supponitur; & non esset sufficiens, eò quòd sufficiens dici nequit, quod per se non sufficit. Vide Censuras assertionis secundæ utriusque Facultatis à TRIUMPHO Opusc. 1. cap. 1. art. 2. relatas: in illis invenies, illud dici secundum Molinistas sufficiens; præter quod aliud ex parte Dei necessarium non est. Excludit igitur gratia sufficiens Molinistarum ulterius auxilium à Deo dandum: & consequenter excludit orationem, quæ locum non habet, ubi nihil superest dandum. Atqui nullus obligatur præcepto, nisi fuerit ei data gratia sufficiens ad implendum præceptum, ut volunt Molinistæ; ergo nullus obligatur præcepto, qui secundum Molinistas necessitatem habere possit orandi.

Quid adhuc Defensor gratiæ versatilis? Necessè est (inquit n. 448.) aut inscitiam doctrinæ nostræ labores, aut vitio malæ fidei: inscitiam quidem, si putes juxta placita nostra gratiam proximè sufficientem tentationi vincendæ, aut bono alicui perficiendo semper illi adesse, qui gravi aliquâ tentatione in malum impellitur, aut quodpiam opus bonum aggreditur; id enim à doctrinâ nostrâ alienum est. Malæ autem fidei vitio, si doctrinæ nostræ non ignarus, id nobis imposueris.

Iustificet TRIUMPHUM Defensor. Ipse alio argumèti genere pressus conatur ostendere, justam esse excusationem Judæorum carètiū GRATIA PRÆDETERMINANTE ad credendum; injustam autem carentiū gratiâ congruâ. Quamquam enim (ait n. 548.) verum si credituros fuisse Iudeos cum gratiâ congruâ, eque ac cum prædeterminante: aliunde tamen disparitas est longè maxima, quòd Iudei, juxta sententiam Adversariorum, caruerint medio necessario ut crederent; gratiâ videlicet prædeterminante, sine qua fieri non possunt, ut actu crederent: nam juxta hujus gratiæ assertores implicat contradictionem ut actu crediderint sine hujusmodi gratiâ: iusta autem videtur illius excusatio quòd non feceris id, ad mod faciendum carebat medio necessario. Iam verò secundum doctrinam nostram (attende CORDATE LECTOR si illius habuerim inscitiam, aut malant si dem) licet Iudei non habuerint gratiam congruam; non tamen caruerunt medio necessario ad credendum, HABEB-

RUNT enim GRATIAM SUFFICIENTEM NULO ULTERIORI AUXILIO EGENTEM UT CREDERENT. *Iniquissima igitur est illorum excusatio; cum donati AUXILIO PLANÈ SUFFICIENTI AD CREDENDUM, culpa suâ non crediderint.*

CLXXII. Concedit *Defensor*, quod Judæi habuerunt gratiam sufficientem nullo ulteriori auxilio egentem ut crederent; ergo Judæi nullam orandi habuere necessitatem ut crederent; ac proinde respectu Judæorum nulla fuit in TRIUMPHO doctrinæ Molinianæ inficitia, aut mala fides. Nec respectu quorumcumque, qui præcepto obligantur, argui potest TRIUMPHUS inficitia, aut mala fides; quia eadem est de omnibus aliis, ac de Judæis par ratio. Nam quicumque obligatur præcepto, vel accepit gratiam sufficientem ulteriori auxilio non egentem ut impleat præceptum, vel non accepit. Non datur medium. Si accepit, ergo nihil habet ulterius à Deo petendum, cum nihil sit ulterius dandum. Si non accepit, ergo iusta erit secundum *Defensorem* illius excusatio, cum non fuerit donatus auxilio plane sufficienti ad implendum præceptum. Ex quo evidens fit eò perfectionis devenisse doctrinam Molinianam in *Defensore*, ut nulla sit orandi necessitas, ubi iniusta est non implentis præceptum excusatio; aut iustam esse non implentis præceptum excusationem, ubi adest orandi necessitas.

Agnosce, CORDATE LECTOR, versatilem gratiæ versatilis doctrinam. Dum Molinistæ urgentur orationis argumento, agnoscunt indigentiam ulterioris auxilii; dum verò premuntur excusatione violationis præcepti, negant indigentiam ulterioris auxilii. Similem ex parte determinationis liberi arbitrii contradictionem notavit & TRIUMPHUS n. 111 in resurrectione *Junioris Molinistæ*, de quo AMICUS PUILLAEUS cap. ultimo. Sic insolubile fit orationis argumentum ex ipsa *Defensoris* cum suis sodalibus contradictione. Nec effugiant per gratiam remotam, aut proximam sufficientem. Nam quomodocumque vocaveris gratiam sufficientem, ad hoc semper deveniendum est; quod pro instanti & tempore in quo obligat præceptum, vel quis caret medio aliquo necessario ad implendum præceptum, vel non caret. Si caret, iusta erit illius excusatio, ait *Defensor*. Si non caret aliquo medio necessario, nulla erit ei orandi necessitas.

CLXXIII. Præcensit vim arguménti, dum n. 454. ait: *Etiam si autè supponeres gratiam sufficientem ante orationem fuisse jam datam, enimverò esset adhuc quid Deum ardens deprecemur, ut eam nobis largiretur, quam victricem prævidisset; cum beneficium sit longè majus, auxilium illud obtinere, non tantum quo possimus vincere: sed quo reip. à victores evadamus.* Ne decipiaris, CORDATE LECTOR, nomine gratiæ victricis quo abutitur *Defensor*, sed continuò mente retineto, doctrinam esse Molinistarum, ut ipse docet loco nuper citato, quod ad injustam à violatione præcepti excusationem, necesse sit adesse gratiam sufficientem nullo ulteriori auxilio egentem. Si nullum debeat

dare

dare Deus ulterius auxilium : nulla habenti prædictam gratiam, injustam red-
dentem, violationis præcepti excusationem, poterit esse orandi necessitas.
Vide, quomodo nomine gratiæ victricis abutatur *Defensor*, cerne victoriam.
Si gratia sufficiens data nullo sit ulteriori auxilio adjuvanda, victoria ipsius
non erit ex aliquo auxilio DANDO ex parte Dei, sed ex nutu voluntatis victri-
cem efficientis. Si autem gratia fiat victrix ex nutu voluntatis, & non ex ali-
quo DANDO, semper excluditur orandi necessitas, quæ nulla est, ubi DANDUM
nihil est; pro dandis oramus; pro datis gratias agimus.

CLXXIV. Quare Molinistæ habenti gratiam sufficientem nullo ulteriori
auxilio egentem optimè adaptavit TRIUMPHUS Opusc. 1. n. 110. Verba S. Au-
GUSTINI lib. de dono persever. cap. 2. dicentis: *Nolite errare, inquit Apostolus, Deus
non irridetur. O homo! (Molinista prædictus) non verborum tuorum, verum etiam co-
gitationum testis est Deus: si aliquid à tanto divite veraciter ac fideliter possis, te accipere crede
quod possis. Noli eum labiis honorare, & super eum corde te extollere, credens à teipso tibi esse,
quod ab illo te fingis orare.* Quæ verba non fuit ausus referre *Defensor*, n. 455. Nam
ex illis statim agnoscitur figmentum orationis Molinianæ pro gratiâ quam
prævidit Deus victricem. Cum enim credat Molinista non ex aliquo DANDO,
sed ex nutu suæ voluntatis prævisam esse victoriam, nequit credere se accipe-
re quod possit: & ideò verissimè redarguitur: *Noli Deum labiis honorare, & super
eum corde te extollere, credens à teipso tibi esse, quod ab illo te fingis orare.* Vide TRIUM-
PHUM THOMISTARUM Opusc. 1. de Scientiâ Mediâ ad examen revocatâ cap. 2. art. 1.
n. 110. in refutatione *Imioris Molinistæ*. & Opusc. 3. de Libertate cap. 11. §. ult.
Illis in locis invenies *Defensorem* in suo Prædecessore abundè refutatam. Silet,
nec eorum aliquid meminit, testimonium suo silentio perhibens veritati,
quam non valuit infringere.

CLXXV. Hæc, inquit TRIUMPHUS, ratione non urgetur gratia sufficiens
oblata, siquidem quod offertur adhuc debet peti ut donetur. Subjungit *De-
fensor* n. 457. *Id quidem rectè; cum ergò admittamus gratiam proximè sufficientem non esse
semper actu datam, sed plerumque tantum oblatam; juxta nos adhuc peti debet, ut donetur.*

Nuper vidimus *Defensorem* exigentem ad injustam violationis præcepti ex-
cusationem gratiam sufficientem actu datam nullo ulteriori auxilio egentem:
non enim apud ipsum injusta esse potest excusatio cum carentiâ alicujus me-
dii necessarij ad impletionem præcepti. Oportet igitur, ut sibi contradicat,
dum concedit aliquam esse gratiam oblatam: quæ cum sit medium necessa-
rium ad impletionem præcepti, gratia sufficiens reddens injustam excusatio-
nem, non erit gratia nullo ulteriori auxilio egens: quam tamen ipse exigit ad
injustam excusationem, ut vidimus n. 162.

Gratiam sufficientem oblatam, quam defendunt utriusque Solis Ecclesiæ
Discipuli, impugnat *Defensor gratiæ versatilis* n. 458. his verbis: *Quæro ex te, qui*

gravi tentatione urgeatur ad peccandum, habetne gratiam tantum oblatam ut oret? Atqui orare non potest, quemadmodum oportet, nisi actu sit data: ergo si juxta te, gratia ad orandum necessaria sit tantummodo illi oblata, nequit fieri ut oret. Quod si actu sit data, non est quod sit de orando juxta doctrinam tuam sollicitus: nullam enim gratiam agnoscis, quæ non sit efficax &c.

CLXXVI. Respondeo Defensori, gratiam sufficientem ad orandum sicut oportet quandoque esse oblatam tantum; quandoque esse actu datam. Dicitur oblata, non sensu Molinistico, quasi Deus expectet consensum voluntatis ut actu detur; sed sensu Angelico, inquantum parata est sub condicionali datione, quâ daret eam Deus, si ei non poneretur impedimentum. Quare homini imputatur, quod non habeat actu datam, si posuerit ei obstaculum. Dum subsumit Defensor: Atqui orare non potest, nisi actu sit data: distinguitur subsumptum: orare non potest per se, seu potestate ex DATIS ortâ, conceditur. Orare non potest per alium, seu potestate ex DANDIS ortâ, negatur. Patet solutio ex dictis n. 141.

Dicitur gratia sufficiens ad orandum actu data: quando Deus inspirat amorem justitiæ hic & nunc occurrentis minùs fortem, quàm sit amor concupiscentiæ insurgentis; tunc vult homo infirmus implere præceptum, & non potest propter fortiorem amorem concupiscentiæ insurgentis, ad quem se determinat. Tunc expiratur quæ Apostolus in se sentiebat, dum Rom 7. dicebat. *Velle, adjacet mihi: perficere autem bonum non invenio. Non enim quod volo bonum, hoc facio: sed quod odi malum, hoc ago.* Dum homini sic constituto supervenit lumen divinx illustrationis, quo infirmitatem suam, & simul medicum agnoscens cum Apostolo exclamat: *Infelix ego homo, quis me liberabit de corpore mortis hujus? Gratia Dei per Iesum Christum Dominum nostrum.* Tunc habet gratiam sufficientem actu datam ad orandum, licet nondum sit sufficiens ad implendum præceptum. Nam homo infirmus sic illustratus, ex amore justitiæ hic & nunc occurrentis, licet non possit se applicare ad implendum præceptum, potest tamen se applicare cum gratiâ universaliter prædeterminante ad orandum sicut oportet; quæ gratia universaliter prædeterminans, si non detur, remanebit potestas sufficiens orandi actu DATA sine effectu ad quem ordinatur: ac proinde falsum est, quod ait Defensor, nullam nos gratiam agnoscere, quæ non sit efficax. Agnoscimus gratiam sufficientem ad orandum sicut oportet, etiam actu DATAM, quæ non sit efficax ad orandum.

CLXXVII. Non sic est de impletione præcepti. Nam non datur sufficiens potestas actu DATA ad implendum præceptum, nisi datus fuerit amor fortior justitiæ hic & nunc occurrentis, qui secum trahit impletionem præcepti: ex quo fit ut potestas sufficiens applicandi se ad implendum præceptum nunquam sit in homine infirmo actu DATA, quæ non sit efficax simul ad illius impletionem; sive hoc habeat ex duobus auxiliis, quorum unum sit specialiter, alterum univer-

aliter prædeterminans ; sive virtute unius auxilii, quod sit eminenter utrumque.

OBJICIENS. Amor fortior concupiscentiæ impedit, ne possit sufficienter *ex propria applicatione* impleri præceptum, etiam in eo qui inspiratum habet minùs sortem justitiæ hic & nunc occurrentis amorem : ergò impedit etiam ne quis possit sufficienter *ex propria applicatione* orare.

RESPONDETUR, negando conseq. Disparitas est, quòd amor fortior concupiscentiæ suo impedimento præstat orationis fundamentum. Oratio fundatur in indigentia potestatis. Qui facit hominem indigentem potestate, præstat orationis fundamentum. Cùm ergò amor fortior concupiscentiæ suo impedimento faciat hominem indigentem potestate, præstabit orationis fundamentum. Ex alià parte ad quemcumque amorem naturaliter sequitur desiderium habendi rem amatam, & vincendi impedimenta. Ad amorem justitiæ hic & nunc occurrentis sequitur desiderium implendi præceptum, & de facto impletur ; si fortiori amore non impediretur. Adveniente igitur cognitione, quòd per alium possit vincere impedimentum fortioris amoris, ex desiderio vincendi impedimenta, remanet sufficienter potens applicandi se ad orandum.

Hæc est TRIUMPHI THOMISTARUM ex gemino Ecclesiæ Sole doctrina, quòd omnibus hominibus infirmis parata sit gratia sufficiens, nec non & gratia efficax ; tum ad orandum *sicut oportet*, tum ad implendum præceptum *sicut oportet*. Quibusdam actu datur gratia sufficiens ad orandum, quæ non sit efficax ; nulli autem actu datur gratia sufficiens ad implendum præceptum, quin sit etiam efficax. Contra istam doctrinam, sicut & contra tentatam à TRIUMPHO Concordiam non potuit prævalere *Defensor* ; & idè firmus permanebit TRIUMPHUS, nec fuit ante victoriam decantatus. *Regi seculorum immortalis, & invisibili, soli Deo honor, & gloria in secula seculorum, Amen.*

C A P V T I V.

Refutatio Capituli quarti.

CLXXVIII. **D**Eformitatem Scientiæ Mediæ conclusit a. 4. Opusculi primi TRIUMPHUS THOMISTARUM, ex vanitate, quâ, *inquit*, volens liberum servare arbitrium subdendo gratiam libertati, utrumque perdidit, & gratiam, & libertatem. Justo Dei judicio factum credimus,

„*prosequitur TRIUMPHUS, ut in foveam incideret, quam alteri paraverat. Gratiam prædeterminantem sperabat brevi ruituram, si pro veritate continuo obtruderet quamdam apparentiam, quâ impossibile videtur, iustitiam sustinere increpationum, dominium defendere libertatis, & causalitatem à Deo remove peccati, si insuperabiliter & indeclinabiliter gratia sibi subijciat voluntatem. Verùm tantò gloriosius triumphat GRATIA VICTRIX ET PRÆDETERMINANS, quantò clariùs conspicit, Scientiam Mediam adversum se extollentem, non solum in eadem, sed in majores incidisse difficultates, & ex parte gratiæ & ex parte libertatis, & ex parte actus peccati.*

Tribus istis per plures paragraphos efficaciter, nec minùs clarè probatis, collegit Speculum Scientiæ Mediæ, quod integrum Cordato Lectori objicimus, ut uno ferè intuitu Molinistas prospiciat in eadem & majores incidisse difficultates.

S P E C V L V M S C I E N T I Æ M E D I Æ

In quo clarè conspicitur, Scientiam Mediam
eandem, & majores pati difficultates, quas
pati videtur sententia AUGUSTINI.

Non nisi duplex est modus conciliandi libertatem voluntatis creatæ cum divinis decretis. Unus, quo libertas decernitur ex omnipotentia sine ullâ scientiâ prius explorante. Alter, quo libertas decernitur ex præscientiâ, quam oportet antecedere efficaciam divini decreti. Primus modus convenienter dicitur præscientia libertatis, & hunc adinvenit P. Molina. Secundus, quem invictè defendit S. AUGUSTINUS, non incongruè nominatur prædestinatio libertatis. Virumque in hoc seculo proponimus, ut se prospiciant Molinistæ, & Cordati mirentur, quàm in vanum laboraverint in adificatione Scientiæ Mediæ, eo ipso quòd Dominus in S. AUGUSTINO loquens non edificavit eam.

LIBERTATIS

PRÆDETERMINATIO. ✥ PRÆSCIENTIA.
 DECRETVM EX ✥ DECRETVM EX
 Omnipotentiâ. ✥ Præscientiâ.

EASDEM PATIUNTUR DIFFICULTATES.

Deus decernit Petrum crediturum, sine læsione libertatis: quia *vult* quòd in istis circumstantiis non solum credat, sed etiam liberè credat.

Idèò in istis circumstantiis liberè credit, quia *prævoluitum* est, quòd se determinaret ad credendum.

Necesse est, fieri quod est à Deo *prævoluitum*: si ergò *prævoluitum* est, quòd Petrus in istis circumstantiis se determinet liberè ad credendum; Necesse erit, Petrum in istis circumstantiis se determinare liberè ad credendum.

Necessitas dependens à libertate *prævoluita* non est antecedens, sed consequens: quia non minùs conjungitur libertati, quod *infern* libertatem, quàm quod *supponit* libertatem.

MINORES PATITUR DIFFIC.

Decretum ex *omnipotentiâ* subdit totaliter Deo liberam voluntatis creatæ determinationem.

Defenditur à S. AUGUSTINO cōtra suos Impugnatores.

Deprimit arbitrium, ut in Domino, non in seipso gloriatur.

Deus decernit Petrum crediturum, sine læsione libertatis: quia *scit* quòd in istis circumstantiis non solum credet, sed etiam liberè credet.

Idèò in istis circumstantiis liberè credit, quia *præscitum* est, quòd se determinaret ad credendum.

Necesse est, fieri quod est à Deo *præscitum*: si ergò *præscitum* est, quòd Petrus in istis circumstantiis se determinet liberè ad credendum; Necesse erit Petrum in istis circumstantiis se determinare liberè ad credendum.

Necessitas dependens à libertate *præscita* non est antecedens, sed consequens: quia non minùs conjungitur libertati, quod *supponit* libertatem, quàm quod *infern* libertatem.

MAJORES PATITUR DIFFIC.

Decretum ex *præscientiâ* non subdit totaliter Deo liberam voluntatis creatæ determinationem.

Defenditur ab Impugnatoribus cōtra S. AUGUSTINUM.

Elevat arbitrium, ut in seipso, non in Domino gloriatur.

GRATIA DE-
terminans.GRATIA DE-
terminata.

EASDEM PATIUNTUR DIFFICULTATES.

Datur uni gratia determinans
arbitrium, quæ non datur alteri.

Cur uni detur gratia determi-
nans arbitrium, & non alteri; Res-
pondet Apostolus, Tu *homo*, *quis*
es, qui respondeas Deo?

Dicunt Judæi, quid præ Tyriis
increpamur? Nam æquè benè ac
Tyrii credidissimus, si voluisset
Deus nobis dare gratiam determi-
nantem, quam dedisset Tyriis.

Væ tibi Corozain, quia volun-
tati tuâ obstinatione post tot sig-
na auxilium determinans arbi-
trium tibi paratum impedivisti,
quod sibi paratum Tyrii non im-
pedivissent gratiâ determinante
eorum arbitrium, si tot signa eis
facta fuissent.

MINORES PATITUR DIFFIC.

Gratia determinans arbitrium
est prima radix discretionis bono-
rum à malis.

In gratiâ determinante, vo-
luntas est *pedissequa*, & gratia *Do-*
mina. Hæc totum tribuit Deo, ut
in nullo gloriatur, cum nihil sit
nostrum.

Dantur uni certæ circumstan-
tiæ, quæ non dantur alteri.

Cur uni dentur circumstantiæ
congruæ, quæ non dantur alteri?
Respondet Apostolus, Tu *homo*,
quis es, qui respondeas Deo?

Dicunt Judæi quid præ Tyriis
increpamur; Nam æquè benè ac
Tyrii credidissimus, si voluisset
Deus nos ponere in circumstan-
tiis illis, in quibus posuisset Tyrios.

Væ tibi Corozain, quia volun-
tati tuâ obstinatione post tot sig-
na auxilium ab arbitrio deter-
minandum tibi paratum reddi-
disti inefficax: quod sibi para-
tum Tyrii reddidissent efficax ar-
bitrio eorum determinante gra-
tiam, si tot signa eis facta fuissent.

MAJORES PATITUR DIFFIC.

Arbitrium determinans gratiam
est prima radix discretionis bono-
rum à malis.

In gratiâ determinatâ volun-
tas est *Domina*, & gratia *pedis-*
sequa. Hæc partem sibi vindicat;
partem relinquit Deo, & primam
sibi dat.

LIBERTAS
prævolita.

LIBERTAS
præscita.

EASDEM PATIUNTUR DIFFICULTATES.

Quidquid fit ex suppositione libertatis non potest lædere libertatem; etiam si antecedit actum liberum.

Ergò quod fit ex suppositione libertatis *prævolita*, non potest lædere libertatem, etiam si antecedit actum liberum.

Ratio consequentiæ est, quòd *esse prævolitum* non est conditio destruens libertatem; alioquin non posset dici *libertas prævolita*, sed deberet dici necessitas *prævolita*.

MINORES PATITUR DIFFIC.

Libertas *prævolita* facit secundum liberum in suâ liberâ determinatione dependere à primo libero. Similiter & secundum determinans à primo determinante.

Ideò gratia prædeterminans supponens libertatem *prævolitam*, est congrua libertati *secundi liberi*.

Quidquid fit ex suppositione libertatis non potest lædere libertatem, etiam si antecedit actum liberum.

Ergò quod fit ex suppositione libertatis *præscita*, non potest lædere libertatem, etiam si antecedit actum liberum.

Ratio consequentiæ est, quòd *esse præscitum* non est conditio destruens libertatem; alioquin non posset dici *libertas præscita*, sed deberet dici *necessitas præscita*.

MAJORES PATITUR DIFFIC.

Libertas *præscita* tollit dependentiam secundi liberi in suâ liberâ determinatione à primo libero. Similiter & secundi determinantis à primo determinante.

Ideò gratia congrua supponens libertatem *præscitam*, est incongrua libertati *secundi liberi*.

CONCURSUS CONCURSUS præuius ad materiale peccati. pedissequus ad materiale peccati.

EASDEM PATIUNTUR DIFFICULTATES.

Deus concursu prævio determinat voluntatem ad actum odii hîc & nunc liberè ponendum.

Non tamen determinat ad *malitiam*, quia actus odii hîc & nunc liberè ponendus habet duas rationes, unam, *ad quam sequitur malitia*, aliam, *ad quam non sequitur malitia*. Deus autem determinat actum odii hîc & nunc liberè ponendum sub illâ ratione, *ad quam non sequitur malitia*.

Deus concursu pedissequo determinatur à voluntate ad actum odii hîc & nunc liberè ponendum.

Non tamen determinatur ad *malitiam*, quia actus odii hîc & nunc liberè ponendus habet duas rationes, unam, *ad quam sequitur malitia*, aliam, *ad quam non sequitur malitia*. Deus autem determinatur ad actum odii hîc & nunc liberè ponendum sub illâ ratione, *ad quam non sequitur malitia*.

MINORES PATITUR DIFFIC.

Concursus præuius non potest esse causa physica *malitiæ*, quia voluntas *ut deficiens* non subditur illi. Est tamen causa physica *bonitatis*, quia voluntas *ut efficiens* subditur illi.

Idèò perditio nostra ex nobis, & auxilium nostrum in solo Deo est, cui gloria & honor in sæcula sæculorum. Amen.

MAIORES PATITUR DIFFIC.

Concursus pedissequus debet esse causa physica *malitiæ*, non minùs ac est causa physica *bonitatis*; quia quantum est ex parte Dei æqualiter determinatur à voluntate, ad *malitiam* vel *bonitatem*.

Idèò perditio nostra ex Deo, & auxilium nostrum à propriâ voluntate est, cui vituperium & opprobrium in sæcula, &c. Amen.

§. I. *Comparatio Decreti ex omnipotentia & Decreti ex præscientia vindicatur.*

CLXXIX. **N**on Scholaribus, sed **CORDATIS**, qui difficultatis novere punctum, formatum est Scientiæ Mediæ Speculum. *Defensor gratiæ versatilis* apprimè sciens nihil se apud Cordatos effecturum, frustra enim jacitur rete ante oculos pennatorum; ut aliquammodo suis satisfaceret Scholaribus, Speculū nostrum à suo separavit fundamento. Quemadmodum speculum non reverberat faciem intuentis, si chalybs, aut plumbum quod retrò est, detergatur. Ita Scientiæ Mediæ Speculum à **TRIUMPHO** formatum, eam iisdem & majoribus implicatam difficultatibus non representabit, si à fundamento & principio suo separetur. Quæ *Defensor* separavit, iterum conjungemus, & adeò clarè, *Deo prædeterminante*, exponemus, ut non tantum Cordati, sed & Scholares ipsi veritatem Speculi nostri sint agnitiuri.

Fundamentum, quo reverberatur veritas primæ comparationis, est duplex decretum supra cap. 2. §. 3. expositum. Id quod facit Deus in tempore est ab æterno efficaciter prævolitum, & certò præscitum. Sicut in tempore duo sunt principia actus v. g. fidei, gratia & liberum arbitrium: ita in æternitate duo sunt principia actus fidei, prævolitio & præscientia. Nullus Catholicus id negat: sed eadem est de principiis æternis, ac de temporalibus difficultas: an scilicet sicut in principiis temporalibus unum est causa influendi alteri, vel enim gratia sive sit excitans, sive sit adjuvans est causa cur liberum arbitrium hic & nunc influat in opus, vel liberum arbitrium est causa cur gratia hic & nunc influat in opus: ita in æternis queritur, an unum sit ratio alterius, ita ut, vel efficacia decreti oriatur ex certitudine alicujus præscientiæ? vel certitudo præscientiæ oriatur ex efficaciâ alicujus decreti? Primum decretum vocari potest decretum ex omnipotentia efficaciæ; secundum dici potest decretum ex præscientia efficaciæ. Quorum differentiam vide loco citato.

Ad hoc fundamentum singulas hujus comparationis examinemus propositiones, & *Defensorem* punctum fugisse difficultatis inveniemus.

Prima combinatio aequalis difficultatis.

1. Deus decernit Petrum crediturum sine læsione libertatis: quia **VULT** quòd in istis circumstantiis non solum credat sed etiam liberè credat.
2. Deus decernit Petrum crediturum sine læsione libertatis: quia **SCIT** quòd in istis circumstantiis non solum credet, sed etiam liberè credet.

CLXXX. Prima propositio tribuitur Decreto ex omnipotentia efficaci. Illud

CONCURSVS

prævius ad materiale
peccati.

CONCURSVS

pedissequus ad mate-
riale peccati.

EASDEM PATIUNTUR DIFFICULTATES.

Deus concursu prævio deter-
minat voluntatem ad actum odii
hîc & nunc liberè ponendum.

Non tamen determinat ad *ma-
litiam*, quia actus odii hîc & nunc
liberè ponendus habet duas ra-
tiones, unam, *ad quam sequitur
malitia*, aliam, *ad quam non sequi-
tur malitia*. Deus autem determi-
nat actum odii hîc & nunc liberè
ponendum sub illâ ratione, *ad
quam non sequitur malitia*.

MINORES PATITUR DIFFIC.

Concursus prævius non potest
esse causa physica *malitiæ*, quia vo-
luntas *ut desiciens* non subditur illi.
Est tamen causa physica *bonitatis*,
quia voluntas *ut efficiens* subditur
illi.

Ideò perditio nostra ex nobis,
& auxilium nostrum in solo Deo
est, cui gloria & honor in sæcu-
la sæculorum. Amen.

Deus concursu pedissequo de-
terminatur à voluntate ad actum
odii hîc & nunc liberè ponendum.

Non tamen determinatur ad
malitiam, quia actus odii hîc &
nunc liberè ponendus habet duas
rationes, unam, *ad quam sequitur
malitia*, aliam, *ad quam non sequitur
malitia*. Deus autem determinatur
ad actum odii hîc & nunc liberè
ponendum sub illâ ratione, *ad
quam non sequitur malitia*.

MAJORES PATITUR DIFFIC.

Concursus pedissequus debet esse
causa physica *malitiæ*, non minùs
ac est causa physica *bonitatis*;
quia quantum est ex parte Dei
æqualiter determinatur à volun-
tate, ad *malitiam*, vel *bonitatem*.

Ideò perditio nostra ex Deo, &
auxilium nostrum à propriâ vo-
luntate est, cui vituperium & op-
probrium in sæcula, &c. Amen.

§. I. *Comparatio Decreti ex omnipotentia & Decreti ex præscientia vindicatur.*

CLXXIX. **N**ON Scholaribus, sed CORDATIS, qui difficultatis novere punctum, formatum est Scientiæ Mediæ Speculum. *Defensor gratiæ versatilis* apprimè sciens nihil se apud Cordatos effecturum, frustra enim jactatur rete ante oculos pennatorum; ut aliquammodo suis satisfaceret Scholaribus, Speculū nostrum à suo separavit fundamento. Quemadmodum speculum non reverberat faciem intuentis, si chalybs, aut plumbum quod retrò est, detegatur. Ita Scientiæ Mediæ Speculum à TRIUMPHO formatum, eam iisdem & majoribus implicatam difficultatibus non representabit, si à fundamento & principio suo separetur. Quæ *Defensor* separavit, iterum conjungemus, & adeò clarè, *Deo prædeterminante*, exponemus, ut non tantum Cordati, sed & Scholares ipsi veritatem Speculi nostri sint agnitori.

Fundamentum, quo reverberatur veritas primæ comparationis, est duplex decretum supra cap. 2. §. 3. expositum. Id quod facit Deus in tempore est ab æterno efficaciter prævolitum, & certò præscitum. Sicut in tempore duo sunt principia actus v. g. fidei, gratia & liberum arbitrium: ita in æternitate duo sunt principia actus fidei, prævolitio & præscientia. Nullus Catholicus id negat: sed eadem est de principiis æternis, ac de temporalibus difficultas: an scilicet sicut in principiis temporalibus unum est causa influendi alteri, vel enim gratia sive sit excitans, sive sit adjuvans est causa cur liberum arbitrium hic & nunc influat in opus, vel liberum arbitrium est causa cur gratia hic & nunc influat in opus: ita in æternis queritur, an unum sit ratio alterius, ita ut, vel efficacia decreti oriatur ex certitudine alicujus præscientiæ? vel certitudo præscientiæ oriatur ex efficacia alicujus decreti? Primum decretum vocari potest decretum ex omnipotentia efficax; secundum dici potest decretum ex præscientia efficax. Quorum differentiam vide loco citato.

Ad hoc fundamentum singulas hujus comparationis examinemus propositiones, & *Defensorem* punctum fugisse difficultatis inveniemus.

Prima combinatio aequalis difficultatis.

1. Deus decernit Petrum crediturum sine lesione libertatis: quia VULT quod in istis circumstantiis non solum credat sed etiam liberè credat.
2. Deus decernit Petrum crediturum sine lesione libertatis: quia SCIT quod in istis circumstantiis non solum credet, sed etiam liberè credet.

CLXXX. Prima propositio tribuitur Decreto ex omnipotentia efficaci. Illud

enim non ob aliam rationem dicitur non lædere libertatem, quàm quòd se extendat non solum ad substantiam actus fidei, sed etiam ad modum illius quò liberè sit. Et idèò dicitur *ex omnipotentia*, quà potest & actus substantiam, & actus libertatem efficere; sortiri suam efficaciam. Secunda propositio tribuitur decreto *ex præscientia efficaci*. Illud enim non ob aliam rationem dicitur non lædere libertatem, quàm quòd sequatur ad præscientiam, quà prævidetur conditionatè, non tantum substantia actus fidei, sed & libertas illius: ex quà præscientià dicitur sortiri suam efficaciam, quà absolute decernit actum liberum fidei. Quare vera utriusque propositionis differentia est, quòd prima propositio *efficaciam divinæ voluntatis*, secunda *præscientiam* assignet pro primâ radice, cur decretum Dei non lædat libertatem.

Non valuit *Defensor* veritatem istius differentie enervare. Quid fecit? Aliam ipse finxit differentiam, quam ferire posset. *Inter has duas propositiones*, inquit n. 518. *hoc discrimen est, quòd prima asserat idèò nos liberè credere, quia Deus vult ut liberè credamus. Secunda verò quia Deus scit nos liberè credimus*. Manifestum est quòd in primâ istâ combinatione non redditur ratio, cur liberè credamus, sed redditur ratio & prima radix, cur Dei decretum quò decernit ut credamus, non lædat libertatem. Etenim verba utriusque propositionis sunt: *Deus decernit sine læsione libertatis, quia* &c. In primâ autem propositione, illæsa à decreto libertas reducit in efficaciam voluntatis; in secundâ, in præscientiam. Hoc, inquam, non valens infringere *Defensor*, aliud excogitavit quòd feriret.

Secunda combinatio æqualis difficultatis.

1. *Idèò in istis circumstantiis liberè credit, quia prævolitum est quòd se determinaret ad credendum.*

2. *Idèò in illis circumstantiis liberè credit, quia præscitum est, quòd se determinaret ad credendum.*

CLXXXI. Si utramque propositionem separaveris à suo fundamento, uti fecit *Defensor*, veritatem non prospicies in *Speculo Scientia Medie*, sicut nec faciem tuam in materialibus speculis, si ea à chalybe separaveris. Fundamentum est suprâ positum n. 179. Ex quo habetur, quòd licet libertas actus fidei in omni sententiâ sit efficaciter prævolita, & sit certò præscita; una tamen asserit, quòd efficacia voluntatis sit causa, seu ratio certitudinis scientiæ, & in hac sententiâ verificatur, quòd prima radix, cur liberè credamus, sit prævolitio, ut ait prima propositio, quam tribuit *Speculum* decreto *ex omnipotentia* efficaci. Alia sententiâ asserit, quòd certitudo scientiæ, sit causa, seu ratio efficacis voluntatis; & in hac sententiâ verificatur, quòd prima radix, cur liberè credamus, sit præscientiâ; ut ait secunda propositio, quam tribuit *Speculum* decreto *ex præscientiâ* efficaci.

Ab hoc fundamento separavit præsentem combinationem *Defensor*, dum n. 520. probat, Molinistas admitte primam propositionem; & infert, *Quam ergo ridiculè adferat prædictam propositionem, & doctrinæ nostræ repugnantem*. Patet ex dictis, quàm solidè adferat *Speculum* prædictam propositionem ut doctrinæ Molinianæ repugnantem. Cum enim de primâ radice libertatis agatur, & primam illam propositionem tribuat *Speculum* decreto ex *omnipotentia* efficaci, sensus propositionis planus est, quòd ideò in istis circumstantiis, liberè credit; quia prævolutum est decreto ex *omnipotentia* efficaci, quòd se determinaret ad credendum: qui sensus è diametro doctrinæ Molinianæ repugnat.

Secundam propositionem falsò tribui Molinistis ait n. 521. *Cum, ut docemus, præscientia non sit causa nostræ determinationis ad credendum: sed potius contra determinatio causa præscientiæ quoad ejus terminationem*. Separavit *Defensor* chalybem à speculo, quem si conjunxisset, ultrò veritatem secundæ propositionis admisisset. Decretum ex præscientiâ efficax, ideò est efficax quia antecedit præscientiâ; concedit *Defensor* n. 522. dicens: quia juxta nos illa prædefinitio ratione posterior est *Scientiâ Mediâ*, & conditionatâ determinatione Petri ad credendum. Jungamus quod n. 518. dixit: quis enim *Defensorum Scientiæ Mediæ* negat, ideò nos liberè credere, quia Deus vult ut liberè credamus? & concludemus, quòd prima radix cur liberè credamus sit præscientiâ. Molinistæ dicunt ideò nos liberè credere, quia Deus vult ut liberè credamus: & ideò Deum velle efficaciter ut liberè credamus, quia antecessit præscientiâ conditionatæ determinationis ad credendum: ergò Molinistæ dicunt, ideò nos liberè credere, quia præstitum est quòd in istis circumstantiis determinemus nos ad credendum: siquidem quod est causa causæ est causa causati.

Tertia combinatio æqualis difficultatis.

1. *Necesse est fieri quod est à Deo PRÆVOLITUM: si ergò PRÆVOLITUM est, quòd Petrus in istis circumstantiis se determinet liberè ad credendum; Necesse erit, Petrum in istis circumstantiis se determinare liberè ad credendum.*

Necesse est fieri quod est à Deo PRÆSCITUM: si ergò PRÆSCITUM est, quòd Petrus in istis circumstantiis se determinet liberè ad credendum; Necesse erit Petrum in istis circumstantiis se determinare liberè ad credendum.

CLXXXII. Addat chalybem *Defensor* speculo, & intuebitur falsum esse quod n. 524. ait: Cum ergò utrique propositioni subscribamus, non nisi ineptè has duas propositiones inter se committit ut contrarias, partiumque dissidentium. Prima propositio tribuitur Decreto ex *omnipotentia* efficaci, id est, nullâ præcedente præscientiâ. Secunda tribuitur Decreto ex *præscientiâ* efficaci, ut patet in speculo, id est, præscientiæ antecedenti decretum efficax. En chalybs appositus. Prospiciat modò *Defensor* utrùm subscribant Molinistæ isti propositioni: Necesse est

tas est cum dicitur celum volvi, quia necesse est ut volvatur: sequens verò quæ nihil efficit, sed sic est cum dico te ex necessitate loqui quia loqueris. Non quod aliquid te cogat ad loquendum. Nam violentia naturalis conditionis cogit celum volvi: et verò nulla necessitas facit loqui. Sed ubicumque est præcedens necessitas, est & sequens; non autem ubi sequens ibi statim & præcedens. Possumus namque dicere, necesse est celum volvi quia volviitur, sed non similiter est verum, idcirco te loqui quia necesse est ut loquaris. Quibus verbis efficaciter evinci putant Molinistæ, omnem necessitatem ex causâ actus ortam esse antecedentem; etenim causam non facit esse actus, sed causa facit quod actus sit; est quoque causa præcedens & efficiens actum, non verò sequens & nihil efficiens. Non poterit igitur necessitas orta ex causâ actus non esse antecedens.

CLXXXV. Diu ista S. Anselmi de necessitate antecedente, & consequente explicatio pauperculum meum torfit ingenium: *sed facile est in oculis Dei subitè honestare pauperem.* Eccl. 11. Ecce unica distinctio totam rem elucidat, & omnes mentis meæ fugavit tenebras. Distinguatür causa actu causans à causâ potente causare, & statim intelligetur, quod necessitas orta ex causâ actu causante sit consequens, necessitas verò ex causâ potente causare sit antecedens. *Necesse est, quod non potest non esse;* ait Sol Angelicus 1. p. q. 82. a. 1. Quando ex causâ potente causare, sive in actu primo, ut aiunt, constituta, oritur, quod actus non possit non esse, est necessitas antecedens: ista enim necessitas antecedit actum prioritate in quo, cogit actum esse, & est causa ut actus sit: quæ sunt conditiones necessitæ antecedentis ab Anselmo explicatæ. Quando autem ex causâ actu causante oritur; quod actus non possit non esse, est necessitas consequens; ista enim necessitas non efficit actum, sed cum actu efficitur; nec antecedit actum, cum ipsa causa actu causans ex quâ oritur, non antecedit actum, non enim inter causam actu causantem, & actum ab eâ causatum est prioritas in quo, sed sola prioritas à quo, quæ non sufficit ut dicatur simpliciter antecedere; sicut in divinis Filius est à Patre, & Pater non idcirco antecedit Filium; sicut & in creatis vestigium est à pede pulveri impresso, & pes pulveri impressus non idcirco antecedit vestigium. Imò ista necessitas causatur ab existentia actus, quia impossibile est quod causa sit actu causans actum, quin existat actus causatus; ac proinde æquivaleret dicere, quod necessitas actus oriatur ex causâ actu causante, ac dicere, quod oriatur ex existentia actus causati.

CLXXXVI. Ubicumque etiam est necessitas orta ex causâ potente causare, est etiam necessitas orta ex causâ actu causante. Non tamen ubi est necessitas orta ex causâ actu causante, ibi statim est & necessitas orta ex causâ in actu primo constituta. Quæ est alia conditio quam tribuit S. Anselmus necessitati antecedenti & consequenti, dicens: *ubicumque est præcedens necessitas, est & sequens; non autem ubi sequens, ibi statim & præcedens.* Necessitas orta ex causâ potente causare, nihil est aliud quàm determinatio quædam causæ ad producendum

actum, sine potestate ad oppositum. Tunc enim verificatur, idè est actus quia necesse est eum esse. Unde manifestum est, istam necessitatem repugnare libertati. Necessitas orta ex causâ actu causante, nihil est aliud, quàm simultanea existentia causæ causantis, & actus causati. Tunc enim verificatur, idè necesse est actum esse, quia coëxistit causæ actu causanti. Unde clarum est, istam necessitatem non repugnare libertati, sed in causâ liberâ actu causante *descendere de liberâ voluntate*, ut loquitur Anselmus. Tam necesse est existere actum liberum ex causâ liberâ actu causante, quàm necesse est existere actum necessarium ex causâ necessariâ actu causante; quàm necesse est existere actum contingentem ex causâ contingente actu causante.

CLXXXVII. Ex his omnibus veritas Speculi nostri mirum in modum re-
verberatur. Nam si necessitas orta ex causâ liberâ actu causante est necessitas consequens, verissimè dictum est, *non minùs conjungi libertati, id quod infert libertatem actus, quàm quod eam supponit*. Falsum econtrâ erit principium *Defensoris* & *Molinistarum*, *omnem necessitatem ex causâ actus ortam, esse necessitatem antecedentem*. Legitimè quoque concludetur, necessitatem ex prædeterminatione physicâ ortam, esse consequentem: cum tota ratio prædeterminationis physicæ ad actum liberum destinata, sit, facere causam liberam actu causantem: & per consequens, si necessaria connexio actus liberi cum causâ liberâ actu causante non inducat necessitatem aliam, quàm consequentem; nec necessaria connexio actus liberi cum physicâ prædeterminatione, quæ facit causam liberam actu causantem, aliam poterit inducere necessitatem, quàm consequentem. Nec minùs clarè id ostendit; quòd prædeterminatio physica ad actum liberum destinata, præsupponat causam habentem potestatem. ad oppositum. Ex causâ autem habente potestatem ad oppositum nulla potest induci necessitas; *non enim necesse est fieri, cuius oppositum potest fieri*.

CLXXXVIII. Idem ex parte decreti sive *ex omnipotentia*, sive *ex prescientia* efficacis, perspicuum est. Nam necessaria & infallibilis connexio actus liberi cum decreto non datur nisi dependenter à causâ proximâ habente potestatem ad oppositum: sicut enim messis futura non connectitur cum divinâ providentiâ nisi dependenter à labore agricolæ: ita nullus actus liber conjungitur cum decretis divinis; nisi dependenter à causâ proximâ habente potestatem ad oppositum, id est, causâ liberâ. Decernit Deus actum liberum fieri à voluntate, sed simul adaptando voluntati potestatem ad oppositum. Unde sicut necesse est actum liberum fieri supposito decreto; ita necesse est eum liberè fieri suppositâ adaptatione causæ proximæ. Præclare hoc S. Anselmus in concordia prædest. cap. 1. *Quoniam quod Deus vult non potest non esse: si Deus vult voluntatem humanam nullâ cogi vel prohiberi necessitate ad volendum, tunc necesse est voluntatem esse liberam, & esse quod vult*. Vis radicem istorum habere profundissimam? con-

verte oculos mentis tuæ ad Solem Angelicum, & illuminabit te D. THOMAS docens: quod voluntas divina est intelligenda ut extrâ ordinem entium existens, velus causa quædam profundens totum ens, & omnes ejus differentias. Sunt autem differentie entis, possibile, & necessarium, & ideo ex ipsâ voluntate divinâ originantur necessitas & contingentia in rebus, & distinctio utriusque secundum rationem proximarum causarum. Ad effectus enim quos voluit necessarios esse, disposuit causas necessarias: ad effectus autem quos voluit esse contingentes ordinavit causas contingenter agentes, id est potentes deficere. Et secundum harum conditionem causarum, effectus dicuntur vel necessarii, vel contingentes; quamvis omnes dependant à voluntate divinâ, sicut à primâ causâ quæ transcendit ordinem necessitatis & contingentie. lib. 1. Periherm. lec. 14.

CLXXXIX. En lumen ad revelationem Theologorum positum, & gloriam Scholæ Thomisticæ, cui benefacimus attendentes, quasi Soli in meridiano esistenti. Aperiant Molinistæ oculos, & à pulveribus Scientiæ Mediæ detergant eos, & videbunt sicut in meridie prædictæ vanitatem Scientiæ. Nam consensus conditionatè prævisus, in statu etiam conditionato, est aliqua entis differentia: ergo oportet ut conditionata illius futuritio cadat sub voluntate divinâ profundente totum ens, & omnes ejus differentias. Econtrâ soliditatem prædeterminationis physicæ conspicient, quæ non applicans ad actum, nisi juxta dispositionem causæ proximæ, talem effectum inducit, qualem exigit causa proxima. Denique intuebuntur quod cum de divinâ providentiâ loquimur, non est dicendum solum, hoc est provisum à Deo, ut sit, sed hoc est provisum à Deo, ut contingenter sit, vel ut necessario sit. Verba sunt Solis Angelici 6. Metaph. lec. 3. in fine. Quibus addit: Quod quidem est singulare in hac causâ, scilicet in divinâ providentiâ. Reliquæ enim causæ non constituunt legem necessitatis, vel contingentie, sed constituunt à superiori causâ nuntur. Unde causalitati cujuslibet alterius causæ subditur solum, quod ejus effectus sit. Quod autem sit necessarium, vel contingenter, dependet ex causâ altiori, quæ est causa entis, in quantum est ens, à quâ ordo necessitatis & contingentie in rebus provenit.

Quasi diceret: sicut generans hominem facit hominem esse, non tamen facit hominem esse animal rationale, aut risibilem, sed conditor naturæ humanæ ipse est, qui facit hominem esse animal rationale, risibilem, &c. Ita causa libera facit suum effectum, id est, actum liberum esse, sed non facit actum suum esse liberum: sed qui dedit causæ liberæ libertatem & potestatem ad oppositum, ipse est qui facit, quod actus ab eâ egrediens sit liber. Ita & prædeterminatione physicâ facit Deus, quod causa libera agat, & quod actus egredietur à causâ liberâ; non tamen prædeterminatione physicâ facit, causam, quam applicat, esse liberam, & actum, quem facit egredi à causâ liberâ, esse liberum; sed adaptatione causæ liberæ hoc facit; adaptando enim causæ proximæ potestatem ad oppositum, facit quod actus, quem à tali causâ sic adaptatâ facit egredi prædeterminatio physica, sit liber.

Combi-

Combinations majoris difficultatis.

1. *Decretum ex omnipotentia sub-*
dit totaliter Deo liberam voluntatis crea-
ta determinationem.

2. *Defenditur à S. AUGUSTINO con-*
tra suos Impugnatores.

3. *Deprimis arbitrium, ut in Domi-*
no, non in seipso gloriatur.

1. *Decretum ex præscientia non sub-*
dit totaliter Deo liberam voluntatis crea-
ta determinationem.

2. *Defenditur ab Impugnatoribus con-*
tra S. AUGUSTINUM.

3. *Elevat arbitrium, ut in seipso, non*
in Domino gloriatur.

CXC. Prima combinatio, & tertia fundantur in principio Cap. 1. §. 1. & 3. firmato, quòd juxta Decretum ex præscientiâ efficax, & gratiam quæ accipit à libero arbitrio, quòd hîc & nunc influat (quæ Molinistæ defendunt) aliquid sit à libero arbitrio, quod non est effectivè ab auxilio gratiæ. At juxta Decretum ex omnipotentia efficax, ac gratiam, quæ sit causa, cur liberum arbitrium hîc & nunc influat, nihil sit à libero arbitrio, quod non sit effectivè ab auxilio gratiæ. Cùm nihil speciale contra principium istud adducat hic *Defensor*, sufficit ad loca citata remittere.

Secunda combinatio fundatur in eo, quòd Molinistæ non valeant se discriminari ab Impugnatoribus S. AUGUSTINI in principali difficultatis puncto tam in æternitate, quàm in tempore. Nam principale difficultatis punctum in æternitate est decretum ex omnipotentia efficax, nulli præscientiæ innixum: quòd decretum refugerunt omnes S. AUGUSTINI impugnatores, ut supra dilucidè ostendimus Cap. 1. §. 7. Rationes attulit TRIUMPHUS Opusc. 1. Cap. 1. 2. §. 5. ob quas prædicti Impugnatores memoratum refugerint Decretum. Easque §. 6. ostendit, nonnisi ab insipiente dici posse militare contra decretum ex præscientiâ efficax. Harum veritate convictus *Defensor* siluit à bonis, & mala, id est, errores, & dogmata erronea confixit, quæ pro bonis redderet nobis. Non tamen in ipsum commoveor, sed ipsi compatio, & quotidie Dominum Jesum plenum gratiæ, & veritatis pro ipso, aliisque Molinistis deprecor, ut ad agnitionem plenitudinis suæ ipsos perducere dignetur. *O veritas Deus fac nos unum tecum in charitate perpetuâ!*

In tempore verò præcipuum difficultatis punctum, est necessitas auxilii essentialiter inferentis actum non omnibus dati. Quod auxilium æquali prosequuntur odio, & Molinistæ & Impugnatores S. AUGUSTINI, ut supra in. §9. luculenter deduximus; & larvam esse probavimus discrimen, quod hîc adducit *Defensor*; nempe bonum usum gratiæ præscitum non habere rationem meriti, aut motivi ad discretionem faciendam. Vide etiam n. §6.

T

§. II.

6. II. In testimonio, quod adducit Defensor gratiæ versacilis
ex S. AUGUSTINO, phrasium illius ignorantem se perhibet.

CXCJ. **A**dduxit Defensor n. 537. testimonium S. AUGUSTINI ex lib. 1. ad Simpl. q. 2. ut præscientiam præire decreto probet. Ait enim ibi S. Doctor: *Quod dictum est, quia elegit nos ante constitutionem mundi, non video quomodo dictum, nisi in. præscientiâ.* Suam iterum ostendit Defensor in AUGUSTINI sensibus ignorantiam, dum putat S. AUGUSTINUM per præscientiam intelligere eam, quæ omne decretum efficax antecedit. Aliud est, quodd Deus in præscientiâ eligat, aliud, quodd in præscientiâ antecedente omne decretum efficax eligat. In præscientiâ eligere est. ad mentem S. Doctoris eligere ex. prævisione alicujus, quod præsupponitur electioni. Pater hoc ex pluribus locis S. AUGUSTINI. sufficiet modò locus n. 63. ex Defensore relatus, in quo dicit: *Non ergò elegit Deus opera cujusquam in præscientiâ, quæ ipse daturus est; sed fidem. elegit in præscientiâ; ut quem sibi crediturum esse præcivit, ipsum elegerit, cui Spiritum Sanctum daret, ut bona operando etiam vitam æternam consequeretur.* Loquitur S. Doctor ut fateretur Defensor secundum suum errorem, quo ante Episcopatum putabat fidem non dari à Deo, sed solum opera bona. Unde in præscientiâ fidei, quæ præsupponitur electioni dicit Deum eos. eligere ad conferendum eis Spiritum Sanctum, per quem bona operarentur.

Quare dum S. AUGUSTINUS dicit nos electos in præscientiâ, intelligit de electione, quæ fit ex prævisione alicujus, quod præsupponitur electioni. Non tamen inde sequitur, quodd prævisio illa antecedit omne decretum efficax. Pro quod sciendum est, quodd intentio efficax dandi gloriam per merita consequendam, ponitur in executione, dando primò merita, & dando secundò gloriam intuitu meritorum. Undè vi istius primæ intentionis gratiæ, quæ Deus misericorditer, & omnino liberaliter intendit quibusdam dare gloriam per merita consequendam, intelligimus Deum ab æterno habuisse duas voluntates ad ordinem executionis pertinentes; unam, quæ nullis præcedentibus meritis voluit dare gratiam; aliam, quæ propter merita DATA voluit dare gloriam. Ratione hujus postremæ voluntatis dicit S. AUGUSTINUS, nos esse electos ante mundi constitutionem in præscientiâ, quæ prævidit nos merita habituros ex vi illius intentionis, quæ decrevit nobis dare gloriam per merita consequendam. Et ita præscientia meritorum præsupponitur postremæ voluntati, subsequitur tamen ad primam intentionem omnino gratuitam.

CXCII. Eam esse S. AUGUSTINI mentem probat, quod in isto loco putaret etymologiam istius nominis, *Electio*, distantiam aliquam in eligendo postulare, *Quomodo est enim, ibid. ait, iusta, aut qualiscumque omnis electio, ubi nulla distantia*

qñz

est hoc est, quomodo vel electio vocari poterit, siue iusta, siue iniusta, si in eligendis nulla meriti cuiusquam differentia? sic seipsum explicat: *Si enim nullo merito electus est Iacob nondum natus, & nihil operatus, non omnino eligi potuit nulla existente differentia, quâ eligeretur.* Et rursùm paulò post: *Vnde igitur ista electio, vel qualis electio, si nondum natus, nondumque aliquid operatus, nulla sunt momenta meritorum?* Et iterùm inferius argumentando concludit: *Nulla ergò electio, antequam esses quod eligeretur, id est, antequam esset aliqua ratio electionis, seu differentia in eligendis.* Et tandem immediatè ante verba quæ *Defensor* obicit, definitivè rem absolvit: *Nemo eligitur, nisi jam distans ab illo qui reiciitur.* Vnde quod dictum est, quia *elegit nos, &c.* Ex particulâ, *Vnde*, manifestum est, S. AUGUSTINUM loqui de electione quæ sit ex præscientiâ alicujus, quod præsupponitur electioni.

Eam autem præscientiam, oriri ex proposito efficaci dandi gloriam per merita, quæ daturus esset, consequendam, patet ex eo, quòd in isto loco non negat istud propositum; sed solum vult tale propositum non posse dici electionem: eò quòd, ut dictum est, ad naturam electionis essentialiter pertinere putaret, in eligendis distantiam. At peritior factus, cùm electionem gratiæ, seu gratuitam, id est, propositum istud dandi uni præ alio tam gratiam, quàm gloriam, posse in æqualibus sortiri nomen electionis, didicisset; tunc significavit pluribus in locis electionem dici gratuitam, quia Deus per suam gratuitam electionem illam ipsam distantiam facit; atque ita eligit, atque diligit, non aliquid quod præsupponatur electioni, sed id quod electio facit. Undè epist. 105. ad Sixtum eundem illum versans locum de electione Iacob; *Ut secundum electionem propositum Dei maneret, qui tantoperè ipsum Simpliciano scribentem torserat, electionem scilicet gratia, inquit, non debiti, electionem, quâ eligendos facit ipse, non invenit, non ex operibus, sed ex vocante, &c.* Quid enim diligebas in Iacob antequam fecisset aliquid boni, nisi gratuitum misericordie suæ donum? Et ad Bonifacium lib. 2. cap. 7. de eodem loco differens: *Electiōnem quippè dixit, ubi Deus non ab alio factum, quod eligat invenit, sed quod inveniat ipse facit, sicut de reliquiis Israël scriptum est, reliquia per electionem gratia salvæ factæ sunt, se autem peritiorē factum ostendit lib. 1. Retract. c. 23. Nondum, inquit, diligentius quasiveram nec adhuc inveneram qualis sit electio gratiæ, de quâ idem dicit Apostolus: Reliquia per electionem gratia salvæ factæ sunt. Quæ usque non est gratia, si eam merita ulla præcedant.*

Sub hac electione gratiæ, id est, gratis factæ, tam eam quæ est ad gratiam, quàm eam quæ est ad gloriam comprehendit, lib. de prædest. SS. cap. 17. *Elegit ergò Deus fideles, sed ut sint; non quia jam erant.* Apostolus Iacobus dicit: *Nonne Deus elegit pauperes in hoc mundo, divites in fide, & heredes regni, quod repromisit Deus diligentibus se? Eligendo ergò facit divites in fide, sicut heredes regni. Rectè quippè in eis hoc eligere dicitur, quod ut in eis faciat eos elegit.* Quo sensu subindè dicit S.

AUGUSTINUS: *Tales nos amat Deus, quales futuri sumus, non quales sumus. Quales enim amat, tales in aeternum conservat.*

CXCIIJ. Quare in illis, quæ facit Deus non aliam agnoscit S. AUGUSTINUS præscientiam, quam eam quæ innitur prædestinationi, id est, æternæ voluntati faciendi illa, quæ in tempore facit. *Prædestinatione quippe Deus ea præstavit, quas fuerat ipse facturus*, lib. de prædest. SS. cap. 10. In illis, quæ non facit recurrit ad præscientiam non innixam voluntati. Ex quo manifestè concluditur, decretum non posse sortiri suam efficaciam ex præscientiâ, nisi in illo opere, quod ex præscientiâ decernit Deus efficaciter fiendum ab ipso, & libero arbitrio, sit aliquid, quod non facit Deus. Nam si in illo opere, quod à Deo & libero arbitrio simul procedit, Deus est causa cur liberum arbitrium hic & nunc influat, nulla erit præscientiæ necessitas, & nihil in isto opere erit, quod non sit à Deo: sufficit enim, quod Deus per scientiam simplicis intelligentiæ cognoscat liberum arbitrium tunc solum hic & nunc influere, quando ipse decreverit, ut efficaciter decernat hujusmodi influxum. Quod decretum nullâ aliâ præcedente præscientiâ erit efficax ex vi omnipotentis potestatis, quâ Deus potest facere in quocumque opere, ut liberum arbitrium hic & nunc influat.

Si verò in illo opere, quod à Deo, & libero arbitrio simul procedit, liberum arbitrium sit causa, cur Deus hic & nunc influat, non Deus cur liberum arbitrium hic & nunc influat, apertissimum est, quod aliquid facit liberum arbitrium, quod non facit Deus; facit enim, & est sibi causa, cur hic & nunc influat, quod Deus non facit. Istud, *liberum arbitrium esse sibi causam influendi*, vocavimus *determinationem liberi arbitrii*; si nomen displiceat *Defensori*, assignet aliud, & rem ipsam tandem agnoscat, videlicet tunc esse opus præscientiæ, quando liberum arbitrium est causa, cur Deus, hic & nunc influat, non verò Deus, cur liberum arbitrium hic & nunc influat. Ut enim non frustretur Dei influxus in opus, quod ab eo, & libero arbitrio debet procedere, necesse erit Deum prævidere, quod si detur in tali occasione, liberum arbitrium eum determinabit, faciendo quod hic & nunc influat. Quâ prævisione positâ, decernere efficaciter poterit prædictum opus. Non igitur opus à Deo, liberoque fiendum arbitrio decernitur *ex præscientiâ* efficaciter, nisi quia in isto opere liberum arbitrium aliquid facit, quod non facit Deus, quod dicimus esse determinationem liberi arbitrii; ac proinde verè dixit SPECULUM, quod *decretum ex præscientiâ non subdit totaliter Deo liberam voluntatis creatæ determinationem*.

Et tale fortè erit Decretum permissivum malitiæ; prævidens enim Deus si in tali occasione non dederit libero arbitrio amorem justitiæ talem, non erit fortior amore concupiscentiæ, & liberum arbitrium ex propriâ determinatione operi, quod à me prædeterminante, & ipso procedit, conjunget malitiam: ex illâ præscientiâ, quâ Deus prævidet malitiam, quam facit arbitrium, & non ipse decre-

decernit efficaciter permittere malitiam, & suâ prædeterminatione concurrere ad illud opus, cui ex determinatione solâ arbitrii prævidit conjungendam esse malitiam. In Angelis verò, & in homine sano sufficit præscientia, quâ Deus prævidet si non dederò gratiam efficacem ad bonum, voluntas se determinabit ad malum: sic etiam prævidetur aliquid, quod non facit Deus; ex quâ præscientiâ decretum permissivum malitiæ fortitur suam efficaciam. De quo infra n. 238. & 239.

CXCIV. Difficultatem semper involvit *Defensor*, dum n. 592. ait: *Sit peccator quispiam induratisissimus, nulla est tanta ejus durities, qua non sit per gratiam aliquam emollienda: nulla tanta ejus in malo obfirmatio, qua non sit virtute alienius gratia congrua flectenda.* Aperitur fucus. Emollio, & flexio arbitrii sunt ipse consensus arbitrii, in quem & gratia, & liberum influat arbitrium. Si liberum arbitrium est causa, cur gratia hic & nunc in consensum influat, & non gratia, cur liberum arbitrium influat: sequitur apertè, quòd liberum arbitrium sit prima causa suæ emolliationis, & flexionis: ac in ea aliquid faciat, quod non faciat gratia. Vide supra n. 87. Et idè non potest evadere *Defensor*, quin prima radix discretionis sit liberum arbitrium, quia ad hoc non exigitur, quòd bonus usus præcitus habeat rationem meriti, aut motivi; sive id habeat, sive non habeat; semper verificatur in opere, quòd à gratiâ, & libero arbitrio procedit, liberum arbitrium esse causam, cur gratia hic & nunc influat; & consequenter discernat; non enim gratia discernit antequam influat, influendo discernit; si liberum arbitrium sit causa, cur gratia influat, ipsum erit causa, cur gratia discernat; non verò gratia erit causa, cur liberum arbitrium se discernat, cum non sit causa secundum Molinistas, cur liberum arbitrium hic & nunc influat. Vide supra n. 55. & 56.

Pro aliis, quæ ex Patribus adducit *Defensor* num. 537. testimoniis, servanda est regula, quam tradit fulgentissimus Ecclesiæ Sol S. AUGUSTINUS libr. de bono perseverantiæ, cap. 19. *Quid ergò nos prohibet, quando apud aliquos verbi Dei Traditores legimus Dei præscientiam, & agitur de electione vocatorum, eandem prædestinationem intelligere: Consule TRIUMPHUM THOMISTARUM, Opusculo J. de Scientiâ Mediâ ad examen revocatâ, cap. 2. art. 4. num. 233.*



fieri quod est à Deo prævolitum decreto antecedente omnem præscientiam: Si ergo prævolitum est decreto antecedente omnem præscientiam, quòd Petrus in istis circumstantiis se determinet ad liberè credendum; Necesse erit Petrum in istis circumstantiis se determinare ad liberè credendum. Prospiciat iterum *Defensor* annon sit isti contraria partiumque dissidentium: Necesse est fieri quod est à Deo præscitum præscientiâ antecedente decretum efficax: Si ergo præscitum est præscientiâ antecedente decretum efficax, quòd Petrus in istis circumstantiis se determinet ad liberè credendum: Necesse erit, Petrum in istis circumstantiis se determinare ad liberè credendum.

Denique prospiciat æqualitatem difficultatis in hoc consistere, quòd secundum veritatem utriusque propositionis datur aliquid ab æterno antecedens determinationem liberam quæ sit in tempore. (In primâ quidem propositione datur decretum ex omnipotentia efficax: In secunda datur decretum ex præscientiâ efficax) quòd antecedens essentialem habet connexionem cum determinatione libera ad credendum; nec cum tali antecedente potest componi negatio determinationis liberæ, aut determinatio ad contrarium. In isto antecedente habente essentialem connexionem cum actu fidei, & cum quo non potest componi oppositum, stat omne difficultatis pondus. Nam sicut arguitur; *Si Deus prævoluit quòd crederem, non poterit aliter fieri.* Ita & arguetur; *si Deus præscivit quòd crederem, non poterit aliter fieri.* Si urgeatur: *si Deo prævolente, quòd credam, non poterit aliter fieri; ergò quidquid fecero, credam.* Ita & urgebitur: *si Deo præsciente, quòd credam, non poterit aliter fieri; ergò quidquid fecero, credam.* Et sic de omnibus quæ difficultatem ingerere possunt ex parte prævolitionis, prospiciet *Defensor* eadem retorqueri contra præscientiam.

CLXXXIII. Vidit istam æqualitatem perspicacissimus Ecclesiæ Sol S. AUGUSTINUS qui lib. de dono persev. cap. 22. retorquet hoc modò argumentum. Obiciebant illius Impugnatores: *Et si qui estis qui obeditis, si prædestinati estis rejiciendi, subtrahentur obedientiæ vires, ut obedire cessetis.* Retorquet argumentum dicens: *Illo autem modo quo id dicendum putant, eadem sententiâ, iisdem pæne verbis ETIAM DE PRÆSCIENTIA DEI, quam certè negare non possunt. PRONUNTIARI POTEST, ut dicatur: si qui obeditis, si præsciti estis rejiciendi, obedire cessetis, nempe hoc verissimum est: ita sane, sed improbissimum, importunissimum, incongruentissimum, non falso eloquio, sed non salubriter valitudine humane infirmitatis appposito. Vide TRIUMPHUM Opusc. 1. in Appendice de causa prædestinationis sectione ultima. Ubi hoc argumentum latè prosequitur.*

Quòd si Molinistæ à præscientiæ argumento se expedire putant dicendo, Deum non solum præscire quòd credam sed etiam præscire quòd liberè sim crediturus; quia ejus præscientia sicut & supponit actum fidei, ita & supponit libertatem actus. Ita & Cordati se verissimè expedient à prævolitionis argumento dicendo, Deum non solum prævelle quòd credam, sed etiam præ-

velle quòd liberè sim crediturus; quia ejus prævolutio sicut & infert actum fidei, ita & infert libertatem actus. Equantur igitur prævolutio & præscentia in hoc, quòd utraque terminatur ad objectum suum, & secundum substantiam, & secundum omnem illius modum: in hoc solummodo differentes: quòd respectus prævolutiois ad suum objectum sit respectus causæ ad effectum; respectus vero præscentiæ ad suum objectum sit quasi respectus effectus ad causam, ut enim ait Defensor n. 528. *præscentia non est prior objecto suo, sed ratione posterior.* Quæ differentia nihil diminuit de æqualitate difficultatis; quia semper verificatur quòd utrumque sit antecedens, habens essentialem connexionem cum actu fidei, & non compatiens secum oppositum. Aggravat tamen difficultatem ex parte præscentiæ, ut dicetur infra.

Quarta combinatio æqualis difficultatis.

1. *Necessitas dependens à libertate PRÆVOLITÂ non est antecedens sed consequens: quia non minùs conjungitur libertati, quod INFERT libertatem, quàm quod SUPPONIT libertatem.*

2. *Necessitas dependens à libertate PRÆSCITÂ non est antecedens sed consequens: quia non minùs conjungitur libertati, quod SUPPONIT libertatem, quàm quod INFERT eam.*

CLXXXIV. Prima propositio tribuitur decreto ex omnipotentia efficaci; & sic per libertatem prævolutam intelligitur libertas prævoluta *ante antecedentem omnem præscentiam.* Secunda propositio tribuitur decreto ex *præscentia* efficaci; unde per libertatem præscentiam intelligitur libertas præscentia *præscentia antecedente decreto efficaci.* Utraque de libertate actus intelligitur. Ex quo manifestum est eas esse partium dissidentium, & primam à discipulis gemini Ecclesiæ Solis sustineri, & secundam à Molinistis.

Rationem improbat Defensor n. 528. *non enim ex hac conjunctione, ait, petendum est, an necessitas sit antecedens, an consequens, sed ex modo conjunctionis: si necessitas istius conjunctionis oriatur ex causa ejus, est antecedens, quia causa necessario prior est effectui suo: si ex aliquo posteriori, est consequens.* Cum igitur necessitas exercitii proveniens ex prædeterminatione physica, sit ab illius causa non est consequens, sed antecedens: deducta autem ex præscentia est tantum consequens, quia præscentia non est prior objecto suo, sed ratione posterior.

Magna est Defensoris, cæterorumque Molinistarum de necessitate antecedente & consequente hallucinatio. Apparenti innituntur principio, videlicet, quòd omnis necessitas orta ex causâ actus sit antecedens. Illudque defumi putant ex S. Anselmo lib. *cur Deus homo* cap. 18. ubi loquens de necessitate, quâ necesse est aliquid esse futurum, supposito quòd futurum sit, ait: *Hujusmodi autem necessitas non cogit rem esse, sed esse rei facit necessitatem esse. Est namque necessitas præcedens, quæ causa est ut sit res, & est necessitas sequens quam res facit. Præcedens & efficiens neces-*

tas est cum dicitur calum volvi, quia necesse est ut volvatur: sequens verò quæ nihil efficit, sed sic est cum dico te ex necessitate loqui quia loqueris. Non quod aliquid te cogat ad loquendum. Nam violentia naturalis conditionis cogit calum volvi: id verò nulla necessitas facit loqui. Sed ubicumque est præcedens necessitas, est & sequens; non autem ubi sequens ibi statim & præcedens. Possumus namque dicere, necesse est calum volvi quia volvitur, sed non similiter est verum, idcirco te loqui quia necesse est ut loquaris. Quibus verbis efficaciter evinci putant Molinistæ, omnem necessitatem ex causâ actus ortam esse antecedentem; etenim causam non facit esse actus, sed causa facit quod actus sit; est quoque causa præcedens & efficiens actum, non verò sequens & nihil efficiens. Non poterit igitur necessitas orta ex causâ actus non esse antecedens.

CLXXXV. Diu ista S. Anselmi de necessitate antecedente, & consequente explicatio pauperculum meum torfit ingenium: *sed facile est in oculis Dei subito honestare pauperem.* Eccli 11. Ecce unica distinctio totam rem elucidat, & omnes mentis meæ fugavit tenebras. Distingatur causa actu causans à causâ potente causare, & statim intelligitur, quod necessitas orta ex causâ actu causante sit consequens, necessitas verò ex causâ potente causare sit antecedens. *Necesse est, quod non potest non esse;* ait Sol Angelicus 1. p. q. 82. a. 1. Quando ex causâ potente causare, sive in actu primo, ut aiunt, constituta, oritur, quod actus non possit non esse, est necessitas antecedens: ista enim necessitas antecedit actum prioritate in quo, cogit actum esse, & est causa ut actus sit: quæ sunt conditiones necessitatis antecedentis ab Anselmo explicatæ. Quando autem ex causâ actu causante oritur; quod actus non possit non esse, est necessitas consequens; ista enim necessitas non efficit actum, sed cum actu efficitur; nec antecedit actum, cum ipsa causa actu causans ex quâ oritur, non antecedit actum, non enim inter causam actu causantem, & actum ab eâ causatum est prioritas in quo, sed sola prioritas à quo, quæ non sufficit ut dicatur simpliciter antecedere; sicut in divinis Filius est à Patre, & Pater non idcirco antecedit Filium; sicut & in creatis vestigium est à pede pulveri impresso, & pes pulveri impressus non idcirco antecedit vestigium. Imò ista necessitas causatur ab existentia actus, quia impossibile est quod causa sit actu causans actum, quin existat actus causatus; ac proinde æquivaleret dicere, quod necessitas actus oriatur ex causâ actu causante, ac dicere, quod oriatur ex existentia actus causati.

CLXXXVI. Ubicumque etiam est necessitas orta ex causâ potente causare, est etiam necessitas orta ex causâ actu causante. Non tamen ubi est necessitas orta ex causâ actu causante, ibi statim est & necessitas orta ex causâ in actu primo constituta. Quæ est alia conditio quam tribuit S. Anselmus necessitati antecedenti & consequenti, dicens: *ubicumque est præcedens necessitas, est & sequens; non autem ubi sequens, ibi statim & præcedens.* Necessitas orta ex causâ potente causare, nihil est aliud quàm determinatio quædam causæ ad producendum

actum, sine potestate ad oppositum. Tunc enim verificatur, idè est actus quia necesse est eum esse. Unde manifestum est, istam necessitatem repugnare libertati. Necessitas orta ex causâ actu causante, nihil est aliud, quàm simultanea existentia causæ causantis, & actus causati. Tunc enim verificatur, idè necesse est actum esse, quia coëxistit causæ actu causanti. Unde clarum est, istam necessitatem non repugnare libertati, sed in causâ liberâ actu causante descendere de liberâ voluntate, ut loquitur Anselmus. Tam necesse est existere actum liberum ex causâ liberâ actu causante, quàm necesse est existere actum necessarium ex causâ necessariâ actu causante; quàm necesse est existere actum contingentem ex causâ contingente actu causante.

CLXXXVII. Ex his omnibus veritas Speculi nostri mirum in modum re-
verberatur. Nam si necessitas orta ex causâ liberâ actu causante est necessitas consequens, verissimè dictum est, *non minùs conjungi libertati, id quod infert libertatem actus, quàm quod eam supponit*. Falsum econtrâ erit principium Defensoris & Molinistarum, *omnem necessitatem ex causâ actus ortam, esse necessitatem antecedentem*. Legitimè quoque concludetur, necessitatem ex prædeterminatione physicâ ortam, esse consequentem: cum tota ratio prædeterminationis physicæ ad actum liberum destinata, sit, facere causam liberam actu causantem: & per consequens, si necessaria connexio actus liberi cum causâ liberâ actu causante non inducat necessitatem aliam, quàm consequentem; nec necessaria connexio actus liberi cum physicâ prædeterminatione, quæ facit causam liberam actu causantem, aliam poterit inducere necessitatem, quàm consequentem. Nec minùs clarè id ostendit; quòd prædeterminatio physica ad actum liberum destinata, præsupponat causam habentem potestatem, ad oppositum. Ex causâ autem habente potestatem ad oppositum nulla potest induci necessitas; non enim necesse est fieri, cuius oppositum potest fieri.

CLXXXVIII. Idem ex parte decreti sive ex omnipotentia, sive ex prescientia efficacis, perspicuum est. Nam necessaria & infallibilis connexio actus liberi cum decreto non datur nisi dependenter à causâ proximâ habente potestatem ad oppositum: sicut enim messis futura non connectitur cum divinâ providentiâ nisi dependenter à labore agricolæ: ita nullus actus liber conjungitur cum decretis divinis; nisi dependenter à causâ proximâ habente potestatem ad oppositum, id est, causâ liberâ. Decernit Deus actum liberum fieri à voluntate, sed simul adaptando voluntati potestatem ad oppositum. Unde sicut necesse est actum liberum fieri supposito decreto; ita necesse est eum liberè fieri suppositâ adaptatione causæ proximæ. Præclare hoc S. Anselmus in concordia prædest. cap. 1. *Quoniam quod Deus vult non potest non esse: si Deus vult voluntatem humanam nullâ cogi vel prohiberi necessitate ad volendum, tunc necesse est voluntatem esse liberam, & esse quod vult*. Vis radicem istorum habere profundissimam? con-

verte oculos mentis tuæ ad Solem Angelicum, & illuminabit te D. THOMAS docens: quòd voluntas divina est intelligenda ut extrà ordinem entium existens, velut causa quædam profundens totum ens, & omnes ejus differentias. Sunt autem differentia entis, possibile, & necessarium, & idè ex ipsâ voluntate divinâ originantur necessitas & contingentia in rebus, & distinctio utriusque secundum rationem proximarum causarum. Ad effectus enim quos voluit necessarios esse, disposuit causas necessarias: ad effectus autem quos voluit esse contingentes ordinavit causas contingenter agentes, id est potentes desicere. Et secundum harum conditionem causarum, effectus dicuntur vel necessarii, vel contingentes; quamvis omnes dependant à voluntate divinâ, sicut à primâ causâ quæ transcendit ordinem necessitatis & contingentie. lib. 1. Periherm. lec. 14.

CLXXXIX. En lumen ad revelationem Theologorum positum, & gloriam Scholæ Thomisticæ, cui benefacimus attendentes, quasi Soli in meridiano existenti. Aperiant Molinistæ oculos, & à pulveribus Scientiæ Mediæ detergant eos, & videbunt sicut in meridie prædictæ vanitatem Scientiæ. Nam consensus conditionatè prævisus, in statu etiam conditionato, est aliqua entis differentia: ergò oportet ut conditionata illius futuritio cadat sub voluntate divinâ profundente totum ens, & omnes ejus differentias. Econtrà soliditatem prædeterminationis physicæ conspicient, quæ non applicans ad actum, nisi juxta dispositionem causæ proximæ, talem effectum inducit, qualem exigit causa proxima. Denique intuebuntur quòd cum de divinâ providentiâ loquimur, non est dicendum solum, hoc est provisum à Deo, ut sit, sed hoc est provisum à Deo, ut contingenter sit, vel ut necessario sit. Verba sunt Solis Angelici 6. Metaph. lec. 3. in fine. Quibus addit: Quod quidem est singulare in hac causâ, scilicet in divinâ providentiâ. Reliquæ enim causæ non constituunt legem necessitatis, vel contingentie, sed constituunt à superiori causâ nuntur. Unde causalitati cujlibet alterius causæ subditur solum, quòd ejus effectus sit: Quòd autem sit necessario, vel contingenter, dependet ex causâ altiori, quæ est causa entis, inquantum est ens, à quâ ordo necessitatis & contingentie in rebus provenit.

Quasi diceret: sicut generans hominem facit hominem esse, non tamen facit hominem esse animal rationale, aut risibilem, sed conditor naturæ humanæ ipse est, qui facit hominem esse animal rationale, risibilem, &c. Ita causa libera facit suum effectum, id est, actum liberum esse, sed non facit actum suum esse liberum: sed qui dedit causæ liberæ libertatem & potestatem ad oppositum, ipse est qui facit, quòd actus ab eâ egrediens sit liber. Ita & prædeterminatione physicâ facit Deus, quòd causa libera agat, & quòd actus egrediat à causâ liberâ; non tamen prædeterminatione physicâ facit, causam, quam applicat, esse liberam, & actum, quem facit egredi à causâ liberâ, esse liberum; sed adaptatione causæ liberæ hoc facit; adaptando enim causæ proximæ potestatem ad oppositum, facit quòd actus, quem à tali causâ sic adaptatâ facit egredi prædeterminatio physica, sit liber.

Combi-

Combinaciones majoris difficultatis.

1. *Decretum ex omnipotentia sub-*
dit totaliter Deo liberam voluntatis crea-
ta determinationem.

2. *Defenditur à S. AUGUSTINO con-*
tra suos Impugnatores.

3. *Deprimis arbitrium, ut in Domi-*
no, non in seipso gloriatur.

1. *Decretum ex præscientia non sub-*
dit totaliter Deo liberam voluntatis crea-
ta determinationem.

2. *Defenditur ab Impugnatoribus con-*
tra S. AUGUSTINUM.

3. *Elevat arbitrium, ut in seipso, non*
in Domino gloriatur.

CXC. Prima combinatio, & tertia fundantur in principio Cap. 1. §. 1. & 3. firmato, quòd juxta Decretum *ex præscientia* efficax, & gratiam quæ accipit à libero arbitrio, quòd hic & nunc influat (quæ Molinistæ defendunt) aliquid sit à libero arbitrio, quod non est effectivè ab auxilio gratiæ. At juxta Decretum *ex omnipotentia* efficax, ac gratiam, quæ sit causa, cur liberum arbitrium hic & nunc influat, nihil sit à libero arbitrio, quod non sit effectivè ab auxilio gratiæ. Cùm nihil speciale contra principium istud adducat hic *Defensor*, sufficit ad loca citata remittere.

Secunda combinatio fundatur in eo, quòd Molinistæ non valeant se discriminari ab Impugnatoribus S. AUGUSTINI in principali difficultatis puncto tam in æternitate, quàm in tempore. Nam principale difficultatis punctum in æternitate est decretum *ex omnipotentia* efficax, nulli præscientiæ innixum: quòd decretum refugerunt omnes S. AUGUSTINI impugnatores, ut supra dilucidè ostendimus Cap. 1. §. 7. Rationes attulit TRIUMPHUS Opusc. 1. Cap. 1. 2. §. 5. ob quas prædicti Impugnatores memoratum refugerint Decretum. Easque §. 6. ostendit, nonnisi ab insipiente dici posse militare contra decretum *ex præscientia* efficax. Harum veritate convictus *Defensor* siluit à bonis, & mala, id est, errores, & dogmata erronea confixit, quæ pro bonis redderet nobis. Non tamen in ipsum commoveor, sed ipsi compator, & quotidie Dominum Jesum plenum gratiæ, & veritatis pro ipso, aliisque Molinistis deprecor, ut ad agnitionem plenitudinis suæ ipsos perducere dignetur. *O veritas Deus fac nos unum tecum in charitate perpetuâ!*

In tempore verò præcipuum difficultatis punctum, est necessitas auxilii essentialiter inferentis actum non omnibus dati. Quod auxilium æquali prosequuntur odio, & Molinistæ & Impugnatores S. AUGUSTINI, ut supra n. 59. luculenter deduximus; & larvam esse probavimus discrimen, quod hic adducit *Defensor*; nempe bonum usum gratiæ præscitum non habere rationem meriti, aut motivi ad discretionem faciendam. Vide etiam n. 56.

T

§. II.

6. II. In testimonio, quod adducit Defensor gratiæ versatilis
ex S. AUGUSTINO, phrasium illius ignorantem se perhibet.

CXCJ. **A**dduxit Defensor n. 537. testimonium S. AUGUSTINI ex lib. 1. ad Simpl. q. 2. ut præscientiam præire decreto probet. Ait enim ibi S. Doctor: *Quod dictum est, quia elegit nos ante constitutionem mundi, non video quomodo dictum, nisi in præscientiâ.* Suam iterum ostendit Defensor in AUGUSTINI sensibus ignorantiam, dum putat S. AUGUSTINUM per præscientiam intelligere eam, quæ omne decretum efficax antecedit. Aliud est, quod Deus in præscientiâ eligat, aliud, quod in præscientiâ antecedente omne decretum efficax eligat. In præscientiâ eligere est ad nientem S. Doctoris eligere ex prævisione alicujus, quod præsupponitur electioni. Patet hoc ex pluribus locis S. AUGUSTINI. Sufficiet modò locus n. 63. ex Defensore relatus, in quo dicit: *Non ergo elevis Deus opera cujusquam in præscientiâ, quæ ipse daturus est; sed fidem elegit in præscientiâ; ut quem sibi crediturum esse præcivis, ipsum elegerit, cui Spiritum Sanctum daret, ut bona operando etiam vitam æternam consequeretur.* Loquitur S. Doctor ut faceretur Defensor secundum suum errorem, quo ante Episcopatum putabat fidem non dari à Deo, sed solum opera bona. Unde in præscientiâ fidei, quæ præsupponitur electioni dicit Deum eos eligere ad conferendum eis Spiritum Sanctum, per quem bona operarentur.

Quare dum S. AUGUSTINUS dicit nos electos in præscientiâ, intelligit de electione, quæ fit ex prævisione alicujus, quod præsupponitur electioni. Non tamen inde sequitur, quod prævisio illa antecedit omne decretum efficax. Pro quo sciendum est, quod intentio efficax dandi gloriam per merita consequendam, ponitur in executione, dando primò merita, & dando secundò gloriam intuitu meritorum. Unde vi istius primæ intentionis gratuitæ, quâ Deus misericorditer, & omnino liberaliter intendit quibusdam dare gloriam per merita consequendam, intelligimus Deum ab æterno habuisse duas voluntates ad ordinem executionis pertinentes; unam, quâ nullis præcedentibus meritis voluit dare gratiam; aliam, quâ propter merita DATA voluit dare gloriam. Ratione hujus postremæ voluntatis dicit S. AUGUSTINUS, nos esse electos ante mundi constitutionem in præscientiâ, quâ prævidit nos merita habituros ex vi illius intentionis, quâ decrevit nobis dare gloriam per merita consequendam. Et ita præscientia meritorum præsupponitur postremæ voluntati, sublequitur tamen ad primam intentionem omnino gratuitam.

CXCII. Eam esse S. AUGUSTINI mentem probat, quod in isto loco putaret exymologiam istius nominis, *Electio*, distantiam aliquam in eligendo postulare, *Quomodo est enim, ibid. ait, iusta, aut qualicumque omnis electio, ubi nulla distantia est?*

est? hoc est, quomodo vel electio vocari poterit, sive iusta, sive iniusta, si in eligendis nulla meriti cuiusquam differentia? sic seipsum explicat: *Sic enim nullo merito electus est Iacob nondum natus, & nihil operatus, non omnino eligi potuit nulla existente differentia, quâ eligeretur.* Et rursùm paulò post: *Vnde igitur ista electio, vel qualis electio, si nondum natus, nondumque aliquid operatus, nulla sunt momenta meritorum?* Et iterùm inferius argumentando concludit: *Nulla ergò electio, antequam esset quod eligeretur*, id est, antequam esset aliqua ratio electionis, seu differentia in eligendis. Et tandem immediatè ante verba quæ *Defensor* obicit, definitivè rem absolvit: *Nemo eligitur, nisi jam distans ab illo qui reicitur.* Vnde quod dictum est, quia *elegit nos, &c.* Ex particulâ, *Vnde*, manifestum est, S. AUGUSTINUM loqui de electione quæ fit ex præscientiâ alicujus, quod præsupponitur electioni.

Eam autem præscientiam oriri ex proposito efficaci dandi gloriam per merita, quæ daturus esset, consequendam, patet ex eo, quòd in isto loco non negat istud propositum; sed solum vult tale propositum non posse dici electionem: eò quòd, ut dictum est, ad naturam electionis essentialiter pertinere putaret, in eligendis distantiam. At peritior factus, cum electionem gratiæ, seu gratuitam, id est, propositum istud dandi uni præ alio tam gratiam, quàm gloriam, posse in æqualibus sortiri nomen electionis, didicisset; tunc significavit pluribus in locis electionem dici gratuitam, quia Deus per suam gratuitam electionem illam ipsam distantiam facit; atque ita eligit, atque diligit, non aliquid quod præsupponatur electioni, sed id quod electio facit. Unde epist. 105. ad Sixtum eundem illam versans locum de electione Iacob; *Ut secundum electionem propositum Dei maneret*, qui tantoperè ipsum Simpliciano scribentem torserat, *electionem scilicet gratiæ*, inquit, *non debiti, electionem, quâ eligendos facit ipse, non invenit, non ex operibus, sed ex vocante, &c.* Quid enim diligebat in Iacob antequam fecisset aliquid boni, nisi gratuitum misericordiæ suæ donum? Et ad Bonifacium lib. 2. cap. 7. de eodem loco differens: *Electiorem quippè dixit, ubi Deus non ab alio factum, quod eligat invenit, sed quod inveniat ipse facit, sicut de reliquiis Israël scriptum est, reliquia per electionem gratiæ salvæ factæ sunt*, se autem peritior factum ostendit lib. 1. Retract. c. 23. *Nondum*, inquit, *diligentiùs quæsieram nec adhuc inveneram qualis sit electio gratiæ, de quâ idem dicit Apostolus: Reliquia per electionem gratiæ salvæ factæ sunt. Quæ utique non est gratia, si eam merita ulla præcedant.*

Sub hæc electione gratiæ, id est, gratis factæ, tam eam quæ est ad gratiam, quàm eam quæ est ad gloriam comprehendit, lib. de prædest. SS. cap. 17. *Elegit ergò Deus fideles, sed ut sint; non quia jam erant.* Apostolus Iacobus dicit: *Nonne Deus elegit pauperes in hoc mundo, divites in fide, & heredes regni, quod repromisit Deus diligentibus se? Eligendo ergò facit divites in fide, sicut heredes regni. Rectè quippè in eis hoc eligere dicitur, quod ut in eis faciat eos elegit.* Quo sensu subindè dicit S.

AUGUSTINUS: *Tales nos amat Deus, quales futuri sumus, non quales sumus. Quales enim amat, tales in æternum conservat.*

CXCIIJ. Quare in illis, quæ facit Deus non aliam agnoscit S. AUGUSTINUS præscientiam, quàm eam quæ innititur prædestinationi, id est, æternæ voluntati faciendi illa, quæ in tempore facit. *Prædestinatione quippè. Deum ea præscivisse, quas fuerat ipse facturum*, lib. de prædest. SS. cap. 10. In illis, quæ non facit recurrit ad præscientiam non innixam voluntati. Ex quo manifestè concluditur, decretum non posse sortiri suam efficaciam ex præscientiâ, nisi in illo opere, quod ex præscientiâ decernit Deus efficaciter fiendum ab ipso, & libero arbitrio, sit aliquid, quod non facit Deus. Nam si in illo opere, quod à Deo & libero arbitrio simul procedit, Deus est causa cur liberum arbitrium hic & nunc influat, nulla erit præscientiæ necessitas, & nihil in isto opere erit, quod non sit à Deo: sufficit enim, quòd Deus per scientiam simplicis intelligentiæ cognoscat liberum arbitrium tunc solùm hic & nunc influere, quando ipse decreverit, ut efficaciter decernat hujusmodi influxum. Quod decretum nullâ aliâ præcedente præscientiâ erit efficax ex vi omnipotentis potestatis, quâ Deus potest facere in quocumque opere, ut liberum arbitrium hic & nunc influat.

Si verò in illo opere, quod à Deo, & libero arbitrio simul procedit, liberum arbitrium sit causa, cur Deus hic & nunc influat, non Deus cur liberum arbitrium hic & nunc influat, apertissimum est, quòd aliquid facit liberum arbitrium, quod non facit Deus; facit enim, & est sibi causa, cur hic & nunc influat, quod Deus non facit. Istud, *liberum arbitrium esse sibi causam influendi*, vocavimus *determinationem liberi arbitrii*; si nomen displiceat *Defensori*, assignet aliud, & rem ipsam tandem agnoscat, videlicet tunc esse opus præscientiæ, quando liberum arbitrium est causa, cur Deus, hic & nunc influat, non verò Deus, cur liberum arbitrium hic & nunc influat. Ut enim non frustreretur Dei influxus in opus, quod ab eo, & libero arbitrio debet procedere, necesse erit Deum prævidere, quòd si detur in tali occasione, liberum arbitrium eum determinabit, faciendū quod hic & nunc influat. Quâ prævisione posita, decernere efficaciter poterit prædictum opus. Non igitur opus à Deo, liberoque fiendum arbitrio decernitur ex præscientiâ efficaciter, nisi quia in isto opere liberum arbitrium aliquid facit, quod non facit Deus, quòd dicimus esse determinationem liberi arbitrii; ac proinde verè dixit SPECULUM, quòd *decretum ex præscientiâ non subdit totaliter Deo liberam voluntatem creatæ determinationem*.

Et tale fortè erit Decretum permissivum malitiæ; prævidens enim Deus si in tali occasione non dederit libero arbitrio amorem justitiæ talem, non erit fortior amore concupiscentiæ, & liberum arbitrium ex propriâ determinatione operi, quod à me prædeterminante, & ipso procedit, conjunget malitiam: ex illâ præscientiâ, quâ Deus prævidet malitiam, quam facit arbitrium, & non ipse, .
decret-

decernit efficaciter permittere malitiam, & suâ prædeterminatione concurrere ad illud opus, cui ex determinatione solâ arbitrii prævidit conjungendam esse malitiam. In Angelis verò, & in homine sano sufficit præscientia, quâ Deus prævidet si non dederò gratiam efficacem ad bonum, voluntas se determinabit ad malum: sic etiam prævidetur aliquid, quod non facit Deus; ex quâ præscientiâ decretum permissivum malitiæ sortitur suam efficaciam. De quo infra n. 238. & 239.

CXCIV. Difficultatem semper involvit *Defensor*, dum n. 592. ait: *Sic peccator quissimam induratisimum, nulla est tanta ejus durities, quæ non sit per gratiam aliquam emollienda: nulla tanta ejus in malo obfirmatio, quæ non sit virtute alienius gratiæ congrua flectenda.* Aperiatur fucus. Emollio, & flexio arbitrii sunt ipse consensus arbitrii, in quem & gratia, & liberum influat arbitrium. Si liberum arbitrium est causa, cur gratia hic & nunc in consensum influat, & non gratia, cur liberum arbitrium influat: sequitur apertè, quòd liberum arbitrium sit prima causa suæ emolliitionis, & flexionis: ac in ea aliquid faciat, quod non faciat gratia. Vide supra n. 87. Et idèd non potest evadere *Defensor*, quin prima radix discretionis sit liberum arbitrium, quia ad hoc non exigitur, quòd bonus usus præscitus habeat rationem meriti, aut motivi; sive id habeat, sive non habeat; semper verificatur in opere, quod à gratiâ, & libero arbitrio procedit, liberum arbitrium esse causam, cur gratia hic & nunc influat; & consequenter discernat; non enim gratia discernit antequam influat, influendo discernit; si liberum arbitrium sit causa, cur gratia influat, ipsum erit causa, cur gratia discernat; non verò gratia erit causa, cur liberum arbitrium se discernat, cum non sit causa secundum Molinistas, cur liberum arbitrium hic & nunc influat. Vide supra n. 55. & 56.

Pro aliis, quæ ex Patribus adducit *Defensor* num. 537. testimoniis, servanda est regula, quam tradit fulgentissimus Ecclesiæ Sol S. AUGUSTINUS libr. de bono perseverantiæ, cap. 19. *Quid ergò nos prohibet, quando apud aliquos verbi Dei Tractatores legimus Dei præscientiam, & agitur de electione vocatorum, eandem prædestinationem intelligere: Consule TRIUMPHUM THOMISTARUM, Opusculo J. de Scientiâ Mediâ ad examen revocatâ, cap. 2. art. 4. num. 233.*



§. III. *Comparisonem Gratiz determinantis, & Gratiz determinatæ veraciter exhiberi in SPECULO Scientiæ Mediæ, demonstratur.*

CXCV. **F**undamentum hujus comparationis (quod tamquam chalybs ad-
jungi oportet SPECULO eam repræsentanti, ut veracissimum, &
non falsissimum, sicuti *Defensor* ait, resplendeat) est gratia, quam defendit S.
AUGUSTINUS uni dari, alteri denegari. Pro quâ refert TRIUMPHUS Opusc. J. cap.
1. art. 4. §. 2. testimonium S. Doctoris lib. de bono persever. cap. 14. in quo
dicit: *Neminem tamen venire ad Christum, nisi cui fuerit datum, & eis dari, qui in*
illo electi sunt ante constitutionem mundi, procul dubio confiteatur, à quo non surdis au-
ribus cordis, eloquium divinum auribus carnis auditur. Et paulò post de illis qui au-
diunt dicere, *Creditis in Deum, & in me credite; oportet semper orare, & non desue-*
re, de illis, inquam, qui actum fidei, & actum orationis audiunt esse faciendos,
subjungit: *Audiunt enim hæc, & faciunt, quibus datum est, non autem faciunt,*
fructu audiant, fructu non audiant, quibus non est datum. Prosequitur TRIUMPHUS.

„ Sugillat P. Annatus argumentum ex hoc profundissimo Ecclesiæ Solis te-
„ stimonio deductum; sed profunditatem illius non penetravit. Nam sincero ver-
„ ritatis amore intellectum, omnibus Molinistis sufficeret, ut à deformitate
„ Scientiæ Mediæ continuò fugerent. Domine aperi oculos eorum, ut intelli-
„ gant, & amplius non litigent. Certissimum est ex illo testimonio, dari aliquid
„ *credentibus*, quò credant, quod non datur non credentibus. Ex quo meridia-
„ nâ luce clariùs elucet, in nullo statu posse concipi discretionem *credentis à*
„ *non credente*, nisi priùs concipiatur discretio in aliquo dato. Nam si absolu-
„ tè verum est dicere, *Petrus credet, & Paulus non credet*, est quoque absolute ve-
„ rum, *Petro dabitur aliquid quo credat, & Paulo non dabitur*. Si etiam conditiona-
„ tè sit verum dicere, *si Petrus videret miracula, crederes, & si Paulus eadem videret,*
„ *non crederet*: erit quoque conditionatè verum: *si Petrus videret miracula*
„ *daretur ei aliquid, quo crederet, & si Paulus eadem videret, non daretur ei aliquid, quo*
„ *crederet.*

„ In hæc fulgentissimâ luce caligant Adversariorum oculi, nec possunt se ab eâ
„ abscindere. Cùm enim ad justam increpationem, & inânem excusationem
„ requirant parem in datis facultatem; Perspicuum est, ait P. Annatus, *insulsus*
„ *esse, ac rationis expertes increpationes ejusmodi, nisi supponatur par facultas in iis,*
„ *quorum dispares sunt effectus*: Quâ ratione S. AUGUSTINUS sibi conciliabunt,
„ qui vult disparitatem effectuum, videlicet *credentis à non credente*, oriri ex
„ *dispari in datis facultate*? nec istam in datis disparitatem impedire increpationem.

„nis justitiam, aut tollere excusationis vanitatem? Majori sine dubio, & inseparabili ex parte gratiæ urgentur difficultate. Si patimur difficultatem, cum S. AUGUSTINO patimur eam: illi verò eandem patiuntur difficultatem, & insuper AUGUSTINUM sibi constituunt inimicum.

„; Ne supersit disputationi locus. colligamus ex loco citato interpretationem S. AUGUSTINI ad illa verba, quæ de Tyriis, & Sidoniis protulit Christus, & eam quam affert P. Annatus disp. 1. cap. 4. n. 56.

S. AUGUSTINUS.

P. ANNATUS.

„*Va tibi Corozaim, quia iusto Dei te reprobantur judicio non est tibi datum ali-*
 „*quid, quo crederes visis miraculis; quod*
 „*Tyriis, atque Sidoniis fuisset datum,*
 „*ex misericordiâ Dei eos prædestinavit ea-*
 „*dem vidissent miracula.*

„*Va tibi Corozaim, quia in voluntariâ ob-*
 „*stinatione inefficacia reddis, atque incon-*
 „*grua media illa, quæ si Tyriis, atque Sido-*
 „*niis fuissent concessa, futurum erat, ut ea*
 „*illi pro suâ libertate congrua, & efficacia*
 „*redderent.*

„Quam longè ab Annato distat S. AUGUSTINUS. Ille in voluntatem refundit discretionem, iste in prædestinationem; apertissima est S. AUGUSTINI sententia, non fuisse datum Judæis, *quo crederent visis miraculis*, quia non ex eorum prædestinatione facta sunt eis miracula. E contra datum fuisset Tyriis, atque Sidoniis *quo crederent visis miraculis*, quia ex eorum prædestinatione fuissent eis facta miracula; verùm quia & ipsi fuere etiam iusto Dei judicio reprobati, idèò non solum *quo crederent*, sed etiam *undè crederent* fuit eis denegatum.

„Durus est hic sermo Molinistis, nec possunt eum audire, quia non concipiunt, quâ ratione sit iusta increpatio, & inanis excusatio, si prior sit *in datis*, quàm in effectibus disparitas. Nobis autem utriusq; Solis discipulis non est durus hic sermo, & libenter eum audimus, quia captivantes intellectum inscrutabilibus Dei judiciis, distinguimus primam causam à secundâ, quæ suæ libertati relicta, infallibiliter deficit, & non nisi præveniente causæ primæ auxilio adjuta, in bonum tendit. Si cadimus, libertate nostrâ cadimus; si stamus, Dei gratiâ stamus, ut de se aiebat Apostolus, *Gratiâ Dei sum id, quod sum.*

Hæc TRIUMPHUS, quorum nullam facit mentionem *Defensor*, quia noluit intelligere, ut benè eum S. AUGUSTINO sentiret. Ad longum adduximus, quia abundè refutant, quæ contra hanc comparisonem gratiæ allégati Superfluum proinde esset ea singularim reprobare, nisi in dictis *Defensorum* lætaremur, sicut qui invenit spolia multa. Nam dicta illius spolia nobis sunt, quibus THOMASTARUM firmamus TRIUMPHUM, ovantes, & lætabundi, de caprà GRATIÆ VERITATIS prædâ. Quapropter argumenta *Defensorum*, sicut ipse nostra facit, non

refugimus, sed iisdem invicem ostendimus, eò firmiorem reddi doctrinam Angelicam, quò eam infirmiore putant esse Molinistæ. Ad singulas procedamus combinationes secundæ comparationis, in SPECULO Scientiæ Mediæ exhibitz.

Duæ primæ combinationes æqualis difficultatis.

1. { *Datur uni gratia determinans arbitrium, quæ non datur alteri.*
Dantur uni certæ circumstantiæ, quæ non dantur alteri.
Cur uni dentur gratia determinans arbitrium, & non alteri? Respondet Apostolus, Tu homo quis es, qui respondeas Deo?
2. { *Cur uni dentur circumstantiæ congruæ, quæ non dantur alteri? Respondet Apostolus, Tu homo quis es, qui respondeas Deo?*

CXCVJ. Paritatem utriusque Combinationis agnoscit *Defensor*, sed secundam propositionem in secundâ Combinatione non rectè proponere dicit eorum sententiam. Ait enim n. 540. „Quamquam hæc duæ postremæ propositiones veræ sint; non tamen rectè sententiam nostram proponunt: sed sic dicendum est: *Datur uni gratia congrua his circumstantiis, quæ non datur alteri. Cur uni dentur gratia congrua his circumstantiis, quæ non datur alteri?* Respondet Apostolus, *Tu homo quis es, qui respondeas Deo?* Circa hoc quæsitum fateor utriusque sententiz esse paritatem: ab utrisque dicendum, homo quis es, qui respondeas Deo?

Sic dicendum fuisset ad mentem *Defensoris*, qui difficultatis nodum videtur fugere. Gratia congrua dependet à voluntate, quæ ipsam gratiam congruam, & efficacem reddit. Sed positio in illâ circumstantiarum hypothese, quâ scitur aliquis benè usus gratiâ (quod brevitate causâ per circumstantias congruas intellexit TRIUMPHUS, ut patet ex art. 4. citato, §. 1.) est independens à voluntate, & antecederet se habet ad consensum voluntatis, & ideo congruentius comparatur cum gratiâ prædeterminante, quàm gratia congrua. Quem loquendi modum docuit nos P. Annatus disp. 3. de *Scientiâ Mediâ*, cap. 2. n. 15. ubi ait: *Disco seclusis prædefinitionibus conditionatis, esse cur asseramus Deum illos discernere, etiam antecederet ad absolutam illam existentiam boni de quo gloriantur, ratione specialis beneficii, quod uni præ altero confertur. Nempè suppositâ scientiâ conditionatâ, quâ scit in hac hypothese benè usurum illum gratiâ suâ, illum non benè usurum; in aliâ è contrariis; quòd statuat pro suâ merâ libertate PONERE ILLAM, quâ scitur unum benè usurum potius, QUAM ILLAM, quâ benè uteretur & alius; & est aliquid antecedens absolutam positionem illius boni usus: & est aliquid melius moraliter, atque optabilius.*

Ratio:

Ratione prædictæ positionis in circumstantiis congruis antecederet ad bonum voluntatis usum, in eisdem incidunt Molinistæ difficultates cum gratiâ prædeterminante: quam paritatem concedit *Defensor* in duabus primis Combinationibus; licet ex parte libertatis dicat esse disparitatem, quam tribus rationibus probat non stare cum gratiâ prædeterminante; de quibus agemus Paragrapho sequenti, prosequentes modò paritatem ex parte injustæ excusationis, & increpationis, quam in aliis Combinationibus proponit *Speculum Sciætiæ Mediæ à TRIUMPHO* formatum.

Tertia Combinatio æqualis difficultatis.

1. Dicunt Iudæi quid præ Tyriis increpamur? Nam æquè benè ac Tyrii credidistimus, si voluisset Deus nobis dare gratiam determinantem, quam dedisset Tyriis.

2. Dicunt Iudæi, quid præ Tyriis increpamur? Nam æquè benè ac Tyrii credidistimus, si voluisset Deus nos ponere in circumstantiis illis, in quibus posuisset Tyrios.

CXCVI]. Ad hæc dicit *Defensor* n. 548. *Ut reservatas clarior; perfectiorque antithesis, pro circumstantiis congruis substituo gratiam congruam.* Callida certè substitutio, quâ, ut n. præced. diximus, ipsa comparationis congruitas eliditur. Intuere, *CORDATE LECTOR*, apertam calliditatem. *Positio in circumstantiis congruis* est quid necessarium, ut gratia sufficiens Molinistica reddatur à libero arbitrio efficax; sicut gratia prædeterminans est necessaria, ut gratia sufficiens Thomistica sit efficax, id est, efficaciter eliciat actum, sive ut sit cum effectu sufficiens. Quare sicut qui carent gratiâ prædeterminante, carent aliquo necessario, ut eorum posse reducatur in actum, aut fiat cum effectu sufficiens: ita qui non sunt positi in circumstantiis congruis carent aliquo necessario, ut eorum gratia sufficiens fiat efficax. Et urget paritatem, quòd nec positio in circumstantiis congruis sit in potestate voluntatis, sicut nec gratia prædeterminans. Nulla igitur est *Defensoris* disparitas, quam tradit n. citato.

Confirmatur. Independentet ab eorum voluntate Deus se inæqualiter habuit ad Tyrios, & Judæos; quia licet utrisque dederit gratiam sufficientem, Tyrii tamen fuissent à Deo positi in circumstantiis, in quibus prævisi sunt credituri, si vidissent miracula; quæ videntes Judæi non tamen fuerunt positi à Deo in circumstantiis, in quibus prævisi sunt credituri. Ergò Deus aliter se habuit ad Tyrios, quàm ad Judæos; At secundum P. Annatum in *TRIUMPHO* citatum, *Inepta est oburgatio Iudæorum præ Tyriis, si Deus aliâ ratione cum illis egerit, aliâ cum istis fuerit facturus: remanet igitur æqualis difficultas.*

Christo reponere: Ideò Tyrrii auxilium illud non impedissent, quoniam acceperint gratiam prædeterminantem ad vitandum peccatum, quod auxilium illud impedisset: cum ergo nos gratiam istam non acceperimus ad vitandum illud peccatum, quid nos præ illis increpas? Volam & ego, Corozairas posse Christo reponere; Ideò Tyrrii auxilium sufficiens sibi datum reddidissent efficax, quoniam posuisset illos Deus in circumstantiis, in quibus prævisi sunt credituri: cum ergo nos non posuerit Deus in istis circumstantiis, in quibus prævisi sumus credituri, quid nos præ illis increpas? Judica, CORDATE LECTOR, an non eodem graventur pondere difficultatis? sed aggravatum esse pondus eorum, demonstrant sequentes Combinationes.

Combinationes majoris difficultatis.

- | | |
|---|---|
| <p>1. Gratia determinans arbitrium est prima radix discretionis bonorum à malis.</p> <p>2. In gratiâ determinante, voluntas est pedissequa, & gratia domina. Hæc totum tribuit Deo, ut in nullo gloriatur, cum nihil sit nostrum.</p> | <p>1. Arbitrium determinans gratiam est prima radix discretionis bonorum à malis.</p> <p>2. In gratiâ determinatâ, gratia est pedissequa, & voluntas domina. Hæc partem sibi vendicat, partem relinquit Deo, & primam sibi dat.</p> |
|---|---|

CCJ. De his combinationibus sic loquitur Defensor gratiæ versatilis, num. 551. Sequentes propositiones, quibus probat maioribus nos difficultatibus urgeri, quod arbitrium faciamus primam radicem discretionis: voluntatem autem dominam, gratiam pedissequam, &c. conspiciuntur ex meris impossibilitatibus, ut cap. 2. sect. 3. & 7. abunde declaratum est. Non impossuitas, sed legitimas esse consequentias, invictè ostendimus & nos cap. 2. §. 6. & 7.



S. IV. *Tres Defensoris rationes de lesâ libertate
per GRATIAM PHYSICE PRÆDETERMINANTEM,
in ipsum retorquentur.*

CCIJ. **G**RATIAM PHYSICE PRÆDETERMINANTEM ineluctabiles pati difficultates, ut concilietur cum libertate, tribus rationibus probare contendit *Defensor gratia versatilis*; quas non aliter refutabimus hic, quàm ostendendo iisdem ipsum implicari rationibus; ita ut omnia ferè illarum rationum verba in ipsum retorqueantur. Qui refutandi modus maximè congruit *SPECULO SCIENTIAE MEDICAE* repræsentante eam iisdem difficultatibus implicatam. Quod SPECULUM suscepimus modò defendendum.

Primam rationem sic proponit num. 542. „Omne agens liberum debet habere potentiam proximam ad agendum, & non agendum, si agatur de libertate exercitii; & ad contrarium agendum si sermo sit de libertate contrarietatis: atqui physice prædeterminatus ad agendum non habet potentiam proximam, & expeditam ad non agendum, & contrarium agendum: ergò non est agens liberum, nec libertate contradictionis, nec libertate contrarietatis. Major ab Adversariis admittitur. Minorem probo: quisquis habet aliquid repugnans negationi actûs, & contrario actui, quod nequeat à se abicere, non habet potentiam proximam, & expeditam ad non agendum, & contrarium agendum; cùm non possit dari majus potentiae ad utrumque impedimentum, quàm aliquid intimè in eâ receptum utrique repugnans: atqui physice prædeterminatus habet aliquid repugnans negationi actûs, & contrario actui, videlicet physicam prædeterminationem ad agendum, quam non potest à se abicere: ergò non habet potentiam proximam, & expeditam ad agendum, & contrarium agendum. Adde illum etiam carere aliquo necessario ad contrarium agendum, videlicet prædeterminatione physica ad actum contrarium: quomodo ergò illà carens est proximè expeditus ad illum actum?

CCIIJ. Retorqueo argumentum in *Molinista posito in circumstantiis congruis*. Omne agens liberum debet habere potentiam proximam ad agendum, & non agendum, &c. atqui *Molinista posito in circumstantiis congruis* non habet potentiam proximam, & expeditam ad non agendum, & contrarium agendum: ergò non est agens liberum, &c. Major ab Adversariis admittitur. Minorem probo. Quisquis habet aliquid repugnans negationi actûs, & contrario actui, quod nequeat à se abicere, non habet potentiam proximam, & expeditam ad

non agendum, & contrarium agendum; cum non possit, &c. Atqui *Molinista* posuit in circumstantiis congruis habet aliquid repugnans negationi actus, & contrario actui, videlicet positionem in circumstantiis congruis, quam non potest à se abicere: ergo non habet potentiam proximam, & expeditam ad non agendum, & contrarium agendum. Adde *Molinistam* istum carere aliquo necessario ad contrarium agendum, videlicet, positione in aliis circumstantiis: quomodo ergo illà carens, est proximè expeditus ad illum actum?

Cernis, CORDATA LECTOR, iidem omnino verbis retorqueri argumentum. Cui si responderit *Defensor*, quòd positio in circumstantiis congruis sit suppositio dependens à præscientiâ liberi consensus; respondebimus & nos; quòd prædeterminatio physica sit suppositio dependens à prævolitione liberi consensus. Nam sicut Deus non ponit *Molinistam* in circumstantiis congruis, nisi prius præviderit liberum illius sub conditione consensus: ita Deus neminem prædeterminat physice, nisi prius prævoluerit liberum illius consensus.

CCIV. Alteram rationem hoc tylogismo n. 543. comprehendit: „Quisquis liberè agit, debet posse seipsum pro libitu suo determinare ad alterutram partem; si vè contradictionis, si sit liber ad exercitium; si vè contrarietatis, si sit liber ad speciem actus: atqui physice prædeterminatus ad unam partem vel contradictionis, vel contrarietatis non potest seipsum pro libitu suo ad alterutram partem determinare: ergo &c. Prob. Minor: prædeterminatus ad unam partem non est indifferens ad alterutram partem; quia determinatio necessariò tollit indifferentiam sibi oppositam. Sed qui non est indifferens ad alterutram partem, non potest seipsum ad alterutram partem determinare, quia determinatio supponit indifferentiam, quam tollat: ergo &c.

Retorquens argumentum in habente gratiam congruam *Molinistarum*. Quisquis liberè agit, debet posse seipsum pro libitu suo determinare ad alterutram partem, &c. atqui habens gratiam congruam ad amorem proximi v. g. non potest seipsum pro libitu suo ad alterutram partem determinare: ergo &c. Prob. Minor. Determinatus ad unam partem non est indifferens ad alterutram partem, quia determinatio necessariò tollit indifferentiam sibi oppositam. Habens gratiam congruam ad amorem proximi est determinatus ad unam partem: ergo non erit indifferens ad alterutram partem: sed qui non est indifferens ad alterutram partem non potest seipsum ad alterutram partem determinare; quia determinatio supponit indifferentiam, quam tollat: ergo &c.

CCV. Si *Retens Molinista* dixerit, gratiam congruam tollere indifferentiam negativam, quam tollit actus; non autem tollere indifferentiam positivam, quam tollit carentia potestatis ad oppositum. Ita dicemus & nos, prædeterminationem physicam tollere indifferentiam negativam, quam tollit actus; non verò tollere

indifferentiam positivam, quam tollit carentia potestatis ad oppositum. Certum est, quod actus alicujus potentiz non tollit potentiam, sed actuatur, & perficit eam. Dum ignis actu calefacit non amittit potentiam calefaciendi, sed potentia calefaciendi consequitur suum actum, & exercitium. Certum etiam est, quod potentia ad actus oppositos non actuatur simul utroque actu: ex hoc ergo, quod potestas ad opposita actuatur uno de duobus actibus oppositis, non amittit potestatem ad alium. Unde amor qui elicitur à voluntate, ut habet potestatem ad opposita, non tollit potestatem ad odium, aut negationem amoris.

Hinc patet, quod in voluntate habente potestatem ad opposita duplex indifferentia consideratur, una positiva, quæ nihil est aliud, quam ipsa potestas ad opposita, quæ tollitur per carentiam potestatis: alia est negativa, quæ est carentia utriusque oppositi. Hæc indifferentia tollitur per actum: siquidem voluntas, quæ carebat utroque libertatis suæ exercitio, per actum consequitur unum de duobus, quibus carebat. Ista igitur indeterminatio, seu indifferentia, quæ neutrum habet oppositorum, tollitur per actum. Prima autem indifferentia non tollitur per actum: quia, ut dictum est, actus non tollit potestatem ad oppositum. Cum ergo prædeterminatio physica præsupponat in voluntate potestatem ad opposita, & faciat exire actum à voluntate sub tali potestate adaptatâ, manifestum est, quod non aliam tollat indifferentiam, quam eam, quæ tollitur ab actu.

CCVJ. Si fiat instantia, quod *Prædeterminatio physica* antecedit actum, *gratia congrua* subsequatur, quod *gratia congrua* innitatur præscientiæ liberi consensûs, secus *Prædeterminatio physica*: ac proinde latissima sit disparitas. Respondeo, *Prædeterminationem physicam* præcedere actum, ut causa actu causans antecedit actum, non ut causa potens causare dicitur actum antecedere. Sicut igitur causa libera actu causans actum liberum, ex hoc quod sit actu causans, non amittit potestatem ad oppositum; ita & *Prædeterminatio physica*, ex hoc quod causam liberam faciat actu causantem, non tollit potestatem ad oppositum; ita enim antecedit causalitate actum, ut subsequatur potestatem ad oppositum: vide supra n. 151. Et si *gratia congrua* innitatur præscientiæ liberi consensûs; *Prædeterminatio physica* innitatur prævolitioni liberi consensûs. Latissimam admittimus disparitatem in hoc consistentem, quod *Prædeterminatio physica* sit causa libertatis actûs; *gratia congrua* sit quasi effectus libertatis actûs; quod *Prædeterminatio physica* dependeat à libertate actûs *prævolitionis*, *gratia congrua* dependeat à libertate actûs *præscientiæ*. At latissima hæc disparitas solùm in præjudicium gratiæ, & omnipotentiam suam exerit, nullatenus in præjudicium libertatis. Cur enim magis officeret libertati causa libertatis, quam effectus libertatis? & quid minus habet *libertas prævolita*, quam *libertas præscientiæ*? Sed de hoc s. seq.

CCVIIJ. Fortè dicet alius, qui habet *gratiam congruam* est determinatus à seipso: qui autem habet *GRATIAM PRÆDETERMINANTEM* est determinatus ab alio: est autem contra rationem liberi agentis ab alio determinati. Mutat iste medium. Ratio *Defensoris* innititur isti medio, videlicet, *Determinatus ad unam partem non est indifferens ad alterutram partem*. Sive determinetur à seipso, sive determinetur ab alio, si sit determinatus ad unam partem non erit indifferens ad alterutram partem. Determinatio ad unam partem est quid commune *GRATIÆ PRÆDETERMINANTI, & gratiæ congruæ*: Undè si repugnet libertati, utraque gratia repugnabit libertati.

Si mutetur medium, & impugnetur *GRATIA PRÆDETERMINANS* ex hoc, quòd qui habet illam ab alio determinatur. Dicimus prædeterminatum, ita ab alio determinari, ut etiam seipsum determinet, vel *elicitivè tantum*, si sit *prædeterminatus specialiter*, vel *elicitivè*, & *applicativè* simul, si sit *prædeterminatus universaliter*. Isto medio efficacius urgetur *gratia congrua*; nam qui habet eam, ab alio non determinatur; & idè non potest esse agens liberum secundum, de cujus ratione est, quòd à primo libero determinetur. Revolvant Molinistæ Angelica ista verba: *Manifestum est, quòd cum aliquid movet alterum, non ex hoc ipso, quòd est movens, ponitur, quòd sit primum movens. Unde non excluditur, quin ab altero moveatur, & ab altero habeat similiter hoc ipsum, quòd movet. Similiter, cum aliquid movet seipsum non excluditur, quin ab alio moveatur, à quo habet hoc ipsum, quòd seipsum movet*, q. 3. de Malo, a. 2. ad 4. Vide TRIUMPHUM Opus. l. n. 152.

CCVIIJ. Tertiam rationem ex hac paritate deducit n. 545. „Si Deus infunderet voluntati habitum aliquem tam potenter illum inclinantem, & determinantem ad agendum, ut vinceret omnem ejus resistantiam, nec fieri posset „ut cum illo staret omissio actûs ad quem inclinaret; hujusmodi habitus tolleretur libertatem voluntatis: atqui Prædeterminatio physica immissa à Deo in „voluntatem adhuc potentiùs, aut saltem æquè potenter illam determinaret ad „agendum, quandoquidem esset ex essentia suâ actualissima voluntatis applicatio ad actum: ergo æquè destrueret libertatem, ac talis habitus.

Retorqueo argumentum in habente charitatem pro illo tempore, quo urget præceptum affirmativum mortaliter obligans ad dilectionem proximi: „Habitus à Deo infusus tam potenter voluntatem inclinans, & determinans ad agendum, ut vincat omnem ejus resistantiam, nec fieri possit, ut cum illo stet omissio actûs ad quem inclinat: hujusmodi habitus tollit libertatem voluntatis, secundum *Defensorem gratiæ versatilis*: atqui habitus charitatis est habitus à Deo infusus, & tam potenter voluntatem inclinans, & determinans ad agendum, ut vincat omnem ejus resistantiam mortaliter peccaminosam, nec fieri potest, ut pro tempore, quo urget præceptum dilectionis proximi cum illo stet omissio dilectionis ad

quam

quam inclinatur: ergo habitus charitatis æquè destruet libertatem pro tempore dicto, ac talis habitus secundum *Defensorem gratiæ versatilis*.

CCIX. Si disparitatem assignaverit *Defensor*, quod charitas pro tempore, quo urget dilectionis proximi præceptum potest abici; Prædeterminatio physica non possit abici, prius attendat, quod charitas non abicitur conjunctione omissionis mortaliter peccaminosæ cum illa, ut stent simul charitas, & ommissio prædicta; & consequenter potestas abiciendi charitatem pro tempore, quo urget præceptum dilectionis, non est potestas conjungendi omissionem, aut actum oppositum cum charitate: sed est potestas ad ponendum omissionem divisivè à charitate. Tali autem potestate potest etiam abici Prædeterminatio physica: cum non tollat potestatem ponendi oppositum non cum Prædeterminatione conjungendum, sed divisivè à Prædeterminatione. Revolvat iterum, atque iterum revolvat *Defensor* habitum illum charitatis pro tempore illo, quo urget præceptum dilectionis affirmativum obligans mortaliter; & videbit charitatem esse quid antecedens, influens in actum, & cum eo habens essentialem connexionem; ita ut cum charitate in dicto casu non possit stare ommissio dilectionis, nec actus oppositus. Hæc inquam, diligenter, & sine passione revolvat, & omnem mentis suæ dissipabit caliginem circa Angelicam physice Prædeterminationis doctrinam. O *Doctor Angelice Ecclesiæ Sanctæ Sol lucidissime specialiter deprecare præ-Defensore*, aliisque *Molinistis Filium Dei*, ut quæ docuisti intellectu valeant concipere. Consule TRIUMPHUM, & THEOLOGUM LOUANIENSEM.

S. V. Comparatio libertatis prævolitæ cum libertate præscitâ, representata à SPECULO Scientiæ Mediæ constanter defenditur.

CCX. **A**ddatur & huic Comparationi suum fundamentum; & SPECULO eam repræsentanti suus Chalybs, ut infirmitas *Defensionis injustæ* Cordatis fiat manifesta. Fundamentum est duplex illa sæpius commemorata sententia duplicis decreti ex omnipotentia, vel ex præscientiâ efficacis. Optimè dicit *Defensor* n. 552. quod certum sit in omnium sententiâ rectè de Deo sentientium, libertatem nostram, & prævolitam esse à Deo, & præscitam: nos esse liberos, quia Deus nos tales esse voluit, & fecit: & nos tales fueros præstivisse, qui nihil potest ignorare. Sed hæc non sistit veritatis amator, qui nodum difficultatis novit. Convenimus, quod libertas sit & prævolita, & præscita. Cum hæc convenientiâ latissimum superest discrimen, Secundum genuinum Ecclesiæ Solem libertas ita est prævolita,

X

ut ejus prævolitio sit causa, seu ratio præscientiæ, quia decreto antecedente omnem præscientiam est *prævolita*; & ipsa prius est *prævolita*, quàm *præscita*. Secundum Molinistas libertas ita est *præscita*, ut ejus præscientia sit causa, seu ratio prævolitionis, quia præscientiâ antecedente omne decretum efficax est *præscita*, & ita prius est *præscita*, quàm *prævolita*. En Chalybs appositus SPECULO quoad hanc repræsentationem; in quo scientibus nodum difficultatis loquimur; qui per *libertatem prævolitam* intelligunt eam, quæ est prius *prævolita*, quàm *præscita*, quia decreto efficaci antecedente omnem præscientiam est *prævolita*: Et per *libertatem præscitam* intelligunt eam, quæ est prius *præscita*, quàm *prævolita*, quia præscientiâ antecedente omne decretum efficax est *præscita*. Hanc supra n. 172. ostendimus eandem esse in præscientiâ, ac in prævolitione difficultatem, eod quod tota difficultas conciliandi libertatem oriatur ex immutabilitate præscientiæ, & prævolitionis, quæ sunt ab æterno; undè fit, ut res non possit aliter evenire, quàm fuerit à Deo *præscita*, aut *prævolita* ab æterno. Æqualitatem istam, demonstrant Combinationes sequentes, quas simul proponimus, quia simul à *Defensore* ex eadem impugnantur radice.

Combinationes æqualis difficultatis.

1. Quidquid fit ex suppositione libertatis non potest ledere libertatem, etiamsi antecedit actum liberum,

2. Ergò quod fit ex suppositione libertatis PRÆVOLITÆ non potest ledere libertatem, etiamsi antecedit actum liberum.

3. Ratio consequentiæ est, quod esse PRÆVOLITUM non est conditio destruens libertatem; alioqui non posset dici LIBERTAS PRÆVOLITA, sed deberet dici NECESITAS PRÆVOLITA.

1. Quidquid fit ex suppositione libertatis non potest ledere libertatem, etiamsi antecedit actum liberum.

2. Ergò quod fit ex suppositione libertatis PRÆSCITÆ, non potest ledere libertatem, etiamsi antecedit actum liberum.

3. Ratio consequentiæ est, quod esse PRÆSCITUM non est conditio destruens libertatem; alioqui non posset dici LIBERTAS PRÆSCITA, sed deberet dici NECESITAS PRÆSCITA.

CCXJ. Propositiones istas in suis radicibus adversari, manifestum est ex fundamento nuper adducto. Quare clausit oculos lumini, dum dixit *Defensor* n. 554. Nonne igitur risu dignus est, qui has propositiones inter se committit tanquam

adversarias, cum amicae sint, & utrique parti acceptae? Nonne ridicula probatio inde petita, quod utrique, & Scientia Media, & praedeterminationis defensores, eadem patiuntur difficultates, cum neutri ex hac parte difficultatem patiantur? Ridicula certe nobis erit probatio, si Defensorem ceperimus in sermonibus suis. Veritatem propositionum tateatur Defensor nesciens vim argumenti. Legitimam agnoscit totam consequentiam: Quidquid sit ex suppositione libertatis non potest ledere libertatem, etiam si antecedit actum liberum: ergo quod sit ex suppositione libertatis praevolita non potest ledere libertatem, etiam si antecedit actum liberum. Amicum dicit esse istam consequentiam, & utrique parti acceptam, & neutros ex hac parte pati difficultatem.

Quid igitur ad hunc syllogismum Angelicum dicit Defensor? Quod sit ex praesuppositione libertatis praevolita non potest ledere libertatem: sed quod sit ex praesuppositione libertatis praevolita decreto efficaci antecedente omnem praescientiam, sit ex praesuppositione libertatis praevolita? ergo quod sit ex praesuppositione libertatis praevolita decreto efficaci antecedente omnem praescientiam non potest ledere libertatem. An Amicus, & utrique parti acceptus iste syllogismus? An neutri ex hac parte patiantur difficultatem? Quid dicit Defensor? Majorem veram esse dixit, utrique parti acceptam, & neutros ex hac parte pati difficultatem. An non risu dignus ipse Defensor, qui verbis propriis se irretivit, & nos irridendo speciosam nobis contulit victoriam?

CCXII]. Aperiat modò oculos, quos lumini clausit, & aternat, quòd ex eodem principio, quo concluditur *Scientiam Mediam* non ledere libertatem, concluditur & decretum praedeterminans non ledere libertatem. Formemus syllogismum Molinisticum. Quod sit ex praesuppositione libertatis praevolita non potest ledere libertatem: sed quod sit ex praesuppositione libertatis praevolita decreto subsequente praescientiam sit ex praesuppositione libertatis praevolita: ergo quod sit ex praesuppositione libertatis praevolita decreto subsequente praescientiam non potest ledere libertatem. Amicum, & utrique parti acceptum negamus istum syllogismum. Parem tamen agnoscimus difficultatem ex parte libertatis; quia non minùs est *libertas praevolita*, si sit praevolita decreto antecedente, quàm si fuerit praevolita decreto subsequente praescientiam. Quam disparitatem utriusque syllogismi, & Angelici, & Molinistici assignabit Defensor? idem est utriusque medium, & principium, nempe, *libertas praevolita*, quae libertati praedjudicari non potest. Si in isto medio nec Thomistae, nec Molinistae patiantur difficultatem, ut vult Defensor, sed concordēs sint; aperit sequitur, quòd nulla *libertas praevolita* possit ledere libertatem secundum utroque.

Idem est ex parte *libertatis praescriptae*, in qua vult etiam Defensor utroque esse amicos, & consentientes. Etenim concluditur, quòd nulla *libertas praescripta* possit ledere libertatem secundum utroque. Cogitur ergo admittere libertatem pra-

CXC VII. Quod clariùs elucet (inquit Triumphus) si consideretur Judæos, & Tyrios in hoc fuisse æquales; quod miracula facta apud utroque poterant conjungi cum circumstantiis congruis, & poterant non conjungi. Unde, quæso, sequura est ista inæqualitas, quod apud Judæos facta sint miracula sine conjunctione cum circumstantiis congruis; quæ si apud Tyrios fuissent facta, fuissent ipsa conjuncta cum circumstantiis congruis. Unde ista, inquam, inæqualitas? nisi ex mero Dei beneplacito, cui soli subjacet connexio miraculorum cum circumstantiis congruis? Manifestissimum igitur est, Deum non æqualiter se habuisse ad Judæos, & Tyrios, juxta principia Scientiæ Medix: ac proinde oportet, ut eandem subeat difficultatem; quod sequens schema ad oculum demonstrat.

S. AUGUSTINUS.

„Si Tyrii videant miracula, habetur
en gratia faciens eos credere, quæ non
datur Judæis videntibus miracula.

P. ANNATUS OBJICIT.

„Quis autem non intelligit, iustissi-
mam fore Judæorum excusationem, si
respondeant se quoque fuisse credituros, si
data fuisset gratia faciens eos credere.

I N S T A T.

„Iniquum est, ac prorsus alienum non
solum à Divinitate, sed & ab ipsâ Hu-
manitate; ipsis viiio verti, quod idem
non præstiterint, quod ii, qui præ ipsis
omnipotentis gratiæ adjuvi fuissent.

P. MOLINA.

Si Tyrii videant miracula ponentur in
circumstantiis congruis, in quibus non po-
nuntur Judæi videntes miracula.

T. CORDATUS OBJICIT.

Quis autem non intelligit, iustissimam
fore Judæorum excusationem, si respondeant:
se quoque fuisse credituros, si positi fuissent
in circumstantiis congruis.

I N S T A T.

Iniquum est, ac prorsus alienum non so-
lum à Divinitate, sed & ab ipsâ Huma-
nitate, ipsis viiio verti, quod idem non præ-
stiterint, quod ii, qui præ ipsis in circum-
stantiis congruis positi fuissent.

CXCIX. Quibus omnibus manifestum fit, aliquo necessàrio caruisse Judæos, quod habuissent Tyrii; & ad Tyrios aliter se habuisse Deum, quàm ad Judæos. Quare inepta erit secundum P. Annatum objurgatio Judæorum præ Tyrii, non minùs respectu gratiæ versatilis, quàm GRATIÆ PRÆDETERMINANTIS, cum non minùs in sententiâ Molinistarum, quàm in sententiâ Thomistarum,

Deus *aliâ ratione cum illis egerit; aliâ cum istis fuerit facturus*. Et quemadmodum dicit *Defensor* injustissimam esse Judæorum exculationem, cum donati auxilio plane sufficienti ad credendum, culpâ suâ non crediderint. Ita & Solis utriusque discipuli dicunt, iniquissimam esse Judæorum exculationem, cum paratum, seu dandum sibi auxilium culpâ suâ impederint. Nam sicut gratia sufficiens DATA, culpâ Judæorum reddita fuit inefficax; ita gratia sufficiens DANDA, culpâ Judæorum non tranſiit in DATAM: Vide infra cap. 6. n. 360.

Futilem esse hanc responsionem, fusiùs infra cap. seq. se probaturum promittit *Defensor*: sed futilem esse illius solutionem probabimus & nos cap. seq. §. 9. Nunc tantùm n. 549. interrogat, si gratia ad vitandum peccatum illud, quo ponitur obstaculum, necessaria, non sit DATA, quomodo potuerunt vitare illud peccatum, cum caruerint gratiâ necessariâ ad illud vitandum? non potest igitur justè dici. Imputens sibi, quòd non acceperint gratiam prædeterminantem ad credendum. Respondeo *Defensori*, quòd potuerunt non per se, sed per alium. Potestas faciendi aliquid per alium, non habetur ex DATIS, sed ex DANDIS: ut supra n. 140. diximus, & magis infra cap. seq. §. ult. n. 356. dicemus, soliditatem responsionis nostræ contra *Defensoris* futilitatem sustinentes.

Quarta Combinatio aqualis difficultatis.

1. *Vae tibi Corozaim, quia voluntariâ tuâ obstinatione post tot signa auxilium determinans arbitrium tibi dandum impedivisti, quod sibi dandum Tyrii non impedivissent gratiâ determinante eorum arbitrium, si tot signa eis facta fuissent.*

2. *Vae tibi Corozaim, quia voluntariâ tuâ obstinatione post tot signa auxilium ab arbitrio determinandum tibi datum reddidisti inefficax: quod sibi datum Tyrii reddidissent efficax arbitrio eorum beneficio gratiæ adjuvantis determinante gratiam, si tot signa eis facta fuissent.*

CC. Loco ly *paratum* reposuimus in secundâ propositione ly *datum*, & addidimus beneficio gratiæ adjuvantis, ut verbis cum *Defensore* id desiderante non contendamus; & quia dato correspondet dandum; etiam in primâ propositione loco ly *paratum* reposuimus *dandum*. Rem nunc agamus. Quid enim iustius, dicit *Defensor* n. 551. quàm ut arguatur, & castigetur, qui accepto auxilio ad credendum necessario, voluntariâ obstinatione non credidit; atque ita culpâ suâ auxilium illud reddidit inefficax. Quid etiam iustius, dicam & ego, quàm ut arguatur, & castigetur, qui DANDUM sibi auxilium ad credendum necessarium, voluntariâ obstinatione DATUM non accepit. Et si *Defensor* voluerit n. 550. Corozaitas posse

Christo reponere: Ideò Tyrri auxilium illud non impedissent, quoniam accepissent gratiam prædeterminantem ad vitandum peccatum, quod auxilium illud impedisset: cum ergo nos gratiam istam non acceperimus ad vitandum illud peccatum, quid nos præ illis increpas? Volam & ego, Corozaitas posse Christo reponere; Ideò Tyrri auxilium sufficiens sibi datum reddidissent efficax, quoniam posuisset illos Deus in circumstantiis, in quibus prævisi sunt credituri: cum ergo nos non posuerit Deus in istis circumstantiis, in quibus prævisi sumus credituri, quid nos præ illis increpas? Judica, CORDATE LECTOR, an non eodem graventur pondere difficultatis? sed aggravatum esse pondus eorum, demonstrant sequentes Combinationes.

Combinationes majoris difficultatis.

1. Gratia determinans arbitrium est prima radix discretionis bonorum à malis.

2. In gratiâ determinante, voluntas est pedissequa, & gratia domina. Hæc totum tribuit Deo, ut in nullo gloriatur, cum nihil sit nostrum.

1. Arbitrium determinans gratiam est prima radix discretionis bonorum à malis.

2. In gratiâ determinatâ, gratia est pedissequa, & voluntas domina, Hæc partem sibi vendicat, partem relinquit Deo, & primam sibi dat.

CCJ. De his combinationibus sic loquitur Defensor gratiæ versatilis, num. 551. Sequentes propositiones, quibus probat majoribus nos difficultatibus urgeri, quòd arbitrium faciamus primam radicem discretionis: voluntatem autem dominam, gratiam pedissequam, &c. conspate sunt ex meris imposturis, ut cap. 2. sect. 3. & 7. abunde declaratum est. Non imposturas, sed legítimas esse consequentias, invictè ostendimus & nos cap. 2. §. 6. & 7.



S. IV. Tres Defensoris rationes de *lesâ libertate*
per GRATIAM PHYSICE PRÆDETERMINANTEM,
in ipsum retorquensur.

CCIJ. **G**RATIAM PHYSICE PRÆDETERMINANTEM ineluctabiles pati difficultates, ut concilietur cum libertate, tribus rationibus probare contendit *Defensor gratiæ versatilis*; quas non aliter refutabimus hic, quam ostendendo ipsam ipsum implicari rationibus; ita ut omnia fere illarum rationum verba in ipsum retorqueantur. Qui refutandi modus maximè congruit *SPECULO Scientiæ Mediæ* repræsentante eam ipsam difficultatibus implicatam. Quod SPECULUM suscepimus modò defendendum.

Primam rationem sic proponit num. 542. „Omne agens liberum debet habere potentiam proximam ad agendum, & non agendum, si agatur de libertate exercitii; & ad contrarium agendum si sermo sit de libertate contrarietatis: atqui physice prædeterminatus ad agendum non habet potentiam proximam, & expeditam ad non agendum, & contrarium agendum: ergò non est agens liberum, nec libertate contradictionis, nec libertate contrarietatis. Major ab Adversariis admittitur. Minorem probo: quisquis habet aliquid repugnans negationi actûs, & contrario actui, quod nequeat à se abiicere, non habet potentiam proximam, & expeditam ad non agendum, & contrarium agendum; cùm non possit dari majus potentiz ad utrumque impedimentum, quàm aliquid intimè in eâ receptum utrique repugnans: atqui physice prædeterminatus habet aliquid repugnans negationi actûs, & contrario actui, videlicet physicam prædeterminationem ad agendum, quam non potest à se abiicere: ergò non habet potentiam proximam, & expeditam ad agendum, & contrarium agendum. Adde illum etiam carere aliquo necessario ad contrarium agendum, videlicet prædeterminatione physica ad actum contrarium: quomodo ergò illà careus est proxime expeditus ad illum actum?

CCIIJ. Retorqueo argumentum in *Molinistâ posito in circumstantiis congruis*. Omne agens liberum debet habere potentiam proximam ad agendum, & non agendum, &c. atqui *Molinistâ posito in circumstantiis congruis* non habet potentiam proximam, & expeditam ad non agendum, & contrarium agendum: ergò non est agens liberum, &c. Major ab Adversariis admittitur. Minorem probo. Quisquis habet aliquid repugnans negationi actûs, & contrario actui, quod nequeat à se abiicere, non habet potentiam proximam, & expeditam ad

non agendum, & contrarium agendum; cum non possit, &c. Atqui *Molinista* positus in circumstantiis congruis habet aliquid repugnans negationi actus, & contrario actui, videlicet positionem in circumstantiis congruis, quam non potest à se abicere: ergo non habet potentiam proximam, & expeditam ad non agendum, & contrarium agendum. Adde *Molinistam* istum carere aliquo necessario ad contrarium agendum, videlicet, positione in aliis circumstantiis: quomodo ergo illà carens, est proximè expeditus ad illum actum?

Cernis, CORDATE LECTOR, iisdem omnino verbis retorqueri argumentum. Cui si responderit *Defensor*, quòd positio in circumstantiis congruis sit suppositio dependens à præscientiâ liberi consensus; respondebimus & nos; quòd prædeterminatio physica sit suppositio dependens à prævolitione liberi consensus. Nam sicut Deus non ponit *Molinistam* in circumstantiis congruis, nisi priùs præviderit liberum illius sub conditione consensus: ita Deus neminem prædeterminat physice, nisi priùs prævoluerit liberum illius consensum.

CCIV. Alteram rationem hoc tyllologismo n. 543. comprehendit: „Quisquis liberè agit, debet posse seipsum pro libitu suo determinare ad alterutram partem; sive contradictionis, si sit liber ad exercitium; sive contrarietatis, si sit liber ad specificationem actus: atqui physice prædeterminatus ad unam partem vel contradictionis, vel contrarietatis non potest seipsum pro libitu suo ad alterutram partem determinare: ergo &c. Prob. Minor: prædeterminatus ad unam partem non est indifferens ad alterutram partem; quia determinatio necessario tollit indifferentiam sibi oppositam. Sed qui non est indifferens ad alterutram partem, non potest seipsum ad alterutram partem determinare, quia determinatio supponit indifferentiam, quam tollat: ergo &c.

Retorqueb argumentum in habente gratiam congruam *Molinistarum*. Quisquis liberè agit, debet posse seipsum pro libitu suo determinare ad alterutram partem, &c. atqui habens gratiam congruam ad amorem proximi v. g. non potest seipsum pro libitu suo ad alterutram partem determinare: ergo &c. Prob. Minor. Determinatus ad unam partem non est indifferens ad alterutram partem, quia determinatio necessario tollit indifferentiam sibi oppositam. Habens gratiam congruam ad amorem proximi est determinatus ad unam partem: ergo non erit indifferens ad alterutram partem: sed qui non est indifferens ad alterutram partem non potest seipsum ad alterutram partem determinare; quia determinatio supponit indifferentiam, quam tollat: ergo &c.

CCV. Si *Recens Molinista* dixerit, gratiam congruam tollere indifferentiam negativam, quam tollit actus; non autem tollere indifferentiam positivam, quam tollit carentia potestatis ad oppositum. Ita dicemus & nos, prædeterminationem physicam tollere indifferentiam negativam, quam tollit actus; non verò tollere

indifferentiam positivam, quam tollit carentia potestatis ad oppositum. Certum est, quod actus alicujus potentiae non tollit potentiam, sed actuatur, & perficit eam. Dum ignis actu calefacit non amittit potentiam calefaciendi, sed potentia calefaciendi consequitur suum actum, & exercitium. Certum etiam est, quod potentia ad actus oppositos non actuatur simul utroque actu: ex hoc ergo, quod potestas ad opposita actuatur uno de duobus actibus oppositis, non amittit potestatem ad alium. Unde amor qui elicitur à voluntate, ut habet potestatem ad opposita, non tollit potestatem ad odium, aut negationem amoris.

Hinc patet, quod in voluntate habente potestatem ad opposita duplex indifferentia consideratur, una positiva, quæ nihil est aliud, quam ipsa potestas ad opposita, quæ tollitur per carentiam potestatis: alia est negativa, quæ est carentia utriusque oppositi. Hæc indifferentia tollitur per actum: siquidem voluntas, quæ carebat utroque libertatis suæ exercitio, per actum consequitur unum de duobus, quibus carebat. Ista igitur indeterminatio, seu indifferentia, quæ neutrum habet oppositorum, tollitur per actum. Prima autem indifferentia non tollitur per actum: quia, ut dictum est, actus non tollit potestatem ad oppositum. Cum ergo prædeterminatio physica præsupponat in voluntate potestatem ad opposita, & faciat exire actum à voluntate sub tali potestate adaptatâ, manifestum est, quod non aliam tollat indifferentiam, quam eam, quæ tollitur ab actu.

CCVJ. Si fiat instantia, quod *Prædeterminatio physica* antecedit actum, *gratia congrua* subsequatur, quod *gratia congrua* innititur præscientiæ liberi consensûs, secus *Prædeterminatio physica*: ac proinde latissima sit disparitas. Respondeo, *Prædeterminationem physicam* præcedere actum, ut causa actu causans antecedit actum, non ut causa potens causare dicitur actum antecedere. Sicut igitur causa libera actu causans actum liberum, ex hoc quod sit actu causans, non amittit potestatem ad oppositum; ita & *Prædeterminatio physica*, ex hoc quod causam liberam faciat actu causantem, non tollit potestatem ad oppositum; ita enim antecedit causalitate actum, ut subsequatur potestatem ad oppositum: vide supra n. 131. Et si *gratia congrua* innititur præscientiæ liberi consentus, *Prædeterminatio physica* innititur prævolitioni liberi consentus. Latissimam admittimus disparitatem in hoc consistentem, quod *Prædeterminatio physica* sit causa libertatis actûs, *gratia congrua* sit quasi effectus libertatis actûs; quod *Prædeterminatio physica* dependeat à libertate actûs *prævolitâ*, *gratia congrua* dependeat à libertate actûs *præscitâ*. At latissima hæc disparitas solam in præjudicium gratiæ, & omnipotentiae vim suam exerit, nullatenus in præjudicium libertatis. Cur enim magis officeret libertati *causa* libertatis, quam *effectus* libertatis? & quid minus habet *libertas prævolita*, quam *libertas præscita*? Sed de hoc s. seq.

CCVII. Portè dicit alius, qui habet *gratiam congruam* est determinatus à seipso: qui autem habet *GRATIAM PRÆDETERMINANTEM* est determinatus ab alio: est autem contra rationem liberi agentis ab alio determinari. Mutat iste medium. Ratio *Defensoris* innititur isti medio, videlicet, *Determinatus ad unam partem non est indifferens ad alterutram partem*. Sive determinetur à seipso, sive determinetur ab alio, si sit determinatus ad unam partem non erit indifferens ad alterutram partem. Determinatio ad unam partem est quid commune *GRATIÆ PRÆDETERMINANTI, & gratiæ congruæ*. Undè si repugnet libertati, utraque gratia repugnabit libertati.

Si muretur medium, & impugnetur *GRATIA PRÆDETERMINANS* ex hoc, quòd qui habet illam ab alio determinatur. Dicimus prædeterminatum, ita ab alio determinari, ut etiam seipsum determinet, vel *elicitivè* tantum, si sit *prædeterminatus specialiter*, vel *elicitivè*, & *applicativè* simul, si sit *prædeterminatus universaliter*. Isto medio efficacius urgetur *gratia congrua*; nam qui habet eam, ab alio non determinatur; & ideo non potest esse agens liberum secundum, de cuius ratione est, quòd à primo libero determinetur. Revolvant Molinistæ Angelica ista verba: *Manifestum est, quòd cum aliquid movet alterum, non ex hoc ipso, quòd est movens, ponitur, quòd sit primum movens. Unde non excluditur, quin ab altero moveatur, & ab altero habeat similiter hoc ipsum, quòd movet. Similiter, cum aliquid movet seipsum non excluditur, quin ab alio moveatur, à quo habet hoc ipsum, quòd seipsum movet*, q. 3. de Malo, a. 2. ad 4. Vide TRIUMPHUM Opus. l. n. 152.

CCVIIJ. Tertiam rationem ex hac paritate deducit n. 545. „Si Deus infunderet voluntati habitum aliquem tam potenter illum inclinantem, & determinantem ad agendum, ut vinceret omnem ejus resistantiam, nec fieri posset „ut cum illo staret ommissio actûs ad quem inclinaret; hujusmodi habitus tolleret libertatem voluntatis: atqui Prædeterminatio physica immissa à Deo in „voluntatem adhuc potentius, aut saltem æquè potenter illam determinaret ad „agendum, quandoquidem esset ex essentiâ suâ actualissima voluntatis applicatio ad actum: ergo æquè destrueret libertatem, ac talis habitus.

Retorqueo argumentum in habente charitatem pro illo tempore, quò urget præceptum affirmativum mortaliter obligans ad dilectionem proximi: Habitùs à Deo infusus tam potenter voluntatem inclinans, & determinans ad agendum, ut vincat omnem ejus resistantiam, nec fieri possit, ut cum illo stet ommissio actûs ad quem inclinat: hujusmodi habitus tollit libertatem voluntatis, secundum *Defensorem gratiæ versatilis*: atqui habitus charitatis est habitus à Deo infusus, & tam potenter voluntatem inclinans, & determinans ad agendum, ut vincat omnem ejus resistantiam mortaliter peccaminosam, nec fieri potest, ut pro tempore, quo urget præceptum dilectionis proximi cum illo stet ommissio dilectionis ad quam

quam inclinat: ergo habitus charitatis æquè destruet libertatem pro tempore dicto, ac talis habitus secundum *Defensorem gratia versatilis*.

CCIX. Si disparitatem assignaverit *Defensor*, quòd charitas pro tempore, quo urget dilectionis proximi præceptum potest abiici: Prædeterminatio physica non possit abiici, priùs attendat, quòd charitas non abiicitur conjunctione omissionis mortaliter peccaminosæ cum illà, ut stent simul charitas, & ommissio prædicta; & consequenter potestas abiiciendi charitatem pro tempore, quo urget præceptum dilectionis, non est potestas conjungendi omissionem, aut actum oppositum cum charitate: sed est potestas ad ponendum omissionem divisivè à charitate. Tali autem potestate potest etiam abiici Prædeterminatio physica: cum non tollat potestatem ponendi oppositum non cum Prædeterminatione conjungendum, sed divisivè à Prædeterminatione. Revolvat iterùm, atque iterùm revolvat *Defensor* habitum illum charitatis pro tempore illo, quo urget præceptum dilectionis affirmativum obligans mortaliter; & videbit charitatem esse quid antecedens, influens in actum, & cum eo habens essentialem connexionem; ita ut cum charitate in dicto casu non possit stare ommissio dilectionis, nec actus oppositus. Hæc inquam, diligenter, & sine passione revolvat, & omnem mentis suæ dissipabit caliginem circa Angelicam physicæ Prædeterminationis doctrinam. O Doctor Angelicæ Ecclesiæ Sanctæ Sol lucidissime specialiter deprecare pro *Defensore*, aliisque *Molinistis* Filium Dei, ut quæ docuisti intellectu valeant concipere. Consule TRIUMPHUM, & THEOLOGUM LOUANIENSEM.

S. V. Comparatio libertatis prævolitæ cum libertate præscitâ, representata à SPECULO Scientiæ Mediæ constanter defenditur.

CCX. Adatur & huic Comparationi suum fundamentum; & SPECULO eam representanti suus Chalybs, ut infirmitas *Defensionis* injustæ Cordatis fiat manifesta. Fundamentum est duplex illa sæpiùs commemorata sententia duplicis decreti ex omnipotentia, vel ex præscientiâ efficacis. Optimè dicit *Defensor* n. 552. quòd certum sit in omnium sententiâ rectè de Deo sentientium, libertatem nostram, & prævolitam esse à Deo, & præscitam: nos esse liberos, quia Deus nos tales esse voluit, & fecit: & nos tales fueros præscivisse, qui nihil potest ignorare. Sed hîc non sistit veritatis amator, qui nodum difficultatis novit. Convenimus, quòd libertas sit & prævolita, & præscita. Cum hæc convenientiâ latissimum superest discrimen, Secundum genuinum Ecclesiæ Solem libertas ita est prævolita,

ut ejus prævolitio sit causa, seu ratio præscientiæ, quia decreto antecedente omnem præscientiam est *prævolita*; & ipsa prius est *prævolita*, quàm *præscita*. Secundum Molinistas libertas ita est *præscita*, ut ejus præscientia sit causa, seu ratio prævolitionis, quia præscientiâ antecedente omne decretum efficax est *præscita*, & ita prius est *præscita*, quàm *prævolita*. En Chalybs appositus SPECULO quoad hanc repræsentationem; in quo scientibus nodum difficultatis loquimur; qui per *libertatem prævolitam* intelligunt eam, quæ est prius *prævolita*, quàm *præscita*, quia decreto efficaci antecedente omnem præscientiam est *prævolita*: Et per *libertatem præscitam* intelligunt eam, quæ est prius *præscita*, quàm *prævolita*, quia præscientiâ antecedente omne decretum efficax est *præscita*. Hanc supra n. 172. ostendimus eandem esse in præscientiâ, ac in prævolitione difficultatem, eod quod tota difficultas conciliandi libertatem oriatur ex immutabilitate præscientiæ, & prævolitionis, quæ sunt ab æterno; undè fit, ut res non possit aliter evenire, quàm fuerit à Deo *præscita*, aut *prævolita* ab æterno. Æqualitatem istam, demonstrant Combinationes sequentes, quas simul proponimus, quia simul à *Defensore* ex eadem impugnantur radice.

Combinationes æqualis difficultatis.

1. Quidquid fit ex suppositione libertatis non potest ledere libertatem, etiamsi antecedat actum liberum,

2. Ergò quod fit ex suppositione libertatis PRÆVOLITÆ non potest ledere libertatem, etiamsi antecedat actum liberum.

3. Ratio consequentia est, quòd esse PRÆVOLITUM non est conditio destruens libertatem; alioqui non posset dici LIBERTAS PRÆVOLITA, sed deberet dici NECESITAS PRÆVOLITA.

1. Quidquid fit ex suppositione libertatis non potest ledere libertatem, etiamsi antecedat actum liberum.

2. Ergò quod fit ex suppositione libertatis PRÆSCITÆ, non potest ledere libertatem, etiamsi antecedat actum liberum.

3. Ratio consequentia est, quòd esse PRÆSCITUM non est conditio destruens libertatem; alioqui non posset dici LIBERTAS PRÆSCITA, sed deberet dici NECESITAS PRÆSCITA.

CCXJ. Propositiones istas in suis radicibus adversari, manifestum est ex fundamento nuper adducto. Quare clausit oculos lumini, dum dixit *Defensor* n. 554. Nonne igitur risu dignus est, qui has propositiones inter se committit tanquam

adversarias, cum amicae sint, & utrique parti acceptae? Nonne ridicula probatio inde petita, quod utrique, & Scientia Media, & praedeterminationis defensores easdem pariatur difficultates, cum neutri ex hac parte difficultatem patiantur? Ridicula certe nobis erit probatio, si Defensorem ceperimus in sermonibus suis. Veritatem propositionum tateatur Defensor nesciens vim argumenti. Legitimam agnoscit totam consequentiam: Quidquid sit ex suppositione libertatis non potest ledere libertatem, etiam si antecedit actum liberum: ergo quod sit ex suppositione libertatis praevolita non potest ledere libertatem, etiam si antecedit actum liberum. Amicam dicit esse istam consequentiam, & utrique parti acceptam, & neutros ex hac parte pari difficultatem.

Quid igitur ad hunc syllogismum Angelicum dicit Defensor? Quod sit ex praesuppositione libertatis praevolita non potest ledere libertatem: sed quod sit ex praesuppositione libertatis praevolita de viro efficaci antecedente omnem praesentiam sit ex praesuppositione libertatis praevolita? ergo quod sit ex praesuppositione libertatis praevolita de viro efficaci antecedente omnem praesentiam non potest ledere libertatem. An Amicus, & utrique parti acceptus iste syllogismus? An neutri ex hac parte patiantur difficultatem? Quid dicit Defensor? Majorem veram esse dixit, utrique parti acceptam, & neutros ex hac parte pati difficultatem. An non risu dignus ipse Defensor, qui verbis propriis se irretivit, & nos irridendo speciosam nobis contulit victoriam?

CCXI]. Aperiat modò oculos, quos lumen clausit, & ðernat, quòd ex eodem principio, quo concluditur *Scientiam Medium* non ledere libertatem, concluditur & decretum praedeterminans non ledere libertatem. Formemus *syllogismum Molinisticum*. Quod sit ex praesuppositione libertatis praevolita non potest ledere libertatem: sed quod sit ex praesuppositione libertatis praevolita decreto subsequente praesentiam sit ex praesuppositione libertatis praevolita: ergo quod sit ex praesuppositione libertatis praevolita decreto subsequente praesentiam non potest ledere libertatem. Amicum, & utrique parti acceptum negamus istum syllogismum. Parem ramen agnoscimus difficultatem ex parte libertatis; quia non minùs est *libertas praevolita*, si sit praevolita decreto antecedente, quàm si fuerit praevolita decreto subsequente praesentiam. Quam disparitatem utriusque syllogismi, & Angelici, & Molinistici assignabit Defensor? idem est utriusque medium, & principium, nempe, *libertas praevolita*, quæ libertati praedicari non potest. Si in isto medio nec Thomistæ, nec Molinistæ patiantur difficultatem, ut vult Defensor, sed concordēs sint; aperit sequitur, quòd nulla *libertas praevolita* possit ledere libertatem secundum utroque.

Idem est ex parte *libertatis praesentiae*, in quâ vult etiam Defensor utroque esse amicos, & consentientes. Etenim concluditur, quòd nulla *libertas praesentia* possit ledere libertatem secundum utroque. Cogitur ergo admittere libertatem pra-

volitam decreto efficaci antecedente præsentiā, sicut & libertatem præsentiā præsentiā subsequente decretum efficax, nullatenus posse lædere libertatem. En CORDATE LECTOR, probatio, quam ut ridiculam ridet Defensor. Ridicula certe nobis est, quia risum fecit mihi Deus, quicumque audieris corridebis mihi, in foveam quam paraveram cecidisse Defensorem.

CCXII]. Superest, ut CORDATIS doctrinam TRIUMPHI, quam siluit Defensor, exhibeamus. „Difficultas ex partelibertatis in sententiā S. AUGUSTINI oritur „ex eo, quodd decretum antecedens omnem liberi arbitrii determinationem non „sit in potestate arbitrii. Contra rationem verò libertatis videtur, quodd actus li- „ber infallibiliter inferatur ex aliquo, quod non est in potestate arbitrii. Ita ut „omnis necessitas, ait P. ANNAXUS disp. 1. citatā, n. 125. *Quæ & insuperabilis sit, „& independens à voluntate, censeatur impedire illius libertatem.* Et S. anteceden- „te multis contendit, ad libertatem indispensabiliter requiri, quodd cum om- „ni prærequisito possit componi non actio. Hæc TRIUMPHUS art. 4. §. 3. An- „nato consentit Defensor n. 555. dicens: *Nos autem nullum, ut agamus prærequisi- „tum agnoscimus, cuius usus non sit in potestate voluntatis, quod conjungi non possit „cum negatione actūs, aut certè abiici non agendo.*

Si Defensor iunxisset SPECULO suum Chalybem, id est, si doctrinam TRIUMPHI art. 4. §. 3. & 4. addidisset, tale prærequisitum in sententiā Suarez invenisset, nempe decretum efficax Suarianum, quodd à voluntate non pender, ut ponatur, nec positum potest abiicere; quod conjungi non potest cum negatione actūs, aut certè abiici non agendo. Invenisset & in aliorum MOLINISTARUM sententiā positionem in circumstantiis congruam, seu prævolitionem divinam ponendi aliquem in circumstantiis congruis, quæ à voluntate non pender, ut habeatur, nec positam potest abiicere; quæ conjungi non potest cum negatione actūs, aut certè abiici non agendo. Hæc igitur est, quam celavit Defensor, diffcultatis paritas, inter nos, & MOLINISTAS, in explicandā libertate voluntatis nostræ, à Deo secundum utroque quidem prævolitā at secundum nos prius prævolitā, quàm præsentiā: secundum ipsos prius præsentiā, quàm prævolitā.

CCXIV. Quid dicent Adversarii? nisi quodd decretum Suarianum supponat libertatem præsentiā, sicut & positio in circumstantiis congruis. Quod supponit libertatem non potest eam lædere. Audiant, & si eis datum sit, intelligant DECRETUM AUGUSTINIANUM inferre libertatem prævolitam. Quod infert libertatem non potest eam lædere. Cernis, CORDATE LECTOR, quàm congruè contra gratiam congruam dixerit TRIUMPHUS: „Quid minùs habet libertas præ- „volita, quàm libertas præsentiā? Antecedens inferens infallibiliter actum liberum, „quod non est in potestate voluntatis, nec cum eo componi non potest non „actio, non prejudicat juxta Adversarios libertati, quia supponit illam præ- „

nam: cur ergò simile antecedens juxta sententiam S. AUGUSTINI præjudicaret libertati, si supponat eam *prævolitam*? An non in bonis æquè latè pater voluntas Dei, ac ejus scientia? Libertas in bonis magnum quoddam bonum est, ergò est simul *præscita*, & *prævolita*. Si quodcumque antecedens, dummodò fundetur in *libertate præscitâ* non tollat libertatem; longè minùs antecedens illud tollit libertatem, quod fundatur in libertate simul *prævolitâ*, & *præscitâ*. Objectum Scientiæ Mediæ non est quid *prævolitum*, sed solummodò *præscitum*. Libertas ergò quam præsupponit non est *prævolita*, sed tantùm *præscita*.

Combinations majoris difficultatis.

1. Libertas PRÆVOLITA facit secundum liberum in suâ determinatione dependere à primo libero. Similiter & secundum determinans à primo determinante.

2. Ideò gratia PRÆDETERMINANS supponens libertatem PRÆVOLITAM, est incongrua libertati secundi liberi.

1. Libertas PRÆSCITA tollit dependentiam secundi liberi in suâ liberâ determinatione à primo libero. Similiter & secundi determinantis à primo determinante.

2. Ideò gratia CONGRUA supponens libertatem PRÆSCITAM, est incongrua libertati secundi liberi.

CCXV. Major difficultas consistit in hoc, quòd in libertate *præscitâ præscientiâ antecedente decretum efficax* (de illâ enim agimus) est aliquid in determinatione liberi arbitrii *præscitum*, quod non est *prævolitum*, nempe illud, quod Scientiæ Mediæ obiiçitur. Undè confestim sequitur aliquid esse, quod non causetur à Deo; quia, quæ solummodò sunt *præscita*, & non *prævolita*, seu *prædeterminata* non causantur à Deo. In hoc sensu, quòd prima radix libertatis apud Defensores gratiæ congruæ sit aliquid *præscitum*, quod non est *prævolitum*, seu à Deo causatum, prosequitur TRIUMPHUS: „Ecce idiplum, quod Adversarii dicunt ad stabiliendam libertatem, & nos incunctanter dicimus, nempe, gratiam inferre actum liberum ex suppositione *libertatis præscitæ*. Ibi sistunt, (tamquam in primâ radice) Adversarii, ut primas partes dent arbitrio, & in se ipsis glorientur. Nos, qui nonnisi in Domino gloriari desideramus, ulterius pergitur, & agnoscimus libertatem in bonis non solum esse *præscitam*, sed etiam *prævolitam*. Fortius igitur salvat libertatem GRATIA PRÆDETERMINANS, quàm posito in circumstantiis congruis; quia hæc solum eam salvat ex liber-

„rate *præscitâ* (sicut ex primâ radice) GRATIA VERO PRÆDETERMINANS salvæ
„eam ex libertate *prævolitâ*, & *præscitâ*.

„Libertas solum *præscita* non subditur divinæ voluntati, omne enim, quod
„à divinâ voluntate causatur non solum est *præscitum*, sed etiam *prædestinatum*;
„Ita S. AUGUSTINUS de Prædest. Sanctorum, cap. 10. *Prædestinatio est, quæ sine*
„*præscientiâ esse non potest; potest autem esse sine prædestinatione præscientiâ. Prædesti-*
„*natione quippe Deus ea præscivit, quæ fuerat ipse factururus: unde dictum est, fecis,*
„*quæ futura sunt; præscire autem potest etiam, quæ ipse non facit, sicut quæcumque*
„*peccata.* Quare, si connexio consensûs boni cum istis circumstantiis sit sub
„aliquâ ratione *præscita*, & non *prædestinata*, sive *prævolita*; oportet ut ista
„connexio sub aliquâ ratione nullam involvente malitiam non fiat à Deo. Ec
„hoc est, in quo majorem patiuntur Adversarii difficultatem, à quâ se expe
„dire non possunt, nam coipso, quod concedant in actione bonâ aliquam ra
„tionem esse *præscitam*, & non *prædestinatam*, debent necessario concedere, in
„actione bonâ esse aliquam rationem, quam non facit Deus.

CCXV]. Hæc debuisset refutare *Defensor*, nec inutilibus terere chartam
quæstionibus, sicuti facit num. 558. Ad radicem debuisset ponere securim, &
gratiam congruam succidere libertatem secundi liberi, aperitè vidisset. Nec fu
cum faceret istis verbis num. 557. *Non posse secundum liberum determinare se, nisi*
prius Deus seipsum determinaverit ad volendam eam facere liberam in actu pri
mo, & concurrentum cum eâ in actu secundo, sicut dicit in antecedentibus.
Quis incautus, & simplex non crederet, salvari per hæc verba rationem pri
mi determinantis? Attende astutiam; prius Deus determinat seipsum, quàm li
berum arbitrium determinet se, non dixit prius determinat liberum arbitrium,
quàm ipsum arbitrium determinet se, ita ut determinatio Dei sit causa, cur
arbitrium hîc & nunc se determinet. Intellectus prius *vitali sua operatione* de
terminat se ad proponendum bonitatem objecti, quàm voluntas se determinet
ad illud amandum, & non potest voluntas se determinare ad amorem, nisi
prius intellectus seipsum *vitali suâ operatione* determinaverit, Nullus tamen Theo
logus ita simplex est, ut sentiat, quod in amore libero, intellectus se habeat,
ut primum determinans, & voluntas, ut secundum determinans.

Quemadmodum primum, & secundum agens dicuntur prioritare causalita
tis, non temporis; & respectu unius, & ejusdem actionis, non respectu di
versarum actionum; ita diversitate causalitatis, non diversitate temporum, &
actionum dicuntur primum, & secundum determinans. Quando una, & eadem
actio à duobus agentibus simul procedit, illud agens de duobus est primum,
quod est alteri agenti causa, cur agat. Quando unus, & idem motus à duo
bus se moventibus simul procedit, illud movens de duobus est primum se mo

vens, quod est alteri se moventi causa, cur se moveat ad illum motum, qui ab utroque se movente procedit. Nec quantum ad hoc curatur, si virtus unius agentis sit ab alio: ut patet in Patre movente navem ex imperio filii; licet filius acceperit virtutem movendi à Patre, & esset adhuc eam conservaret Pater, in istà motione navis filius respectu Patris est primum movens, & Pater respectu filii est secundum movens: quia in motu navis, qui à filio, & Patre simul procedit, filius est causa, cur moveat Pater, non verò Pater est causa, cur filius moveat: juxta illud Philosophi 2. Physic. *Vtrumque igitur movere dicimus, & primum, & ultimum moventium; sed magis primum, illud enim movet ultimum, sed non hoc primum.* Vide THEOLOGUM LOVANIENSEM §. 2.

CCXVII. Ita in determinantibus se, est ratiocinandum. Quando una, & eadem actio procedit simul à duobus determinantibus se, illud de duobus se determinantibus erit primum se determinans, quod est alteri se determinanti causa, cur determinet se ad illam actionem, quæ ab utroque se determinante procedit. Manifestum est, quòd in sententiâ Adversariorum Deus determinando seipsum ad volendum concurrere cum libero arbitrio, non sit causa, cur liberum arbitrium hîc & nunc se determinet: quia Deus non potest velle efficaciter concurrere cum arbitrio in istis circumstantiis, nisi priùs præviderit, quòd in istis circumstantiis liberum arbitrium determinabit se. Quod debet prævideri ante volitionem efficacem, non subditur volitioni efficaci, sed istud *liberum arbitrium in istis circumstantiis determinare se* debet prævideri ante volitionem Dei efficacem concurrenti; ergò istud *liberum arbitrium in istis circumstantiis determinare se*, non subditur volitioni efficaci Dei concurrenti. Hæc clarissimè intuens TRIUMPHUS conclusit: „Aperiant tandem oculos Molinistæ, & videant luce meridiana clarius esse, GRATIAM PRÆDETERMINANTEM minùs lædere libertatem, quàm gratiam congruam. Non enim secundum apparentiam est de rebus judicandum. Primo aspectu videtur non intelligentibus GRATIA PRÆDETERMINANS non ita favere libertati, sicut gratia congrua; sed re bene inspectâ magis eam salvat, quia subdit illam secundum se totam suo adæquato principio, voluntati, nempe, divinæ, & scientiæ; cùm gratia congrua soli scientiæ (*secundum aliquid*) eam subdat, & subtrahat voluntati. Non ita mihi lucet Sol in meridie, sicut veritas hæc affulget intellectui meo. Soli Deo honor, & gloria in sæcula sæculorum.

§. VI. Comparatio concursus prævii cum pedissequo ad materiale peccati à SPECULO Scientiæ Mediæ representata præclarè, & gloriôsè stabilitur.

CCXVIIJ. **N**omen pedissequi displicuit Defensori gratiæ versatili. Contumeliosè sic vocari concursum simultaneum Molinistarum probaturum. 560. his verbis: *Quomodo enim esset pedissequs, quandoquidem, ut dicemus, identificetur realiter actioni causa secunda, ita ut uno, & eodem indivisibili influxu agat causa secunda, & coagat prima.* Erit ipse defensor noster. Nam num. 577. ait, *In hoc autem simultaneo influxu non agit Deus, ut determinans causam secundam liberam ad exercitium, aut speciem actûs; sed ut suo modo ad utrumque ab eâ determinatus.* Quis nesciat determinans esse prius naturâ determinato?

Uterius Deus in actu primo exhibet suam potentiam indifferentem ad quoscumque actus sive bonos, sive malos, ut docet num. 575. quo supposito necessitatur Deus ad concurrendum cum voluntate ad eum actum, quem ipsa determinaverit. Undè habet se Deus sicut servus voluntarius, qui exhibet se Domino paratum ad omne illius obsequium. Si contingat talem servum cum domino trahere navem v. g. quantumvis ipse servus liberè se manciparit servituti, attamen in tractione navis operatur *ut pedissequs*. Cùm ergò ita se habeat Deus in concursu simultaneo Molinistarum, congruentissimè vocatur ille *concursum pedissequs*.

Obstupesce, **CORDATE LECTOR**, infantem creaturæ libertatem. Libertas creaturæ exigit, ut Creator faciat se creaturæ servum, si velit eam liberè operari. Absit à me talis libertas. Cur potius non dicitur, quòd libertas creaturæ exigit, ut ipsa se exhibeat paratam ad quodcumque Creator voluerit cum potestate se retrahendi à Dei servitio, & sit ipsa creatura sui Creatoris quasi voluntarius servus. Nam, secundum Molinistas, si Creator nihil suæ libertatis amittat, ex eo, quòd liberè, & voluntariè mancipet se obsequio suæ creaturæ: cur secundum veritatem, creatura aliquid libertatis perderet, liberè, & voluntariè mancipando se obsequio sui Creatoris.

Talis est libertas **GRATIÆ PRÆDETERMINANTIS**; hæc enim facit, quòd voluntas liberè, & voluntariè se mancipet obsequio Dei ad omnem actum, quem ipse voluerit, cum potestate se retrahendi. Sicque fit homo voluntarius iustitiæ servus;

servus, juxta illud Apostoli Rom. 6. *Liberari autem à peccato servi facti estis injustitiæ, & ante præmiserat: Cui exhibetis vos servos ad obediendum, servi estis ejus, cui obeditis: En voluntaria servitus.*

Combinations æqualis difficultatis.

1. Deus concursu prævio determinat voluntatem ad actum odii hinc & nunc liberè ponendum.

2. Non tamen determinat ad malitiam, quia actus odii hinc & nunc liberè ponendus habet duas rationes, unam, ad quam sequitur malitia, aliam, ad quam non sequitur malitia. Deus autem determinat ad actum odii hinc & nunc liberè ponendum sub illâ ratione, ad quam non sequitur malitia.

1. Deus concursu pedissequo determinatur à voluntate ad actum odii hinc & nunc liberè ponendum.

2. Non tamen determinatur ad malitiam, quia actus odii hinc & nunc liberè ponendus habet duas rationes, unam, ad quam sequitur malitia, aliam, ad quam non sequitur malitia. Deus autem determinatur ad actum odii hinc & nunc liberè ponendum sub illâ ratione, ad quam non sequitur malitia.

CCXIX. „Ut bonâ fide procederet, inquit *Defensor* num. §61. nec *Le-*
 „ctori illuderet, deberet difficultates omnes exponere, quas patitur concur-
 „sus prævius ad materiale peccati, & ostendere iisdem implicari concursum
 „simultaneum: sed illas omnes præterit, unicum illarum fundamentum his
 „pauculis verbis referens: Et post relata, quæ in combinatione habentur de
 „concurso prævio, relinquens ea, quæ sunt concursus *pedissequi*, subjungit: *En tota*
difficultas ab eo proposita, & illius solutio. Quid ad hæc dicam? obstupetco *Defen-*
*so*ris frontem. Bonam exigendo fidem, malam suam, facit fidem. Duobus integris
 paragraphis hanc difficultatem pertractavit *TRIUMPHUS*, & audent dicere *Defen-*
so de pauculis verbis nuper memoratis, *En-tota difficultas ab eo proposita, & il-*
lius solutio. Tu verò, *CORDATE LECTOR*, judica, An non ipse *Defensor*, qui
 arguit *SPECULUM SCIENTIÆ MEDIÆ*, non nisi mentitas referre rerum species,
 Talionis non mereatur pœnam, qui nonnisi mentitam refert præsentis compa-
 rationis speciem?

Difficultatem sic proposuit *TRIUMPHUS*: „Tota difficultas, quæ ex senten-

Y.

„tiâ utriusque Solis art. 3. §. 4. hujus capitis relatâ oritur circa *actum* peccati,
 „in hoc consistit, quod *actui* peccati inseparabiliter conjungitur *malitia*, quam
 „certissimè credendum est non posse à Deo causari: Nam difficilè videtur,
 „quod ex iis, quæ inseparabiliter connexa sunt, unum possit attingi, & non
 „aliud. Et quod magis auget difficultatem est, quod *malitia* videatur sequi ad
 „*actum* peccati, sicut relatio ad suum fundamentum. Cùm ergò, qui est cau-
 „sa fundamenti, non possit non esse causa relationis, ita qui verè est causa
 „*actûs* peccati, non potest non esse causa *malitiæ*.

CCXX. Ut eandem in concursu pedissequo ostenderet difficultatem, ponit pro principio doctrinam Angelicam, quâ docet, negare *actionem* peccati causari à Deo, esse duplici errori propinquissimum; imò hæreticum esse dicere, aliquod ens in quantum ens non esse à Deo. Si Catholica sit doctrina, quod Deus existat causa *actûs* peccati in quantum est ens, nullo autem modo existat causa *malitiæ*, quæ entitati peccati inseparabiliter est conjuncta: sequitur quemlibet, secundum eam quam tenet sententiam, si catholice, nec erroneè velit sentire, debere sustinere, Deum esse causam *actûs* peccati, in quantum est ens, non causando *malitiæ*: ac proinde Angelici Solis discipuli, qui concursum Dei docent determinare voluntatem ad agendum, tenentur docere, quod Deus causet *actionem* peccati, in quantum est ens, ut determinans voluntatem ad talem *actionem*; Molinistæ verò, qui concursum Dei docent determinari à voluntate ad agendum, tenentur docere, quod Deus causet *actionem* peccati, in quantum est ens, ut determinatus à voluntate ad talem actionem.

Quo posito fundamento æqualis utrimque apparet difficultas. Cùm Deus nullo modo sit causa *malitiæ*, sit tamen causa *actionis* in quantum est ens, cui conjungitur inseparabiliter *malitia*, oportet, ut in sententiâ Angelicâ Deus determinet voluntatem ad *actionem* peccati, in quantum est ens, non determinando eam ad *malitiæ*: Et in sententiâ Molinianâ oportet, quod voluntas determinet Deum ad *actionem* peccati, in quantum est ens, non determinando eum ad *malitiæ*, alioqui esset Deus causa *malitiæ*, sicuti est causa *actionis* peccati, si voluntas Deum ad utrumque determinaret. Hinc ait TRIUMPHUS, „Semper
 „remanet difficultas, quomodo voluntas mala determinet Deum ad causandum physicè *actionem* peccati, & non determinet Deum ad causandum physicè *malitiæ*. Quod si voluntas creaturæ possit determinare suum Creatorem ad causandum physicè *actionem* peccati, non determinando eam ad *malitiæ*, cur Creator non poterit voluntatem suæ creaturæ determinare ad *actionem* peccati, non determinando eam ad *malitiæ*. Quæ omnia debuerat referre-

Defensor, si veritatem quæreret, & tunc dicere: *En tota difficultas ab eo propo-*
ta, & illius solutio.

Doctrina Angelica pro fundamento SPECULI
diffunditur.

CCXXJ. Quinque difficultates adducit *Defensor*, quibus premi putat con-
cursum *previum*, & non *pedissequum*. Si iisdem urgeri ostenderim concursum
pedissequum, vincitur *Defensor*, & præclare, ac gloriose stabilitur TRIUMPHUS.
Ut ad intentum perveniamus, osque *Defensori* in perpetuum claudamus, do-
ctrinam quasi antelucanum diffundimus Angelicam ex 2. distinct. 37. quæst. 2.
art. 2. ubi ait Sol Angelicus: *Quadam opinio dicebas actus peccatorum nullo modo,*
nec etiam in quantum actus sunt, à Deo esse, & hac opinio tangitur in præsentis distin-
ctione, quam ad præsens nulli, vel pauci tenent, quia propinquissima est duplici er-
rori. Ratio, quam affert, ostendit eum loqui de causâ physicâ, & efficiente,
qualis est causa prima, & primum omnium rerum principium. *Primo*, ait, *Quia*
videtur sequi ex eâ, quod sint plura prima principia. Hoc enim est de ratione primi
principii, ut agere possit sine auxilio prioris agentis, & influentiâ ejus: Unde si volun-
tas humana actionem aliquam posset producere, & ejus Deus author non esset, vo-
luntas humana rationem primi principii haberet. Vide TRIUMPHUM Opusculo
1. De Scientiâ Mediâ ad examen revocatâ, cap. 1. art. 3. §. 4. ubi magis expen-
ditur citatum testimonium.

Plus dicit Magister noster Doctor Ecclesiæ quintus, ad Annibaldum 2. dist.
37. quæst. unicâ, art. 1. *Hæreticum est dicere, aliquod ens, in quantum ens, non esse*
à Deo, nec solum fides contrarium, sed etiam rationi. Hæreticum igitur est dicere,
secundum Angelicum Ecclesiæ Solem, quod actio peccati, in quantum est ens
non sit à Deo. Quidquid autem Deus in tempore facit, id ipsum facere ab æter-
no voluit. Unde Deus ab æterno voluit efficere actionem peccati, in quantum
ens, & actio est: non tamen voluit efficere malitiam, sicut nec ipsam in tem-
pore producit. Quomodo autem Deus efficiat in tempore actionem peccati, in
quantum ens, & actio est, nullo modo efficiendo malitiam; & quomodo unum,
& non aliud ab æterno voluerit, quantumvis à parte rei sint inseparabilia,
elegantè, & profundè Præceptor noster, qui tot miracula, quot articulos
fecit, explicat his verbis loco citato ad §. ex 2. sentent.

CCXXIJ. „Dicendum, quod sicut actio, quæ peccati deformitatem ha-

Prima Defensoris difficultas.

CCXXIV. PRIMAM DIFFICULTATEM sic proponit num. 562. *Deus concursu prævio determinat voluntatem ad actum odii Dei hic & nunc liberè ponendum : atqui actus odii Dei hic & nunc liberè ponendus non potest non esse formaliter peccatum : ergò Deus concursu prævio determinando voluntatem ad actum odii liberè ponendum, determinas illam ad formaliter peccandum.*

Formatur idem argumentum contra Anglicam, & Catholicam assertionem, quâ Deus dicitur causa *actionis* peccati, ut patet ex hoc syllogismo : Deus est causa *actionis* odii Dei hic & nunc liberè ponendæ : atqui *actio* odii Dei hic & nunc liberè ponenda non potest non esse formaliter peccatum : ergò Deus causando *actionem* odii Dei liberè ponendam non potest non esse causa peccati.

Quemadmodum argumentum istud dissolvit S. THOMAS distinguendo Majorem, & concedendo, quòd Deus est causa *actionis* odii Dei hic & nunc liberè ponendæ, in quantum ens, & actio est, negando verò quòd Deus est causa *actionis* odii Dei hic & nunc liberè ponendæ, in quantum difformis est : Ita & TRIUMPHUS rationes entis, & actionis comprehendens sub illâ ratione, ad quam non sequitur malitia, & quidquid est difformitatis comprehendens sub illâ ratione, ad quam sequitur malitia, dissolvit argumentum dicens : quòd Deus determinat ad actum odii hic & nunc liberè ponendum sub illâ ratione, ad quam non sequitur malitia non verò determinat ad actum odii liberè ponendum sub illâ ratione ad quam sequitur malitia. Quod prorsus idem est, ac si dixisset in terminis Anglicis : Deus determinat ad actum odii Dei liberè ponendum, in quantum ens, & actio est ; non verò determinat ad actum odii liberè ponendum, in quantum difformis est.

„Totus adhuc, inquit Defensor num. 564. tenetur constrictus : nam ratio illa „in isto actu odii Dei, ad quam sequitur malitia, non est alia, quàm quòd actus „ille rationi, & regulis morum maximè difformis, advertenter, & liberè ponatur „à voluntate arctissimè obligatâ ad illum non ponendum : atqui Deus juxta „illum concursu prævio determinat voluntatem ad istud odium rationi, & „regulis morum maximè difforme advertenter, & liberè exercendum contra „arctissimam obligationem, quam habet, ut ab illo abstineat : ergò &c.

CCXXV. Totus etiam adhuc tenebitur S. THOMAS constrictus, & omnes

cum illo rectè, & catholicè sentientes: Nam *actio* odii Dei eò ipsò est difformis, quòd advertenter, & liberè ponatur à voluntate arctissimè obligatà ad illam non ponendam: atqui Deus est causa *actionis* odii Dei, prout advertenter, & liberè ponitur à voluntate arctissimè obligatà ad illam non ponendam: ergò est causa *actionis* odii Dei, *in quantum est difformis*.

Respondet D. THOMAS, & omnes cum illo rectè, & catholicè sentientes, distinguendo Majorem. *Actio* odii Dei eò ipsò est difformis, quòd advertenter, & liberè ponatur à voluntate, *in quantum est difformis*, sub quà ratione est arctissimè obligata ad illam non ponendam, conceditur. *Actio* odii Dei eò ipsò est difformis, quòd advertenter, & liberè ponatur à voluntate, *in quantum ens*, & *actio est*, sub quà ratione non est arctissimè obligata ad illam non ponendam, negatur. Ad quem sensum distinguit Minorem Sol Angelicus: Deus est causa *actionis* odii Dei, prout advertenter, & liberè ponitur à voluntate, *in quantum est difformis*, sub quà ratione est arctissimè obligata ad illam non ponendam, negatur. Deus est causa *actionis* odii Dei, prout advertenter, & liberè ponitur à voluntate, *in quantum ens*, & *actio est*, sub quà ratione non est arctissimè obligata ad illam non ponendam, conceditur.

Peccat arguens, quòd non consideret, *actionem* sub duplici ratione advertenter, & liberè poni à voluntate. Ponitur enim liberè *actio* peccati, *in quantum ens*, & *actio est*; ponitur etiam liberè *actio* peccati, *in quantum est difformis*. Lex non prohibet *actionem* peccati, *in quantum ens*, & *actio est*, sed prohibet eam *in quantum difformis est*. Undè obligatio quam habet arctissimè voluntas ad non ponendam *actionem* peccati, non cadit supra *actionem* peccati, *in quantum ens*, & *actio est*, sed supra *actionem* peccati, *in quantum est difformis*. Cùm ergò Deus sit solùm causa *actionis* peccati, ut liberè ponitur, *in quantum ens*, & *actio est*, non ut liberè ponitur, *in quantum est difformis*, sequitur manifestè, Deum non esse causam peccati, nec alicujus ad quod non ponendum voluntas arctissimè obligatur: & propter hoc dicitur, ait Magister orbis, quòd *actio* peccati est à Deo, sed peccatum non est à Deo.

CCXXVJ. Eadem omninò est TRIUMPHI solutio. Nam *actio* peccati ponitur liberè à voluntate sub illà ratione *ad quam non sequitur malitia*; ponitur etiam liberè sub illà ratione *ad quam sequitur malitia*. Similiter voluntas non est obligata ad non ponendam *actionem* peccati sub illà ratione, *ad quam non sequitur malitia*, sed illius obligatio arctissima est ad non ponendam illam, sub illà ratione, *ad quam sequitur malitia*. Quapropter ad formam argumenti responde-

tur etiam distinguendo majorem: Ratio *ad quam sequitur malitia* non est alia, quàm quòd actus difformis liberè ponatur à voluntate sub illà ratione, *ab quam sequitur malitia*, sub quà ratione est arctissimè obligata ad illam non ponendam, conceditur. Ratio *ad quam sequitur malitia* non est alia, quàm quòd actus difformis liberè ponatur sub illà ratione, *ad quam non sequitur malitia*, sub quà ratione non est obligata ad illam non ponendam, negatur. Distinguitur ad eundem sensum Minor. Deus concursu prævio determinat voluntatem ad istud odium liberè ponendum sub illà ratione, *ad quam sequitur malitia*, contra arctissimam obligationem, quam habet ut ab illo sub illà ratione absteineat, negatur. Deus determinat voluntatem ad istud odium liberè ponendum sub illà ratione, *ad quam non sequitur malitia*, & ad quod sub istà ratione non ponendum, non obligatur voluntas, conceditur. Et negatur Consequentia.

CCXXVII. Simili modo solvitur, quod urget *Defensor* num. 585. ubi probat, Deum fore causam peccati, quia determinat voluntatem ad actum, quem lex prohibet; siquidem determinat ad actum odii hìc & nunc liberè ponendum, quem utique lex prohibet. Quo argumento concludetur etiam juxta assertionem Catholicam, & Anglicam, Deum esse causam peccati, quia est causa actionis peccati hìc & nunc liberè ponendæ, quam utique lex prohibet. Jam dictum est, quòd lex prohibet actionem peccati, in quantum est difformis, sive sub illà ratione, *ad quam sequitur malitia*; non autem lex prohibet actionem peccati liberè ponendam, in quantum ens, & actio est, sive sub illà ratione, *ad quam non sequitur malitia*. Cùm ergò Deus sit solum causa actionis peccati, in quantum ens, & actio est, non causat id, quod lex prohibet; sicut nec determinat voluntatem ad id, quod lex prohibet, quia concursu prævio non determinat voluntatem ad actionem peccati sub illà ratione, *ad quam sequitur malitia*.

CCXXVIII. Demonstrationem quam facit *Defensor* num. 566. debet & ipse tollere. Sic enim arguit: *Istius peccati author censendus est, qui id negat, quod necessarium erat, ut fieret imperatus amoris actus: atqui Deus negasset id, quod erat necessarium; quia nempe negasset physicam predeterminationem ad illum actum planè necessarium: ergò foret author illius peccati*. Subsumo etiam: atqui Deus juxta Molinistas negasset id, quod erat necessarium; quia nempe non posuisset voluntatem in istis circumstantiis, in quibus prævídisset eam facturam actum imperatum, quæ tamen positio, ad illum actum est planè necessaria: ergò foret author illius peccati. Quidquid solidum responderit *Defensor*, respondebimus & nos.

Si inisset ulteriùs num. 567. *Omittens actum imperatum non tantùm caret prædetera*

Determinationem sibi à Deo infusam ad actum illum, quo positivè vult actum imperatum omittere. Quòd autem hanc prædeterminationem habeat, & careat alterâ; id in unam Dei voluntatem refundendum, qui suas prædeterminationes distribuit, denegat, & concedit, prout voluerit. Instabo & ego ulterius dicens: hujusmodi omittens non tantum non habet quòd sit positus in circumstantiis congruis, sed etiam habet quòd sit positus in circumstantiis incongruis. Quòd autem sit positus in circumstantiis incongruis, & non sit positus in circumstantiis congruis; id in unam Dei voluntatem refundendum, qui suas positiones in diversis circumstantiis distribuit, denegat, & concedit, prout voluerit.

CCXXIX. Mirare, CORDATE LECTOR, quomodo in adinventionibus suis defecerint Molinistæ, scrutantes scrutinio. Impossibile enim est, quòd negent Deum concurrere ad actum malum sub omni illà ratione, quâ liberè ponitur à voluntate, & cum ponatur liberè, *in quantum est dissimilis*, non possunt negare Deum concurrere ad actum malum, *in quantum est dissimilis*, ut magis dicemus infra in *Combinatione majoris difficultatis*. Nunc solùm judicandum tibi propono, quis minorem patiatur difficultatem ad salvandum, Deum non esse concursu suo causam peccati.

An ille, qui dicit, quòd Deus vult ponere voluntatem in istis circumstantiis, in quibus prævidet, quòd determinari debeat ad concurrendum ad actum malum, sub omni ratione, quâ liberè ponitur à voluntate; & consequenter, quòd erit necessitatus ad concurrendum ad actum malum, *in quantum est dissimilis*: siquidem ut talis ponitur liberè à voluntate? An iste qui asserit, quòd Deus vult prædeterminare voluntatem ad actionem, quam prævidet esse ex libertate arbitrii, non ex suâ prædeterminatione, vestiendam malitiâ?

In primo Deus prævidet, quòd obsequendo voluntati creaturæ suæ necessariò concurret ad *malitiam*. In secundo prævidet, quòd concursus suus prævius erit ad actum, *in quantum ens, & actio est*, sive sub illà ratione, *ad quam nulla sequitur malitia*, sed cui ex solâ libertate arbitrii conjungetur infallibiliter malitia. In primo Deus nihil prævidet liberè ponendum à voluntate, ad quod ipse non teneatur concurrere. In secundo Deus prævidet aliquid poni à voluntate, quod concursu suo prævio non attingitur. *Actio* enim peccati, ut attingitur à Deo PRÆDETERMINANTE, se habet sicut statua facta ab uno artifice, cui ex malitiâ alterius artificis conjungitur vestis inordinata, vel quidpiam aliud indecorum. At *actio* peccati, ut attingitur à Deo *pedissequè* concurrente, se habet sicut statua inordinata, & indecora facta ab artifice ex imperio domini, cui se paratum exhibuit artifex ad faciendum quamcumque statuam, sive rectam, sive inordinatam do-

minus voluerit. Judica, CORDATE LECTOR, quis istorum artificum causas statuam, in quantum est inordinata?

CCXXX. Redeamus ad instantias *Defensoris* nri. 218. positas. Breviter dicimus, quod nec denegatio gratiæ efficacis, nec Prædeterminatio ad actionem peccati sunt causa, cur voluntas actui prædeterminato conjungat malitiam, sed sola liberi arbitrii libertas est causa istius conjunctionis. Non enim peccat voluntas, quia facit actum prædeterminatum, sed quia actum prædeterminatum ex libertate suâ supervestit malitiâ. Semper mente revolvenda est profundissima, & simul lucidissima illa S. AUGUSTINI sententia, humilians arbitrium liberum sub manu potenti Dei: *Libertum arbitrium ad malum sufficit: ad bonum nihil est, nisi adiuvetur ab omnipotenti bono*, de corrept. & grat. cap. 11. An non & hoc Veritas dixit, dum in Scripturâ Sacrà loquitur nobis, *Perditio tua ex te Israhel, tantummodo in me auxilium tuum*. Vide quæ supra num. 74. & 75. diximus de denegatione gratiæ efficacis.

Secunda Defensoris difficultas.

CCXXXJ. SECUNDA DIFFICULTAS à *Defensore* num. 580. ex hac paritate deducitur: *Non potest cacodæmon excitatâ aliqua specie turpi, aut homo perverso consilio suo alterum efficaciter movere ad materiale actum mali, v. g. fornicationis, nisi sit causa peccati. Ergo multo minus Deus physicâ suâ prædeterminatione potest ad illud movere, nisi etiam sit causa peccati: cum hæc physica prædeterminatio longè efficacius inferat actum fornicationis, quàm prædicta cacodæmonis, aut hominis excitatio.*

Cum juxta Angelicam, & Catholicam doctrinam, Deus sit causa actionis peccati, ut primum movens, & voluntas, ut secundum movens, necesse est, quod Deus moveat voluntatem motione primi moventis (quæcumque sit illa) ad actionem peccati. Quare ex eodem *Defensoris* antecedente, inferitur contra communem omnium rectè, & catholicè sentientium assertionem: ergo multo minus Deus suâ primi moventis motione potest voluntatem movere ad actionem, seu materiale fornicationis, nisi etiam sit causa peccati; cum hæc primi moventis motio longè efficacius inferat actum fornicationis, quàm prædicta cacodæmonis, aut hominis excitatio. Nihil cordatè dici poterit ad salvandum motionem primi moventis solum se extendere ad actionem peccati, & nullatenus ad malitiam, quin illud ipsum prædeterminationi physicæ conveniat. Quare proprium debet solvere *Defensor* argumentum, si rectè, & catholicè secundum Solem Anglicum sentire

desiderat; & quam solutionem invenerit, applicet Prædeterminationi Angelicæ.

Tu interim, CORDATE LECTOR, accipe solutionem TRIUMPHI, consilians, suadens, excitans, præcipiens movet voluntatem *moraliter*: motio autem *movens moraliter* se extendit ad *actionem* peccati sub utrâque ratione, & illâ, ad quam non sequitur malitia, & illâ, ad quam sequitur malitia. Prædeterminatio Physica est motio movens physicè, quæ solum se extendit ad *actionem* peccati, & non ad *malitiam*. Diversitatem istam sic explicat TRIUMPHUS Opusc. 1. De Scientiâ Mediâ ad examen revocatâ, num. 221.

CCXXXIJ. „Voluntas *movens physicè* solum vult ea, quæ subduntur suæ virtuti, & causalitati; hoc siquidem solum vult, quod agit; & hæc voluntas totaliter cõmensuratur principio moventi. Voluntas *movens moraliter* cõmensuratur fini intento, & idcirco virtualiter vult quicquid est per se necessarium ad actum intentum, & debet fieri per voluntatem, quam movet. Unde Ecclesiâ præcipiens aliquem actum externum, præcipit virtualiter, & indirectè actum internum, sine quo actus externus fieri nequit; & præceptum de Eucharistiâ dignè sumendâ obligat virtualiter ad contritionem eum, qui est in peccato mortali, & non habet copiam Confessarii, eo quod nequit ille, nisi contritus dignè sumere Eucharistiam.

„Cum ergo *actus* peccati sub illâ etiam ratione, ad quam sequitur malitia, debeat fieri a voluntate, quæ non attendit ad regulam, & non attendere ad regulam sit quid per se necessarium ad productionem talis actus, necesse est, ut qui præcipit, aut consulit prædictum actum, virtualiter quoque præcipiat, aut consulat *non attentionem ad regulam*. Nam, si attentio interna ad Deum virtualiter præcipitur, eo ipso quod præcipiatur actus, qui sine attentione fieri nequit; ita defectus attentionis ad regulam virtualiter præcipitur, eo ipso, quod præcipiatur actus, qui sine defectu attentionis fieri nequit. Deus ergo præcipiens actum peccati sub ratione dictâ, præcipit quoque virtualiter voluntati *non attendere ad regulam*, & sic est causa moralis voluntatis deficientis, & consequenter malitiæ, juxta commune proloquium: quod est causa causæ, est causa causati. E contra Deus physicè prædeterminans non est causa voluntatis deficientis, sive defectus attentionis ad regulam; & cum ex aliâ parte voluntas, ut deficiens, non subdatur omnipotentis divinæ, nec ejus prædeterminationi; voluntas Dei *physicè prædeterminantis* non se extendit ad ma-

„litiam, quæ oritur ex defectu attentionis, sed sistit in illis rationibus, quas volum-
„tas peccantis attingit, ut subdita divinæ omnipotentiae.

„Dixi, *Voluntatem moventis moraliter, virtualiter velle quidquid est per se necessa-
„rium ad finem intentum.* Nam si non sit *per se necessarium*, non est necesse, ut
„sit causa moralis illius v. g. ad firmandum contractum aliquem, juramentum
„est per se necessarium, per accidens autem se habet, quod fiat per falsos Deos:
„idcò possum inducere illum, quem scio juraturum per falsos Deos, ad contra-
„ctum juramento firmandum, absque eo, quod sit causa moralis juramenti,
„ut facti per falsos Deos.

CCXXXIIJ. HÆC TRIUMPHUS, futile reddens, quod ait *Defensor* num. 569.
Causam physicam potentius impellere ad actum fornicationis, quàm moralem. Quid re-
fert, si potentius impellat, dummodo non impellat ad actum fornicationis subil-
lâ ratione, ad quam sequitur malitia? Nec, si aliquis homo; aut Angelus mo-
veret phylicè voluntatem ad actionem peccati, foret ipse causa peccati, si motioni
illius, non subderetur voluntas ut deficiens, nec esset causa voluntatis deficientis. Co-
gitationes malæ, aut phantasiæ obscenæ, sicut & ipsa concupiscentia, prout
inclinant voluntatem ad malum, non sunt à Deo primo movente, seu prædeter-
minante; & idcò, si quæ sit earum motio moralis, non potest in Deum pri-
mum moventem, seu prædeterminantem reduci, ut putat *Defensor*; contra quem
pronuntiavit S. Jacobus Apostolus cap. 1. *Nemo cum tentatur, dicat, quoniam à
Deo tentatur: Deus autem intentator malorum est; ipse autem neminem tentat. Vnus-
quisque verò tentatur à concupiscentiâ suâ abstractus, & illeclus.* Ad tres alias *De-
fensoris* difficultates transcamus, quas iudicio suo putat insolubiles.

Tertia Defensoris difficultas.

CCXXXIV. TERTIA DIFFICULTAS sic deducitur n. 570. *Dens vult fieri, quod
prædeterminat fieri: quia &c. Ergo si prædeterminat fieri materiale peccati, vult fieri ma-
teriale peccati; & consequenter prohibet fieri, quod vult fieri: quia, quod directe prohibet
fieri, est materiale peccati.*

En, CORDATE LECTOR, argumentum iudicio *Defensoris* insolubile. Et ta-
men militat contra ipsum, si rectam, & Catholicam amplectatur doctrinam, se-
cundum Angelici Ecclesiæ Solis præscriptum. *Opinio dicens, actus peccatorum nulla
modo, necetiam in quantum actus sunt, à Deo esse, est propinquissima duplici errori. Hæc-*

ritum est dicere, aliquid ens, in quantum ens non esse à Deo, nec solum fidei contrarium, sed etiam rationi. Hæc tutissima sunt, & inconcussa Solis Angelici dogmata, ut num. 211. retulimus. Nihil est à Deo, nec ullius rationis causa est Deus, quod non fuerit ab æterno prævolitum, omnia siquidem operatur secundum consilium voluntatis suæ. Quare, qui, teste D. THOMA, duplici errori propinquissimus noluerit fieri, nec hæreticè sentire, oportet ut firmiter teneat, Deum ab æterno voluisse facere *actionem* peccati, in quantum ens, & *actio* est, quod vocant communiter Theologi *materiale* peccati. Ergo si secundum *Defensorem*, quod directè Deus prohibet fieri, sit *materiale* peccati: sequetur etiam secundum omnes rectè, & catholicè sentientes, Deum prohibere fieri, quod vult fieri.

Fateor insolubile esse *Defensori* hoc argumentum: sed Cordatis risum movebit, Deum prohibere *materiale* peccati, id est, Deum prohibere *actionem* peccati, in quantum ens, & *actio* est. Didiceram ex Angelico Sole, quod *actio* peccati sit à Deo, non verò peccatum; & Deum prohibere id, quod permittit, ea autem permittit, quæ non sunt ab ipso. Solum igitur peccatum est id, quod permittit Deus, & prohibet fieri. Attende. CORDATE LECTOR, argumenti fallaciam; confundit *actionem* peccati cum peccato.

CCXXXV. „Peccatum (ut notavit THEOLOGUS LOVANIENSIS num. 60.) est quoddam compositum ex actu, & malitiâ. Ut causetur compositum non sufficit causare extrema, quæ ex aliâ actione sunt conjuncta, sed requiritur, ut causetur unio, & conjunctio extremorum. Patet hoc in creatione animæ rationalis; Deus creat animam conjunctam corpori, non enim facit animam à corpore separatam; & tamen actio illa creativa non causat hominem, sed generatio patris attingens unionem animæ cum corpore, est actio causativa hominis. Ita Deus suâ prædeterminatione facit, quod voluntas liberè ponat *actum* peccati, qui sit conjunctus inseparabiliter malitiæ, non enim facit, quod voluntas ponat actionem à deformitate separatam, ait D. THOMAS. Et tamen prædeterminatio non est causa peccati, si vè compositi ex actu, & malitiâ; sed voluntas deficiens ex suâ propriâ determinatione unit actum cum malitiâ. Ego ipsa est causa peccati.

Ex hæc manifestissimâ doctrinâ discet *Defensor gratiæ versatilis*, compositum ex *actione* peccati, & ipsâ *malitiâ* prohiberi; cumque illud compositum non velit Deus; videbit, Deum non velle fieri, quod prohibet. Videbit etiam se plurimum hallucinari, dum vult ibidem *materiale* peccati esse illud, quod directè vult voluntas. Voluntas directè fertur in objectum, secundum quod existit à parte rei

& ideo quoddam directe vult voluntas est compositum ex actu, & malitiâ, non sub ratione malitiæ, sed sub ratione delectabilis, seu boni commutabilis. Deus autem prohibet istud compositum, sive peccatum sub quocumque motivo potest voluntas in istud tendere. Non enim peccat voluntas, quia vult præcisè bonum commutabile, sed quia vult illud applicatum composito ex actu, & malitiâ; tunc enim mavult transgredi legem, quàm privari bono commutabili; & consequenter tendit in bonum commutabile sine subiectione ad legem. Voluntas enim tendens sine subiectione ad legem in quodcumque bonum, causat in suo actu *malitiam formalem*. Et hæc tendentia sine subiectione ad legem directe etiam prohibetur.

CCXXXV]. Ex quo patet solutio argumenti, quod pluries audiui in hæc Almâ Universitate proponi; sic enim arguitur: *Ejus pomi non est de se malus: ergo non fuit Adamo prohibitus, in quantum est disformis, sed in quantum esus, & actio est. Ergo si Deus voluit, & prædeterminavit Adamum ad esum pomi, in quantum esus, & actio est, voluit, & prædeterminavit ad id, quod prohibet.* Peccat argumentum, quod non discernat sufficienter malitiam objectivam à malitiâ formali. Malitia objectiva oritur ex lege prohibente quæcumque sit illa. Lex naturalis prohibens aliquem actum, facit illum *objectivè malum*; similiter lex positiva actum quem prohibet, facit *objectivè malum*. Sola differentia est, quod actus, qui prohibetur lege naturali, habet ex naturâ suâ lege naturali prohiberi; actus verò, quem prohibet lex positiva, non habet ex naturâ suâ, sed accedit ei, quod lege positiva prohibeatur.

Utraque lex reddens actum *objectivè malum*, prohibet ne voluntas tendat in talem actum sine subiectione ad ipsam legem prohibentem: Voluntas tendens in aliquid sine subiectione ad legem, causat in suo actu *malitiam formalem*. Est id igitur esus pomi non sit de se malus, ex lege tamen prohibente fit *malus objectivè*; & liberè factus sine subiectione voluntatis ad legem prohibentem fit *malus formaliter*. Cum ergo lex prohibeat, ne esus pomi fiat sine subiectione voluntatis ad legem, & sic factus fiat *formaliter malus*, sequitur, quod lex prohibeat esum pomi, in quantum est *formaliter malus*, licet non prohibeat eum in quantum est ex naturâ suâ *objectivè malus*. Deus autem non vult, nec prædeterminat voluntatem ad esum pomi, in quantum est *formaliter malus*; siquidem prædeterminatio non est causa istius conjuncti, nempe *tendentia voluntatis sine subiectione ad legem*; facit quidem tendere voluntatem in actum, sed ipsa voluntas liberè non se subiiciens legi, est sibi causa istius conjuncti; quod *tendat sine subiectione*, & consequenter, est causa, quod actus fiat cum defectu. Hoc est,

quod nervosè expressit Sanctus THOMAS 1. 2. quæst. 79. artic. 2. *Deus est causa actus peccati, non est tamen causa peccati: quia non est causa huius, quod actus sit cum defectu.* Potest id magis elucidari exemplo supra insinuat. Sic prohibitum facere statuam indecorè vestitam. Dominus, & servus concurrunt ad faciendum statuam, quam servus ex motione propriâ, non domini, supervestit veste indecorâ, eâdem operatione, quâ cum domino concurrir. Statua, quæ fit à domino & servo, est statua indecorè vestita; quòd servus faciat statuam ex motione domini oritur, sed quòd faciat statuam indecorè vestitam ex libero servi arbitrio procedit, supervestientis statuam veste indecenti. Ita *actionem* peccati facit voluntas ex *prædeterminatione physicâ*, seu *primi moventis motione*, at ex propriâ libertate supervestit eam *malitiâ*; nullatenus ex motione Dei, juxta illud Psalmi 108. *Induit maledictionem sicut vestimentum.* Per maledictionem intelligit S. AUGUSTINUS peccata, quibus maledictionem damnationis promeremur æternam.

Quarta Defensoris difficultas.

CCXXXVIJ. QUARTA DIFFICULTAS à Defensore num. 571. hoc modo infertur: „Potest homo licitè velle, quod Deus vult ipsum facere; sed Deus „prædeterminans ipsum ad *materiale* fornicationis, vult ipsum facere *materiale* „fornicationis, cum velit fieri, quod prædeterminat. Ergo potest licitè velle „*materiale* fornicationis, hoc est, ipsum actum delectabilem fornicationis: ergo potest illum desiderare, & in illo sibi complacere. Quod à veritate omnino dissentaneum est, & repugnans præcepto, *Non concupisces.*

Aterum est iudicio Defensoris insolubile argumentum. Quo tamen ipse constringitur, si teste Sole Angelico, sanam, & Catholicam tenere cupiat doctrinam. Non enim potest Deus esse causâ *actionis* peccati, ut primum movens, nisi velit voluntatem facere *actionem* peccati. Formetur Defensoris argumentum: Potest homo licitè velle, quod Deus vult ipsum facere; sed Deus causans *actionem* peccati, ut primum movens, vult ipsum facere *materiale* fornicationis, cum velit fieri, id cuius est, ut primum movens, causâ. Ergo potest licitè velle *materiale* fornicationis.

Angustia sunt undique Defensori. Vel enim debet negare Deum esse causam *actionis* peccati, ut primum movens, & incidet in opinionem, quam fulgentissimus Ecclesiæ Sol Angelicus dicit duplici errori propinquissimam; imò *heres-*

ricum est, ait, dicere aliquod ens, in quantum ens, non esse à Deo. Vel debet fieri solubile esse argumentum, quod judicabat insolubile. Quam autem adinvenit solutionem, si conveniens fuerit, nostra erit.

CCXXXVIIJ. Interim Cordatis istam damus. Distinguenda est Major. Potest homo licet velle, quod Deus vult ipsum facere decreto *ex solâ omnipotentia* efficaci, conceditur. Quod Deus vult decreto *ex præscientiâ malitiæ* efficaci, negatur. Deus autem *ex præscientiâ malitiæ* vult efficaciter prædeterminare voluntatem ad volendum *materiale* fornicationis. Explicatur solutio. Decretum *ex solâ omnipotentia* dicitur efficax, quando decernitur actus, qui egreditur à voluntate secundum id tantum, quod habet voluntas à Deo. Decretum *ex præscientiâ malitiæ* dicitur efficax, quando decernitur actus, qui egreditur à voluntate, & secundum id, quod habet à Deo, & secundum id, quod non habet à Deo. In actu, qui egreditur à voluntate secundum id tantum, quod habet à Deo, nihil est, quod non facit Deus; & consequenter nihil est, quod non sit *prævolitum* à Deo. In actu, qui egreditur à voluntate, & secundum id, quod habet à Deo, & secundum id, quod non habet à Deo, est aliquid, quod facit Deus, & est aliquid quod non facit Deus; & consequenter est aliquid à Deo *prævolitum*, & est aliquid *præscitum tantum*. Decretum decernens actum in quo nihil sit non *prævolitum* à Deo, convenienter dicitur *ex solâ omnipotentia voluntatis divina potestate* fortiri efficaciam. Decretum verò decernens actum, in quo aliquid est à Deo *præscitum tantum*, & non *prævolitum* verè dicitur non *ex omnipotentia*, sed *ex præscientiâ malitiæ* habere suam efficaciam: quia sola *culpa malitiæ* potest esse *præscita tantum*.

CCXXXIX. Hæc autem præscientia fundatur in decreto permittendi *malitiam culpæ* in libero arbitrio ex naturâ suâ defectibili. *Malitiæ culpæ* non est quid subsistens, sed fundatur in aliquo bono, quod se habet ut subjectum illius, subjectum culpæ est actus; ipsa ergò bonitas actûs physica est illud, quod voluntas *ex defectibilitate libertatis suæ* supervestit *malitiâ culpæ*. Quare in decreto permittendi *malitiam culpæ* involvitur voluntas efficax istorum actuum, quos voluntas *ex defectibilitate libertatis suæ* supervestit *malitiâ*. Deus ergò volens permittere *malitiam*, & præsciens quinam sint illi actus, quos voluntas *ex defectibilitate libertatis suæ* supervestit *malitiâ*, vult efficaciter prædeterminare voluntatem ad istos actus, quos præscit *ex defectibilitate libertatis creatæ* supervestiendos *malitiâ*. Ex quo apertè sequitur non plus inesse difficultatis in prædeterminatione physica, quàm in *permisione*, & *præscientiâ malitiæ*: liquidem prædeterminatio physica ad *materiale* peccati *ex permisione*, & *præscientiâ malitiæ* ori-

Reddi-

Redditur quoque aperta ratio solutionis nostrę. Illi actus, quos Deus vult voluntatem facere ex *præscientiâ malitiæ*, non possunt fieri à voluntate, nisi ipsa ex *defectibilitate libertatis suæ* supervestiat eos *malitiâ*: & ideò non possunt magis peti, & desiderari à voluntate, quàm *permissio malitiæ*, quæ bona est, & à Deo volita. Quare, sicut non valet argumentum, *Licetum est velle, quod est à Deo volitum: permissio peccati est à Deo volita, ergò licetum est velle permissionem peccati*. Ita non concluditur, *licetum est velle, quod Deus vult nos facere; Deus vult nos facere actionem peccati; ergò licetum est velle actionem peccati*. Major utriusque argumenti est solùm vera de illis bonis, quæ non involvunt *præscientiam malitiæ*. Nam eo ipso, quòd involvant *præscientiam malitiæ*, non possunt à nobis fieri, nisi superaddendo illis *malitiam*.

Quinta Defensoris difficultas.

CCXL. QUINTA DIFFICULTAS sub hâc formâ proponitur à Defensore num. 573. Nunquam violaret præceptum, si vè nunquam exerceret actum prohibitum, nisi ad illum exercendum à Deo prædeterminaretur: ergò illum exercendo, sequeretur Dei motum: ergò violando præceptum Deo obediret, quod blasphemum est.

Putat Defensor, & hoc argumentum esse insolubile. Molinistis fateor, Cordatis non ita. Quid dicis, Molinistis insolubile, quod contra illos non militat? replicabit Defensor. Loco prædeterminationis reponatur *motio primi moventis*, à quâ causari *actionem peccati*, indubitatum est apud omnes rectè, & catholicè sentientes, si tutissima, & inconcussa sint, ut pronuntiavit Summus Christi Vicarius Alexander VII. Solis Angelici dogmata. Sic repone argumentum. Nunquam violaret præceptum, si vè nunquam exerceret actum prohibitum, nisi ad illum exercendum à Deo *motione primi moventis* moveretur: ergò illum exercendo sequetur Dei *primi moventis motionem*: ergò violando præceptum Deo *primo moventi* obediret, quod blasphemum est.

En insolubile Molinistis argumentum: Cordatis non ita. Nam cum sint oculati statim conspiciunt voluntatem non sistere in actu sub illâ ratione, ad quam est à Deo *motione primi moventis* prædeterminata, sed aliâ supervestire actum prædeterminatum ratione, ad quam sequitur *malitiæ*. Undè sicut Deo volenti, ut voluntas faciat eleemosynam, non obedit, nec sequitur Dei voluntatem, qui faciendo eleemosynam superaddit vanam gloriam. Ita Deo vo-

lenti, ut voluntas faciat *actionem* peccati, in quantum ens, & *actio* est, sive sub illâ ratione, ad quam nulla sequitur malitia, non obedit, nec sequitur motionem Dei, qui isti rationaliam superaddit rationem, ad quam sequitur malitia, quâ actum prædeterminatum supervestit ex defectibilitate libertatis suæ, inducens maledictionem sicut vestimentum.

CCXLJ. Habes, CORDATE LECTOR, efficaciter probatum, iisdem quinque Defensoris difficultatibus urgeri concursus *pedissequi* Patronos. Omnes enim illæ fundantur in eo, quod Deus velit efficacissimè fieri actum peccati. Vidit hoc Defensor num. 576. & putavit evitare Charibdim dicendo, quod in concursu *pedissequo* Deus nullatenus velit efficacissimè actum peccati, & sic incidere debet in Scyllam, quam dicit Sol Angelicus duplici errori propinquissimam, imò & hæreticam, nempe negare *actionem* peccati esse à Deo, in quantum ens, & *actio* est. Nam omne quod est à Deo, Deus illud vult efficacissimè fieri; Omnia enim quæcumque voluit, fecit Dominus: qui igitur negat *actionem* peccati, in quantum ens, & *actio* est (quod Theologi vocant *materiale* peccati) esse à Deo efficacissimè volitam, negat eam à Deo esse; est ergo secundum D. THOMAM, &c.

Combinationes majoris difficultatis.

1. Concursus PRÆVIUS non potest esse causa physica malitiæ, quia voluntas ut deficiens non subditur illi: est tamen causa physica bonitatis, quia voluntas ut efficiens subditur illi.

2. Idèò perditio nostra ex nobis, & auxilium nostrum in solo Deo est, cui gloria, & honor in sæcula sæculorum, Amen.

1. Concursus PEDISSEQUUS debet esse causa physica malitiæ, non minus ac est causa physica bonitatis, quia quantum est ex parte Dei æqualiter determinatur à voluntate ad malitiam, vel bonitatem.

2. Idèò perditio nostra ex Deo, & auxilium nostrum à propriâ voluntate est, cui vituperium, & opprobrium in sæcula sæculorum, Amen.

CCXLIJ. Majorem difficultatem sic representat SPECULUM, si Chalybera ei addideris, id est, si doctrinam traditam art. 4. 5. 6. supra quam TRIUMPHUS fundavit SPECULUM intpexeris. Ibi enim dicitur: „Non possunt Adversarii redde-

re rationem, cur Deus non sit causa physica *malitia*, in *actu* peccati, sicut est causa physica *bonitatis moralis* in *actu* virtutis: ergo majori laborant difficultate, & in profundiorē ceciderunt foveam.

Probatur Consequentia. Primò, quoad majorem difficultatem. In nostrā sententiā facile discernitur, quā ratione Deus sit causa physica *bonitatis moralis*, & non *malitia*: Deus enim non applicat ad agendum, nisi virtutem sibi subditam: voluntas tam ut causa *actionis* virtutis, quàm ut causa *bonitatis* est virtus Deo subiecta, & idè ad utramque rationem à Deo applicatur: voluntas autem ut est causa *actionis* peccati est: quidem virtus Deo subiecta, non tamen ut est causa *malitia*; sic enim se liberè subtrahit à divinā subiectione; quid ergò mirum, si applicetur à Deo ad *actionem* peccati, & non ad illius *malitiam*? Majori igitur laborant, imò & insuperabili difficultate Adversarii, si non valeant reddere rationem, cur Deus non sit causa physica *malitia*, sicut & causa physica *bonitatis*.

Secundò, quoad graviorē lapsum probatur Consequentia. Qui enim non valet reddere rationem, cur Deus non sit causa physica *malitia*, sicut est causa physica *bonitatis*, videat quomodo se expediat à canone 6. Concilii Tridentini sessione 6. *Si quis dixerit, non esse in potestate hominis vias suas malas facere, SED MALA OPERA ITA UT BONA DEUM OPERARI, non permisisse solum, sed etiam proprie, & per se, adè ut sit proprium eius opus, non minus PERDITIO JUDÆ, QUAM VOCATIO PAULI, anathema sit.*

Nunc probemus Antecedens, nempe, non posse Adversarios reddere rationem, cur Deus non sit causa physica *malitia* in *actu* peccati, sicut est causa physica *bonitatis moralis* in *actu* virtutis..... Hoc facile probatur, quia de se clarum est, Concursum quem Deus offert, & exhibet voluntati, est indifferens ut determinetur à voluntate ad *actionem* peccati, & ad *actionem* virtutis: & eodem concursu, quantum est ex parte Dei, quo Deus à voluntate determinatus concurrit physicè ad *actionem* virtutis, potuisset concurrere physicè ad *actionem* peccati, si voluntas voluisset. Quæ ergo potest ab Adversariis reddi ratio, cur Deus physicè concurrens, non æqualiter physicè causet *malitiam*, ac *bonitatem*? Non enim juxta Adversarios aliter concurrit physicè ad *bonitatem* in *actu* virtutis; quàm exhibendo concursum, quem voluntas determinat ad *actionem virtuosam*: sed etiam exhibet suum concursum, quem voluntas determinat ad *actionem vitiosam*: ergo etiam concurret physicè ad *malitiam* in *actu* peccati.

CCXLIIJ. Si alicubi, hic maximè ovat TRIUMPHUS THOMISTARUM, non viribus ingenii mei, infirmæ enim sunt; non meritis meis, peccator enim sum, & miles pluribus annis fui, sed admirabili Solis Angelici lumine, in quod à tenebris per misericordiam Dei translatus fui. Ideo magnificat anima mea Dominum, & exultavit spiritus meus in Deo translatore meo. Quia respexit germanum, quem inspiravit servo suo, veritatis amorem. Fecit mihi magna, qui potens est. Magnum certè est debellasse Molinistas, & ut in Domino confidimus, faciet potentiam in brachio suo. Esurientes veritatem, Angelicâ implevit doctrinâ, & divites in adinventionibus suis, dimisit ab hoc purissimo doctrinæ fonte inanes. Sicut locutus est per summos Christi Vicarios Patres nostros, qui de illâ pronuntiârunt, & in omnem terram exivit sonus eorum, quod sit

Præ cæteris, exceptâ Canonicâ, habens veritatem sententiarum, ita ut nunquam qui eam tenuerit, à tramite veritatis deviare-rit, & qui eam impugnaverit, semper fuerit de veritate suspectus: *Innocent. VI.* Divina, Cœlestis, & admirabilis, & sine ullo prorsùs errore: *Clemens VIII.* Æquè ac Augustini doctrina Ecclesiam Dei illustrans, & exornans: *Urbanus V. & Pius V.* Miraculosa, quot articuli, tot miracula: Non sine speciali infusione Spiritûs Sancti: *Joan. XXII.* Tutissima, & inconcussa. *Alex. VII.* Certissima Christianæ Doctrinæ regula: *Pius V.*

Gloria igitur Patri, gloria Filio, gloria Spiritui Sancto. Sicut erat in principio, & nunc, & semper, & in sæcula sæculorum, Amen.

CCXLIV. Debellatos dico Molinistas. Notum est omnibus, quàm acriter, quàm dolosè, quàm contumeliosè Molinistæ impetierint Solis Angelici discipulos intrepidè, & constanter cum Præceptore suo sustinentes Prædeterminationem æternam, & Prædeterminationem temporalem *materialis* peccati, id est, *actionis* peccati sub illâ ratione, *ad quam nulla sequitur malitia*, sive, *in quantum ens, & actio est*. Notum est, quomodo Calvinismus continuò impropèraverint, dicentes, eos facere Deum authorem peccati.

Si modò ex doctrinâ TRIUMPHI invictè ostendatur, in sententiâ Molinianâ ita Deum esse causam peccati *motione primi moventis*, sicut est causa *actûs* virtutis, ita ut nihil sit in peccato, quod non sit *ex motione primi moventis*, sicut dicunt, nihil esse in *actû* virtutis, quod non procedat *ex eadem motione*; si hoc inquam, ex doctrinâ TRIUMPHI invictè ostendatur, quis Cordatis debellatos non judicet Molinistas? cùm palmarium eorum argumentum ita in ipsos retorqueatur, ut non solum eandem subire difficultatem convincantur, sed *eorum testimonio* in multò majorem incidisse perhibeantur vexationem.

Eorum dico testimonio, in majorem incidisse vexationem: quia ipsi fateantur longum nos ponere discrimen inter sententiam Angelicam, & Calvinismum. Eorum tamen discrimen usque nunc expostulatur, & non posse dari evincit TRIUMPHUS. Discrimen nostrum optimè proposuit (utinam sic & in aliis) P. PLATEL, qui dicitur Controversiæ Anno 1669. propositæ Author. In illâ n. 295. nostra referens discrimina, quartum sic inducit: „Denique in eo, quod „Calvinus non distinguat, ut faciunt Thomistæ, inter materiale, & formale „peccati, & consequenter totum, quod in peccato est, tam ex parte deformitatis, „quàm entitatis Deo tribuat; cùm illius authorem esse Deum absolute pronun- „tiat l. 1. Instit. cap. 18. num. 2. *A Deo ipso manat efficacia erroris, ut mendaciis „credant, qui renuntiare veritati*. l. 2. cap. 4. num. 5. *A Paulo traditur dixi- „tibus efficaciam erroris, ac seductionis immitti, ut credant mendacio, qui veritati „non paruerunt*. De his Calvini locis consule, CORDATE LECTOR, TRIUMPHUM Opusc. 1. *De Scientiâ Mediâ ad examen revocatâ*, cap. 2. art. 3. §. ult. Ubi tres efficaces invenies rationes, probantes docuisse Calvinum, nihil esse in operibus malis, quod non faciat Deus; & totum opus malum, quod sit ab homine, tamquam ministro, fieri à Deo, ut præcipuo authore; cum hoc discrimine, quòd homo minister peccet faciendo opus malum, quia facit illud sub ratione boni

secundum quid v. g. delectabilis, prætermittendo bonum simpliciter, ad quod lege Dei tenetur: Deus verò præcipuus author idem opus malum secundum se totum faciendo non peccet, quia facit illud sub ratione justæ vindictæ, *legitimum habens malitiæ usum*. Consule prædictum locum, & delectaberis in efficaci P. An-
nati refutatione, & germanè expressio Calvini sensu: quem suo more invol-
vunt Molinistæ. Hæc fortè ratio fuit, cur de Calvinismo nobis exprobrando in-
ter tot æliminationes siluerit *Defensor*.

CCXLV. Ovans TRIUMPHI assertum, firmiter ab eo probatum, est istud, quod Deus *concurso pedissequo* ita secundum Molinistas sit causa physica peccati, sicut eodem *concurso* est causa physica actûs virtutis. Ad hoc non valuit aliud respondere *Defensor*, nisi negando Deum esse causam physicam bonitatis. Etenim ad verba combinationis de *concurso pedissequo* subsumit num. 580. *Atqui malitia, & bonitas moralis non habent causam physicam, sed moralem: quomodo ergo concursus Dei simultaneus à nobis admissus non est minus causa physica malitiæ, quàm bonitatis?* Et prosequitur seipsum confodiendo: „Itaque quoniam Deus sic concurrendo non habet rationem causæ moralis, quia tunc non agit ex propriâ deter-
„minatione, sed ex alienâ causæ liberæ; non potest fieri, ut per hujusmodi
„concursum sit causa malitiæ moralis, quæ provenire debet à causâ morali, vi-
„delicet à voluntate hominis agentis ex propriâ determinatione. Deus autem
„prædeterminando agit, ut causa moralis, quia prædeterminando agit ex pro-
„priâ determinatione: ideòque si prædeterminaret hominem ad actum peccati
„scienter, liberè exercendum, in eum refunderetur malitia cum tali actu sic
„exercito necessariò connexa. Hæc *Defensor*, quem primò specialiter impugna-
bo; deindè hallucinationem illius, & suorum de causâ morali producam, ex
quâ oritur eos veram Christi gratiam prævenientem ignorare; postremò ovans
TRIUMPHI assertum insolubiliter confirmabo, Deo insuperabiliter, & indeclina-
biliter VINCENTE, & PRÆDETERMINANTE.

Specialis Defensoris impugnatio, ejusq; contradictio.

CCXLVJ. Hic apertè sibi contradicit *Defensor gratia. versatilis*. Tam for-
titer à TRIUMPHO premebatur, & ocludebatur, ut quærens ostium quo eva-
deret, oblitus fuerit ejus, quod num. 144. dixerat: *Nam ita consensus noster est à Deo, & nobis, ut Deus non solum IMMEDIATE PHYSICE ad illum concurrat, sed et*

iam mediâ cogitatione (*sancta, quam immisit*) illum in nobis efficere dicatur, eo modo quo intellectus voluntatem movet, & allicit. Relatis his Vesquezii verbis interrogat: Numquid consensus voluntatis determinatio ipsius est? qui igitur agnoscit duplicem influxum, gratia in consensum, alterum moralem à præveniente, PHYSICUM ALTERUM à cooperante, admittit, ut imponis determinationem quæ à consensu non distinguitur, non esse effectivè ab influxu gratiæ? judicet quisquis veritati mentis oculum non obsecrat?

His verbis clarissimè docet *Defensor*, gratiam cooperantem, seu adjuvantem habere influxum physicum; ac proinde esse causam physicam illius, in quod physicè influat: cum enim causa sit, quod influat; causa physica erit, quod influat physicè. Ad hæc jungamus, quæ *Defensor* scripsit num 126. uno omnium Molinistarum calamo; videlicet: *Voluntatem non posse ullum actum DETERMINATIONIS AD BONUM elicere, nisi in eundem totalem actum determinationis efficienter influat gratia adjuvans; ita ut NIHIL PRORSUS REALE IN EO SIT, quod gratia hæc unâ cum voluntate non efficiat; NIHIL SIT ad quod voluntatem non adjuvet.* An non bonitas moralis est quædam determinatio actûs ad bonum? An non ens reale, sed ens rationis erit? efficit igitur gratia adjuvans bonitatem moralem secundum *Defensorem*, qui nihil determinationis ad bonum, nihilque reale vult esse, quod gratia adjuvans non efficiat; cumque efficientia illa sit physica juxta ipsum, evidenter concluditur, eum asserere, gratiam adjuvantem esse causam physicam bonitatis moralis; ergo sibi contradicit, dum modò negat bonitatem moralem habere causam physicam; & Deum esse illius causam physicam concurrîu simultaneo. En versatilis gratiæ versatilis doctrina.

CCXLVIJ. Sed nondum statim finis. Operam, & lixivium perdidit *Defensor*, dum in superioribus laboravit, ut ostenderet, nihil esse in actu bono, quod non procedat effectivè ab auxilio gratiæ, non solum prævenientis, sed & adjuvantis. Bonitas moralis est aliquid in actu bono, imò tota ratio à quâ dicitur bonus: & tamen doctrina *Defensoris* hæc probat gratiam adjuvantem nullo modo efficere bonitatem moralem; quia non efficit, ut causa physica: siquidem bonitas moralis non habet secundum ipsum causam physicam. Nec efficit ut causa moralis, quia non agit ex propriâ determinatione, sed ex alienâ causa libera. Verba sunt *Defensoris* exprimentia conditionem causæ moralis. Idem formatur argumentum ex parte gratiæ prævenientis: & concluditur manifestè, quod bonitas moralis non sit effectivè à gratiâ præveniente: quia non est ab eâ, ut causâ physicâ, cum non habeat causam physicam; nec est à gratiâ præveniente, ut causâ morali; quia etiam gratia præveniens non agit ex propriâ determinatione, sed ex alienâ causa libera. Si ex doctrinâ *Defensoris* bonitas moralis non sit effectivè à gratiâ præ-

veniente, & adjuvante, quam tamen constat effectivè esse à libero arbitrio; nonnè præclarè, & gloriosè stabilitur ovans TRIUMPHI THOMISTARUM doctrina, quòd aliquid sit à libero arbitrio, quòd non est effectivè ab auxilio gratiæ. Judicet, ait *Defensor*, quisquis veritati mentis oculum non obserat?

CCXLVIIJ. Denique implicat se indissolubiliter *Defensor*, quia dato, quòd Deus *motione primi moventis* non sit causà physica, nec bonitatis, nec malitiæ, negare tamen non potest, quòd sit causà physica *actionis* peccati, cui inseparabiliter conjungitur malitiæ. Alioqui contradiceret P. PLATEL, suo Confodali, qui in *Controversiâ* Anno 1669. *proposita*. ait num. 251. Deus ita influit in *entitatem actionis* peccati, ut sit illius *author*, id est, *causa physica propriè dicta, & immediata*, secundum quod (ut ibi explicat S. D. ad 2.) influit *agenti* esse, posse; imò etiam ipsum agere, scilicet per *concursum simultaneum*, quo solo *entitatem actûs* peccati *formaliter* causat *immediatè*, & *causa secunda formaliter* dat agere. Nihil est in *actione* peccati, quod non liberè ponitur à voluntate; illud ergò quod Deus *motione primi moventis* causat in *actione* peccati est quid liberè positum à voluntate. Atqui omne liberè positum à voluntate causat Deus non ex *propriâ determinatione*, sed ex *alienâ causa libera*: siquidem secundum ipsos apud *Defensorem* num. 577. *libertas* exigit, ut in omni eo, quod liberè ponitur à voluntate, voluntas agat illud, ut determinans, & Deus coagat illud, ut à voluntate determinatus. Ergò Deus determinatur ad coagendum physicè *actionem* peccati liberè positam à voluntate, sed *actio* peccati eo ipso, quòd est liberè posita, est, secundum *Defensorem*, *peccatum formaliter*; si igitur Deus determinetur ad coagendum physicè *actionem* peccati liberè positam à voluntate, necesse est, ut etiam determinetur ad coagendum physicè *peccatum formaliter*. Si Deus causet physicè *peccatum formaliter*, quomodo non causà physica malitiæ?

Hic urgent *Adversariorum* argumenta, quibus contra *Prædeterminationem* physicam utuntur. Si Deus induceret ad *actionem* peccati liberè ponendam, si eam consuleret, præciperet, &c. induceret ad *peccatum formaliter*, illudque consuleret, præciperet, &c. Ergò si Deus sit causà physica *actionis* peccati liberæ positæ, erit causà physica *peccati formaliter*. Nam id, quod liberè ponendum, est peccatum; etiam liberè positum, & dum liberè ponitur, est peccatum. Quare si Deus inducens ad *actionem* peccati, quam scit esse liberè ponendam à voluntate, & consequenter à malitiâ inseparabilem, inducat ad *actionem*, ut est *formaliter peccatum*, oportet, ut si sit causà physica *actionis* peccati, quam scit liberè poni à voluntate, & consequenter à malitiâ inseparatam, sit quoque causà physica *actionis*, ut est *peccatum formaliter*.

Hallus.

*Hallucinatio Defensoris, & suorum de causâ morali,
ex quâ oritur eos veram Christi gratiam præ-
venientem ignorare.*

CCXLIX. Charitatis actum impendamus *Defensori*, ejusque Sodalibus; hallucinationem eorum de causâ morali ostendendo, & viam veritatis indicando, quâ ad veram Christi gratiam prævenientem cognoscendam valeant pervenire. Plurimum enim hallucinatur, dum num. 580. vult eam esse causam moralem, quæ agit ex propriâ determinatione. Sic enim Deus esset causa moralis mundi ex propriâ determinatione à se conditi. Sic artifex esset causa moralis artificii. Sic voluntas esset causa moralis locutionis, ambulationis, omniumque suorum actuum, qui liberè ab eâ eliciuntur. Alii volunt causam moralem dici quæ causat moralitatem, & non advertunt, quòd moralitas eo ipso, quòd sit aliquid à parte rei existens, debet habere aliquam causam physicè efficientem ipsam, vel saltem physicè causantem fundamentum, ex quo resultat. Ignorantia præsentis quæstionis est causa, cur Molinistæ veram Christi gratiam prævenientem non valeant agnoscere. Charitatis igitur actum eis impendamus.

Reducenda res est ad sua principia. Actus voluntatis causatur à voluntate, ut principio eliciente, ab objecto, ut principio alliciente. Objectum voluntatis est bonum & finis, qui movet metaphoricè voluntatem. Ista motio metaphorica est motio moralis, voluntas est causa physica efficiens actum. Idipsum quod causatur physicè à voluntate, metaphoricè, vel moraliter causatur ab objecto. Ex quo patet, quòd causâ moralis, & causâ physica non distinguuntur ex parte effectuum, sed ex modo causandi. Nihil est à parte rei existens, quod causam physicam non habeat, vel per se, vel per accidens, vel mediatam, vel immediatam. Ista autem solum possunt habere causam moralem, quæ physicè causantur à voluntate, tunc enim objectum movens voluntatem, & quidquid ex parte objecti movet voluntatem, sicut est præcipiens, consulens, movens, rogans, corrigens, puniens, præmians, &c. sunt causæ morales, eorum, quæ physicè fiunt à voluntate, quæ moraliter movetur ab objecto, & proponentibus objectum quomodocumque.

Quòd autem movet efficaciter ad actum ex parte voluntatis, physicè cum ipsâ voluntate efficit actum, non moraliter. Ipsa ergo *bonitas moralis* physicè causa-

Bb

tur à voluntate, & à *motione primi moventis*, quæ tenet se ex parte voluntatis, non ex parte objecti. Similiter *malitia moralis* physice causatur à voluntate, nequaquam tamen à *motione primi moventis*; quia motio illa, ut dictum est, tantum applicat ad actum principium in quo recipitur, secundum id, quod subditur Deo, & ab illo est. Et cum voluntas, ut principium actûs boni totaliter sit à Deo, eique secundum se totam subdatur, nihil est in actu bono, quod non causetur physice à *motione primi moventis*. E contra cum voluntas, ut est principium actûs mali habeat aliquid, quod sit à Deo, eique subdatur; & aliquid quod non sit à Deo, nec ei subiiciatur, videlicet, quod sit *voluntas*, & quod sit *non se subiiciens legi*, oportet ut in actu malo, aliquid sit, quod physice causetur à *motione primi moventis*, nempe *actio peccati* sub illâ ratione, *ad quam nulla sequitur malitia*, sive, *in quantum ens, & actio est*; & aliquid sit, quod physice non causetur à *motione primi moventis*, videlicet *disformitas*, seu illa ratio, *ad quam sequitur malitia*. Hâc enim voluntas supervestit actum prædeterminatum ex defectibilitate libertatis suæ, quâ actum elicit non se subiiciendo legi. Sicut artifex, qui cum alio concurrens ad statuam fabricandam, supervestit eam veste indecenti.

CCL. Movere voluntatem efficaciter ad actum ex parte voluntatis, soli Deo competit, ut eleganter Docet D. THOMAS quæst. 3. de malo, a. 3. *Sic ergo motus voluntatis directe procedit à voluntate, & à Deo, qui est voluntatis causa, qui SOLUS IN VOLUNTATE OPERATUR, & voluntatem INCLINARE POTEST IN QUODCUMQUE VOLUERIT.* Rationem assignat 1. p. quæst. 111. a. 2. *Cum motus voluntatis non sit aliud, quàm inclinatio voluntatis in rem volitam, solius Dei est sic immutare voluntatem, qui dat naturæ intellectualem VIRTUTEM TALIS INCLINATIONIS. Sicut enim inclinatio naturalis non est nisi ab eo, qui dat naturam, ita inclinatio voluntaria non est nisi ab eo, qui causat voluntatem.*

Duo in hisce verbis summè sunt observanda. Primum, quod inclinare voluntatem non est dare aliquid per modum actûs primi, cum quo possit componi non actio, sed est operari aliquid in voluntatem essentialem habens cum volitione connexionem. Quod Deus inclinando voluntatem operetur aliquid in voluntate, patet ex eo, quod hæc sit ratio Angelica, quare solus Deus possit movere voluntatem inclinando eam, quia scilicet solus ipse in voluntate operatur. Quod illud operatum essentialem habet cum volitione connexionem, probant ista verba, *Cum motus voluntatis non sit aliud, quàm inclinatio voluntatis in rem volitam*; inclinatio cum quâ potest componi non volitio, est inclinatio in rem volibilem, non in rem volitam, est etiam virtus inclinationis voluntariæ, non ip-

sa *inclinatio voluntaria*. Ipsa autem inclinatio, ad quam Deus operando in voluntate inclinat eam, est inclinatio in *rem volitam*, est etiam *inclinatio voluntaria*, ut patet ex verbis Angelicis; Quod ergo Deus in voluntate operatur dum inclinat eam, essentialem habet cum *volitione* connexionem, siquidem impossibile est sine *volitione* aliquid esse *volitum*, & aliquid esse *voluntarium*. Id quod Deus in voluntate operatur inclinat *voluntariè* voluntatem in *rem volitam*.

Secundum observatione summâ dignum est, quòd *movere* voluntatem inclinando eam, distinguat Sol Angelicus in prædictis locis à *movere* voluntatem ex parte objecti. Primum dicit fieri ab interiori, & soli Deo tribuit; secundum dicit fieri ab exteriori, & pluribus aliis convenire docet, ut inspicienti loca manifestum erit. Videatur etiam 1. 2. q. 80. a. 1.

CCLJ. Ex his duobus apparet luculenter, gratiam prævenientem Molinistarum non *movere* voluntatem *inclinando eam*, sed *movere eam ex parte objecti* tantummodò, & ideo non aliam agnoscunt in gratiâ præveniente efficaciam, quàm moralem, ut ipse *Defensor* num. 162. asserit, & probare ex S. AUGUSTINO nixitur. *Movere* voluntatem *inclinando*, est *movere physicè ex parte voluntatis*, non *moraliter ex parte objecti*. Non igitur gratia præveniens Molinistarum est illa Christi gratia, quâ Deus movet voluntatem *inclinando eam*. Ulteriùs, gratia præveniens Molinistica non habet essentialem cum *volitione* connexionem, sed cum eâ componi potest *non volitio*: & ideo non *inclinare* potest in *rem volitam*, sed solum in *rem volibilem*, nec confert *inclinationem voluntariam*, id est, ut velit, sed solum ut possit; non igitur gratia præveniens Molinistica est illa Christi gratia, quâ Deus movet voluntatem *inclinando eam in rem volitam*, & faciendò, ut velit, de quâ S. AUGUSTINUS lib. de prædest. Sanct. cap. 20. Cum Deus vult fieri, quod non nisi volentibus hominibus oportet fieri, inclinari eorum corda, ut velint, scilicet inclinante, qui in nobis mirabili modo, & ineffabili operatur & velle.

Movere voluntatem *ex parte objecti*, sive *moraliter*, non est modus movendi mirabilis, & ineffabilis: hoc homines, & Angeli possunt; hoc & dæmones, & ipsa quoque præveniens potest concupiscentia. Sed operari intus, *inclinando voluntatem* in quodcumque lubet, mirabile quid est, & ineffabile, solusque potest, qui dat naturæ intellectualem virtutem talis inclinationis, sive voluntatem, ait D. THOMAS.

CCLIJ. Denique observa, CORDATE LECTOR, gratiam prævenientem Adversariorum non efficacius impellere voluntatem ad bonum, quàm faciat præ-

veniens concupiscentia ad malum. Hæc ab exteriori, & ex parte objecti solummodo movet voluntatem, in quantum ex commotione passionis videtur aliquid bonum, quod non videbatur extra passionem bonum. Simili modo habitus dicuntur inclinare, non ex parte voluntatis, sed ex parte objecti, in quantum habitus facit judicare aliquid esse bonum, quod est habitui conveniens; juxta illud Philosophi, *Qualis unusquisque intus est, talis finis videtur ei*. Ista non movent ex parte voluntatis operando in eâ inclinationem in rem volitam. Sed cum concupiscentiâ, & habitibus componi potest non volitio. Quare sicut in malis discretio volentis à non volente non potest refundi in concupiscentiam, nec in habitus viciosos; ita nec in bonis discretio volentis à non volente potest refundi in gratiam prævenientem Molinistarum, quam ipse Molina prævenienti assimilât concupiscentiæ, disp. 1. memb. 6. q. 23. 24. & 5. fol. 330. col. 2. Quis enim negat motus blandientes cupiditatis internæ vehementissimos esse, moribusque gratiæ prævenientis Molinistiæ omnino similes? Nec tamen ullus Molinista dixit dæmonem suadentem, aut mundum, aut carnem, aut ipsos denique qualescumque internos, titillantesque concupiscentiæ motus esse, qui discernant consentientem à respiciente, sed liberum arbitrium, quod eis est causa, cur moraliter influant in consensum. Cum ergo gratia præveniens Molinistica non aliter se habeat ad consensum in bonum, ac prædicta ad consensum in malum, ipsa non erit causa, cur liberum arbitrium hic & nunc influat in consensum, sed ipsum arbitrium erit gratiæ, sicut & concupiscentiæ, causa, cur moraliter in consensum influant; ac proinde non magis in gratiam prævenientem, quam in concupiscentiam prævenientem refundetur discretio volentis à non volente, consentientis à non consentiente.

Idipsum magis elucet ex eo, quod gratia præveniens, sicut & ipsa concupiscentia à libero arbitrio fiat efficax, vel inefficax; Quid est fieri efficax, nisi hic & nunc influere in consensum, si gratia præveniens à libero arbitrio fiat efficax, liberum arbitrium erit gratiæ prævenienti causa, cur influat in consensum: sicut est concupiscentiæ causa influendi, quam reddit efficacem. Rectè dicit Molina, inquit Lessius lib. de grat. cap. 10. n. 9. *quod gratia sit efficax, vel inefficax pendere à libero arbitrio* (id est, quod hic & nunc influat) *addo, ut in potestate liberi arbitrii sit, gratiam, quæ secundum se est sufficiens reddere efficacem, vel inefficacem in actu secundo. Quod non video quâ ratione negari possit, nisi quis nodum in stirpe querat.* Gratia sufficiens est ipsa gratia præveniens; per hanc enim potens redditur liberum arbitrium, habens in seipso principium efficiens actuum supernaturalium, ut ex Molina docet Defensor num. 129. Gratia etiam præveniens potest esse congrua, & non congrua, secundum Defensorem num. 160. Quare ex Lessio, & Molinâ fit manifestum, gratiam ipsorum prævenientem non esse causam, cur liberum arbitrium hic & nunc influat, sed ab eo fieri efficacem, id

est, liberum arbitrium esse causam, cur gratia præveniens hic & nunc influat in consensum. Non est igitur gratia præveniens Molinistarum vera illa Christi gratia per quam Deus non *ab exteriori*, & *ex parte objecti*, sed *ab interiori*, & *ex parte voluntatis*, non *moraliter*, sed *physicè* operatur in voluntate *inclinando eam* in quodcumque voluerit *inclinazione in rem volitam*, non *inclinazione in rem volibilem*, inclinatione *voluntariâ ut velit*, non *ut possit*, id est, inclinatione, quæ essentialem habeat cum *volitione* connexionem, secundum quam *mirabili, & ineffabili modo* Deus operatur ipsum *velle*, ait S. AUGUSTINUS.

CCLII]. Cernis, CORDATE LECTOR, quomodo ex ignorantia causæ, & motionis moralis, procedit, Molinistas non agnoscere veram Christi gratiam prævenientem. Non enim distinguunt modum movendi *ex parte objecti* à modo movendi *ex parte voluntatis*, quo mirabili, & ineffabili modo *inclinatur voluntas in rem volitam*. Et cum modus movendi *ex parte objecti* sit motio causæ moralis, non motio causæ physicæ, fit ut omnia illa loca, in quibus duo Ecclesiæ Soles exprimunt modum illum præventionis mirabilem, & ineffabilem *inclinandi voluntatem in rem volitam*, quem soli Deo proprium esse affirmant; ipsi de motione morali ex parte suadentis, allicientis, promittentis violenter interpretentur, virtutem verbi nescientes. Unde communem cum Angelis, cum demonibus, cum prævenienti concupiscentiâ præveniendi modum solummodo Deo tribuunt, ignorant, aut recipere nolentes modum illum præveniendi *mirabilem, & ineffabilem*, qui soli Deo competit, qui dat naturæ intellectualem voluntatem, ait S. THOMAS, & qui magis habet in suâ potestate voluntates hominum, quam ipsi suas, ait S. AUGUSTINUS.

Quid opus erat Gemino Ecclesiæ Soli recurrere, ad hoc quod Deus daret voluntatem, & eam in suâ potestate totaliter præhaberet, ut *modum illum mirabilem, & ineffabilem* gratiæ Christi prævenientis explicarent? Accipe, CORDATE LECTOR, profundissimam utriusque mentem ex distinctione superius datâ. Actus voluntatis fit & à voluntate, & ab objecto; voluntas influit physicè in actum, sicut & quælibet alia potentia in suos actus physicam habet influentiam. Objectum influit in actum moraliter. Movens & determinans voluntatem ex parte objecti moraliter influentis solum debet præcontinere objectum determinando illud; omnis enim motio moralis, si bene perpendatur, non est nisi quædam objecti determinatio. Movens autem, & determinans voluntatem ex parte ipsius voluntatis physicè influentis debet præcontinere voluntatem, eamque in suâ potestate præhabere. Non enim hæc motio fit per determinationem objecti, sed per determinationem inclinationis, quam Deus, ad quodcumque objectum voluerit, potest determinare.

Aliud est *determinare objectum*, aliud est *determinare inclinationem*. Qui tantum determinat objectum præsupponit inclinationem aliquam, seu amorem ipsius objecti. V.g. qui determinat mihi aliquid delectabile, & sub motivo delectabilis vult mihi aliquid suadere, ipse præsupponit, quod amem delectabile; & nisi prius amavero delectabile (cujus amoris ipse non est causa) nunquam determinans delectabile movebit efficaciter voluntatem meam ad volendum, quod determinando proponit: & iste solum in delectabilibus potest movere voluntatem meam, non autem ad quodcumque voluerit. Vide num. 38. At determinare inclinationem, est nullâ præsuppositâ inclinatione dare inclinationem, & amorem alicujus, ad quod non inclinabatur voluntas, & quod ante non amabat. Qui sic potest determinare inclinationem, potest ad quodcumque voluerit determinare illam, & debet iste fecisse voluntatem: qui enim in bonum universale inclinavit illam, multò magis poterit in quodcumque speciale bonum, quod voluerit, inclinare illam. Hæc est igitur ratio, cur uterque Ecclesiæ Sol continuò recurrit ad dantem voluntatem, eamque in suâ potestate præhabentem, ut gratiam Christi prævenientem, ejusque summam efficaciam libertati consonam explicarent. Non enim intelligebant eam prævenire moraliter *determinando objectum*, sed physice prævenire sciebant *determinando ipsam voluntatis inclinationem*, modo dicto, ad quodcumque objectum voluerit.

CCLIV. Hinc colligitur, *motionem moralem ex parte objecti*, non immutare propriè cordis affectum, sed illum determinare, faciendo de volente implicite volentem explicite. Qui mihi amanti delectabile proponit vinum sub motivo delectabilis, non immutat affectum delectabilis, sed quod implicite amabam, facit me explicite amare. Nec facit me amare vinum, quia vinum, sed quia delectabile. Consuetudo bibendi vinum facit me inclinari, & amare vinum, quia vinum, est enim altera natura. Qui igitur naturam dedit voluntatis, ipse statim poterit illam immutare ad amandum vinum, quia vinum est, ad amandum aquam, quia aqua est, ad amandum justitiam, quia justitia est, ad amandum Deum, quia Deus est. Amor justitiæ, quia justitia est; non suadetur, sed inspiratur, sicut & amor boni, quia bonum. Nulla enim *motio moralis ex parte objecti* ex non amante justitiam, *quia justitia est* potest facere amantem justitiam, *quia justitia est*: sed solum potest facere, amare justitiam propter aliquid prius amatum. Ista voluntatis immutatio, ut justitia placeat, quia justitia est, quæ prius displicebat, ad eum solummodo pertinet, qui dedit voluntatis naturam, & ipsam *ex parte suâ*, non *ex parte objecti* valet immutare. *Inspiratione*, non *suasione* habetur prædictus amor, *spiritu*, non *litterâ*. Agnoscant hæc Molinistæ, gratiam suam prævenientem *suadere*, non *inspirare* amorem, cum totam suam efficaciam *ex parte objecti* consequatur. Energiam *inspirationis* non penetrant, qui solâ sunt *motione morali* contenti. Vim

gratiz facientis de non volente volentem, non profundant, qui in allicientia objecti sistunt. Potestatem inclinantis voluntatem *ex precontinentia voluntatis* ignorant, qui solam *moventis moraliter* continentur potestatem. Hæc est radix, cur tot S. AUGUSTINI eludantur testimonia; Non enim eluderentur, sed in suâ vi reciperentur, si fidelissimi discipuli S. THOMÆ distinctio duplicis modi (moveendi voluntatem, *inclinando* scilicet, & *ex parte objecti*, adhiberetur ad mentem profundissimi Magistri intelligendam. Hic S. AUGUSTINUS IN THOMA, & S. THOMAS IN AUGUSTINO legendus est, ab eo, qui utriusque splendoribus veraciter in materiâ gratiæ voluerit illuminari. Motionem *ex parte objecti* vocavit S. AUGUSTINUS *motionem legis*; motionem verò *ex parte voluntatis inclinando eam in rem volitam* salutarem vocavit *motionem spiritûs*.

CCLV. Quare, qui solam motionem moralem tribuunt gratiæ prævenienti, non nisi *moraliter* agi voluntatem continentur, quod in phrasi Augustinianâ est agi non *spiritu*, sed *litterâ*; non *spiritu exhortante, illuminante, & adjuvante*, sed *lege præcipiente, minante, & promittente*, ut supra num. 48. & 49. evicimus. Eadem quoque duplicis modi voluntatem moveendi distinctio intelligitur a S. AUGUSTINO, sub distinctionibus *auxilii quo, & sine quo non, adjutorii possibilitatis, & adjutorii actionis*. Nam auxilio *quo*, sive *actionis* movetur voluntas *ex parte voluntatis inclinata in rem volitam*: at auxilio *sine quo non*, sive *possibilitatis* movetur *ex parte objecti*, in quantum sine determinatione objecti non datur volitio, nec potestas proxima volendi. Quam benè conveniunt, & in unâ sede morantur AUGUSTINUS, & THOMAS. Gratia victrix, & gratia prædeterminans! motio legis, & motio ex parte objecti! motio spiritûs, & motio inclinans voluntatem in rem volitam. Magnificemus utrumque simul; & utriusque doctrinam exaltemus in idipsum. In hanc Concordiam si quis est Domini jungatur nobis: & brevium accipiat verbum.

Actus pendet ab objecto, ut tendens in illud, non ut exiens ab illo. Pendet à voluntate, ut exiens ab illâ, non ut tendens in illam. Et licet non possit exire à voluntate, nisi tendat in objectum; nec possit tendere in objectum, nisi exeat à voluntate. Ista tamen sunt diversa *exire à voluntate, & tendere in objectum*; & quod est causa unius, non idè est causa alterius. *Motio ergò moralis ex parte objecti* non facit exire actum à voluntate, sed facit, quòd actus tendat in tale objectum. E contra *motio physica ex parte voluntatis* in qua operatur, non facit, quòd actus tendat in objectum, sed facit, quòd actus exeat à voluntate. Et sicut *motio moralis* est quædam determinatio, & applicatio objecti, ita *motio physica* est quædam determinatio, & applicatio voluntatis. Utque dum admittatur aliqua gratia determinans, & applicans physicè voluntatem, impossibile est, quòd luceat radius veritatis circa veram Christi gratiam, quâ Deus in nobis operatur.

velle secundum consilium voluntatis suæ. Oportet etiam in multis hallucinari. Ignorantia igitur prædictæ distinctionis, quæ non discernitur, quid habeat actus ex objecto, & quid habeat ex voluntate, est mater gratiæ prævenientis Molinistarum; sicut etiam mater est conditionis, quam exigunt Iuniores ad libertatem pro omni statu, ut Capite sequenti dicitur.

*Ovans TRIUMPHI assertum insolubiliter
confirmatur.*

CCLVJ. Restat confirmare ovans TRIUMPHI assertum, quo statuitur Deum concursu pedissequo esse causam physicam actus mali, sicuti est eodem concursu causa physica actus boni: id est, sicuti nihil est in actu bono, quod Deus concursu pedissequo non causet, ita nihil sit in actu malo, quod Deus concursu pedissequo non causet.

Indubitatum est apud Molinistas concursum, quem vocant simultaneum (sed aptius dici pedissequum ostendimus num. 18.) esse *motionem primi moventis*, quæ D. THOMAS Magister Orbis docet Deum in omni operante operari. Ita P. PLATEL, qui in *nupero Controversia Propositorum* sic decidendam exorditur Controversiam: *Suppono 1. contra Durand. & Ludov. à Dolà ex D. THOMA 1. p. quæst. 105. a. 5. & cæteris Philosophis, ac Theologis, Deum concurrere immediatè immediatione virtutis, & suppositi, ad omnes actiones, & effectus causarum secundarum, adeoque ad omnes creaturarum liberarum actus, TAM BONOS, QUAM MALOS; sic ut illos suo INFLUXU SIMULTANEO immediatè attingat, & cum ipsis producat: Deus enim, inquit S. D. sup. in quolibet operante operatur. nempe per CONCUSUM SIMULTANEUM, de quo ibi aperte agit, & non de prævio: cum ibi agat de operatione Dei in omni operante creato.*

Quidquid igitur de *motione primi moventis*, quæ Deus in omni operante operatur immediatè immediatione virtutis, & suppositi, verificatur, debet juxta Molinistas, & de *concurſu simultaneo* verificari. Ex quo principio

CCLVIJ. SEQUITUR 1. Deum esse causam physicam omnis illius rationis, quam *concurſu simultaneo* cum causâ secundâ producit. Agens enim immediatè immediatione virtutis, & suppositi est agens physicum, non morale. Si Deus influens concursu simultaneo, influat ut primum movens, erit agens immediatè immediatione virtutis, & suppositi: ergo Deus influens concursu simultaneo erit agens physicum, non morale. Concedunt Molinistæ, & de contrario ipsis imposito

posito irascitur *Defensor* num. 126. nihil esse in actu bono, quod non cause-
tur à Deo simultaneè influente. Nihil igitur est in actu bono, cujus Deus non
sit causa physica; bonitas moralis est aliquid in actu bono, & quidem potissi-
ma illius perfectio. Qui fieri potest, ut dixerit *Defensor*, bonitatem moralem
non habere causam physicam?

Verùm, non in causalitate physicâ ovat TRIUMPHI assertum: etenim quid-
quid sit causalitas influentis simultaneè, an physica, an moralis, nihil refert ad
ovationem asserti, in hoc consistentem; quòd eàdem causalitate, quâ totum,
quod est in actu bono, causatur à Deo simultaneè influente, etiam totum, quod
est in actu malo, debet causari à Deo simultaneè influente. Evidenter hoc pro-
bat *Defensoris* doctrina, qui concursum simultaneum in actu primo num. 575.
sic explanat: *Spektatus in actu primo nihil aliud est, quàm divina potentia ex li-
bero Dei decreto homini exhibita, & parata cum Deo concurrere ad omnes ejus actus,
fructus bonos, fructus malos, ut exigit causa libera.* Et num. 577. *Si verò concursus Dei spe-
ctetur in actu secundo nihil aliud est, quàm simultaneus Dei influxus coagentis cum crea-
turâ, ipsius causæ secundæ identificatus. In hoc autem simultaneo influxu non avis Deum
ut determinans causam secundam liberam ad exercitium, aut speciem actûs; sed suo mo-
do ad utrumque ab eâ determinatus.*

Ex hâc *Defensoris* doctrinâ, sub hâc formâ propono argumentum: Deus in
actu primo exhibet potentiam suam voluntati indifferentem ad actum bonum,
& ad actum malum, ab ipsâ voluntate, ut exigit libertas ejus, determinan-
dam: ipsâ autem voluntate determinante eam ad actum bonum, Deus in actu
secundo influit simultaneè in actum bonum; & quia ad totum, quod est in actu
bono, voluntas determinat Dei potentiam sibi exhibitam, idèò Deus in actu
secundo influit simultaneè in totum, quod est in actu bono. Eodem modo se
habet res in actu malo. Nam Deus in actu primo exhibet potentiam suam vo-
luntati indifferentem ad actum malum, & ad actum bonum pro nutu voluntatis
determinandam: ipsâ autem voluntate determinante eam ad actum malum,
Deus in actu secundo influit simultaneè in actum malum; & quia ad totum,
quod est in actu malo, voluntas determinat potentiam Dei sibi exhibitam, idèò
Deus in actu secundo influit simultaneè in totum, quod est in actu malo.

Quare, evidens est, Deum simultaneè influentem, equaliter causare totum,
quod est in actu, tam malo, quàm bono: & consequenter tam *malitiam*, quàm
bonitatem æqualiter à Deo, ut simultaneè influente procedere. Nam quod ait
Defensor num. 581. Deum nos ad actus bonos hortari, promissis invitare, illu-

strationibus excitare, inspirationibus allicere, nihil prorsus pertinet ad Deum simultaneè influentem; ista faciunt, quòd Deus sit causà moralis actûs boni, & non actûs mali, sed nullatenùs impediunt, quin Deus, ut simultaneè influens, æqualiter sit causà utriusque.

CCLVII]. SEQUITUR 2. Deum, ut simultaneè influentem in actum malum esse *primum movens actûs mali; movere voluntatem ad actum malum, applicare voluntatem ad actum malum; ipsamque voluntatem peragere actum malum in virtute Dei.* Nam omnes istos agendi modos docet R. P. PLATEL competere concursui simultaneo. Nam in Controversiâ, quam ipse fecit, & alter decidendam proposuit, n. 6. dicit: *Deum esse primum moventem, quia etiam dum simultaneè concurris, prius naturâ agit, quàm secunda, prius inquam, prioritare naturâ, non physicâ, sed logicâ, hoc est, prius essendi consequentiâ, quatenùs sequitur; agit causâ secundâ, ergo etiam primâ; non contra.* Quare Deus diceretur primum movens respectu actionis ut sic, & non respectu illius actionis, quæ à causâ secundâ, & primâ procedit? Eandem actionem, quam causâ secundâ producit, debet Deus prius agere, & quia respectu illius actionis est mutua essendi consequentiâ, sequitur enim, *causâ primâ agit ambulationem v. g. ergo & secundâ, & contra;* hallucinari R. P. PLATEL necesse est, dum vult Deum esse primum movens ad ambulandum, quia simultaneè ad ambulandum concurrat. Hæc per parenthesis sint dicta. Satis est nobis, quòd Deus simultaneè concurrat ad actum malum, & totum, quod in actu malo est, ut sit secundum Molinistas primum movens ad actum malum, & ad totum, quod in actu malo est; ac proinde primum movens ad *malitiam*; quod nullatenùs Deo prædeterminanti competere potest, secundum doctrinam Solis Angelici, qui duas rationes distinguens in actu malo, docet Deum prædeterminare voluntatem ad unam actionem, & non ad aliam, ut supra abundè explicatum est.

CCLIX. N. 14. dicit P. PLATEL, Deum movere causas secundas ad agendum, *quia simultaneè concurrendo unâ cum causâ secundâ producit actionem, quâ causâ secundâ movetur à Deo simul, & à seipsâ.* Si movere ad agendum sit producere actionem causæ secundæ; ergo omnis causâ secundâ movebit se ad agendum; & causâ secundâ, quæ etiam producit actionem Dei, movebit Deum ad agendum. Verùm, talitas istius doctrinæ nihil nobis obest, quia solum intendimus concludere, Deum, juxta Molinistas, movere voluntatem ad actum malum, *quia simultaneè concurrendo unâ cum voluntate producit actum malum, & totum, quod in eo est, quo voluntas movetur à Deo simul, & à seipsâ.*

N. 18, asserit P. PLATEL Deum applicare causam secundam ad agendum, *prehendit;*

Et concursus in actu secundo, qui non est aliud, quam ipsa actio causa secunda. Pulchra sanè applicatio, quâ servus trahens navem cum domino dicetur, applicare dominum ad trahendum, siquidem præbet domino concursus in actu secundo, qui à parte rei non est aliud, quam ipsa actio domini trahentis. Estne illa applicatio, quâ cultellus applicatur ad incidendum? nonne motus cultelli existens in cultello distinguitur realiter ab incisione, quæ est in ligno? Oportet igitur, esse aliquid existens in causâ secundâ distinctum realiter ab actione illius, ut Deus dicatur applicare causam secundam ad agendum, sicut homo est causa incisionis cultelli, ex hoc ipso, quod *APPLICAT acumen cultelli ad incidendum*, MOVENDO IPSUM, ut dicit D. THOMAS q. 3. de potentiâ, a. 7. Cerne, CORDATE LECTOR, quomodo locutiones Angelicas pervertant Molinistæ, sicut & Augustinianas. Si suam sententiam simpliciter proferrent, non certè commoveret: sed Geminum Ecclesiæ Solem suis violentis interpretationibus ad suam pertrahere sententiam, GERMANUS non essem PHILALETHES, si non zelarem, ut dixi n. 61. Scio in similibus scriptum esse: *Trasimini, & nolite peccare.*

Præstat motos componere vultus; & ex verbis P. PLATEL concludere, Deum applicare voluntatem ad actum malum: siquidem *præbet illi concursus in actu secundo, qui non est aliud, quam ipsa actio mala voluntatis.*

CCLX N. 20. docet P. PLATEL, causas secundas agere in virtute causæ primæ, quia *agunt per virtutem, ejus immediato concursu à quo essentialiter pendens in operando, in omnibus adiutam.* Similiter dicitur, quantum ad actionem causæ secundæ, Deum actionem causæ secundæ peragere in virtute causæ secundæ, quia illam agit per virtutem ejus, immediato concursu, à quo essentialiter pendet in operando actionem causæ secundæ, in omnibus, quæ in illâ actione sunt, adiutam. Apage modum istum interpretandi finistram, Attamen ex eo inferamus, voluntatem peragere actum malum in virtute Dei, quia *agit actum malum per virtutem, ejus immediato concursu à quo essentialiter pendet in operando, in omnibus, quæ in actu malo sunt, adiutam.*

Nondum didiceram Deum adjuvare causam secundam ad agendum per concursus simultaneum. Docuit me hoc P. PLATEL numero citato: & quam benè didicerim ostendet sequela tertia mox subiicienda, postquam cogitationem, quæ mihi nunc incidit, protulero. Narrat Scriptura Exodi 5. Præpositos filiorum Israël videntes se in malo positos, eo quod diceretur eis: *Non minuetur quidquam de lateribus per singulos dies, occurrisset Moysi, & Aaron; & dixisset ad eos: Videat Dominus, & judicet, quoniam fastere fecistis odorem nostrum coram Pharaone, & servis*

eum, & præbuiſtis eis gladium, ut occideret nos. Videor mihi videre inclitos Almq̃ Societatis JESU Professores propſicientes ſe ex perversâ P. PLATEL interpretatione in malo poſitos, eo quodd evidenter ſequatur, nihil in Deo minni de cauſâ peccati per concurſum ſimultaneum, ſed inſolubilia magis ſuperaddi, occurrere prædicto Conſodali ſuo, & dicere ad eum: Videat Dominus & judicet, quoniam fecere feciſti odorem noſtri concurſus ſimultanei coram CORDATIS, & omnibus veritatem amantibus, & præbuiſti eis gladium, ut inſuperabiliter, & indeclinabiliter impetant nos, noſtramque *Scientiam Mediam* cum ſuo gratia verſatilis ſœtu, de medio Scholarum tollant in æternum, & ultra. FAXIT DEUS, ſuperaddet CORDATUS.

CCLXJ. SEQUITUR 3. Deum, ut ſimultanè influentem, non minùs adjuvare voluntatem ad actum malum, quàm ut ſimultanè agens adjuvat voluntatem ad actum bonum. Deum adjuvare cauſam ſecundam ad agendum per concurſum ſimultaneum didicimus ex P. PLATEL, ut ex numero præcedenti patet. Atqui Deus, ut ſimultanè concurrens, non minùs ſimultanè concurrat ad actum malum, & totum, quod in actu malo eſt, quàm concurrat ad actum bonum, & totum, quod in actu bono eſt, ut ex ſe, & ex ſupradictis eſt manifeſtum: ergò Deus, ut ſimultanè concurrens, non minùs adjuvat voluntatem ad actum malum, & totum, quod in actu malo eſt, quàm adjuvet eam ad actum bonum, & totum, quod in actu bono eſt.

Plus dico, ſequitur, Deum non minùs prædiſſinire abſolutè, & efficaciter actum malum, quàm actum bonum. Mirabitur *Defenſor*; obſtupēſcent Moliniſtæ; ſed verum agnoſcent CORDATI. Quemadmodum Deus per *Scientiam Mediam* prævidet, quodd ſi voluntas ponatur in talibus circumſtantiis potentiam Dei illi indifferenter exhibitam determinabit ad actum bonum; ita per eandem *Scientiam Mediam* prævidet Deus, quodd ſi voluntas ponatur in talibus circumſtantiis potentiam Dei illi indifferenter exhibitam, determinabit ad actum malum. Non igitur minùs eſt actus malus ſub conditione præſcitus futurus, quàm actus bonus. Æqualis eſt conditionata utriuſque futuritio. Tranſeamus ad abſolutam. Actus bonus ſub conditione futurus fit abſolutè futurus per decretum efficax, quod habet Deus in ſequenti ſigno ponendi voluntatem in illis circumſtantiis, in quibus præſcivit voluntatem, potentiam ſuam ei indifferenter exhibitam determinatam ad actum bonum. Ex tali decreto cauſatur futuritio abſoluta actus boni, qui vi talis decreti tranſit de futuro conditionatè in futurum abſolutè, diciturque efficaciter, & abſolutè prædiſſiniri.

Atqui decretum etiam Deus habet efficax, & abſolutum ponendi voluntatem

in illis circumstantiis, in quibus præcivit voluntatem potentiam suam ei indifferenter exhibitam determinaturam ad actum malum: ergo actus malus sub conditione futurus, fiet etiam absolute futurus per decretum illud Dei efficax, & absolute; ex quo futuritio absoluta actus mali causabitur, qui vi talis decreti transibit de futuro conditionate in futurum absolute, diciturque efficaciter, & absolute prædeterminari. Nam sicut concursus simultaneus æqualiter ex parte Dei se habet ad actum malum, & ad actum bonum; ita decretum Dei ponendi voluntatem in circumstantiis, in quibus prævidetur voluntas determinatura potentiam Dei illi indifferenter exhibitam, æqualiter se habet ad decernendam positionem in circumstantiis, in quibus prævisa est determinatio voluntatis ad actum bonum, & ad decernendam positionem in circumstantiis, in quibus prævisa est determinatio ad actum malum. Quapropter sicut Deus propter istam concursus simultanei æqualitatem, non minus adjuvat ad actum malum, quam ad actum bonum; ita propter similem decreti efficacis, & absolute æqualitatem, non minus prædeterminatur à Deo actus malus, quam actus bonus.

CCLXIJ. Judicet, CORDATUS LECTOR, quomodo poterunt Molinistæ se expedire ab illâ, quam damnat Concilium Trid. sententiâ sess. 6. can. 6. dicens: *Si quis dixerit, non esse in potestate hominis vias suas malas facere, sed mala opera, ut bona Deum operari, NON PERMISSIVE SOLUM, sed etiam PROPRIE, ET PER SE, adeo ut sit proprium ejus opus, non minus perditio Iudæ, quam vocatio Pauli, anathema sit.* Constat Deum per concursum simultaneum non solum permissivè, sed etiam propriè, & per se operari actum voluntatis; nec minus operari actum malum, quam actum bonum; nec minus adjuvare voluntatem ad actum malum, quam ad actum bonum; quid inde sequatur, judicet CORDATUS LECTOR.

Judicet etiam, an non verè sit dictum n. 243. si alicubi, hæc maxime Thomistarum ovare TRIUMPHUM, non studio meo, sed misericordiâ Domini, qui omnia dimittenti propter veritatem, centuplum reddere voluit in hoc sæculo, cum spe vitæ æternæ in futuro. Sit ipse benedictus in sæcula.

Judicet denique, cum easdem, & majores pati *Scientiam Mediam*, & *gratiam versatilem* difficultates evicerimus in hoc Paragrapho, firmantes TRIUMPHUM; quam decreta de se efficacia, & GRATIAM VICTRICEM simul & PRÆDETERMINANTEM; ac proinde angustia sint undique; an non melius, & latius sit, doctrinam Augustinianam; & Angelicam de decretis de se efficacibus, de GRATIA VICTRICE simul & PRÆDETERMINANTE, humiliando liberum arbitrium sub manu potenti Dei, amplecti; quam doctrinam Molinistarum de *Scientiâ Mediâ*, de

gratia versatili, ex ingenio unius privati Scriptoris ortam, subiiciendo Dei potentiam sub versatili determinatione arbitrii, sectari? Firma est creaturæ libertas, si dominetur ei Creatoris potestas; infirma est Creatoris potestas, si non subiiciatur ei creaturæ libertas. Absit à me elevans illa creaturæ libertas, quâ infirma redditur Creatoris potestas. Inclina, GRATIA TUA VICTRICE, ET PRÆDETERMINANTE, cor meum, & omnium CORDATORUM, Deus, in testimonia tua. Nusquam scriptum legi, *Gratia Dei in manu arbitrii, quocumque volueris, determinabit eam*, quia verum non est; sed scriptum reliquisti, *Cor Regis in manu Domini, quocumque volueris, inclinabit illud*. Averte igitur oculos mentis meæ, omniumque CORDATORUM, ne minimum præbendo assensum videant *Scientia Media* vanitatem; ne me, & quemquam eorum, *gratia versatilis* impingat in æternum.

Placet hic ad firmandum omnia quæ diximus de Prædeterminatione *actionis* peccati, *inquantum ens*, & *actio est*, integrum D. THOMÆ articulum, desumptum ex lib. 2. dist. 37. q. 2. de verbo ad verbum transcribere. Hoc enim testimonio clarissimè exprimitur, qualiter Deus sit causa physica *actionis* peccati, *inquantum ens*, & *actio est*; & tamen non sit causa *malitia*: ac proinde voluerit ab æterno causare *actionem* peccati, *inquantum ens*, & *actio est*: absque eo, quod voluerit *malitiam*. Ergo & prædissinivit ab æterno *actionem* peccati, *inquantum ens*, & *actio est*, non prædissinendo *malitiam*. Ergo & in tempore prædeterminat *actionem* peccati, *inquantum ens*, & *actio est*, non prædeterminando *malitiam*. Inviçè enim ostendimus eandem esse difficultatem de causâ physica, ac de causâ prædeterminante, & de Deo volente ab æterno, ac de Deo prædissiniente.

*Exemplar Articuli secundi D. Thomæ ex lib. 2.
dist. 37. q. 2. in quo querit, Vtrùm actio
peccati, inquantum actio, sit à Deo?*

& sic resolvit:

Respondeo dicendum, quod circa hanc quæstionem tanguntur à Magistro duæ opiniones, quarum una dicebat, omnes actus, inquantum actus sunt, à Deo esse, sed, quod inquantum deformitatem habent, à Deo non

sunt, sed ab homine, vel diabolo. Alia opinio dicebat actus peccatorum nullo modo, nec etiam in quantum actus sunt, à Deo esse: quam ad præsens nulli, vel pauci tenent, quia propinquissima est errori duplici. Primò, quia ex eâ videtur sequi, quòd sint plura prima principia. Hoc enim est de ratione primi principii, ut agere possit sine auxilio prioris agentis, & influentiâ ejus: undè si voluntas humana actionem aliquam posset producere, cujus author Deus non esset, voluntas humana rationem primi principii haberet.

Quamvis solvere hoc nitantur, dicentes, quòd voluntas, etsi per se possit actionem producere sine influentiâ prioris agentis, non tamen habet à se esse, sed ab alio, quòd etiam exigeretur ad rationem primi principii.

Sed hoc videtur inconveniens, ut quod à se esse non habet, à se agere possit, cum etiam per se durare non possit, quod à se non est: omnis enim virtus ab essentia procedit, & operatio à virtute: undè cujus essentia ab alio est, oportet, quòd virtus, & operatio ab alio sit. Et præterea, quamvis per hanc responsionem evitaretur, quòd non esset primum simpliciter, non tamen posset vitari, quin esset primum agens, SI EIUS ACTIO IN ALIQUOD PRIUS AGENS NON REDUCERETUR SICUT IN CAUSAM.

Secundò, quia cum actio etiam peccati sit ens quoddam, sequeretur, si actiones peccatorum à Deo non sunt, quòd aliquod essentiam habens, à Deo non esset, & ita Deus non esset universalis causa omnium entium, quod est contra perfectionem primi entis: primum enim in quolibet genere est causa cæterorum, ut in 2. Metaphys. dicitur.

Et ideò cum primâ opinione dicendum est, quòd actus, in quantum actus est, & ut sic, non habet aliquid, quod deformitatem habeat: quod qualiter sit, ita considerari potest. In omnibus enim in quibus incidit defectus ex causâ secundâ, & non ex causâ primâ, oportet, quòd quidquid est in effectu deficiente, essentia & bonitatis, totum à primâ procedat, quod autem defectus, reducat in causam secundam deficientem. Ut patet in claudicatione, quæ est à virtute gressivâ, mediante tibiâ, per cujus, scilicet tibiæ, curvitem, obliquitas in gressu claudicantis relinquitur: undè quidquid est ibi de gressu, totum est à virtute gressivâ: sed defectus, vel obliquitas gressûs, non est à virtute gressivâ, sed à tibiâ tantum.

Similiter etiam est ordo Dei ad voluntatem causatam, sicut causæ primæ ad secundam: ideò ex parte Dei nullus defectus incidere potest: voluntas autem causata, ad defectum possibilis est, & ideò quidquid est in actu deficiente, sci-

licet peccato, de ratione actûs, & entis, & boni, totum hoc à primo agente, sci- licet Deo, precedit, mediante voluntate: sed ipse defectus, qui est id actu, hoc modo est à voluntate, quod à Deo non procedit. Et ideò, quodcumque no- men, quod deformitatem simul cum actu significat, sive in generali, sive in spe- ciali, non potest dici, quod hoc à Deo sit simpliciter: undè non potest dici ab- solutè, quod peccatum sit à Deo, ut homicidium, aut aliquid hujusmodi, nisi cum hâc additione, in quantum est actus, & in quantum est ens.

*Argumentum in quo totum difficultatis pondus
continetur, sic format:*

Rei non assignatur causa efficiens, secundum quod est in intellectu; sed secundum quod est in re: sed quidam actus sunt, in quibus non potest sepa- rari illud, quod est de naturâ actûs à deformitate, nisi secundum intelle- ctum, quia benè fieri non possunt: ergò non causantur, nisi secundum quod stant sub illâ deformitate, &c.

*Cui argumento nostram sæpè decantatam
tradit solutionem:*

Ad quintum dicendum, quod sicut actio, quæ peccati deformitatem habet, di- citur bona, in quantum est actio, bonitate naturæ: non propterea, quod aliquando inveniatur separata à deformitate, sed quia bonitas naturalis deformitati substat. Ita etiam Deus dicitur causa illius actionis, in quantum est actio, & non in quan- tum est deformis: hoc modo, quod actionem non facit à deformitate sepa- ratam, sed quia in actione deformitati conjuncta, hoc quod est actionis fa- cit, & quod deformitatis non facit. Et si enim in aliquo effectu plura insepa- rabiliter sunt conjuncta, non oportet, ut quod est causa ejus, quantum ad unum, sit etiam causa ejus, quantum ad alterum. Sicut natura est causa ocu- li, quantum ad substantiam ejus, & non quantum ad defectum cæcitat, qui ex naturæ defectu accidit.

*Hac D. Thomas illuminans omnem hominem ve-
nientem in hunc Angelicæ veritatis mundum.*

CAPVT

CAP V T V.

Refutatio Capitis Quinti.

CCLXII. **D**ogmata erronea. Titulus est præsentis capitis. Titulus sine re. Nullam enim veritatis speciem habere potest, inter dogmata erronea reponere, 1^o. doctrinam Scholæ Angelicæ communem; 2^o. communem gemini Ecclesiæ Solis Sanctorum AUGUSTINI & THOMÆ pronuntiatum; 3^o. constans SS. Patrum, antiquorum Scholasticorum, utriusque Solis Ecclesiastici, Doctoris Subtilis cum omnibus suis discipulis, Cordatorumque plurimorum assertum. Facit hoc in præsentis capite *Defensor gratiæ versatilis*. Erroneam facit distinctionem actus liberi, in *liberum elicitive* & *liberum applicative*, quam ex Præceptore suo deducunt communiter Thomistæ. Erroneum facit quod uterque Ecclesiæ Sol pronuntiavit, *necessitatem naturalis inclinationis non repugnare libertati*. Erroneam denique facit libertatem amoris beatifici, à tot & tantis supra enumeratis assertam. Sed potestatem *Defensoris*, erroneum faciendi quod non est, non transcendere suas conceptiones, Refutatio præsentis Capitis evincet.

Dogmata erronea, de quibus TRIUMPHUM THOMISTARUM infamat, ad hoc unum reducit quòd *non rectè sentiat de libertate hominis lapsi ad actus bonos*. Id probare contendit 1^o. quia docet, *voluntatem in naturâ lapsâ non sibi applicare ad actus bonos*. 2^o. ex eo quòd doceat, *ad libertatem actus non requiri, ut possit eum suspendere, aut ab eo cessare*. 3^o. ex eo quòd asserat *necessitatem naturalis inclinationis non officere libertati*. 4^o. quia contendit, *amorem beatificum esse liberrimum*. 5^o. ex *confusione liberi cum voluntario*. His quinque probationibus postremò superaddidit, TRIUMPHUM THOMISTARUM admittere in re tres primas de quinque propositionibus ab Innocentio X. damnatis.

Providebam Dominum in conspectu meo semper; quoniam à dextris est mihi ne commovear, ait Psalmista Regius. Necessaria mihi est talis Dei præsentia, & assistentia specialis, ne commovear. Odiosum reddere me voluit *Defensor*, Romanæ Curiae, sed à dextris est mihi Dominus, ne commovear. Ipse suscepit causam meam; in ipso confido, non erubescam. De longe prospexit *Defensoris* suorumque Sodalium machinationem contra me in-

intentatam. Sed habitans in cœlis irridet eos, fuscitans de terrâ inopem, & de stercore erigens pauperem. Infirma mundi elegit Deus, ut confundat fortia.

Ad Refutationem præsentis Capitis sic procedemus. Primò quæ sit nostra de libertate doctrina, præmittemus. Secundò, *Defensorem* in suis probationibus assumere quæ non intelligit, ostendemus. Tertiò nullam è quinque propositionibus à nobis sustineri invictè probabimus, sed in illis doctrinam *gratia versatilis* damnari CORDATO LECTORI proponemus judicandum. Adjuva me Deus meus, & ab omnibus *Defensoris* argutiis, omniumque inimicorum meorum machinationibus libera me Salvator meus, qui dixisti: *si Filius vos liberaverit, verè liberi eritis.* Joann. 8.

§. I. *Quæ sit TRIUMPHI THOMISTARUM de libertate doctrina?*

CCLXIII. **I**NDUBITATUM est in DOCTRINÂ Augustinianâ & Angelicâ, potestatem peccandi non esse de essentia libertatis. Vide TRIUMPHUM Opusc. 1. de *Scientiâ Mediâ ad examen revocatâ* cap. 1. a. 3. §. 1. Imò S. AUGUSTINUS docet summam esse libertatem non posse peccare. *Amidlo in illo*, inquit de Christo, *non libera voluntas erat, & non tanto magis erat, quanto magis peccato servire non poterat.* De Prædestinat. SS. c. 15. Rationem reddit S. Bernardus de gratiâ & lib. arb. *Ideo in obedientiâ libero non caruisse arbitrio, quoniam quod non posset non obedire, non infirma faciebat necessitas, sed firma in bono voluntas, & voluntaria firmitas.* Ad hanc perfectæ libertatis separatæ à potestate peccandi essentiam explicandam, destinavit TRIUMPHUS Opusculum tertium, quod in secundo Tomo editum est secundò in lucem sub hoc titulo, *Clavis Regia libertatis.* Ea quæ ibi ad libertatem dixit sufficere, trahere in consequentiam pro libertate potestati peccandi conjunctâ, qualis est libertas naturæ lapsæ, quid est aliud, quàm in fallaciis, & non in veritate arguere, atque gloriari? Cordati sciunt, quorum sit illa gloriatio.

Ut veritas TRIUMPHI undequaque pateat, sciendum est, plures hic eodem implicari defectu, quo Molinistæ implicati, gratiam efficaciam morali prævenientem, obtruserunt pro verâ Christi gratiâ physicè & insuperabiliter præveniente. Ut enim n. 249. diximus, in principiis erratur, dum non secernitur motio moralis ex parte objecti à motione physicâ ex parte voluntatis. Similiter & hic hallucinari necesse est, dum libertas competens actui ex objecto moraliter movente, non sufficienter separatur à libertate conveniente actui ex voluntate physicè se movente. Actus elicitur à voluntate, & tendit in objectum. Nihil tenens se ex parte objecti potest esse causa, cur actus elicitur hic & nunc à voluntate, sed solummodò causa cur actus hic & nunc elicitur, ten-

dat in tale objectum. Hæc est ratio, cur necessitas competens actui ex solo objecto, nunquam possit esse absoluta, sed solum conditionata; id est, supposito quod velit aliquid voluntas, debet tendere in tale objectum, quale hic & nunc ei præsentat intellectus. Quasi diceret intellectus, si vis aliquid, in quo bonum quod amas consequi possis, in quod vis, in quod quæris. Non mea, sed Solis Angelici est aperta sententia in testimonio quod refert TRIUMPHUS ex 1. 2. q. 10. a. 2. Ubi ex professo necessitatem explicans, quæ competit actui ex objecto, ait: *Si proponatur aliquod objectum voluntati, quod sit universaliter bonum, & secundum omnem considerationem, ex necessitate voluntas in illud tendit, si aliquid velit: non enim poterit velle oppositum.*

CCLXIV. Quoties legi hoc testimonium, & doctrinam istam non adverti! ut ex illo firmarem, quod Opusc. citato cap. 1. §. 1. docuit TRIUMPHUS aperiens punctum difficultatis. „Observandum est secundò, ait, quod actus intellectus præcisâ motione voluntatis, se habet ad voluntatem sicut ostendens viam volenti ire Romam. Nam sicut ostendens viam non facit effectivè, quod volens ire Romam velit sequi viam demonstratam, sed ipse volens ire Romam, ex voluntate quam habet eundi Romam, facit se velle sequi viam sibi demonstratam: Ita & intellectus ostendens objecti bonitatem, v. g. delectabile esse bonum, non facit effectivè quod voluntas velit delectabile, sed ipsa voluntas ex amore boni facit se velle delectabile, quod intellectus ostenderat, hic & nunc esse bonum:

Hæc TRIUMPHUS conformiter ad Præceptorem suum ibid. q. 9. a. 1. docentem: *Et ideo isto modo motionis intellectus movet voluntatem, sicut præsentans ei objectum suum.* Ostendens viam est solum causa, cur incessus sit per talem viam, & si evidenter ostenderet nullam aliam superesse viam, necessitaret volentem ire Romam ad incedendum per talem viam; sed quia non est causa, cur incessus egrediatur à voluntate, ideo ejus necessitas est tantum conditionata, non absoluta; non enim aliud facit, quam dicere, *si vis ire Romam, in unica via eundi Romam, nulla tibi superest alia.*

O lux beatissima, quam subito illuminas, quem volueris. Vero omnia consonant. Nunc clare conspicio, necessitatem finis non repugnare libertati. Id disertè docuerat Scholasticorum Phoenix D. THOMAS Magister noster, & non reflectebam præoccupatus Juniorum de libertate notionibus. Distinguit 1. p. q. 82. a. 1. necessitatem finis à necessitate naturali & absolutâ; distinguit etiam eam à necessitate agentis, quam dicit omnino repugnare voluntati. *Necessitas autem finis, ait, non repugnat voluntati quando ad finem non potest perveniri nisi uno modo: sicut, ex voluntate transseundi mare, sit necessitas in voluntate ut velit navem.* Sicut se habet unicum medium ad volentem finem; ita se habet objectum universaliter & secundum omnem considerationem bonum ad volentem bonum. Est ne-

cessaria ex parte utriusque connexio. Quare sicut necessitas ad unicum medium est conditionata, utpotè quæ fit in voluntate ex volitione finis; ita necessitas ad objectum universaliter & secundum omnem rationem bonum est conditionata, utpotè quæ fit in voluntate ex volitione boni. Si vult finem; debet velle unicum medium ad consecutionem finis necessarium; si vult bonum, debet velle illud quod ut omne bonum ei ab intellectu præsentatur, si vult ire Romam, debet ire per viam quæ unica ei demonstratur. Rationem reddidimus supra n. 38. ex eò quòd motio moralis ex parte objecti, quæcumque sit illa, redditur efficax ex aliquo præcedente amore. Inde coacti sunt Molinistæ negare gratiam de se efficacem, quia cum ad salvandum libertatem, solam motionem moralem ex parte objecti, gratiæ prævenienti tribuerent; non aliam potuerunt gratiæ agnoscere efficaciam, quàm quæ à libero arbitrio redderetur efficax. In eundem scopulum ex parte libertatis impegerunt, qui eam ex singulari objecto metiendam putarunt.

CCLXV. Sola voluntas & Deus est causa, cur actus tendens in tale objectum eliciatur hic & nunc à voluntate. Pulchrè id docet Doctòr Ecclesiæ quintus S. THOMAS de malo q. 3. a. 3. his verbis: *Relinquitur ergò quòd causa perficiens & propria voluntarii actus sit solum id quod operatur interius: hoc autem nihil aliud esse potest quàm ipsa voluntas sicut causa secunda, & Deus sicut causa prima. Cujus ratio est, quia actus voluntatis nihil est aliud, quàm inclinatio quedam voluntatis in volitum: sicut & appetitus naturalis nihil est aliud quàm inclinatio naturæ ad aliquid. Inclinatio autem naturæ est à formâ naturali, & ab eo quod dedit formam. Unde dicitur quòd motus ignis sursum est ab ejus levitate, & à generante quod talem formam creavit. Sic ergò motus voluntatis directè procedit à voluntate, & à Deo qui est voluntatis causa, QUI SOLUS IN VOLUNTATE OPERATUR, & VOLUNTATEM INCLINARE POTEST IN QUODCUMQUE VOLUERIT.* Idem docet i. p. q. 105. a. 4.

Putabit fortè Molinista, D. THOMAM docere Deum esse causam actus voluntarii, id est, quòd actus sit à voluntate, quia est causa voluntatis; sed advertat, quòd addiderit, *qui solus in voluntate operatur.* Ex hoc quòd Deus sit voluntatis causa, solus in voluntate operatur, & solus in voluntate operando est causa quòd actus sit voluntarius, id est, eliciatur à voluntate. Nec poterit recurrere ad concursum simultaneum, quia hic non distinguitur ab actu voluntatis. Ut enim dicatur Deus in voluntate solus operari, non sufficit, quòd sit causa actus voluntatis, quia Angelus & homo moventes ex parte objecti ab exteriori sunt etiam causa actus voluntatis. Sed idèò dicitur, Deus solus in voluntate operari, quia solus operatur aliquid in voluntate, quod sit causa, cur actus voluntatis eliciatur à voluntate, sitque voluntarius. Quæ ab exteriori movent voluntatem ex parte objecti, sunt causa actus elicit à voluntate, sed non sunt causa, cur voluntas hic & nunc eliciat. Istam Dei internam operatio-

nem, quâ intus in voluntate operatur prædeterminando eam ad sui amorem, longe diversam esse ab illâ operatione, quâ voluntas ad amandum excitatur ex parte objecti mediis illustrationibus intellectus, experiuntur contemplationi dediti; & clare vident unam intus fieri, alteram exterius, nec minus liberum esse amorem, qui ab intrâ, quàm qui ab extrâ accenditur. Unde mirum est, viros orationi deditos negare motionem Dei prædeterminantem, quâ Deus facit voluntatem liberè amare quodcumque, & quandocumque voluerit.

CCLXVI. Si objectum non sit causa, cur actus eliciatur à voluntate, non erit etiam causa, cur non eliciatur. Nam quod facit actum elici à voluntate, eò ipsò quod hoc non faciat, est causa cur actus non eliciatur. Ex quo aperte sequitur, quòd indifferentia, quam habet actus ut eliciatur & non eliciatur, non possit oriri ex objecto singulari volito, sed ex ipsâ procedit voluntate, quæ per modum causæ contingētis, antecederet ad objectum volitum singulare, est indeterminata ad agendum, vel non agendum. Recordentur Solis Angelici discipuli distinctionis inter causam necessariam & causam contingentem; quam sæpius inculcant, dum agunt de cognitione futurorum contingentium contra Molinistas. Invenient, quòd causa necessaria dicitur, quæ ex naturâ suâ est determinata ad agendum; causa verò dicitur contingens, quæ ex naturâ suâ non magis est determinata ad agendum, quàm ad non agendum.

Ita voluntas ex formâ suâ est causa contingens: ac proinde antecederet ad objectum singulare volitum habet indeterminationem ad agendum, vel non agendum. Nam sicut indeterminatio & indifferentia causæ contingētis antecedit effectum ad quem ordinatur, & est quidam modus producendi effectum; ita indeterminatio voluntatis ad agendum, vel non agendum antecedit objectum singulare ad quod ordinatur, & est quidam modus eliciendi actum. Libertas causæ, superaddit causæ cōtingenti potestatem se movendi ad agendum. Unde sicut actus eò ipsò est contingens quòd egrediatur à causâ contingente, & per exercitium causæ contingētis non tollitur indeterminatio causæ; ita actus est liber eò ipsò quòd egrediatur à causâ contingente movente se ad agendum, qualis est sola voluntas; nec per illam determinationem ad agendum tollitur indeterminatio voluntatis: sicut nec per Dei prædeterminationem, ut dictum est n. 105.

CCLXVII. Quod habet causa contingens ex naturâ suâ, hoc habet voluntas ex formâ universaliter intellectuâ, sicut enim ad formam rei naturalis sequitur inclinatio naturalis, ita ad formam universaliter intellectuam sequitur inclinatio voluntaria. Forma universaliter intellectuâ, indeterminate se habet ad multa; ex quo fit ut cum nullo actu particulari habeat necessariam connexionem; & consequenter respectu cujuscumque actus particularis sub eâ contenti non est magis determinata ad eliciendum, quàm ad non eliciendum. Oportet igitur

tur ut inclinatio voluntaria sequens talem formam, ad quemcumque particularem actum eandem habeat indeterminationem. Docet hoc D. THOMAS q. 6. de malo art. unico his verbis: *In hoc est differentia, quia forma rei naturalis est forma individuat per materiam, unde & inclinatio ipsam consequens est determinata ad unum: sed forma intellecta est universalis, sub qua multa possunt apprehendi, unde cum actus sint in singularibus, in quibus nullum est, quod adequet potentiam universalis, remanet inclinatio voluntatis indeterminata se habens ad multa.* Ex quo principio infert, quod licet voluntas quantum ad aliqua ex necessitate movetur ex parte objecti; nunquam tamen ex necessitate movetur ex parte exercitii. Sic enim concludit. *Sic ergo quantum ad aliqua voluntas ex necessitate movetur ex parte objecti, non autem quantum ad omnia: sed ex parte exercitii actus, non ex necessitate movetur.*

CCLXVII] Manifestum est, quod contingentia & indeterminatio voluntatis inest ei ex forma universaliter apprehensa, quaecumque sit illa, sive sit ipsa ratio universalissima boni respectu omnium, sive ratio delectabilis in genere delectabilium, aut ratio dulcis in genere dulcium, &c. Omnis igitur actus, quem elicit voluntas dependenter à tali forma ut principio, erit contingens, sicut & quilibet actus procedens à causa contingente, id est, ad agendum indeterminata debet esse contingens. Non tamen sufficit contingentia ad libertatem, sed ulterius exigitur potestas se movendi ad agendum. Hanc habet voluntas ex amore ipsius formae universaliter intellectae. Ex hoc enim amore voluntas est sibi causa, cur actus tendens in objectum singulare sibi praesentatum ab intellectu, ad quod amandum erat indeterminata, hic & nunc à voluntate eliciatur. Et ita amor singularis objecti egreditur à voluntate indeterminata, & movente se ad agendum. In quo consistere docet TRIUMPHUS libertatem agentis, & exercitii, separatam à potestate peccandi, & à libertate specificationis independentem. Sicut quaelibet potentia eliciens suum actum non amittit potentialitatem suam, sed actuat & perficit eam, nec causa contingens, eliciendo actum, amittit contingentiam, id est, potentiam non agendi: ita voluntas indeterminata ad aliquem actum determinando se ad illum; non amittit suam indeterminationem, id est, potentiam non agendi, quam habet in actu primo, sed actuat & perficit eam, ita ut actus egrediatur à voluntate secundum utramque rationem, & ut in actu primo est indeterminata, & ut in actu secundo est movens se ad agendum; ut egreditur à voluntate indeterminata, est contingens, ut egreditur à voluntate movente se ad agendum, est liber libertate agentis.

Quod voluntas ex amore formae universaliter intellectae reducat se in actum respectu objecti singularis, id est, sit causa, cur actum tendentem in singulare objectum hic & nunc eliciat, docet Praeceptor noster Sol Angelicus loco citato dicens: *Sic ergo ad ostendendum quod voluntas non ex necessitate movetur, oportet considerare motum voluntatis, & quantum ad exercitium actus,*

& quantum ad determinationem actus, quæ est ex objecto. Quantum ergo ad exercitium actus primò quidem manifestum est, quòd voluntas moveatur à seipsa. Sicut enim movet alias potentias, ita & seipsam movet. Nec propter hoc sequitur, quòd voluntas secundum idem sit in potentia, & in actu. Sicut enim homo secundum intellectum in viâ inventionis movet seipsum ad scientiam, inquantum ex uno noto in actu venit in aliquid ignotum, quod erat solum in potentia notum: ita per hoc quòd homo aliquid vult in actu, movet se ad aliquid aliud volendum in actu: sicut per hoc quòd vult sanitatem, movet se ad volendum sumere portionem. Deinde docet, quòd sistendum est in aliquo actu voluntatis, qui ex aliquo præcedente non procedit; ac proinde ad quem voluntas non se movet, id est, non est sibi causa cur eliciat eum, dicens: Relinquitur ergo sicut concludit Arist. in cap. de bonâ fortunâ, quòd id quòd primò movet voluntatem & intellectum, sit aliquid suprâ voluntatem & intellectum, scilicet Deus, qui cum omnia moveat secundum rationem mobilium, ut levia sursum, & gravia deorsum, etiam voluntatem movet secundum ejus conditionem, non ut ex necessitate, sed ut indeterminatè se habentem ad multa. Patet ergo quòd si consideretur motus voluntatis ex parte exercitii actus, non moveatur ex necessitate.

CCLXIX. Quibus patet voluntatem, quæ ex formâ universaliter intellectâ erat ad amandum & non amandum objectum singulare indeterminata, movere se ad illud amandum ex amore prædictæ formæ. Ex hoc enim quòd vult bonum, in quo involvitur quòd velit aliquid habens à parte rei bonitatem, est sibi causa, cur hic & nunc eliciat actum, quo tendat in bonum singulare sibi ab intellectu determinatum. Unde & ipsa ratio est etiam radix libertatis agentis, & ex parte contingentie quæ est in voluntate, & ex parte potestatis se movendi. Inquantum attingit formam intellectam in universali est radix contingentie, quam habet inclinatio voluntaria sequens talem formam. Inquantum est cognoscens unum ex alio, est radix cur voluntas ex uno voluto moveat se ad aliud volendum. Forma universaliter intellecta, quam dicimus à voluntate naturaliter amari, est ipsa ratio, seu definitio boni; & amor illius non distinguitur ab amore formæ, secundum quam *justus est animus, qui scientiâ atque ratione in vitâ ac moribus sua cuique distribuit*. Quem amorem ex S. AUGUSTINO describit TRIUMPHUS tomo 2. Opusc. 2. de Naturâ purâ cap. 2. additâ expositione Angelicâ, quâ indigebat.

Illam agentis libertatem à potestate peccandi separatam, & à libertate specificationis indepèntem declaravit ex doctrinâ syllogismi practici TRIUMPHUS THOMISTARUM. In quo syllogismo, major est amor formæ universaliter intellectæ vi istius judicii *Bonum est amandum, vel delectabile est amandum*. Minor est actus intellectus determinans, & præsentans voluntati bonum aliquod singulare. Conclusio est amor boni, vel delectabilis à minore determinati. Amor boni singularis, qui syllogismo practico concluditur, duo habet, egreditur à voluntate determinante se, & tendit in objectum singulare.

Major non est causa, cur tendat in objectum; sed solum est causa, cur egrediatur à voluntate *movente se ad agendum*. Non quod totum quod est in amore, qui concluditur, non sit à maiore, & minore, sed diversas earum attendimus rationes, eo sensu quo dicitur, vitalitas inest actui supernaturali ex potentia, supernaturalitas ex objecto, quamvis ista in actu supernaturali realiter non distinguantur, & totum quod est à potentia, sit etiam totum ab objecto. Ita dicimus, quod actus egrediatur à voluntate *movente se ad agendum*, competit ei ex maiore, non ex minore. Minor est causa, quod amor, qui concluditur, tendat in objectum singulare, sed non est causa, cur egrediatur à voluntate *movente se ad agendum*, id est in sensu explicato, quod actus tendat in objectum singulare, competit ei ex minore, non ex maiore.

CCLXX. In quo differt à minore syllogismi speculativi, cuius conclusio est solum actus intellectus, deducta ex maiore, & minore particulari effective determinante maiorem ad assensum conclusionis, ut fuse ostendit TRIUMPHUS Opusc. 3. *de libertate* cap. 3. & infra n. 296. explicabitur. In syllogismo practico conclusio est actus voluntatis, & minor est actus intellectus, independens à voluntate quoad determinationem objecti, secundum quam movet voluntatem; & quia actus intellectus independens à voluntate solum ex parte objecti movet voluntatem, & ut dictum est, nihil tenens se ex parte objecti est causa, cur voluntas eliciat quemcumque actum; impossibile est, quod minor syllogismi practici sit causa, cur actus, qui concluditur, egrediatur à voluntate, sed solummodo est causa, cur actus egrediens à voluntate *movente se ad agendum*, tendat in objectum ab ipsa determinatum.

Quare si determinet objectum singulare, quod secundum omnes particulares rationes sit bonum, erit causa, cur actus liberè egrediens à voluntate *movente se*, tendat necessariò in objectum, quod secundum omnem sui considerationem determinat esse bonum: quæ tamen necessitas semper est, ut n. 263. dixi, conditionata. Et sic stabit necessitas ex parte objecti singularis conditionata, cum libertate ex parte agentis absolutâ, quia hæc est independens à determinatione objecti singularis: unde quodcumque objectum singulare ei determinetur, si voluntas ex formâ aliquâ universaliter intellectâ, sit ad illud indeterminata, & ex amore illius formæ se determinet ad concludendum amorem objecti singularis, semper habebit dominium sui actus, & semper actus egreditur à voluntate *potente agere & non agere* ad instar causæ contingentis, & insuper *movente se ad agendum*, ex quo superaddetur contingentia libertas.

Hæc est igitur TRIUMPHI de libertate doctrina; quod ad essentiam libertatis creatæ à potestate peccandi separata, & à libertate specificationis independentis duo requiruntur; contingentia, id est, *potentia agendi & non agendi*, qualem habet quælibet causa contingens ex naturâ suâ, & voluntas ex formâ
univer-

universaliter intellectâ: & *potestas se movendi ad agendum*, quam habet voluntas ex amore formæ universaliter intellectæ. Voluntas sic constituta respectu cuiuscumque objecti singularis, etiam omnem plenitudinem bonitatis in se habentis, retinet libertatem absolutam & dominium sui actus: nec nisi necessitate conditionatâ potest ex objecto tali necessitari.

S. II. *Angelicam esse, & consequenter veram, TRIUMPHI de libertate doctrinam, comprobatur.*

CCLXXI. Nil aliud ad libertatis supradictæ essentiam requiri, quàm contingentiam cum potestate movendi se ad agendum, sufficienter probat, quòd per ista duo essentialiter distinguitur causa libera, ab omni eo quod non est ipsa. Idem est constitutivum & distinctivum. Distinguitur essentialiter ab eo, quod non est causa, per *potentiam agendi*. Id quod est causa, vel est causa necessaria, vel contingens. Ab eo, quod est causa necessaria, distinguitur essentialiter per *potentiam non agendi*, in quâ convenit cum causâ contingente. Ab eo, quod est causa contingens, distinguitur essentialiter per *potestatem movendi se ad agendum*. Quapropter optima erit ista definitio causæ liberæ, *causa contingens movens se ad agendum*: liquidem per illam distinguitur, ab omni eo quod non est ipsa.

Verùm Anglicam requirimus doctrinam, in quâ defecisse credimus Juniores, eò quòd non sufficienter distinxerint inter contingentiam, id est, potentiam agendi vel non agendi, & potestatem movendi se ad agendum. Unum reperitur à parte rei sine alio. In Deo est potestas movendi se ad agendum per modum actus purissimi respectu amoris suæ essentiae, sine potentia agendi vel non agendi. In causis naturalibus contingentibus est potentia agendi vel non agendi, sine potestate movendi se ad agendum. Utrumque coniungitur in causâ liberâ creatâ, habet enim potentiam agendi vel non agendi, sicut eam habet causa contingens naturalis, & superaddit potestatem movendi se ad agendum. Utrumque etiam coniungitur in causâ liberâ increatâ respectu creaturarum, demptis imperfectionibus, potest enim Deus quamlibet creaturam facere vel non facere, & insuper potest movere se ad quamlibet creaturam faciendam; utrumque inest Deo per modum actus purissimi.

CCLXXII. In hac distinctionis memoratæ luce, quæri potest, an cōtingentia sit de essentia libertatis, sicut obscuritas de essentia fidei? an verò ex imperfectione potentiae sicut in libertate nostrâ, vel ex imperfectione objecti, sicut in libertate increata respectu creaturarum, ortum ducat? Solutio istius quæstionis transit limites nostræ refutationis; aliis resolvendam relinquimus. Unum tamen dicam, quòd si dicatur, contingentiam conjungi libertati ex imperfectione po-

tentiæ, vel ex imperfectione objecti, tunc facili negotio salvabuntur testimonia Sanctorum Patrum; & Solis Angelici de libertate amoris quo Deus amat suam essentiam; nec liquid peribit de summâ illius necessitate, ac proinde salvabuntur etiam testimonia Angelica, & antiquitatis de necessitate amoris divinæ essentia.

Paradoxum videbitur Molinistis, sed non ita Cordatis D. THOMÆ discipulis, qui in principiis Angelicis exercitatos habent sensus. Contingentia voluntatis creatæ non oritur ex objecto particulari, ut vidimus, sed ex objecto universaliter intellecto, & imperfectione potentiæ quæ non est suus actus, nec elicit actum, cujus entitas sit separabilis ab illius terminatione ad objectum. Et ideo omnis potentia quæ quandoque agit, quandoque non agit habet contingentiam. Contingentia voluntatis increatæ oritur ex imperfectione creaturarum, quæ quandoque existunt, quandoque non existunt, & sic defectu connotati oritur quod entitas purissima divinæ volitionis, diversas intelligatur habere terminaciones, de quibus consulendi sunt Doctissimi Salmanticenses in 1. p. Tract. 4. de voluntate Dei disp. 7. Ubi ergo potentia voluntatis erit purissimus actus, & objectum actualissimum, sicut sunt voluntas divina & bonitas divina, ibi libertas agentis totaliter consistet in illâ potestate movendi se ad amandum divinam bonitatem per modum actus purissimi. Nam sicut concipimus Deum per se existere, eò ipsò quod non accipiat esse ab aliquâ causâ, ita concipimus Deum movere se ad amandum, eò ipsò quod ad amandum non applicetur.

In istâ potestate quam habet Deus per modum actus purissimi, residet actus sui perfectissimum dominium. Et si dicatur, quod ad actus dominium requiratur potentia agendi vel non agendi, respondebitur hoc esse verum in dominio involvente imperfectionem ex parte potentiæ, aut ex parte objecti secundarii, nõ verò in dominio nullam involvente imperfectionem. Unde amor, quo Deus amat essentiam suam erit perfectissimè & liberrimè liber; libertate ex parte agentis ab omni imperfectione tam ex parte potentiæ, quàm ex parte objecti purissimâ. Dico liberrimè liber, quia si libertas agentis denudata ab imperfectionibus consistat in potestate movendi se ad agendum, quantò magis quis se movebit, tantò liberior aget, cum ergo Deus perfectissimo & infinito modo se moveat ad amandum suam essentiam, amor illius erit liberrimè liber libertate agentis.

CCLXXIII. Sic intelligi poterit quod docuit D. THOMAS q. 10. de potentia a. 2. ad 5. *Sic autem & Deus necessariò, & tamen liberè suâ voluntate amat seipsum, licet de necessitate amet seipsum; & necessarium est quod tantum amet seipsum quantum bonus est, sicut tantum intelligit seipsum quantum est. Liberè ergo Spiritus Sanctus procedit à Patre, non tamen possibiliter, sed ex necessitate. Liberè, libertate agentis, seu cum dominio*

sui actus; sed necessariò necessitate objecti. Qui discreverit libertatem agentis, à libertate ortà ex parte objecti, & agnoverit eam esse independentem ab objecto, agnoscer summam & perfectissimam libertatem ex parte agentis, cum summâ & perfectissimâ necessitate ex parte objecti.

Docuit & hoc Doctor Subtilis, atque Scholæ celeberrimæ princeps Joannes Scotus: hæc ejus verba sunt in quodlib. 16. *De secundo articulo principali dico, quòd cum necessitate ad volendum fiat libertas in voluntate.* Causam verò & modum tradit, cur & quòd necessitas consistat cum summâ libertate, quia *voluntas propter firmitatem voluntatis suæ, sibiipsi necessitatem imponit in eliciendo actum, & in perseverando, sive figendo se in actum.* Subtiliter dicit voluntatem sibiipsi imponere necessitatem, quia movendo se ad actum qui est ex objecto necessarius, est causa suæ necessitatis, quia est causa, cur actus ex objecto necessarius egrediatur à suâ voluntate (quod translatum ad divina, intellige modo nostro concipiendi) satis hoc declarant verba ista non minùs profunda quàm subtilia figendo se in actum.

Quare non dubitat de Deo proferre: *voluntas divina necessariò vult bonitatem suam, & tamen in volendo eam est libera.* Nihil contrà istam doctrinam poterit opponi, si semel ponatur, quòd contingentia non sit de essentiâ libertatis agentis, nisi in creatis & in Deo respectu creaturarum, propter imperfectiones potentis, vel objecti quibus involvitur; & si libertas agentis secernatur à libertate specificationis, nihil etiam ex parte necessitatis objici solidè poterit, quòd non habeat claram solutionem, ut oculo mentis defœcato rem intuenti, patebit.

CCLXXIV. Quidquid sit de doctrinâ istâ, quam resolvere modò non volo, certum est, Deum libertate contingentis, seu indifferentis, non amare suam essentiam, sed solum creaturas demptis imperfectionibus.

Loquendo igitur de libertate contingentis, seu indifferentis, primò omnium, explicandum est, quomodo contingentia, id est, potentia agendi, vel non agendi, secernatur à potentia movendi se ad agendum, & sit independens à libertate specificationis, idque ex doctrinâ Angelicâ: in quâ solum gloriamur, sicut & in Domino, qui eam infudit. Docet S. THOMAS 1. 2. q. 9. a. 1. *quòd instantum aliquid indiget moveri ab aliquo, in quantum est in potentia ad plura: oportet enim ut id quòd est in potentia, reducat in actum per aliquid quòd est actu, & hoc est movere.* DUPLICITER autem aliqua vis animæ invenitur ESSE IN POTENTIA AD DIVERSA; uno modo quantum AD AGERE VEL NON AGERE. Alio modo, quantum ad agere hoc vel illud, sicut visus QUANDOQUE VIDET ACTU, QUANDOQUE NON VIDET: & quandoque videt album, & quandoque videt nigrum. Indiget igitur movente quantum ad duo, scilicet quantum ad exercitium vel usum actus, & quantum ad determinationem actus.

In his verbis Angelicis clarè exprimitur, quòd aliqua vis animæ sit in potentia ad diversa, per hoc quòd sit in potentia ad agere vel non agere, en con-

tingentia, sive potentia agendi vel non agendi, quæ nihil est aliud, quam ipsa indeterminatio potentie ad agendum, quod enim est indeterminatum ad agendum, est in potentia ad agere vel non agere. Ulterius habetur in prædictis verbis, quod visus sit in potentia ad videre vel non videre, sine potestate movendi se ad videndum, id est, reducendi se in actum visionis, sed ad hoc indiget alio movente. Separatur ergo potentia agendi vel non agendi, à potestate movendi se ad agendum. Præterea dicitur, quod visus aliam habeat ex parte objecti potentiam, videlicet esse in potentia ad videndum album, vel videndum nigrum. Manifestum est, quod visus posset esse in potentia ad videndum vel non videndum, etiamsi non foret in potentia ad videndum album, vel videndum nigrum; sed si tantum esset unicum objectum à visu attingibile, adhuc circa illud unicum objectum, visus posset esse in potentia ad videndum illud vel non videndum. Potest igitur potentia agendi vel non agendi separari à potentia agendi plura, quam vocamus libertatem specificationis, & nullam habere ab illa dependentiam. Quod etiam liquet in causâ contingente, quæ etsi nonnisi unicum effectum produceret, ille tamen effectus esset contingens, & ipsa remanet contingens ex hoc solum quod non sit determinata ad illum producendum, sed sit ratione suæ indeterminatæ in potentia ad illum producendum vel non producendum.

CCLXXV. Credo clarè probatum esse, & explicatum quomodo indeterminatio sive potentia agendi vel non agendi, separatur à potestate movendi se ad agendum, sitque independens à libertate seu indifferentia ex parte objecti particularis. Ex hoc ostenditur, libertatem agentis sive exercitii, non dependere à libertate specificationis, sive à potestate agendi plura, sed respectu unius objecti singularis posse salvari libertatem agentis, inquantum ad illud unicum objectum volendum vel non volendum, daretur indeterminatio cum potestate se movendi ad illud volendum. Hæc est Angelici Solis apertissima doctrina q. 22. de veritate a. 6: ubi docet: *Secundo est voluntas indeterminata respectu actus: quia circa objectum determinatum potest uti actu suo cum voluerit, vel non uti: potest enim exire in actum volendi respectu cujuslibet, & non exire, quod in rebus naturalibus non contingit. Grave enim semper descendit deorsum in actu, nisi aliquid prohibeat. Quod exinde contingit, quod res inanimata non sunt motæ à seipsis: sed ab aliis, unde non est in eis moveri vel non moveri. Res autem animata moventur à seipsis, & inde est quod voluntas potest velle, & non velle.*

Quid est res inanimata non habere moveri vel non moveri? Moveri ad agendum est reduci de non agente in actum agendi, sive de non actu agente fieri actu agens. Res inanimatae si sint causæ contingentes, ex suâ intrinsecâ indeterminatione habent principium intrinsecum ut non moveantur, sed non habent principium intrinsecum quo ad agendum moveantur, id est, de non agen-

te reducantur in actum agendi faciendo se agere: & ideo in eis non est *moveri*, vel *non moveri*. At homo ex formâ universaliter intellectâ habet principium intrinsecum quo non moveatur ad volendum quodcumque objectum sub eâ contentum; est enim vi istius formæ indeterminatus ad volendum vel non volendum particularia objecta, sicut causa contingens, ut diximus supra. Ex amore autem prædictæ formæ habet principium intrinsecum quo moveatur ad volendum particulare objectum, & ideo in homine est moveri, vel non moveri respectu cujuscunque objecti sub illâ formâ universaliter intellectâ contenti; & voluntas potest quodcumque objectum sub eâ contentum velle vel non velle: etiam si ad illud, quod adæquaret prædictam formam, necessitaretur ex parte objecti.

CCLXXVI. Ad libertatem à potestate peccandi separatam, sufficit illa libertas agentis independens à libertate specificationis. Nō autem requiritur conditio illa Juniorum, puta, *quod vel in objecto, vel in exercitio amoris apprehendatur aliquis defectus boni*; ista enim conditio constituit libertatem specificationis, id est, *potestatem volendi hoc vel illud*, quia sive displiceat objectum, sive displiceat amor, semper hoc contingit ex eo quod & objectum & amor sunt hoc, & non istud quod volumus, ex cuius amore displicet nobis omne hoc, quod non est istud. v. g. presentatur Deus sine defectu boni, sed in amore apprehenditur difficultas, Non displicet Deus, sed displicet amor, quia amor est hoc, & non istud quod volo, nempe commoditas mea. Imò si benè consideretur, displicet Deus inquantum est objectum actualis amoris. Libertas quæ oritur ex *potestate volendi hoc vel istud*, est libertas specificationis; unde ad essentiam libertatis exigere prædictam conditionem, nihil est aliud, quam confundere libertatem exercitii cum libertate specificationis, & impingere in eundem scopulum cum Molinistis, qui motionem voluntatis ex parte exercitii confundunt cum motione morali ex parte objecti, ut dictum est supra n. 249. & seq.

CCLXXVII. Prædicta quoque conditio non potest separare libertatem à potestate peccandi. Non quod omne objectum amatum sub tali conditione ametur cum potestate peccandi. Contrarium demonstrat Christus, qui mortem cum tali conditione amavit, & cætera alia quæ ita præcipiebantur ei, ut opposita remanerent præceptibilia, de quo vide TRIUMPHUM Opusc. 1. de Scientiis Mediâ ad examen revocatâ cap. 1. art. 3. §. 2. Ubi dilucidè conciliatur libertas Christi cum præcepto. Sed ideo prædicta conditio non potest separare libertatem à potestate peccandi, quia sunt aliqua objecta quæ non possunt amari, aut repudiari libertate specificationis, sine potestate peccandi; cum ergo ista conditio non habet locum, nisi præcesserit libertas specificationis, id est, *potestas volendi hoc vel istud*, sequitur quod plura objecta, quæ constat esse libere amabilia, non poterunt libere amari, sine potestate peccandi.

Omnia illa objecta non possunt amari libertate specificationis, quorum opposita non sunt præceptibilia; sicut nec omnia illa, quorum amor non est præceptibilis, poterunt liberè repudiari libertate specificationis. Negatio amoris Dei, negatio amoris vitæ æternæ, negatio usus gratiæ, non sunt præceptibiles illis, qui ordinantur ad Deum & ad vitam æternam sicut ad ultimum finem, & nullum actum efficaciter ad consecutionem finis conducentem exercere possunt sine gratiâ. Cuicumque istorum potest displicere amor Dei, amor vitæ æternæ, usus gratiæ, potest ille peccare; siquidem poterit velle aliquid non præceptibile. Potestas volendi hoc vel istud, non est potestas ad duas volitiones, quarum una est ab aliâ, sed est potestas ad duas volitiones disparatas, quarum neutra est ab aliâ; si amor Dei, ut sit liber, debet oriri ex potestate amandi Deum, & istud, aderit potestas ad duos amores disparatos, quorum neuter est ab alio. Posse autem habere amorem non ortum ex amore Dei esse non potest. Dicitur amor Dei esse tota ratio amandi, impeccabilis esse non potest. Dicitur amor Dei esse tota ratio amandi; quando in omni negotio prævolat amor Dei, regulans omnia.

CCLXXVIII. Quomodo etiam impeccabilis, qui potest judicare bonum esse, hic & nunc non uti gratiâ ad vincendam v. g. tentationem? si usus gratiæ hic & nunc occurrens non possit esse liber, nisi apprehendatur cum aliquo defectu boni; ex isto defectu boni, quodcumque sit illud, potero judicare bonum esse hic & nunc non uti gratiâ, ergo potero peccare & succumbere tentationi. Concludamus impeccabilitatē exigere, ut circa amorem Dei & usum gratiæ nulla sit specificationis libertas, sed sola agentis libertas, quam salvare non possunt, qui eam ex objecto metiuntur. Qui etiam miris torquentur difficultatibus, in conciliatione libertatis Christi cum præcepto; ubi tamen res clara est, si libertas agentis sit independens à potestate volendi hoc vel istud.

Nam si ad libertatem exercitiî necesse sit, quod amor rei, quam liberè amamus, displicere possit, sive quod idem est, quod possim judicare, *bonum est non amare illam rem*, statim sequitur, quod dum res sub duplici ratione liberè amatur, debeat etiam amor sub duplici ratione displicere posse. Unde si res v. g. castitas liberè ametur, & ut est castitas, & ut est præcepta; debeat posse displicere amor castitatis non solum ut castitas est, sed etiam ut præcepta est: quia nulla ratio potest liberè amari, cujus amor non potest displicere, si conditio illa Juniorum sit necessaria ad libertatem exercitiî. Nos autem dicimus, quod castitas ut præcepta ab impeccabili liberè amatur sola libertate agentis, non libertate specificationis, & idè solum requiritur, quod syllogismo pratico sub istâ ratione concludatur amanda: cum enim negatio amoris castitatis ut præcepta non sit præceptibilis, amor castitatis ut præcepta est necessarius quoad specificationem in eo, qui non potest peccare.

CCLXXIX. In malis adhuc magis elucet, quomodo non possit salvari libertas sine potestate peccandi. Nam si ad libertatem exercitii requiratur potestas ad duo exercitia, quorum unum sit *amor objecti*, aliud *voluntas non amandi objectum*, prout exigit conditio prædicta Juniorum; tunc ut voluntas non amandi aliquod objectum sit libera, requireretur potestas amandi illud objectum, quod liberè volumus non amare. Ergò ut velim liberè non amare fornicationem, adorationem diaboli, mendacium, furtum, &c. debebo posse amare fornicationem, adorationem diaboli, &c. Vide TRIUMPHUM: In nostrâ sententiâ dicimus, quòd voluntas non amandi fornicationem non est in impeccabili liberâ libertate specificationis, sed solâ libertate agentis; quia amor fornicationis non est præceptibilis, sicut nec ipsa fornicatio.

CCLXXX. Rogo CORDATUM LECTOREM, ut diligenter attendat, quòd libertas illa agentis, secundum quam dicitur *posse agere vel non agere*, circâ quodlibet objectum versetur independenter ab alio quovis objecto, ut patet in exemplo Angelico de visu, qui circâ unicum objectum potest intelligi esse in potentia ad illud videndum & non videndum, quam indeterminationem & indifferentiam habet. visus cum istâ indifferentiâ haberet potestatem se movendi ad videndum, evidens erit *moveri & non moveri* ad videndum illud unicum objectum fore in illius potestate, inquantum principium intrinsecum haberet ad utrumque.

Hoc clarè cognoscens Sol Angelicus disertè expressit libertatem exercitii extendere se ad quodlibet objectum volitum à voluntate ut voluntas est, hoc est, ut concludens syllogismo practico aliquid esse amandum: non tamen ita se extendere libertatem specificationis, id est, potestatem volendi hoc vel illud, & consequenter repudiandi hoc, inquantum non est illud. Verba Angelica sunt: *Cum autem voluntas dicatur libera inquantum necessitatem non habet, libertas voluntatis in tribus considerabitur, scilicet quantum ad actum, inquantum potest velle, vel non velle; & quantum ad objectum, inquantum potest velle hoc vel illud, & ejus oppositum..... quantum ad primum horum inest libertas voluntati in quolibet statu naturæ respectu cujuslibet objecti. Secundum verò horum est respectu quorundam objectorum scilicet respectu eorum, quæ sunt ad finem, & non ipsius finis, & etiam secundum quemlibet statum naturæ.*

Quid clariùs? In quolibet statu naturæ, ac proinde in statu impeccabilitatis datur finis, & dantur ea quæ sunt ad finem. Tam respectu finis, quam respectu eorum quæ sunt ad finem dicit Sol Angelicus, quòd voluntas conserveat potestatem volendi vel non volendi; sed potestatem volendi hoc, vel illud & ejus oppositum non habeat respectu finis, benè tamen respectu eorum quæ sunt ad finem. Quæ doctrina non potest stare, si ad libertatem amoris respectu finis requiratur potestas amandi duos fines, inquantum enim unus finis non

est alius, poterit repudiari; amanti enim unum finem repugnat alius qui simul amari non potest; est igitur amanti disconveniens, & consequenter sub istâ ratione poterit repudiari.

CCLXXXJ. Subtiliter observandum est, quod D. THOMAS libertatem specificationis non expresserit per potestatem amandi & repudiandi objectum, sed per potestatem amandi hoc, vel istud. Ratio est, quod repudium unius debet oriri ex amore alterius, & ad repudium sufficit quod unum non sit illud quod amatur; defectus boni amati qui in aliquo est, sufficit ad repudium. Quare potestas amandi duo, si subtiliter discernatur, involvit potestatem amandi vel repudiandi quodlibet duorum. Ubi ergo aliquod objectum non potest repudiari, libertas ad illud amandum non potest esse potestas amandi ipsum vel aliquid aliud, sed solum potestas amandi vel non amandi ipsum. Unde accidit isti objecto quod aliud cum ipso possit amari, quia dum occurrunt circumstantiæ in quibus debet amari, ita ad illud fertur voluntas, ac si nullum aliud posset amare objectum.

Exemplo sensibili totam rem demonstramus. Sagittatio recta, perficitur in contactu puncti seu signi in aliqua superficie determinati, quodcumque aliud punctum tangatur sit sagittatio obliqua. Potestas sagittandi recte, non est nisi unum punctum tangendi potestas. Si ad sagittationem liberam requiratur potestas tangendi hoc punctum vel istud, non erit sagittator indefectibilis in sagittando. Ut igitur sit liber indefectibiliter in sagittando sufficiet ad liberam sagittationem potestas tangendi hoc punctum vel non tangendi ex prædeterminatione quam habet ad sagittandum, seu potestate sagittandi vel non sagittandi, non verò necesse est, ut potestas tangendi hoc punctum vel non tangendi oriatur ex potestate tangendi hoc punctum vel istud.

Revolvatur hoc exemplum quod ex Angelico Sole latius deducit, **TRIUMPHUS** Opusc. 3. *de libertate* cap. 9. §. 1. & cognoscetur clare objecta illa quorum opposita non sunt præceptibilia, si bona sint, non posse amari libere; si mala sint, non posse repudiari libere ex potestate amandi hoc vel istud sine potestate peccandi, sed ad eorum libertatem sufficit potestas amandi vel non amandi, quam habet voluntas ad instar causæ contingentis ex formâ universaliter intellectâ.

§. III. Occurritur duplici CORDATORUM objectioni.

CCLXXXIJ. AD maiorem dictorum elucidationem & firmitatem satisfaciendum est duplici Cordatorum objectioni, ut omni impedimento sublato nobiscum sentire non retractent.

Obiectio

Obiectio prima.

OBJICIENS PRIMÒ. Ex formâ universaliter intellectuâ voluntas habet indeterminationem ad objecta singularia, quæ non adæquant ipsam: non verò ad illud singulare quod adæquat ipsam: ergò respectu singularis adæquantis ipsam nulla inerat voluntati libertas. Prob. ant. illo Solis Angelici testimonio quo n. 267. tamquam fundamento doctrinæ nostræ usi sumus: etenim disertè in eo exprimitur: *Forma intellecta est universalis sub quâ multa possunt comprehendi, unde cum actus sint in singularibus, in quibus nullum est quod adæquet potentiam universalis, remanet inclinatio voluntatis indeterminatè se habens ad multa.* Disertè, inquam, in his verbis exprimitur, quòd ratio indeterminationis sit non adæquatio potentix universalis.

RESPONDETUR distinguendo ant. Ex formâ universaliter intellectuâ voluntas non habet *indeterminationem ad amandum hoc vel illud* respectu singularis adæquantis potentiam universalis, conceditur. Non habet *indeterminationem ad amandum vel non amandum*, negatur. Eodem modo distinguitur consequens. Ratio indeterminationis ad amandum hoc vel illud, est non adæquatio potentix universalis, conceditur. Ratio indeterminationis ad amandum vel non amandum, est non adæquatio potentix universalis, negatur.

CCLXXXIIJ. Explicatur solutio. Ex formâ universaliter intellectuâ duplex indeterminatio oritur in voluntate. Una ad amandum vel non amandum quodcumque singulare objectum sub eâ comprehensum: hæc indeterminatio inest voluntati, sicut inest cuilibet causæ contingenti potentia ad utrumlibet respectu cuiuslibet effectus ab eâ producibilis; de ratione enim causæ contingentis est indeterminatio ad producendum vel non producendum quemlibet suum effectum. Ita de ratione inclinationis voluntariæ sequentis formam universaliter intellectuam, est indeterminatio ad amandum vel non amandum quodcumque singulare objectum sub eâ contentum. Alia est indeterminatio ad amandum multa, id est, hoc vel illud, & hæc indeterminatio inest voluntati, ex eo quòd intellectus inclinationi sequenti ad formam universaliter intellectuam, potest præsentare multa singularia, hoc vel istud, non adæquantia inclinationem universalem.

Prima indeterminatio ad amandum vel non amandum, oritur ex objecto universaliter intellecto, quod se habet ut principium inclinationis voluntariæ. Omnis enim inclinatio, fundatur in aliquâ formâ ex qua oritur. Sicut autem res naturalis habet esse in actu per suam formam; ita intellectus intelligens actu bonum in universali, habet esse in actu per bonum universaliter intellectum. Ad formam rei naturalis sequitur inclinatio in bonum illius formæ, &

cum amare sit velle bonum alicui, ista inclinatio, quâ res naturalis tendit in bonum formæ suæ conveniens, convenienter dicitur amor naturalis: quia quodammodo vult sibi bonum. Ad bonum universaliter apprehensum, quod est forma intelligentis in actu, sequitur amor boni universaliter intellecti, quo voluntas prædicti intelligentis tendit ad habendum illud in re. Bonum apprehensum imperfectè habetur, & ideo bonum in re habitum est quædam perfectio & consummatio boni apprehensi, ut subtiliter discutiunt Doctissimi Salmanticenses 1. p. q. 19. tract. 4. disp. 1. dub. 2. Bonum autem in re est singulare. Est igitur terminus inclinationis voluntariæ bonum singulare. Inclinatio autem voluntaria sequitur ad bonum universale, & tendit in bonum singulare: sicut gravitas sequitur ad formam rei naturalis, & tendit in centrum.

CCLXXXIV. Hinc videbis, CORDATE LECTOR, quomodo inquietum sit cor nostrum donec requiescat in Deo. Nam inclinatio orta ex bono universali quiescere non potest, donec inveniat aliquod singulare, quod universale bonum in re possideat, ut possessione ejus habeat in re, quod jam habet in apprehensione. Videbis etiam, quod indeterminatio ad amandum vel non amandum quodcumque singulare objectum, sequitur ad bonum universale, quod se habet ut inclinationis voluntariæ principium; & indeterminatio ad amandum hoc vel illud oritur ex inadæquatione objecti singularis, quod se habet ut inclinationis voluntariæ terminus. Denique videbis, quod determinatio primæ indeterminationis, debeat esse quædam determinatio & applicatio principii ad agendum; determinatio verò secundæ indeterminationis, sit quædam determinatio & applicatio termini, in quem tendere debet voluntas, si aliquid velit.

Quare si intellectus præsentet voluntati, ejusque voluntariæ inclinationi terminum, sive objectum singulare adæquans eam, non habebit voluntas respectu illius indeterminationem ad amandum hoc vel illud, siquidem singulare adæquans non est nisi unum; non igitur intellectus præsentans voluntati hujusmodi singulare, præsentat illi hoc vel illud. Et ideo voluntas non potest tendere in illud ex indeterminatione ad amandum hoc vel illud: sed necessitatur ad illud amandum. Necessitate tamen conditionatâ ortâ ex amore boni, & tenente se solum ex parte objecti singularis. Cum quâ stabit indeterminatio ad amandum vel non amandum objectum singulare adæquans voluntariam inclinationem sequentem ad formam universaliter intellectam. Sicut in sagittatore indefectibili stat indeterminatio ad tangendum vel non tangendum punctum, sine potestate tangendi hoc vel illud. Nam sicut punctum, & qui præsentat illud sagittatori, non est causa, cur sagitta emittatur, sed est solum causa, cur sagitta emissâ terminetur ad punctum; ita singulare objectum adæquans voluntatem, & intellectus præsentans illud voluntati, non est causa, cur

amor egrediatur à voluntate, sed est solum causa, cur amor egressus, tendat in singulare adæquans, sicut in punctum terminans suam inclinationem.

CCLXXXV. Quod actus egrediatur & non egrediatur, id est, contingentia actus ad hoc quod sic egrediatur ut potuerit non egredi, ex indeterminatione principii elicentis actum, videlicet voluntatis informatæ formâ intelligibili universaliter intellectâ, petenda est. Ipsa autem indeterminatio principii, sicut & cujusvis causæ contingentis indeterminatio in Deum solum reducenda juxta D. THOMAM n. 189. dicentem: *Reliquæ enim causæ non constituunt legem necessitatis, vel contingentie, sed constituunt à superiori causâ utuntur. Unde causalitatis cujuslibet alterius causæ, subditur solum, quod ejus effectus sit. Quod autem sit necessarium, vel contingenter, dependet ex causâ altiori, quæ est causa entis inquantum est ens, à quâ ordo necessitatis & contingentie in rebus provenit.* Doctori Angelico subscribere videtur Doctor Subtilis, dum quodlib. 16. docet: *illa causatio gravitatis est naturalis, ista libera, quia hoc est hoc, & istud est istud. Breviter igitur, posset dici quod esse formæ & modus essendi, agere & modus agendi sunt immediata. Ideo sicut non est alia ratio quare hoc habet talem modum essendi, nisi quia est tale ens, sic non est aliqua ratio, quare hoc habet talem modum agendi, puta liberè vel naturaliter, nisi quia est tale principium actionum, scilicet liberum vel naturale.* Qui in essentiam principii reducit necessitatem & contingentiam, in solum Deum reducit, qui omnium naturarum & essentiarum est author & artifex.

Duplicem istam indeterminationem explicat TRIUMPHUS toto capite 2. Opusculi *de libertate* ex duplici præmissâ SYLLOGISMI PRACTICI. Ex judicio indifferente majoris de objecto universalî, habetur *indeterminatio ad amandum vel non amandum*, & ex amore boni, quem dicta major potissimum includit, inest potestas se movendi ad agendum. Ex judicio indifferente minoris de objecto particulari, oritur *indeterminatio ad amandum hoc vel illud*. Sic omnis libertas creata fundatur in aliqua indifferentiâ judicii objectivâ. Sed una est de objecto universalî, quod se habet ut inclinationis voluntariæ principium; alia est de objecto singulari, quod se habet ut inclinationis voluntariæ terminus.

CCLXXXVI. Verumtamen nec indeterminatio ad agendum vel non agendum, nec indeterminatio ad agendum hoc vel illud, constituunt libertatem formalem, sed potestas se reducendi in actum utriusque indeterminationis. Utraque indeterminatio in visu, & intellectu reperitur, in quibus nulla est libertas formalis, quia potestas applicandi se ad actum in solâ voluntate reperitur, quæ se & omnes alias potentias applicat ad agendum. Cujus rationem invenies 1. p. q. 82. a. 4. & 1. 2. q. 9. a. 1. Istam potestatem habet voluntas ex amore formæ universaliter intellectæ. Ex quo apparet, quod indeterminationis *ad agendum hoc vel illud*, non intendit libertatem formalem, sed solum extendit eam; quia ex eodem amore, quo voluntas se applicat ad agendum hoc,

applicat etiam se ad agendum illud ; & illam indeterminationem , quam ex formâ universaliter intellectâ habet *ad amandum vel non amandum* respectu *hujus*, eandem quoque habet respectu *illius* ; & sic libertas formalis (quæ essentialiter consistit *in actu primo* in indeterminatione voluntatis ad agendum cum potestate se applicandi ad actum ; *in actu secundo* , in habitudine actus ad voluntatem indeterminatam , & moventem se ad agendum) non aliter accrescit ex potestate *volendi hoc vel illud* , quàm augeatur in domino dominium ex additione alterius servi : ut expendit TRIUMPHUS cap. 1. §. 1. sub nominibus *dominii intensionis & extensionis*. Videatur prædictus locus.

Objectio secunda.

CCLXXXVII. OBJICES SECUNDÒ. Sicut *agere* est quoddam voluntatis liberæ exercitium , ita *non agere* debet esse quoddam voluntatis liberæ exercitium : sed omne voluntatis exercitium debet esse volitio, non minùs ac omne exercitium potentiae visivæ debet esse visio : ergò si voluntas non possit velle *non agere*, ipsum non agere nequibit esse voluntatis liberæ exercitium. Cum igitur voluntas non possit velle *non amare* singulare bonum adæquans potentiam universalis , non habebit , respectu singularis boni adæquantis , potestatem amandi vel non amandi , quam exigit libertas.

CONFIRMATUR 1. Actio dicitur esse in potestate agentis liberi, quæ sequitur & fit ex voluntate faciendi, seu ut ait S. AUGUSTINUS , *quam cum volumus facimus*. Ergò negatio actionis non erit in potestate agentis liberi , quæ non sequetur ex voluntate non faciendi.

CONFIRMATUR 2. Ad actionem liberam requiritur iudicium de agendo : ergò ad negationem actionis liberam, requiritur iudicium de non agendo : Atqui iudicium de agendo concluditur syllogismo practico mediante istâ minore : *bonum est agere hoc* : ergò iudicium de non agendo debet etiam concludi syllogismo practico mediante istâ minore *bonum est non agere hoc*.

RESPONDETUR distinguendo majorem. *Non agere* debet esse voluntatis liberæ exercitium , ut voluntas sit libera libertate specificationis & objecti, conceditur. Ut voluntas sit libera solâ libertate exercitii & agentis, negatur. Deinde distinguitur ultimum-illatum : voluntas respectu singularis boni adæquantis non habebit potestatem amandi vel non amandi, quam exigit libertas specificationis & objecti ; conceditur. Quam exigit sola libertas exercitii & agentis, negatur.

CCLXXXVIII. Explicatur solutio. Potestas amandi vel non amandi est duplex. Una quæ oritur ex potestate *amandi hoc vel illud*. Qui enim potest *amare illud* potest non *amare hoc*, inquantum *hoc* non est *illud* , quod vult amare.

Alia est, quæ oritur ex indeterminatione causæ potentis se applicativè determinare ad agendum; eò enim ipsò quòd causa sit indeterminata ad agendum, est in potentiâ ad agere vel non agere; ad instar visûs, qui est in potentiâ ad videndum vel non videndum; & sicut quælibet causa contingens dicitur esse in potentiâ ad producendum vel non producendum quemlibet suum effectum, ut ex Sole Angelico vidimus n. 274. Hæc tamen indeterminatio, sive potentia agendi vel non agendi non sufficit, si propriè loquamur ad potestatem agendi vel non agendi quam exigit libertas: quia, ut notavit ex D. THOMA TRIUMPHUS Opusc. 3. de libertate n. 4. Nomen *Potestatis* propriè nominat *potentiam activam cum aliquâ præeminentiâ*. Præeminentiâ, quam exigit libertas formalis, est potentia se applicandi ad agendum. Potestas igitur amandi vel non amandi, nominabit potentiam amandi vel non amandi cum potentiâ se determinandi applicativè ad amandum.

Hæc potestas amandi vel non amandi per indeterminationem causæ potentis se determinare applicativè ad amandum, est illa potestas quæ constituit libertatem agentis & exercitii, ut contradistinguitur libertati specificationis, secundum quam voluntas potest *amare hoc, vel illud*. Quod sic probo. Libertas agentis & libertas specificationis, ut sunt membra dividendi libertatem ut sic, debent esse opposita; nec unum in alio includi, nec ex alio oriri potest: Non enim valet divisio animalis in rationale & risibile, quia non datur risibile quod non sequatur ex rationali. Ergò potestas amandi vel non amandi quæ oritur ex potestate *amandi hoc vel illud*, non potest esse illa potestas amandi vel non amandi, quæ constituit libertatem agentis: siquidem in libertate specificationis includitur, & ex eâ oritur. Oportet igitur, quòd libertas agentis, ut est membrum divisionis oppositum libertati specificationis, constituatur per potestatem amandi vel non amandi, quæ non oriatur ex potestate *amandi hoc vel illud*, sed ex indeterminatione causæ potentis se applicativè determinare.

CCLXXXIX. Ad potestatem amandi vel non amandi, ortam ex potestate *amandi hoc vel illud* requiritur duplex exercitium; ad potestatem amandi vel non amandi, ex indeterminatione causæ potentis se applicativè determinare ortam nõ requiritur duplex exercitium, sed sufficit esse in potentiâ ad exercitium vel negationem exercitii cum potestate se applicativè determinandi ad exercitium, ut jam sæpè dictum est. Patet hoc in causâ contingente, quæ sine ordine ad duplex exercitium intelligitur esse in potentiâ non agendi. Et adhuc clariùs cernitur in sagittatore indefectibili, cujus potestas sagittandi rectè vel non sagittandi rectè, non oritur ex potestate *sagittandi in hoc punctum, vel in illud*, alioquin non esset indefectibilis; sed ex indeterminatione, quam habet ad non sagittandum in hoc punctum, cum potestate se determinandi ad sagittandum in illud. Ita respectu singularis boni adæquantis potentiam universalis, habet voluntas ex

formâ boni universaliter intellectâ, potestatem amandi vel non amandi, non ortam ex potestate amandi hoc vel illud; atque adeo non per duplex exercitium; sed ortam ex indeterminatione voluntatis informatæ *formâ boni universaliter intellectâ*, atque adeo ex indeterminatione ad unicum exercitium vel negationem illius. Semper mente retinendum est, quod amor, qui sequitur ad *formam boni universaliter intellectam*, facit, quod amor tendens in singulare adæquans, exeat à voluntate; & sic voluntas est sibi causa amandi; liberum autem dicitur, quod *sui causa est*; unde quod est sibi causa amandi, liberum in amando esse oportet. Et quidem liberum contingenter propter indeterminationem principii. Vide TRIUMPHUM loco citato n. 36.

CCLXXX. Ad 1^{am}. Confirmationem RESPONDETUR distinguendo consequens: Ergo negatio non erit in potestate agentis liberi *libertate specificationis*, si non sequatur ex voluntate non faciendi, conceditur. Non erit in potestate agentis liberi *solâ libertate exercitii*, negatur. Voluntas faciendi procedit ex amore huius, voluntas non faciendi ex amore istius: Quare potestas agendi vel non agendi orta ex potestate volendi facere, vel volendi non facere, est potestas orta ex potestate amandi hoc vel illud: quam exigit libertas specificationis, non verò libertas pura exercitii, id est, non orta ex libertate specificationis.

Utramque istam libertatem expressit laconicè fulgentissimus Ecclesiæ Sol S. AUGUSTINUS dum lib. de spiritu & litterâ cap. 31. ait: *Hoc quisque in potestate habere dicitur, quod si vult facit, si non vult non facit*, ut refert TRIUMPHUS n. 45. & lib. 5. de Civitate Dei cap. 10. actionem dicit esse in nostrâ potestate, quæ si volumus est, si nolumus non est. Accedat lumen Angelicum fidelissimi Discipuli, & secundi Ecclesiæ Solis, qui 1. 2. q. 6. a. 3. docet: quod non velle dicitur dupliciter. Uno modo prout sumitur in vi unius dictionis secundum quod est infinitivum huius verbi, *nolo*, unde sicut cum dico, *nolo legere* sensus est, *volo non legere*; ita hoc quod est, *non velle legere*, significat velle non legere; & sic non velle causat involuntarium. Alio modo sumitur in vi orationis, & tunc non affirmatur actus voluntatis, & huiusmodi non velle non causat involuntarium.

Si ergo in verbis S. AUGUSTINI *ly non vult*, & *ly nolumus*, sumantur in vi unius dictionis, tunc exprimetur potestas agentis liberi *libertate specificationis & contrarietatis*; si verò sumantur in vi orationis, tunc exprimetur potestas agentis liberi *solâ libertate exercitii & contradictionis*. Prima libertas est potestas ad duos actus ex potestate amandi hoc vel illud. Secunda libertas est potestas ad actum vel negationem actus ex indeterminatione causæ potentis se applicativè determinare.

Ad 2^{am}. Confirmationem RESPONDETUR distinguendo consequens. Ergo ad negationem actionis *liberam positivè*, requiritur iudicium de non agendo, conceditur. Ad negationem actionis *liberam negativè*, requiritur iudicium de non agendo negatur. Negatio actionis *libera positivè*, debet concludi syllogismo pra-

Etico mediante ista minore *bonum est non agere hoc*. Negatio actionis liberae negativè, cum non sit aliud quàm *negatio actionis liberae*, non debet concludi syllogismo practico, mediante ista minore *bonum est non agere hoc*: sed inest ex ipsa indeterminatione causæ ad agendum liberè. Nam sicut causa indeterminata ad agendum est in potentia ad agendum vel non agendum; ita causa indeterminata ad agendum liberè, est in potentia ad agendum liberè, vel non agendum liberè, sive est in potentia applicandi se ad agendum, vel non applicandi.

Quare qui cum Sole Angelico voluerit distinguere potestatem *volendi vel non volendi* à potestate *volendi hoc vel illud*, non debet concipere, quòd potestas agendi vel non agendi sit potestas *applicandi se ad actum, vel applicandi se ad negationem actus*; sic enim concipiet potestatem *volendi hoc vel illud*, ut de se, & ex dictis est manifestum. Sed debet concipere, quòd sit potestas *applicandi se ad actum, vel non applicandi*; quam habet causa eò ipsò quòd sit indeterminata ad se applicandum. Nam aliud est, *esse in potentia ad duo voluntaria*, & aliud est, *esse in potentia ad voluntarium vel negationem voluntarii*: sicut aliud est, visum esse in potentia ad videndum vel non videndum, & aliud est, visum esse in potentia ad videndum album & nigrum: si quis esset in cubiculo ex omni parte albo, esset in primà potentia, non in secundà. Cum igitur habeamus duas potentias & indeterminationes, duæ etiam debent distinguere potestates se applicandi ad actum, cuilibet indeterminationi convenientem. Prima potestas applicabit se ad actum, quem ita faciet elicere, ut potuerit non elici. Secunda potestas applicabit se ad actum, quem ita faciet elicere, ut non solum non potuerit elici, sed & alius ei oppositus elici potuerit. Actus eò ipsò dicitur oppositus quòd non sit alter.

CCXXXI]. Causa contingens applicatur ab alio ad agendum: causa libera applicat se ad agendum. Eò quòd causa contingens sit in duplici potentia; unà *ad videndum vel non videndum*, alià *ad videndum album, vel videndum nigrum*, applicatur ab alio quantum ad utrumque. Tota igitur differentia causæ liberæ à causâ contingente, non erit ex parte utriusque indeterminationis & duplicis potentia, sed penes applicationem; ut causa libera dicatur, quæ applicat se ad utrumque illud, respectu cuius erat indifferentis, causa verò contingens eandem habens activam indifferentiam, applicetur ab alio. Quòd eadem sit causæ liberæ & causæ contingents indifferentia satis indicat Sol Angelicus, dum concilians libertatem cum divinâ voluntate & scientiâ, non distinguit inter causas contingenter agentes, & causas liberè agentes. Perspexit enim oculatissime Scholasticorum Phoenix, indifferentiam illam secundum quam ita fit effectus ut potuerit non fieri, quæ utrique causæ est communis, esse totius conciliandæ difficultatis pondus, nempe posse non fieri in tempore, quod ab æterno immutabiliter decretum & præscitum erat ut fieret.

Hoc unum peto à CORDATO LECTORE, ut contingentia superaddat pote-

statem applicandi se, ad conceptum causæ liberæ; & longè aliter incipiet de doctrinâ Anglicâ sentire in veritate. Illicò enim prospiciet potentiam non agendi non esse explicandam per potentiam suspendendi actum vel cessandi ab actu: siquidem causa contingens non potest suspendere actum vel cessare ab actu, & tamen habet potentiam non agendi ex suâ ad agendum indeterminatione consecutam. Quod infra magis explicabitur contra *Defensorem*.

s. IV. *Non parva inesse Defensori gratiæ versatilis ostenditur ignorantia Angelicæ doctrinæ.*

CCLXXXIIJ. **C**ORDATIS debitores cramus, & tribus præcedentibus paragraphis debitum exoluimus. Ad *Defensorem gratiæ versatilis* accedamus; qui ea quæ non intelligit ad injustam suam assumit defensionem. Ignorantiam *Defensoris* in doctrinâ Augustinianâ suprâ cap. 3. s. 3. demonstravimus; eandem modo non parvam in doctrinâ Anglicâ pati ostendimus.

Ut probet TRIUMPHUM nō rectè sentire de libertate hominis lapsi ad actus bonos hunc unicū n. 582. format syllogismum: *Quisquis dicit voluntatem in natura lapsa sic moveri à Deo, sic determinari, sic applicari ad actus bonos, ut ipsa se ad eosdem nec moveat, nec determinet, nec applicet, non rectè sentit de libertate voluntatis ad actus bonos in naturâ lapsâ: atqui id dicit (TRIUMPHUS THOMISTARUM) ergo non rectè sentit de libertate jam dictâ.* Majorem probat ex Scripturâ, Tridentino, & Patribus. Minorem ex verbis nostris evinci putat. Verum terminos non intelligens sanæ & Anglicæ doctrinæ, inani consumitur labore. Nullum debilius Cordatis argumentum, quàm quòd ex ignorantia procedit terminorum. Forte tamen Scholaribus quâdoq; videtur, qui in principiis Angelicis necdū exercitatos tenent sensus.

Præoccupatus GRATIÂ VERSATILI *Defensor* omne principium actûs versatile videt, nec principium applicans valet à principio eliciente realiter distinguere. Principium applicans est principium movens ad actum. Aliud est elicere & producere actum, aliud est movere ad eliciendum & producendum actum, quælibet causa elicit & producit suum actum, non tamen quælibet causa ad agendum movet. Discere hoc poterat *Defensor* ex TRIUMPHO Opusc. 1. de *Scientiâ Mediâ ad examen revocatâ* cap. 1. art. 3. s. 3. „ Quid est inquit TRIUMPHUS, „ movere ad agendum? dic mihi quid est movere lignum ad formam ignis? „ Respondebis. Est educere formam ignis de materiâ ligni, & conjungere illam „ materiæ ligni. Rectè respondisti. Ita & ego respondeo movere ad agendum „ est ut ita dicam educere actionem ex actu & virtute causæ, & conjungere illam „ causæ. Forma enim producitur de potentia, actio producitur de actu, „ juxta illud, *unumquodque agit in quantum est actu.* Unde sicut actio conjungens formam

„formam ignis ligno, distinguitur, & est prævia ad formam ignis, inseparabi-
 „liter tamen cum ea conjuncta; & sicut ignis istâ actione non solum agit in
 „formam, sed in ipsum lignum: ita motio quâ Deus conjungit actionem
 „agenti, distinguitur, & est prævia actioni, inseparabiliter tamen cum ea con-
 „juncta; ratione cujus Deus non solum influit in operationem, sed & in
 „causam.

CCLXXXIV. Idem de principio eliciente actum vitalem sentiendum est. Distinguitur principium vitale à non vitali, producendo in se actionem, quam in alio producit principium non vitale. Unde sicut movere aliquod agens ad agendum non est elicere actionem in alio, quia sic quælibet causa agens actione transiente, moveret ad agendum; ita movere se ad agendum non est elicere in se actum vitalem, sic enim visus & quælibet causa agens actione immanente moveret se ad agendum; sed movere se ad agendum est reducere seipsum de *esse in potentia agens ad essendum actu agens*, sive esse sibi causam, cur ipsemet actu agat quod ante non agebat: sicut movere aliud ad agendum est reducere aliud de *non agente in actu agendi*, sive esse alteri causam, cur alterum actu agat quod ante non agebat. Cum autem omne quod movetur, ab alio moveatur; oportet ut principium elicitivum actionis, sive in se, sive in alio, quod transit de *non eliciente actu in eliciens actu*, qui transitus est quoddam moveri, ab alio principio realiter à se distincto reducatur in actum agendi. En principium movens & applicans ad agendum, quod si in eodem supposito existat cum principio elicitivo, dicitur suppositum istud movere seipsum ad agendum; si autem sit in alieno supposito, dicitur movere aliud ad agendum.

CCLXXXV. Hæc est Solis Angelici doctrina multifariam multisque modis ab eo tradita, & genuinis ejus discipulis apprime manifesta. Brevitas nostræ refutationis non patitur ad probationem ejus, longam testimoniorum texere seriem; sufficient nobis duo, quorum unum est de principio vitali non movente seipsum, aliud est de principio vitali movente seipsum. Primum retulimus supra n. 274. Et sumitur ex 1. 2. q. 9. a. 1. Ubi doctrina memorata continetur his verbis: *Respondeo dicendum, quod in tantum aliquid indiget moveri ab aliquo, in quantum est in potentia ad plura: oportet enim ut id quod est in potentia reducatur in actum per aliquid quod est actu, et hoc est movere. Dupliciter autem aliqua vis anime invenitur esse in potentia ad diversa; uno modo quantum ad agere vel non agere. Alio modo, quantum ad agere hoc vel illud, sicut visus quandoque videt actum, & quandoque non videt: & quandoque videt album, & quandoque videt nigrum. Indiget igitur movente quantum ad duo, scilicet quantum ad exercitium vel usum actus, & quantum ad determinationem actus.* En visus, qui ut potentia vitalis elicit in se visionem tendentem in album, non tamen movet se, nec ad videndum, nec ad videndum album. Sed à voluntate realiter ab ipso distincta movetur

ad videndum; & ab objecto etiam realiter à visu distincto movetur ad videndum album, ut ibidem docet Sol Angelicus.

Aliud Angelici Solis testimonium, eandem doctrinæ memoratæ emittit lucem ex parte principii vitalis moventis seipsum. Desumitur ex eadem q. art. 3. ubi ait : *Ad voluntatem pertinet movere alias potentias ex ratione finis, qui est voluntatis objectum : sed sicut dictum est, hoc modo se habet finis in appetibilibus, sicut principium in intelligibilibus. Manifestum est autem, quod intellectus per hoc quod cognoscit principium, reducit seipsum de potentia in actum, quantum ad cognitionem conclusionum : & hoc modo movet seipsum : & similiter voluntas per hoc quod vult finem movet seipsam ad volendum ea quæ sunt ad finem.* Et cum ad 1. sibi objecisset, quod omne movens in quantum huiusmodi sit in actu, quod autem movetur sit in potentia : sed non est idem in potentia & in actu respectu ejusdem : ergo nihil movet seipsum. Respondet S. Doctor : *quod voluntas non secundum idem movet & movetur, unde nec secundum idem est in actu & in potentia, sed in quantum actu vult finem, reducit seipsum de potentia in actum, respectu eorum quæ sunt ad finem, ut scilicet actu ea velit.*

En voluntas movens seipsam; ita tamen ut principium applicans realiter distinguatur à principio elicitivo, ejusque actu. Amor finis est principium applicans, qui realiter distinguitur à voluntate & volitione eorum quæ sunt ad finem. Ex quo evidenter innotescit, voluntatem non movere seipsam, nisi prius facta sit in actu per aliquem amorem præcedentem, ratione cujus reducere se possit de potentia in actum respectu volitionis sequentis.

CCLXXXVI. Observandum est ad tacitæ cujusdam objectionis solutionem; quod comparatio voluntatis moventis seipsam cum intellectu movente seipsum, intelligitur secundum proprietatem utriusque. Cum enim finis spectet ad voluntatem, & omne agens agat propter finem, proprium voluntatis est movere seipsam & intellectum quoad exercitium actus. Cum autem primum principium formale sit ens & verum, quod est objectum intellectus, proprium intellectus est movere seipsum & voluntatem quoad specificationem actus. Ita D. THOMAS 1. 2. q. 9. a. 1. In hoc stat comparatio, quod sicut intellectus per cognitionem principii, id est, per assensum præmissarum, reducit se de potentia in specificationem actus, quantum ad cognitionem conclusionum, non faciendo se cognoscere conclusionem, sed faciendo quod cognitio conclusionis sit assensus, & non dissensus. Ita voluntas per amorem finis reducit se de potentia in exercitium actus, quantum ad volitionem eorum quæ sunt ad finem, non faciendo quod volitio tendat in ea quæ sunt ad finem, sed faciendo quod volitio tendens in ea quæ sunt ad finem, egrediatur ab ipsa.

Vide TRIUMPHUM Opusc. 3. de Libertate cap. 4. ubi differentia syllogismi speculativi & practici pluribus traditur; & ostenditur intellectum non habere conclusionem syllogismi speculativi in suâ potestate, nec ratione illius movere

seipsum quoad exercitium; sed quantum ad hoc moveri ab illo qui applicat intellectum ad considerationem utriusque præmissæ; eo modo quo qui aperit oculos est causa cur exeat visio; si voluntas aperuerit, visio quoad exercitium erit voluntaria. Si voluntas non aperuerit, sed aliqua alia causa, visio quoad exercitium causabitur ab illâ. Ita si voluntas applicet intellectum ad considerationem præmissarum, assensus conclusionis quoad exercitium erit voluntarius; si aliqua alia causa applicet intellectum ad considerationem præmissarum, assensus conclusionis quoad exercitium tribuetur illi causæ. Visus nec quoad exercitium nec quoad specificationem movet seipsum, sed ad utrumque ab alio movetur. Intellectus movet seipsum quoad specificationem, respectu cognitionis conclusionum, non quoad exercitium, sed quantum ad hoc quandoque à voluntate movetur, quandoque ab aliâ causâ. Voluntas movet seipsam quoad exercitium respectu volitionis subsequenter ex vi præcedentis, non quoad specificationem, sed quantum ad hanc movetur ab intellectu presentante objectum.

CCLXXXVII. Distinctionem considerationis præmissarum, ab assensu earum in simili ponit D. THOMAS 2. 2. q. 2. a. 9. ad 2. *In scientia duo possunt considerari, scilicet ipse assensus scientis in rem scitam, & consideratio rei scitæ. Assensus autem scientiæ non subijcitur libero arbitrio, quia sciens cogitur ad assentiendum per efficaciam demonstrationis: & ideo assensus scientiæ non est meritorius: sed consideratio actualis rei scitæ subijcitur libero arbitrio: est enim in potestate hominis considerare vel non considerare: & ideo consideratio scientiæ potest esse meritoria, si referatur ad finem charitatis, id est, ad honorem Dei vel utilitatem proximi. Sed in fide utrumque subijcitur libero arbitrio; & ideo quantum ad utrumque actus fidei potest esse meritorius.* Est igitur in potestate hominis considerare præmissas, & non considerare. Si voluntas applicuerit intellectum ad considerationem præmissarum, erit causa conclusionis quoad exercitium, quantumvis ad illius assensum ex vi assensus præmissarum cogatur intellectus: quod benè notandum est. Et quicumque alius applicuerit intellectum ad considerationem præmissarum, erit similiter causa conclusionis quoad exercitium. Econtra cum intellectus non se applicet ad considerationem præmissarum, ipse non movebit se ad cognitionem conclusionis quoad exercitium. Unde non habet in se principium libertatis formalis, quod est movere seipsum quoad exercitium: quod tamen principium includit syllogismus practicus ex suâ maiore, quæ est amor finis, seu boni universaliter intellecti. Ex quo fit ut in omni amore, qui syllogismo practico concluditur, libertas formalis actus habeatur: & omnis actus voluntatis, qui prædicto syllogismo practico concluditur, nullusque alius, sit actus voluntatis moventis seipsam.

CCLXXXVIII. Hæc est prima *Defensoris* in Angelicâ doctrinâ ignorantia, quam etiam suprâ insinuavimus, n. 135. *Nescire quod ad nullum actum moveatur.*

seipsam voluntas nisi ex vi præcedentis actus. Secunda est, *nescire dari actus liberos quos elicit voluntas sine precedente actu, ad quos proinde non movet seipsam voluntas.* Actus liber, ad quem movet seipsam voluntas ex vi præcedentis actus; dicitur *applicativè liber*. Actus liber, ad quem voluntas non movet seipsam ex vi præcedentis actus, dicitur *elicitivè liber*. Tertia *Defensoris* in Angelicâ doctrinâ ignorantia, & simul impostura est, nescire quòd *in naturâ lapsâ uterque actus locum habeat*, & ignorantiam istam nobis imponere, nonne impostura est. Quod multipliciter toto capite tertio nobis imposuit, hic iterum n. 619. nobis imponit; dum testimonium Angelicum §. seq. referendum sic interpretari nos asserit, ut per *primum actum* intelligamus *actum bonum naturâ lapsæ, quia secundum ejus doctrinam, ait, hujusmodi est omnis actus hominis infirmi*: & per *gratiam operantem* significari velimus *gratiam naturæ infirmæ*. Per *actum* autem *secundum* exprimi dicamus *actum bonum naturæ integræ, quia ex eodem talis erat, inquit, omnis actus bonus hominis sani*: & per *gratiam cooperantem* intendamus *gratiam naturæ integræ*. Verùm imposturam istam sufficienter diluimus toto capite tertio, ubi hallucinatum fuisse *Defensorem* quid pro quo accipiendo manifestè evicimus. Nunc doctrinam Thomisticæ Scholæ communem (de duplici actu libero quam inter dogmata erronea, audet reponere) breviter exponemus; & demonstrabimus expositionem quam facit Angelici testimonii §. seq. referendi apertam violare D. THOMÆ mentem, dum actum primum voluntatis quem tribuit gratiæ operanti, & qui est illud *velle* quod Apostolus dicit Deum in nobis operari, *Deus est enim qui operatur in nobis & velle*. Phil. 2. dicit ab Angelico Sole intelligi de actu indeliberato; & consequenter, ad eundem sensum ab eo exponi verba S. AUGUSTINI lib. de grat. & lib. arb. cap. 17. *ut ergò velimus sine nobis operatur* &c. Quæ omnia ne longior evadat præfens paragraphus, sequenti, DEO VINCENTE ET PRÆDETERMINANTÆ, præstabit.

§. V. *Doctrina Scholæ Thomisticæ communis de duplici actu, elicitivè, & applicativè libero, exponitur; & expositio Angelici testimonii eam comprobantis facta à Defensore, contra apertam D. THOMÆ mentem ostenditur.*

CCLXXXIX. **A**D doctrinam Scholæ Thomisticæ communem de duplici actu, *elicitivè & applicativè libero* exponendam, nihil est TRIUMPHO THOMISTARUM addendum, qui seipsam in omnibus defendens, in perpetuum, Deo dante, firmabitur. Quare ea quæ habet de duobus supradictis actibus liberis simpliciter referimus; sic etiam clariùs agnosceat CORDATUS LECTOR infirmum *Defensoris* conatum adversus THOMISTARUM TRIUMPHUM: qui Opusc. 1. cap. 2. art. 1. §. 3. ait:

Horum actuum differentia non est petenda ex naturalitate & supernaturalitate, ita ut solum in naturalibus locum habeat prædicta distinctio. Cum enim gratia perficiat naturam, & naturæ voluntatis sit habere duos istos diversi generis actus, oportet ut etiam in supernaturalibus salvetur prædictorum actuum distinctio: non minus ac in intellectu salvatur in supernaturalibus cognitio principiorum, & actus discurrens à principiis ad conclusiones. Cujus ratio est quod utraque distinctio non tam petitur ex objecto, quam ex modo tendendi in objectum. Nam sicut idem objectum potest cognosci & per discursum, & sine discursu, ita & idem objectum potest amari dependenter ab aliquâ voluntate præcedente, & amari independentem ab istâ. *Exemplum filius habes* CORDATE LECTOR, *suprà cap. 3. n. 137. Iustitia hic & nunc occurrens amabatur ab Adamo in statu nature sanæ ex vi præcedentis amoris, quo iustitia universaliter intellecta amabatur. At ab homine infirmo in statu nature lapsæ amatur independentem à præcedente amore; ideoque speciali auxilio GRATIÆ VICTRICIS ET PRÆDETERMINANTIS operatur Deus in homine infirmo amorem iustitiæ hic & nunc occurrentis; ad quem movebat seipsam voluntas hominis sani solo universalis auxilio GRATIÆ PRÆDETERMINANTIS ei cooperante.* Prosequitur TRIUMPHUS.

Hinc elucet vera prædictorum actuum differentia, In actu quem voluntas elicit dependenter ab aliquo actu præcedente, voluntas amat dando sibi velle: in actu verò, quem elicit independentem à consilio, & voluntate præsuppositâ, voluntas amat accipiendo velle. Primus actus est à voluntate tam elicitivè, quam applicativè: secundus actus est solum à voluntate elicitivè, non applicativè. Ideò primus actus non tribuitur Deo applicanti, sed libero arbitrio in cuius potestate esse dicitur: non quòd Deus illum non prædeterminet, sed quia prædeterminatione universalis fit ista applicatio, cuius natura est ita applicare ad actum, ut liberum arbitrium etiam se applicet mediante consilio, ratione cuius actum illum dicitur habere in sua potestate: non enim consiliamur de his quæ non sunt in nostrâ potestate. Secundus autem actus, qui fit independentem à consilio, & voluntate præsuppositâ, non tribuitur libero arbitrio, sed Deo specialiter ad illum applicanti: nec enim est, in potestate liberi arbitrii, sed magis in potestate Dei, cuius consilio dirigitur, non voluntatis consilio: qui adhuc poterit esse liber, non quidem libertate voluntatis se applicantis, sed libertate voluntatis applicatæ tantum; live quòd idem est, non liber applicativè, sed liber elicitivè. De quo vide Opusc. 3. cap. 11. §. 2.

Hujus distinctionis ratio potest reddi ex doctrinâ S. AUGUSTINI, qui sæpius dicit, illud esse in potestate nostrâ, quòd voluntas si vult facit, si non vult non facit, lib. de spirit. & lit. cap. 31. Actus enim qui fit ex voluntate præsuppositâ, est talis, ut illum eliciat si velit, & si non velit, non eliciat, & consequen-

ter rectissime dicitur esse in potestate voluntatis. Actus verò, qui sit independenter à voluntate præsuppositâ, non tam est in potestate voluntatis, quàm in potestate Dei, quia voluntas non illum elicit quando vult, sed quando Deus facit eam velle: sicut enim ille actus est in potestate voluntatis, quem *si vult facit, si non vult non facit*: ita ille actus est in potestate Dei, quem *si Deus facit velle, voluntas facit, & si Deus non facit velle, voluntas non facit*. De illo verificatur quòd *possumus, si velimus*; de hoc verò quòd *possumus, si prius Deus dederit velle*; hæc siquidem potestas non fundatur in actu præcedente.

Horum actuum distinctionem satis dilucidè tradit fidelissimus S. AUGUSTINI Discipulus, Angelicus noster Præceptor 1. 2. q. 111. a. 2. his verbis: *Operatio enim alienus effectus non attribuitur mobili, sed moventi: In illo ergo effectui IN QUO MENS NOSTRA EST MOTA, ET NON MOVENS, operatio Deo attribuitur, & secundum hoc dicitur GRATIA OPERANS. In illo autem effectui IN QUO MENS NOSTRA ET MOVET, ET MOVETUR, operatio non solum tribuitur Deo, sed etiam animæ, & secundum hoc dicitur GRATIA COOPERANS. Est autem in nobis duplex actus.*

PRIMUS quidem INTERIOR voluntatis: & quantum ad istum actum VOLUNTAS se habet UT MOTA, DEUS autem UT MOVENS, & præsertim cum voluntas incipit bonum velle, quæ prius malum volebat. Et ideo secundum quòd Deus movet humanam mentem ad hunc actum, dicitur GRATIA OPERANS.

ALIUS autem actus est EXTERIOR, qui cum A VOLUNTATE IMPERETUR ut supra habitum est, consequens est, quòd ad hunc actum operatio attribuitur voluntati. Et quia ad hunc actum Deus nos adiuvat, & INTERIUS CONFIRMANDO VOLUNTATEM, ut ad actum perveniat, & EXTERIUS facultatem operandi præbendo: respectu huiusmodi actus dicitur GRATIA COOPERANS.

Unde post præmissa verba (cooperando Deus in nobis perficit quod operando incepit: quia ipse ut velimus operatur incipiens, qui volentibus cooperatur perficiens. De grat. & lib. arb. cap. 17.) Subdit AUGUSTINUS: *ut autem velimus, operatur; cum autem volumus, ut perficiamus nobis cooperatur.*

Ecce clarè habetur, illum actum qui non est ex præsuppositâ voluntate tribui Deo, & non voluntati, solumque elicitivè, & non applicativè esse à voluntate, sive quòd idem est, ad illum voluntatem esse motam tantum, & non moventem. Verba sunt D. THOMÆ. Illum verò actum, qui dependet ab actu præcedente, esseque objectum primi actus, & qui ideo ab Angelico Doctore exterior nominatur, non tribui solum Deo, sed etiam voluntati, à quâ tam applicativè, quàm elicitivè progreditur, sive in terminis Angelicis, ad quem voluntas se habet & ut movens, & ut mota.

Quod subtiliter animadvertit Eminentissimus Dominus D. Caietanus in suis Commentariis acutissimis supra Summam D. THOMÆ. Nam ad prædicta verba sic commentatur: *Nomine primi actus non intelligitur solus ille, quem vo-*

luxus in principio operationum suarum omnium habet, sed quicumque primus ABSQUE
 CONSILIO ET PRÆVIO MOTIVO ad bonum, & propterea auctor dixit: & præsertim
 cum voluntas incipit bonum velle, quæ prius malum volebat: similiter igitur
 se habet voluntas mota à Deo ad huiusmodi velle sunt grave ad motum deorsum: & propte-
 rea sicut grave non movet seipsum ad descensum, sed est motum à generante; ita voluntas mo-
 ta à Deo ad huiusmodi novum velle, non movet seipsam ad hoc, sed est tantum mota à Deo.
 Est tamen tale velle IPSIUS ELICITIVÈ, sicut descendere est motus gravis, ET EST LIBE-
 RUM, QUIA POTEST DISSENTIRE A TALI VELLE: Deus enim movet suaviter liberum
 arbitrium secundum conditionem ejus.

Deinde duplicem voluntatis prædeterminationem exprimit dicens: Nam
 facere ut velimus, non contingit uno modo, sed duobus, scilicet ut velimus MOVENDO NOS
 IPSOS ad hoc, ecce prædeterminatio universalis, & ut velimus MOTI TANTUM
 ab ipso Deo, ecce prædeterminatio specialis.

Cui subscribit Eximius Dominus ac Magister noster Sylvius, qui loco ci-
 tato ex I. 2. ait: *Ut scilicet mens nostra intelligatur in eo effectu esse MOTA ET NON*
MOVENS; quia etiamsi illum effectum efficaciter ET LIBERÈ FACIAT, ad eum tamen NON
SEIPSAM MOVET, quia non ex aliquo priore motu quasi imperante se ad illum excitat, vel
movet. Et inferius ait: *Quamvis enim voluntas in primâ suâ volitione velit, & volitio-*
nem illam efficiat: non tamen FACIT SE VELLE, aut causare volitionem, SED SOLUS
DEUS. Et pro hoc sensu refert Conradum, Medinam, Alvarez, & Estium.

CCC. Habes CORDATE LECTOR, planam TRIUMPHI THOMISTARUM doctri-
 nam de duplici actu elicitive & applicative libero, dupliciq; ad eos prædetermina-
 tione speciali & universali, nō ab eo inventam & excogitatam, sed ab Angelico Sole
 Thomistis creditam, & ab eis communiter receptam. Res enim est doctrinæ
 Angelicæ, non sui ingenii; publicæ inter Thomistas traditionis, non usur-
 pationis privatæ: à D. THOMA prolatam, & ad TRIUMPHUM perductam; in
 quâ non auctor & institutor, sed custos & sectator fuit: in quâ non ducens,
 ut Molina de Scientiâ Mediâ & gratiâ versatili gloriatur, sed sequens extitit Solem
 Ecclesiæ Angelicum, nobilissimosque illius discipulos Caietanum, Conradum,
 Medinam, Alvarez, Estium & Sylvium duo præclara huius Almæ Universita-
 tis luminaria, cæterosque communiter Thomistas. Doctrinam istam inter dog-
 mata erronea reponere, non potest fieri sine injuriâ Scholæ Angelicæ; nec sine
 injuriâ huius Almæ Universitatis, quæ de errore arguitur in suis principibus;
 nec denique sine crassâ reponentis ignorantia.

Quâ indubitato laboravit Defensor gratiæ versatilis, dum doctrinam nuper me-
 moratam dicit n. 619. esse falsam, absurdam, & erroneam. Et ut hoc probet in-
 signem assumit imposturam, quâ vult TRIUMPHUM docere, divisionem gratiæ
 in operantem & cooperantem, à D. THOMÀ suprâ explicatam, intelligendam esse
 per ordinem ad diversos status naturæ integræ & lapsæ: cujus ne vel leve vesti-

gium CORDATUS reperiet, sed hallucinatus est *Defensor*, quid pro quo accipiens ut n. 298. teigimus, & toto capite tertio demonstravimus.

Mira Defensoris hallucinatio in exponendis CAIETANI verbis.

CCCI. **I**mmèritò, dicit, TRIUMPHUM appellare Caietanum in confirmationem suæ interpretationis; & silentio pertransit Eximii Magistri nostri SYLVII testimonium. Cur hoc? paucis dicam; nihil in verbis SYLVII invenit, quo imperitis & suis Scholaribus fucum faceret: sunt enim adeò lucida istius Sapientissimi Doctoris verba, & tam clarè mentem exponunt Solis Angelici, ut statim veritas innotescat, quam *Defensor* impugnât. In verbis autem Eminentissimi Caietani invenit, quod primum voluntatis actum quem juxta D. THOMAM elicit voluntas *ut mota tantum & non movens* auxilio gratiæ operantis, conferret Caietanus cum motu gravis deorsum. Istâ comparatione motus gravis, qui liber non est, fucum facere potuit imperitis quibus persuaderet, primum illum actum non esse liberum secundum Caietanum.

Hæc est ratio, cur siluerit de SYLVIO, & protulerit CAIETANUM, qui non minus clarus est quàm SYLVIVS. Solam lectionem requiro; & nullus est, qui non legat eundem prorsus actum, quem dicit à voluntate elici *ut mota tantum, & non ut movente*, ab ipso liberum pronunciari, quia ab eo potest dissentire. Duo tribuit prædicto actui; 1^{um}. quòd licet sit à Deo movente tantum, & non à voluntate movente seipsam, adhuc tamen elicitur à voluntate, ait enim: *est tale velle illius elicitive, sicut descendere est motus gravis*. In quo autem comparet primum actum motui gravis, ostendunt præcedentia verba: *sicut grave non movet seipsum ad descensum, sed est motum à generante; ita voluntas mota à Deo ad huiusmodi novum velle, non movet seipsam ad hoc, sed est tantum mota à Deo*. In hoc sistit comparatio.

Interrogo te, ait *Defensor* n. 622. quid per actum illum primum, per novum istud velle intelligit Caietanus? ipsumne liberum voluntatis actum, quòd divinæ motioni consentit, an actum aliquem indeliberatum voluntatis in eà productum sine ejus libertate, quo ipsa in bonum à Deo movetur. Si primum asseris: reclamat tibi ipse Caietanus comparatione suâ, quâ primum illum motum confert cum motu gravis deorsum; reclamat tibi per hæc verba: *est liberum quia potest dissentire à tali velle*. Ergò juxta illum actus liber, quo voluntas consentit, non est iste primus actus, non est istud novum velle, à quo potest dissentire, quia nemo dissentire potest à consensu suo.

CCCII. Quid me interrogat? interroget Caietanum, ipse ætatem habens apertè locutus est, *Est tamen tale velle ipsius elicitive, sicut descendere est motus gravis; ET est liberum, quia potest dissentire à tali velle*. Interroget grammaticum, quid con-

* junctio

junctio ET conjungat dum dicitur, *est tamen tale velle ipsius elicitive, ET est liberum*, & discet à grammatico Theologus, quòd ly ET conjungat liberum cum tali velle, quod est elicitive voluntatis, non moventis seipsam, sed motæ à Deo tantum. In re tam clarâ hallucinari, non tam risu, quàm commiseratione dignum est. Nam quid est aliud, quàm veritati claudere oculos?

Attende CORDATE LECTOR, lepidam *Defensoris* illationem: Ergò *actus liber*, quo voluntas consentit, non est iste primus actus, non est istud novum velle, à quo potest dissentire, quia nemo dissentire potest à consensu suo. Debuisset inferre *Defensor* ex verbis Caietani, ergò istud novum velle habet duo, & quòd sit elicitive voluntatis motæ à Deo tantum, & quòd sit liberum: siquidem utrumque manifestè tribuit primo actui: & de illo primo actu probat, quòd sit liber, quia à tali actu primo, potest dissentire voluntas: quæ est proprietas omnis actus liberi libertate specificationis. Hæc enim est ratio, cur consensus sit specificativè liber, quia ita exit à voluntate ut possit contrarium ponere. Qui consentit in delectationem, discedit à consensu in justitiam delectationi contrariam: ergò potestas consentiendi in delectationem est potestas dissentiendi à consensu in justitiam. Si ergò Deus voluntatem ita movet ad primum actum, quo consentit in justitiam hic & nunc occurrentem, ut relinquat ipsi potestatem consentiendi in delectationem, an non ita eliciet consensum in justitiam voluntas, ut possit à suo consensu dissentire, per potestatem consentiendi in delectationem? Ad hoc enim non requiritur, ut sit potestas conjungendi dissensum cum consensu; sed consensus conjungitur cum potestate dissentiendi; ad eum modum quo qui sedet potest stare. Hæc est sensus compositi & divisi Angelica doctrina, quam nequit capere, qui *Molinismo* præoccupatur; ut fusè explicat TRIUMPHUS Opusc. 1. de Scientiâ Mediâ ad examen revocatâ cap. 2. art. 2. §. 2. & 3.

Violenta Defensoris expositio contra apertam D. THOMÆ mentem.

CCCCIII. **R** Elietâ genuinâ Angelici testimonii expositione, quam tantorum Magistrorum inhærendo vestigiis, & depositum servando tradidit TRIUMPHUS, obtrudit aliam n. 623. dicens: *Actus ille primus ad quem movet gratia operans, seu efficaciter excitans, sit prima volitio, ad quam eliciendam efficaciter voluntas ab istâ gratiâ præmota est per congruam excitationem factam in nobis sine nobis, hoc est, sine ullâ libertate nostrâ.* Violenta prorsus expositio; procedens ex ignorantia loci Apostolici, unde nomen gratiæ operantis desumptum est, qui locus habetur ad Philip. 2. *Deus est enim qui operatur in nobis & velle & perficere pro bonâ voluntate.* Agnoscit *Defensor* n. 624. doctrinam Angelici testimonii fundari suprà locum S. AUGUSTINI ex cap. 17. lib. de gratiâ & libero arbitrio. In eo autem loco post verba à D. THOMÂ relata, probat S. Aug. quæ dixerat: *De operante illo ut ve-*

H h

limitis dictum est, Deus est enim qui operatur in nobis & velle. Quare certum est, actum primum, in quo docet D. THOMAS voluntatem se habere ut motam tantum, & non ut moventem, esse illud velle quod Apostolus dicit Deum in nobis operari: violenta igitur erit expositio ad aliud velle Angelicam detorquere doctrinam.

Velle autem, quod Apostolus dicit Deum in nobis operari, esse liberum, manifestè tradit Sol Angelicus pertractans prædictum locum. Nam illis verbis ostendit Apostolum excludere quatuor falsas existimationes. Tertia, inquit, Pelagianorum sicut & prima dicentium, electiones esse in nobis, sed prosecutiones operum in Deo. Et hoc excludit dicens & velle & perficere. Deinde ad hoc magis probandum adducit verba Apostoli Rom. 9. Non est volentis neque currentis, sed miserentis Dei. Patet ex istis verbis loqui Apostolum de illo velle, quod Pelagiani volebant esse ex nobis, & non ex Deo, quod velle erat indubiè liberum. Ad illud igitur velle, quod Pelagiani ex nobis esse dicebant, ac proinde liberum erat, habet se voluntas ut mota tantum & non movens secundum D. THOMAM.

CCCIV. Idem adhuc clariùs comprobatur ex interpretatione Angelica loci citati Rom. 9. ubi præclare Molinismum destruens dicit: *Si hoc solum* (quod omnia procedunt ex Dei misericordia) *in hoc verbo intellexisset Apostolus, cum etiam gratia sine libero arbitrio hominis non velis neque currat, potuisset à converso dicere: non est miserentis Dei, sed volentis & currentis, quod aures pie non ferunt.* (Audiant concursus pedissequi propugnatores) *unde plus aliquid est ex his verbis intelligendum, ut scilicet PRINCIPALITAS gratiæ Dei attribuitur. Semper enim actio magis tribuitur principali agenti quàm secundario, puta, si dicamus quod securis non facit arcam sed artifex per securim* (tandem intelligant gratiæ prævenientis versatilis assertores quæ sit principalitas gratiæ) *voluntas autem hominis movetur à Deo ad bonum. Unde supra 8. dictum est, qui spiritu Dei aguntur, hi sunt filii Dei. Et ideo hominis OPERATIO INTERIOR non est homini principaliter, sed Deo attribuenda. Philip. 2. DEUS EST QUI OPERATUR IN NOBIS VELLE & perficere pro bonâ voluntate.* Gratia præveniens & versatilis Molinistarum cum libero arbitrio influit in consensum. Sed quomodo? Ipsa ut determinata, & liberum arbitrium ut determinans, certum est quòd actio principaliter tribuitur determinanti, quàm determinato, sicut tractio navis procedens à domino & servo simul concurrentibus, principaliter tribuitur domino qui determinat servum ad trahendum. Vide sup. cap. 2. §. 6. & 7.

Excluso Molinismo objicit sibi Sol Angelicus palmarium Molinistarum argumentum. *Sed si non est volentis velle, neque currentis currere, sed Dei moventis ad hoc hominem, videtur quod homo non sit dominus sui actus, quod pertinet ad libertatem arbitrii. Quæ objectio formari non potest contra gratiam prævenientem & versatilem Adversariorum. Quis enim unquam vel sapiens dixit, vel insipiens cogitavit, vel vigilans suspicatus est, vel dormiens somnando deliravit, gratiam præve-*

nientem, quæ non influit in consensum nisi ut à libero arbitrio determinatum, tollere consensus dominium?

Audiant Adversarii Solis Angelici constantem ubique solutionem. *Et ideo dicendum est*, ait, quod Deus omnia movet, sed diversimodè, inquantum scilicet unumquodque movetur ab eo secundum modum nature sue. Et sic homo movetur à Deo ad volendum & currendum PER MODUM LIBERÆ VOLUNTATIS. Sic ergo VELLE & currere est hominis LIBERÆ AGENTIS: non autem est hominis, ut principaliter moventis, sed Dei.

Nihil clariùs, nihil expressiùs, nihil solidiùs adduci potest, ad ostendendum, ipsum velle, quod est effectus gratiæ operantis, & ad quodd voluntas se habet ut mota tantum & non movens, esse liberum; siquidem ad illud movetur voluntas per modum liberæ voluntatis. & est hominis ut liberè agentis. Quà igitur temeritate dixerit Defensor n. 619. *Expandamus hanc interrogationem, & quàm aliena sit à mente Doctoris Angelici, quàm falsa, quàm absurda, & erronea videamus.* Judica CORDATE LECTOR. Veritati insistimus; & veritas mirabiliter adjuvat nos permanens in sæculum sæculi,

Insistat illi Defensor, & agnoscat quis sit verborum S. AUGUSTINI sensus, dum dixit: *ut ergo velimus sine nobis operatur*: non sine nobis liberè consentientibus, sed sine nobis ad consensum liberum nosmetipsos agentibus & moventibus; ad eum modum quo S. AUGUSTINUS dixit *Qui creavit te sine te, non justificavit te sine te*; ex quo infert cõtrà se fidelissimus illius Discipulus Sol Angelicus 1.2. q. 55. a. 4. ad 6. *Inconvenienter ergo dicitur, quod virtutem Deus in nobis sine nobis operatur.* Respondet, *Dicendum; quod virtus infusa causatur in nobis à Deo sine nobis agentibus; non tamen sine nobis consentientibus; & sic est intelligendum quod dicitur, Quam Deus in nobis sine nobis operatur.* Quæ verò per nos aguntur, Deus in nobis causat non sine nobis agentibus: ipse enim operatur in omni voluntate & naturâ. Deus infundendo virtutem infusam facit nos consentire; sed quia non infundit illam ex vi præcedentis actus, non movemus nosmetipsos ad consensum.

Loca quæ superaddit n. 626. ex S. AUGUSTINO, ostendimus invictè supra cap. 2. s. 8. ea fuisse prolata secundum errorem quo detinebatur ante Episcopatum.

Solutio argumenti n. 293. propositi.

CCCV. Ad firmandam TRIUMPHI THOMISTARUM doctrinam, & evaguantem Defensoris argumentum quo supra n. 293. probare putat, TRIUMPHUM non rectè de libertate sentire. Sciendum est, quod distinctio illa actus interioris & exterioris propriè & per se habet locum, quando aliqua actio est volita; tunc enim semper interveniunt duo actus, quorum unus respectu alterius, est primus, & alius est secundus. Intervent enim volitio actionis,

H h 2

& ipsa *actio* quæ est volita; *volitio* actionis est primus actus, quo imperatur ipsa *actio* volita, quæ est secundus actus.

Volitio faciendi bonum quodcumque *ex motivo amoris iustitiæ hic & nunc occurrentis*, est in homine infirmo primus actus, qui in homine sano erat secundus actus, ut dictum est suprâ n. 137. Ad istam volitionem voluntas movetur auxilio gratiæ operantis; & consequenter est solum *elicitivè* & non *applicativè* à voluntate, sive in terminis D. THOMÆ, ad eam se habet voluntas *ut mota tantum & non ut movens*. Ex hac volitione applicat se homo infirmus auxilio gratiæ cooperantis ad faciendam illam actionem bonam, quam gratiæ operantis auxilio prius voluit facere. Ex quo apertè sequitur, quòd nullus sit actus virtutis ad quem se applicare non possit homo infirmus. Nullus enim est actus virtutis, qui *ex motivo amoris iustitiæ hic & nunc occurrentis* non possit esse ab homine infirmo volitus, *auxilio gratiæ operantis*; nullus igitur est actus virtutis, ad quem faciendum non possit se *ex prædictâ volitione* homo infirmus applicare *auxilio gratiæ cooperantis*, v. g. GRATIA OPERANS operatur in homine infirmo voluntatem credendi *ex motivo amoris iustitiæ hic & nunc occurrentis*: ex istâ volitione applicat se homo infirmus per GRATIAM COOPERANTEM ad credendum *sicut oportet*. GRATIA OPERANS operatur in homine infirmo voluntatem sperandi *ex motivo amoris iustitiæ hic & nunc occurrentis*: ex istâ volitione applicat se homo infirmus per GRATIAM COOPERANTEM ad sperandum *sicut oportet*. GRATIA OPERANS operatur in homine infirmo voluntatem amandi Deum *ut finem omnis iustitiæ*: ex istâ volitione applicat se homo infirmus per GRATIAM COOPERANTEM ad amandum Deum *sicut oportet*. GRATIA OPERANS operatur in homine infirmo voluntatem sobriè, justè, & piè vivendi *ex motivo amoris iustitiæ hic & nunc occurrentis*: ex istâ volitione applicat se homo infirmus per GRATIAM COOPERANTEM ad sobriè, justè, & piè vivendum *sicut oportet*.

CCVJ. Est igitur minor à Defensore assumpta falsissima, quâ subsumit TRIUMPHUM docere, *voluntatem in naturâ lapsâ sic moveri à Deo ut ipsa se ad eosdem nec moveat, nec determinet, nec applicet*. Major etiam non est vera universaliter. Unde distinguenda est: Non rectè sentit de *libertate voluntatis moventis seipsam*, qui dicit voluntatem in naturâ lapsâ sic moveri à Deo, ut ipsa se ad eosdem nec moveat, nec determinet, nec applicet, conceditur. Non rectè sentit de *libertate voluntatis mota tantum & non moventis seipsam*, qui dicit &c. negatur. Manifesta modò est Solis Angelici, ejusque Scholæ doctrina de duplici libertate actuum quorum aliqui sunt liberi *elicitivè*, quia ad illos voluntas non movet seipsam, sed est mota tantum; aliqui sunt liberi *applicativè*, quia ad illos & movet seipsam voluntas, & movetur. Actus liber exigit causam liberam; duplex igitur actuum libertas exigit duplicem in causis liberis libertatem. Quare oportet, ut actus *elicitivè* liber exigit causam liberam *motam tantum*: actus *applicativè* liber re-

quirat causam liberam *moventem seipsam*. Alia est ergo libertas *voluntatis motæ tantum*, alia est libertas *voluntatis moventis seipsam*. Prima est ad actum primum & interiorem; secunda est ad actum secundum & exteriorem.

CCCVII. In duobus deceptus est *Defensor gratiæ versatilis*, PRIMò quòd non consideraverit nullum esse actum virtutis in naturâ lapsâ, in quo utraque libertas non possit non conjungi. Nam ut suprà ostendimus, nullus est actus, qui non possit esse volitus ex motivo amoris justitiæ in eo hic & nunc occurrentis, aut Dei ut fontis omnis justitiæ, quæ volitio *elicitivè* solum est à voluntate; & est libera, quia potest consentiendo concupiscentiæ à qua voluntas hominis lapsi abstrahitur & illicitur, dissentire à tali volitione. Nullus etiam est actus virtutis, quem homo infirmus exercere non valeat ex præcedenti illâ volitione eum faciendi. Volitio prædicta faciendi actum virtutis est *libera elicitivè*; actus ipse virtutis exercitus vi talis volitionis est *liber applicativè*.

SECUNDò, quòd non attenderit actum non dici *elicitivè* liberum, quia præcisè elicitur à voluntate motâ tantum; sed quia elicitur cum potestate amandi oppositum & movendi se in contrarium. Id declarari potest exemplo sensibili pictoris, quod impugnat *Defensor* n. 608. pictor movet manum servi sui ad pingendum; actus pingendi est à servo ut moto tantum, & ideò non tribuitur servo sed domino. Isto exemplo usus fuerat TRIUMPHUS, ut ostenderet quomodo actus qui non fit ex præcedenti actu & propria voluntatis applicatione, sed ex sola speciali Dei applicatione, non tribuatur voluntati, sed Deo. Non agebatur ibi de libertate istius actus pingendi. Unde non ex quâ parte est liber facta est illius comparatio, sed ex ea parte qua est à servo ut moto tantum. Consideremus modò eum ex quâ parte est liber, & videbimus, quòd licet manum non moveat servus, potest tamen illam movere in contrarium; actus igitur pingendi procedens à servo ut moto tantum, crit *elicitivè* liber, quia procedit à servo potente se movere in contrarium.

CCCVIII. Deceptionem *Defensoris* manifestat interrogatio, quam facit. n. 609. his verbis: *Estne iste actus pingendi liber isti servo sic pingenti ex solâ applicatione directione & motu Domini, ita ut ipse nec manum applicet ad pingendum, nec dirigat, nec moveat? si affirmes: hanc responsionem tuam exhibilabit universa sapientum multitudo.* Si *Defensor* addidisset, quòd iste servus *nec habeat potestatem movendi manum in contrarium*, qui affirmaret eum esse liberum meritò exhibilaretur. Vice versâ interrogetur *Defensor*, si pictor moveret manum servi ad occidendum hominem, & servus possit movere manum in contrarium, idque advertens suspenderet pro libertate suâ omnem voluntatis actum, Nonne illa occisio hominis justè imputaretur servo? Nonne libera ei foret, non libertate moventis se, sed libertate moti tantum, & potentis movere se in contrarium? si neget *Defensor*; hanc responsionem suam exhibilabit universa sapientum multitudo.

Eandem *Defensoris* deceptionem probat, impugnatio comparationis, quam ex D. THOMÂ fecit TRIUMPHUS tomo 1. de *Scientiâ Mediâ ad examen revocâ* n. 77. Intendebat TRIUMPHUS probare actum qui est *elicitivè* & non *applicativè* à voluntate, non tribui voluntati, sed Deo *specialiter* applicanti; & simul Molinistarum volebat hallucinationem retegere, quâ putant D. THOMAM excludere prædeterminationem physicam, dum in loco ibi citato, & aliis docet voluntatem determinare & movere seipsam, nec ab alio determinari. Ad hoc intentum usus est doctrinâ Angelicâ, quâ docet quòd *aliquis actus est ab aliquo dupliciter, uno modo tam secundum substantiam actus, quàm secundum determinationem agentis, id est, tam elicitivè, quàm applicativè.* Alio modo actus est ab agente *secundum substantiam actus, & non secundum determinationem agentis; hoc est elicitivè, & non applicativè.* In hoc actu dixit TRIUMPHUS, convenit voluntas cum agentibus naturalibus, non quòd non sit liber, sed quòd voluntas ad illum non se determinet, sicut & agentia naturalia non se determinant ad suos actus.

CCCIX. Ex *hâc comparatione tuâ* inquit *Defensor* n. 807. convinceris: *non rectè sentire de libertate nostrâ ad actus bonos, ad quos, juxta te, genus istâ speciali prædeterminatione.* Quasi verò convenientia in uno excluderet differentiam in alio; qui dicit hominem convenire cum brutis in vitâ animali, excluditne vitam rationalem & spiritualem hominis? Utramque expressit TRIUMPHUS, & convenientiam, & differentiam. Convenientiam, in hoc quòd sicut agentia naturalia non movent seipsa ad agendum, ita voluntas in primo actu, qui solùm est ab eâ *elicitivè*, & à Deo *specialiter* applicante, non movet seipsam: quam convenientiam expressit CAIETANUS sup. n. 302. relatus his verbis: *est tamen illius elicitivè sicut descendere est motus gravis.* Differentiam non solùm expressit, sed & probavit, dum dixit eum actum esse liberum propter indifferentiam judicii, ex quâ habet potestatem movendi se in contrarium, quo judicio indifferente non moventur agentia naturalia. Verùm quia judicium istud indifferens non est conclusio syllogismi practici, à voluntate dependens, actus liber, quem dirigit, non est *voluntatis moventis seipsam, sed mota tantum*, in quo agentibus naturalibus assimilatur. *Obiectum enim* inquit TRIUMPHUS, *judicii indifferentis à quo regulatur prædictus actus* (quod est bonitas justitiæ hic & nunc occurrentis apprehensa cum bonitate concupiscentiæ prævenientis) *est quasi forma voluntatis: & cum prædictum judicium indifferens non sit à voluntate* (hoc est, amor boni in homine infirmo non sit sufficiens, ut istud judicium indifferens, modo sibi proprio, inferat vi talis amoris amorem justitiæ hic & nunc occurrentis, benè tamen, ut inferat amorem concupiscentiæ prævenientis) *ideo actus regulatus prædicto judicio non est à voluntate secundum determinationem agentis, sed ab illo agente scilicet Deo, qui voluntati tale judicium dedis, per quod ad hunc actum liberum determinata est, independentes ab amore præcedente.*

Quæ verba si retinisset *Defensor*, fucum imperitis non faceret, & germanum se exhiberet veritatis amatorem. Hæc est igitur libertas primi actus, sive voluntatis faciendi quodcumque bonum ex amore iustitiæ hic & nunc occurrentis, quod ita eliciatur à voluntate ut possit movere se ad consentiendum concupiscentiæ: quam potestatem habet ex iudicio indifferente de singulari objecto, scilicet iustitiâ hic & nunc occurrente, quod apprehenditur cum bonitate huius delectabilis ad quam abstrahit & illicit præveniens concupiscentia, & impedit ne amor boni sit sufficiens, ut concludatur, iustitiâ hic & nunc occurrens amanda, seu voluntas faciendi aliquid ex motivo iustitiæ; qui tamen amor boni est sufficiens ut concludatur, hoc delectabile hic & nunc est amandum.

CCCX. Si intulerit *Recens Molinista*, ergò non poterit implere præceptum sicut oportet; cum ad huiusmodi impletionem necessarius sit amor iustitiæ hic & nunc occurrentis; solutionem inveniet suprâ n. 140. Etenim inveniet quòd posse implere præceptum sicut oportet dupliciter contingit, vel ex DATIS & propria applicatione, vel ex DANDIS & speciali Dei applicatione. Ut autem actus qui duobus modis fieri potest, absolute & simpliciter sit alicui agenti possibilis, non requiritur ut agens possit elicere actum omnibus modis, quibus potest fieri; sed sufficit quòd possit elicere uno modo; & poterit liberè, si ita possit ut etiam in contrarium movere se valeat. Potest quis ire Parisios equo & pedibus; ut quis simpliciter & absolute possit ire Parisios, sufficit quòd possit ire equo; Similiter potest impleri præceptum ex DATIS & propria applicatione, potest impleri etiam ex DANDIS & speciali Dei applicatione: ut quis possit simpliciter & absolute implere præceptum, sufficit quòd illud possit implere ex DANDIS & speciali Dei applicatione: ut autem & liberè possit, sufficit, quòd post concupiscentias suas ire valeat. Vide TRIUMPHUM Tomo 1. de Scientiâ Mediâ ad examen referat. cap. 2. n. 126.

Si Calvinismus obrudatur, uti facit *Defensor* n. 613: & dicatur, non negavit Calvinus indifferentiam iudicii, nec actum bonum esse elicitive à voluntate. Dato quòd utrumque admisit Calvinus; non fuit damnatus propter illa loca, in quibus hæc admisit: sed propter alia loca, in quibus aperte negavit liberum arbitrium & potestatem movendi se in contrarium, ut evidenter probat TRIUMPHUS loco citato n. 183. ubi insolubiliter retorquetur in Molinistas argumentum ex Calvino petitum.

CCCXI. His omnibus colliges CORDATE LECTOR injustas esse *Defensoris* reprehensiones, quibus n. 629. reprehendit TRIUMPHUM 1^o. quòd asserat, nostram ad actus bonos voluntatem sic moveri ut non moveat se. Afferuit hoc TRIUMPHUS respectu actus primi, sequens D. THOMAM, & nobilissimos ejus Discipulos: suprâ ipsos igitur injusta cadit *Defensoris* reprehensio. Nos autem sola afficit impostura, quâ id quod TRIUMPHUS de actu primo asseruit, ex-

tendit ad omnes actus bonos: cum tamen nullus sit actus virtutis ad quem voluntas in naturâ lapsâ non valeat secundum TRIUMPHUM movere seipsam. 2^o. quod *agens de actu bono naturæ lapsæ dixerit, in hoc actu convenit voluntas cum agentibus naturalibus: non quod non sit liber, sed quod ad illum voluntas non se determinet; sicut & agentia naturalia non se determinant ad actus suos.* Ubi iterum imponit, quod istam comparisonem de omni actu bono naturæ lapsæ instituerimus, cum de actu primo solum instituta fuerit, cum hac tamen differentiâ quod voluntas haberet potestatem movendi se in contrarium, quam non habent agentia naturalia.

3^o. *Quod exercitium boni operis in naturâ lapsâ compares cum actione servi, cuius manus ita moveretur & applicaretur à domino pictore ad pingendum, ut eam ipse nec moveret, nec applicaret.* Tertia reprehensio, tertia itidem impostura; siquidem solum actum primum tangit ista comparatio, cui superaddere debebat potestatem servi ad movendum manum in contrarium. Nam si manus servi ita moveatur ut possit eam movere in contrarium, convenienter *liberè moveri* dicetur, sed non *liberè se movere*. Hæc sunt, quæ injustè reprehendit *Defensor*; hæc sunt, quæ oleum & operam cum perdidisse demonstrant, ut probaret ex illis TRIUMPHUM actuum bonorum destruere libertatem. Judicet modò CORDATUS LECTOR, annon in perpetuum firmaverit TRIUMPHI THOMISTARUM de libertate doctrinam, quâ duplici actus liberi distinctione, videlicet *liberi elicitive*, & *liberi applicative*, duplicique ad eos prædeterminatione, nempe *universali*, & *speciali* conciliavit Discipulum Magistro, Scholamq; Angelicam Scholæ Augustinianæ indissolubili pacis vinculo in perpetuum copulavit. *Sit benedictus Deus in sæcula*, qui diligentibus doctrinam Angelicam facit omnia cooperari in verum.

§. VI. *Potestas suspendendi actum, vel cessandi ab actu non est de essentiâ libertatis à potestate peccandi separata.*

CCCXII. **P**ulso hîc conscientiam *Defensoris*; quâ sinceritatis specie, quo veritatis amore, quo fidei candore, ea quæ diximus ad libertatis essentiam sufficere pro illo statu in quo separatur à potestate peccandi, extenderit ad illum statum in quo potestati peccandi conjungitur? Nullus est qui asserat beatos posse amorem beatificum suspendere, vel ab eo cessare; & tamen omnes Augustiniani & Scotistæ docent amorem beatificum perfectam habere libertatem. Censent igitur illi, ad perfectam libertatis essentiam non esse necessariam potestatem actum suspendendi, vel ab actu cessandi.

Distinxit TRIUMPHUS THOMISTARUM, duplicem potentiam agendi vel non agendi; una est potentia agendi vel non agendi per indeterminationem ad actum ex objecto universali ortam. Alia est potentia agendi vel non agendi per po-

per potestatem actum suspendendi, vel ab actu cessandi ex bonitate & defectu objecti singularis causatam. Primam dixit sufficere ad libertatem à potestate peccandi separatam : secundam dixit esse necessariam ad libertatem exercitii potestati peccandi & libertati specificationis conjunctam ; ex eo quòd ad suspensionem , vel cessationem actus requiratur aliqua apprehensio mali in objecto singulari, vel in exercitio actus tendentis in illud : quam apprehensionem non potest voluntas habere sine libertate specificationis circa omnia sua objecta singularia, & circa aliqua eorum sine potestate peccandi. Oportebat *Defensorem gratiæ versatilis* infringere nostras rationes ; ut ostenderet, ad libertatem exercitii separatam à libertate specificationis, & à potestate peccandi, necessariam esse potestatem actum suspendendi, vel ab actu cessandi : cum id non fecerit, firmus manet THOMISTARUM TRIUMPHUS.

CCCXIII. Ex omnibus, quæ in Opusculo de Libertate (quod secundò editum cum *Refutatione brevi Extracti Molinistæ* P. JOSEPHI DE VITA, & aliorum, reddidit Tomo secundo TRIUMPHUS THOMISTARUM) diximus, hoc unum improbandum assumpsit, quod cap. 3. §. 1. sic scripsit : *Dato quod semper ageret, nec posset ab actu cessare, aut eum suspendere ; adhuc hæc conditionalis esset vera ; si non vellet, non ageret, & idè agis quia vult, quod sufficit, ut negatio actus dicatur esse in potestate voluntatis ejusque dominio.*

„ Quis concipiat remanere potestatem non agendi, inquit n. 634. *Defensor*, in
 „ eo qui semper ageret, nec posset ab actu cessare, aut eum suspendere ? neque
 „ enim video quid aliud sit non posse ab actu cessare, aut eum suspendi, quàm
 „ non posse non agi. Nonne hæc eadem sunt, cessare ab actu & non agere ?
 „ ergò & illa, non posse aliquem ab actu cessare, & non posse eum non
 „ agere.

Fateor præoccupatum conditione, quam ad essentiam libertatis exigunt Juniores, non posse, sine potestate cessandi ab actu, aut eum suspendendi, concipere potestatem non agendi remanere. Sed in lumine Angelico exercitatus facile poterit, si prospexerit, mutabilitatem non esse de essentia libertatis prout in omni supposito & statu reperitur. Docet hoc Præceptor noster q. 16. de malo a. 5. his verbis : *Mutabilitas seu diversitas liberi arbitrii non est de ratione ejus : sed accidit ei inquantum est in natura mutabili.* Et ad 4. *Immobiliter permanere in malo non convenit diabolo ex una causa, sed ex duabus : Nam esse in malo competit ei ex propria voluntate, sed immobiliter inhere ei ad quod voluntas applicatur, convenit ei ex propria natura.* Clarissime ad 8. *Sicut motus aversionis à Deo fuit in diabolo voluntarius ; ita etiam quies in eo quod voluit est voluntaria. Nam voluntarie perseverat in malo ; sed tamen voluntas in hoc immutabiliter manet, ratione jam dicta.*

CCCXIV. Qui immobiliter inhæret ei quod per propriam voluntatem elegit, non potest ab actu cessare, aut eum suspendere. Sed immobilitas ista non

tollit libertatem electionis ut dicit Sol Angelicus: ergò nec impotentia ab actu cessandi, aut eum suspendendi tollit libertatem electionis.

Quare dum ait *Defensor*, Nonne hæc eadem sunt, cessare ab actu & non agere, distinguendum est, eadem sunt cessare ab actu & non agere ex apprehensione defectus objecti singularis, conceditur. Eadem sunt cessare ab actu, & non agere ex indeterminatione agentis per formam universaliter intellectam, negatur. Indeterminatio agentis ad agendum est quædam potentia non agendi. Causa contingens dicitur ad utrumlibet indifferens, absque aliqua potestate ab actu cessandi aut eum suspendendi: non enim explicatur contingencia per cessationem vel suspensionem actûs, sed per indeterminationem; siquidem causa dicitur necessaria, quæ est determinata ad producendum effectum. Forma universaliter intellecta dat voluntati quamdam contingentiam, ex quâ indeterminata existit ad volendum vel non volendum quodcumque singulare objectum. Contingentiam istam, seu potentiam non agendi, dicimus sufficere ad potentiam non agendi, quam exigit libertas à potestate peccandi, & à libertate specificationis separata.

Nam potentia non agendi orta ex apprehensione defectus objecti singularis non potest à libertate specificationis separari; ubi enim apprehenditur bonitas objecti cum aliquo defectu vel in objecto, vel in amore, ibi est potestas volendi hoc vel istud, in quâ consistit libertas specificationis. Ubi etiam ea quæ sunt secundum se bona, quorum opposita non sunt præceptibilia, possunt cum aliquo defectu vel in illis, vel in amore illorum apprehendi, ibi necesse est adesse potentiam peccandi, ut supra dictum est. Non potest igitur potentia agendi vel non agendi orta ex apprehensione defectûs objecti singularis, esse necessaria ad libertatem à potestate peccandi separatam, & ab omni libertate specificationis. Nec consequenter potestas cessandi ab actu, vel eum suspendendi, quæ prædictam non agendi potentiam includit, poterit esse à potestate peccandi separata.

CCCXV. Quare firma manet TRIUMPHI doctrina, quòd potentia non agendi per indeterminationem agentis ad actum, & potentia agendi per potestatem se applicandi ad actum, sufficiat ad libertatem à potestate peccandi separatam. Nam de habente talem agendi vel non agendi potentiam verificatur: *si non vellet non ageret: & ideo agit quia vult*: quod sufficit ut negatio actus dicatur esse in potestate volentis, ejusque dominio.

Ridiculam pronunciat *Defensor gratia versatilis* prædictam rationem, & contra eam n. 635. objicit: „ Ponamus aliquem necessariò velle agere: adhuc respectu illius hæc conditionalis est vera: *si non vellet non ageret, & ideo agit quia vult*: „ ergò is adhuc haberet in potestate & dominio voluntatis, negationem actûs, „ atque adeò liberè ageret, quamvis necessariò.

NON TRIUMPHUM, sed S. AUGUSTINUM irridet *Defensor*. Ratio enim mea non est mea, sed ejus qui docuit me fulgentissimus Ecclesiæ Sol : ipse enim dixit, ut refert TRIUMPHUS n. 46. *Hoc quisque in potestate habere dicitur, quod si vult facit, si non vult non facit.* lib. de spir. & litt. c. 31. Et iterum : *in potestate nostrâ non est, nisi quod nostram sequitur voluntatem.* lib. 1. Retract. cap. 21. Ridiculamne pronuntiabit tanti Doctoris assertionem? *Quod quàm ridiculum sit, (verbis Defensoris n. 645. utor) quàm inane, quàm falsum nemo non videt.*

Profunda S. AUGUSTINI doctrina non capitur à *Defensore*, nimis ut video distenditur mens illius occupationibus, ut advertere subtiliter potuerit, ad ly *agit quia vult*, & ad ly *nostram sequitur voluntatem*. Qui agit voluntate *ut natura*, non *agit quia vult*, quia non ex collatione rationis conferentis actum cum objecto, & ipsam rationem tam actus, quàm objecti discernentis : & ideo non judicat de suo judicio sciens reddere rationem tam suæ actionis, quàm suæ voluntatis. Hoc tamen requiritur, ut quis *agat quia vult*. Nec voluntas *ut natura* dicitur *nostra voluntas*, sed auctori naturæ tribuitur, sicut & appetitus brutorum : unde quod fit voluntate *ut natura* non *nostram* sequitur voluntatem, sed Dei naturam instituentis. Qui autem agit voluntate *ut voluntas est*, *agit quia vult*, quia ex supradicta rationis collatione concludit aliquid esse volendum & agendum; quod etiam fit voluntate *ut voluntas est*, *nostram propriè sequitur voluntatem* : movet enim seipsam voluntas illa ad volendum aliquid mediante syllogismo practico : & sic existens sibi causa tam volendi quàm agendi, propriam sequitur voluntatem, quidquid faciat ex voluntate *ut voluntas est*.

Si liberum à diversis cogitationum tumultibus haberet *Defensor* intellectum, nunquam ridiculam pronuntiaret S. AUGUSTINI assertionem, cerneretque ridiculam esse suam objectionem. Nam *necessariò velle est actus voluntatis ut natura*; non igitur qui *necessariò* vellet agere, *ageret quia vult* nec suam sequeretur voluntatem, in eo quod *necessariò* volendo ageret. Impossibile autem est, quod voluntas *ut voluntas* aliquid *necessariò* velit, si de necessitate excludente libertatem agentis, & exercitii loquamur, quamvis possit *necessariò* velle necessitate excludente libertatem specificationis, quæ non requiritur ad libertatem exercitii à potestate peccandi separatam.

CCCXVI. Continuo hallucinatur *Defensor* concipiens potentiam non agendi, per potestatem cessandi ab actu vel eum suspendendi; cum ex dictis sit manifestum, aliam esse potentiam non agendi per indeterminationem agentis ad actum. Ad quod sufficit major syllogismi practici. Amor enim formæ universaliter intellectæ, ratione objecti dat voluntati per modum actus primi indeterminationem ad volendum vel non volendum quodcumque singulare objectum in eâ comprehensum, sive adæquet, sive non adæquet eam. Sciunt Thomistæ, quod indeterminatio actus primi non tollitur per determinatio-

nem actus secundi: sicut nec contingentia causæ tollitur per determinationem effectus actu producti. Idem autem amor formæ universaliter intellectæ, inquantum actus quidam est & primus, facit actum tendentem in singulare objectum à minore determinatum exire à voluntate; ita ut voluntas actiuata amore formæ universaliter intellectæ moveat seipsam ad volendum singulare objectum sibi à minore præsentatum.

Nec ad istam indeterminationem majoris cum potestate se mouendi & applicandi, exigitur ut voluntas careat aliquando amore conclusiōis seu singularis objecti. Esto enim beatus v. g. ab æterno amasset Deum clarè visum, mediante syllogismo practico, adhuc daretur signum rationis non *in quo*, sed à quo supradictæ indeterminationi & potestati proprium: siquidē maior præberet fundamentum intellectui nostro, ad formandum conceptum in quo intelligeretur non intellectū minore & conclusione, quo conceptu voluntas amans formam universaliter intellectam conciperetur indeterminata cum potestate applicandi se ad volendum tum singulare objectum formaliter continens omnem illius formæ plenitudinem, tum singulare objectum eam solummodò inadæquatè participans. Qui hoc conceperit, Angelicam capere poterit doctrinam: quā, ut suprà vidimus, docet mutabilitatem non esse de essentiā libertatis; nec consequenter potentiam carendi actu: quæ est mutabilitatis fundamentum.

Intelliget quoque germanum Angelici testimonii sensum quod ex lib. 3. Ethic. lec. 11. refert *Descartes* n. 639. his verbis: *Si operari est in nostrā potestate, oportet etiam quod non operari sit in nostrā potestate: si enim non operari non esset in potestate nostrā, impossibile esset nos non operari. Ergo necesse esset nos operari, & sic operari non esset ex nobis, sed ex necessitate.* Sensus horum verborum est, quod si non operari non esset in potestate nostrā sive per cessationem actus, sive per indeterminationem ad actum; impossibile esset nos non operari. Tunc enim voluntas esset determinata ad agendum sicut causa necessaria est determinata ad agendum. Et necesse esset eam operari sicut necesse est causam necessariam operari. Verum si voluntas fuerit indeterminata ad agendum, non erit necesse eam operari, sicut necesse non est causam contingentem operari. Ista indeterminatio ad agendum cum potestate se applicandi ad agendum constituit essentiā libertatis à potestate peccandi, & libertate specificationis separatæ.

§. VII. *De necessitate naturalis inclinationis; & distinctione liberi à voluntario.*

CCCXVII. **N**ecessitatem naturalis inclinationis non repugnare libertati, est commune gemini Ecclesiæ Solis pronunciatum. Ipse Sol

Angelicus id probat q. 24. de veritate a. 5. ad ultim. dicens: *Habemus ergo respectu (finis) liberam voluntatem, cum necessitas naturalis inclinationis libertati non repugnat secundum S. AUGUST. de Civitate Dei lib. 5. cap. 10. & q. 22. de veritate a. 5. ad 1. secundo loco ait: quid antelioritas illa (AUGUSTINI dicentis loco citato si aliquid est voluntarium non est necessarium) est intelligenda de necessitate coactionis, quæ repugnat voluntati, non autem de necessitate naturalis inclinationis quæ secundum AUGUST. in 5. de Civitate Dei, voluntati non repugnat. Idem docet ad 2. Non pertinet ad impotentiam voluntatis si naturali inclinatione de necessitate in aliquid feratur. sed ad ejus virtutem, sicut grave tanto est virtuosius quanto majori necessitate deorsum fertur. Pertineret autem ad ejus infirmitatem si ab alio cogereetur. Denique 1. p. q. 82. a. 1. Verbum S. AUGUSTINI, si aliquid est voluntarium non est necessarium, eo modo quo suprà in questionibus disputatis explicat dicens: *Verbum AUGUST. est intelligendum de necessitate coactionis. Necessitas enim naturalis non aufert libertatem voluntatis, ut ipsemet in eodem libro docet.**

Verba autem S. AUGUSTINI in prædicto loco sic habent: *Si autem illa definiatur esse necessitas secundum quam dicimus necesse esse, ut ita sit aliquid, vel ita fiat, nescio cur eam timeamus ne nobis libertatem auferat voluntatis.*

Judica modò, CORDATE LECTOR, de istà DEFENSORIS mirabundà questione: *Quis hæcenus orthodoxus credidit necessitatem naturalis inclinationis, ætius dominio seu libertati non repugnare?* n. 640. Id disortis verbis dicit TRIUMPHUM asserere. Quidni assereret postquam uterque Ecclesiæ Sol disertis verbis id ipsum asseruerit. En fortè unus de erroribus formalibus, quos non trepidavit Defensor probare reperiri in D. THOMA. Verùm tutissima ac inconcussa sunt illius sicuti & Magistri sui dogmata. Corrigendus est Defensor, qui commune utriusque Solis pronuntiatum inter erronea computat dogmata. Oblatret quantum voluerit, inconcussa stabit eorum doctrina, & suprà illam, sicut suprà firmam petram, ædificatus permanebit THOMISTARUM TRIUMPHUS.

CCCXVII]. Qui libertatem exercitii ex parte agentis, se tenentem, separaverit à libertate specificationis, ex objecto in quod tendit voluntas, ortum habente, & radices utriusque penetraverit; clarissimè intuebitur necessitatem naturalis inclinationis non repugnare libertati, sed eam adaugere. Vidit hoc D. THOMAS suprà. Non vident Juniores, imò quasi paradoxum, & à veritate reputant alienum. In principio deficiunt, unum solummodò considerantes, ubi duo erant distinguenda. Commixti Molinistis objectum singulare in quod tendit voluntas attenderunt non intelligentes, quòd objectum singulare in quod tendit voluntas, non sit voluntati causa, cur eliciat actum; nec ergò poterit esse causa, cur non eliciat actum. Indifferentia voluntatis ad eliciendum actum vel non eliciendum tenet se ex parte objecti universaliter intellecti, quod se habet ut principium, & formam voluntariæ inclinationis; non ex parte objecti singularis, quod se habet ut terminus.

Unum peto à CORDATIS, & hoc requiro, ut tria illa quæ distinguuntur in re gravi, nempe gravitas quæ est inclinatio naturalis secuta ad formam gravis, motus deorsum, & centrum quod est terminus motus, tria, inquam, illa distinguant in voluntate, gravitas illius vitalis est amor formæ universaliter intellectæ, quæ ex suo objecto tribuit voluntati indifferentiam ad amandum vel non amandum quodcumque singulare objectum; motus illius est amor objecti singularis inquantum est quoddam desiderium habendi in re quod tantum imperfectè habetur in apprehensione. Centrum est singulare objectum, in quod tendit voluntas ut formam universaliter intellectam in re consequatur. Si gravitas foret indifferens ad motum deorsum, etiamsi unicum esset centrum in quod tenderet, adhuc contingenter res gravis descenderet. Cum igitur amor formæ universaliter intellectæ possit quantum est de se separari à quocumque amore cuiuslibet objecti singularis, necesse est ut voluntatem constituat indifferentem ad amandum vel non amandum quodlibet singulare objectum. Quare esto unicum singulare objectum præsentaret intellectus voluntati semper ad illud amandum vel non amandum remanebit indifferens, eo modo quo causa contingens unius tantummodò effectus, est indifferens ad illum producendum, vel non producendum.

CCCXIX. Necessitas naturalis inclinationis est ad unum particulare objectum determinata, nullatenus impediens indifferentiam voluntatis ad amandum vel non amandum ex objecto universali consecutam. Est necessitas conditionata tenens se ex parte minoris præsentantis voluntati objectum particulare sine ullà amabilitate oppositi, quasi diceretur, *si vis quod tibi convenit, necesse est ut hoc velis*. En necessitas, quam dicit S. AUGUSTINUS, non esse timendum *ne nobis libertatem auferat voluntatis*. Supposito quod velit voluntas, necesse est ut velit illud quod ei præsentat intellectus sine defectu, quale est illud quod ex naturali inclinatione iudicatur bonum. Accipitur enim ut per se bonum sine ullà rationis collatione. Quando iudicatur *hoc est bonum quia tale*, tunc iudicium fit collatione rationis, & objectum singulare secundum aliquam sui quasi partem iudicatur bonum. Sed quando statim ad apprehensionem objecti, propter interiorem inclinationem iudicatur *hoc est bonum*, tunc iudicium fit sine collatione rationis, & objectum singulare non distinguitur in diversas rationes quasi partes, sed secundum se totum iudicatur bonum: & ideo necessitat voluntatem ad illius amorem necessitate conditionatà, ex suppositione amoris præcedentis.

CCCXX. Tantò magis bonum aliquid iudicatur, quantò oppositum videtur minus bonum. Necessitas naturalis inclinationis excludit bonitatem oppositi; quod enim accipitur ut per se & secundum se totum bonum, ejus oppositam non potest videri per se bonum. Objectum igitur, quod naturalis

inclinatio ex parte minoris se tenens, facit statim apprehendi ut bonum, judicatur magis bonum; & consequenter voluntas amans bonum fortius se ad illud amandum applicabit. En quomodo necessitas naturalis inclinationis non repugnat libertati, sed e contrariò adaugeat illam. Hæc videre poterat *Defensor* in TRIUMPHO Opusc. de *Libertate* toto capite septimo: ubi §. 3. adducitur testimonium Angelicum ex lib. 3. contrà Gentes cap. 138. quod prætermittere hic non possum, quia ex eo doctrinam traditam desumpsimus, & totaliter dejicitur *Defensoris* præsumptio, quâ in cœlum Angelicum ausus est os suum ponere: sic loquitur Magister orbis:

Est enim duplex necessitas: quædam coercionis, & hæc laudem virtuosorum actuum dimminuit: quia voluntario contrariatur: coactum enim est, quod est voluntati contrarium. Est autem quædam NECESSITAS EX INTERIORI INCLINATIONE PROCEDENS; ET HÆC LAUDEM VIRTUOSI ACTUS NON MINUIT, SED AUGET. Facit enim voluntatem magis intense tendere, in actum virtutis: patet enim quod habitus virtutis, quando fuerit perfectior, tanto vehementius facit voluntatem tendere in bonum virtutis, & minus ab eo deficere; quod si ad finem perfectionis devenerit, quædam necessitatem insert ad bene agendum, sicut est in Beatis, qui peccare non possunt, ut infra patebit: nec tamen propter hoc libertati voluntatis aliquid deperit, aut actus bonitatis. Vide TRIUMPHUM loco citato n. 55. & Opusc. 2. de Naturâ purâ n. 89.

CCCXXJ. Manifestum est ex dictis tutissimum & inconcussum esse Angelici Solis dogma de conjunctione libertatis cum necessitate naturalis inclinationis. Cum enim actus sit medius inter principium agens & objectum, utpotè exiens à principio & tendens in objectum: ex habitudine ad principium agens sortitur libertatem agentis seu exercitii eò ipsò quod egrediatur à principio indeterminato ad agendum & applicante sc. vi amoris præcedentis: ex habitudine ad objectum in quod necessitate naturalis inclinationis tendit, sortitur necessitatem objecti seu specificationis. Nam determinatio ad unum objectum non tollit indifferentiam agentis: quæ non potest sine potestate peccandi consistere in potentia cessandi ab actu vel eum suspendendi, sed sufficit ipsa ad agendum indeterminatio: ut patet in sagittatore indefectibili de quo supra n. 28r. Patet etiam in actu, quem hic & nunc faciendum dicitur ratio, qui tantum uno modo contingit fieri: si voluntas possit cessare à tali actu, aut suspendere poterit peccare; si non possit, libera non erit secundum *Defensorem*, qui non potest recurrere ad sensum divisum, quia ipse sustinet ad libertatem essentialiter requiri, ut cum omnibus antecedentibus actum possit componi non actus: ac proinde cum ratio dictans actum antecedit eum, oportet ut cessatio ab actu vel suspensio possit componi cum dictamine rationis de actu hic & nunc faciendo.

Tangit hoc argumentum D. THOMAS à TRIUMPHO relatus Opusc. citato

n. 62. *Peccare est facile* (inquit 2. Ethic. lec. 7.) *quia multipliciter hoc contingit*: SED RECTE AGERE EST DIFFICILE, QUIA NON CONTINGIT NISI UNO MODO. *Est poritur exemplum, quia facile est recedere à contactu signi, id est, puncti, sive in centro circuli, sive in quacunque alia superficie determinatà signati, quia hoc contingit infinitis modis. Sed tangere signum est difficile; quia contingit uno solo modo. Manifestum est autem quod superabundantia & defectus multipliciter contingunt; sed MEDIETAS UNO MODO.*

CCCXXIJ. Nec ab isto se expedire valent argumento, qui ad essentiam libertatis exigunt voluntatem non agendi ut unum de duobus exercitiis. Quia voluntas non faciendi actum, quem hic & nunc præseribit ratio, est peccatum; si potestas ad talem voluntatem requiratur ut liberè fiat actus, quem hic & nunc ratio dicitur, potestas peccandi exigetur ad libertatem. Si dixerint, voluntas non faciendi actum in sensu composito dictaminis est peccatum, non verò in sensu diviso. Impeccabilis solum potest habere voluntatem non faciendi actum in sensu diviso. *Sed contrà.* Voluntas non solum est libera ad loquendum v. g. sed etiam est libera ad loquendum dum ratio dicitur esse loquendum: sive ad loquendum in sensu composito dictaminis. Ad contradictionem requiritur ut negetur totum quod affirmatur. Si dicam *loqui dum alter loquitur, & non loqui*, non foris contradictoria; non enim nego totum quod affirmatur, sed debeo dicere *loqui dum alter loquitur, & non loqui dum alter loquitur*. Affirmatur sensus compositus, negatur sensus compositus. Ita contradictorium locutionis dum ratio hoc dicitur, non est *non loqui*, sed est *non loqui dum ratio hoc dicitur*. Si exercitium libertatis sit non solum locutio, sed sit etiam locutio dum ratio hoc dicitur, oportet ut contradictorium illius exercitii sit non solum *non loqui*, sed sit etiam *non loqui dum ratio hoc dicitur*; ut sicut actus virtuosus affirmat locutionem in sensu composito dictaminis, ita negatio actus virtuosi neget locutionem in sensu composito dictaminis. Non loqui dum ratio hoc dicitur, manifestum est peccatum.

CCCXXIII. Vis hujus impugnationis consistit in hoc, quod si posse *carere actu* sit de essentia libertatis, oportet, ut sub illà ratione quā actus est liber, sub eadem prorsus ratione possit quis carere actu. Unde si actus est liber non tantum quā actus est, sed etiam quā componitur cum rationis dictamine, necesse est ut non solum possit quis carere actu quā actus est, sed possit etiam carere actu sub illà ratione, quā componitur cum dictamine rationis. Hinc mirum non est ita torqueri Juniorum ingenia, ut impeccabilitatem salvent cum liberā impletionē præcepti. Quæ tamen conciliatio difficilis non est, nec ut difficilem unquam proposuit Sol Angelicus, si vera libertatis agentis, seu exercitii percipiatur notio. Debet enim separari à libertate objecti, seu specificationis, & consequenter à potestate peccandi. Ad hanc sic separatam, exigitur potentia non agendi, non per carentiam actus, ut possit *non agere* sit possit *carere actu*; sed per indeterminationem ad actum,

actum, ut posse *non agere* sit voluntatem in actu primo esse indeterminatam ad agendum, & posse *agere* sit eam habere potentiam se applicandi ad agendum. Sic liberè implet præceptum dum in actu primo existens indeterminata ad illius impletionem, ipsa in actu secundo determinat se applicativè ad illud implendum.

Non confundit TRIUMPHUS voluntarium cum libero.

CCCXXIV. **H**Æ est libertas exercitii separata à potestate peccandi, quam THOMISTARUM defendit TRIUMPHUS; non confundens voluntarium cum libero, ut ei imponit *Defensor gratiæ versatilis* n. 657. Sed cum Angelico suo Præceptore distinguens voluntarium quod est à voluntate *ut est natura*, à voluntario quod est à voluntate *ut est voluntas*, de quâ ait D. THOMAS q. 22. de veritate. a. 5. ad ult. *Hoc enim est proprium voluntati inquantum est voluntas, quod sit dominâ suorum actuum.* Voluntarium procedens à voluntate ut est natura, dicitur quod sequitur cognitionem ex instinctu naturæ non ex collatione rationis. Voluntarium procedens à voluntate ut est voluntas, quod sequitur cognitionem non ex instinctu naturæ, sed ex collatione rationis conferente actum & singulare objectum cum formâ universaliter intellectâ, priusque amatâ. Si conferat actum sine indifferentiâ singularis objecti, sequetur voluntarium liberum *libertate exercitii tantum*; si conferat actum cum indifferentiâ singularis objecti, quod sub diversis rationibus apprehenditur; sequetur voluntarium liberum *libertate exercitii & specificationis simul*: quale voluntarium exigit libertas potestati peccandi conjuncta. Unde insigniter nobis imponit *Defensor* n. 642. asserens, quod evertat TRIUMPHUS libertatem contrarietatis, eamque neget in naturâ lapsâ.

CCCXXV. Probat n. 658. TRIUMPHUM confundere voluntarium cum libero, quia admittit voluntarium necessitati conjunctum, esse liberum. Quod ipse negare non potest sine confusione *libertatis exercitii cum libertate specificationis*. Nihil aliud asseruit TRIUMPHUS, quàm voluntarium necessitati objecti seu specificationis conjunctum esse liberum *libertate agentis seu exercitii*, sub illâ ratione quâ egreditur à voluntate, si ex amore formæ universaliter intellectæ egrediatur à voluntate. Discrevit cum Præceptore suo Angelico quid haberet actus ex objecto in quod terminatur; & quid haberet ex principio à quo egreditur. In lumine Angelico vidit necessitatem, quam habet actus ex objecto in quod terminatur, nullatenus excludere libertatem quæ competit ei ex principio à quo egreditur. Sive actus tendat in unicum objectum, sive in plura; dummodò actus tendens in unicum objectum egrediatur à principio indeterminato & determinante se ad agendum; semper erit liber *libertate agentis, seu exercitii*.

Nec hujus alia ratio requirenda est, ut ait Doctor Subtilis relatus suprâ n. 273. quàm necesse esse, quòd actus sit liber qui à causâ liberâ oritur, & quòd ea causa sit libera quæ cum indeterminatione applicat se ad agendum.

CCCXXVI. Denique n. 661. assumit ad probandum confusionem liberi cum voluntario à TRIUMPHO factam, quòd affirmet negationem actus. esse in potestate agentis eò ipsò quòd agendo possit impedire, seu destruere negationem ejus: quam doctrinam n. 645. sublannat: *Sane ridicula ac prorsus inanis est hæc responsio: quid enim est negationem actus agendo impediri, seu ut alibi loquitur, destrui, quàm actum fieri? ipsa enim positione actus impeditur, seu destruitur negatio ejus. Ergo negationem actus cadere negativè sub potestate agentis, nihil aliud est quàm esse in eo potentiam agendi: siue posse illum non agere negativè, nihil aliud est, quàm posse illum agere. Ergo idèd habet potentiam non agendi, quia habet potentiam agendi.*

Si Defensor non truncasset textum TRIUMPHI, didicisset quid sit negationem actus agendo impediri; nec suis superfluis & vanis consequentis LECTOREM illuderet. Post relatum n. 644. TRIUMPHI distinctionem, quâ ait: *quòd negatio actus dupliciter cadit sub potestate agentis: primò positivè dum negatio actus fieri potest à voluntate: secundo negativè, dum solum potest impediri:* procedit Defensor ad sublannandum istam distinctionem verbis nuper relatis, omittens quæ sequuntur, & suum argumentum planè evacuabant: & idèd illa eadem pro solutione reponimus.

„ Ad primum (ut scilicet negatio actus sit positivè in potestate agentis) requiritur actus, vel saltem debitum illius, cum enim unumquodque fiat ex suo contrario, si actus qui negatur non adsit, formaliter in se, vel virtualiter in debito, negatio poterit quidem esse volita, sed non voluntaria, quia defectu termini à quo, non poterit fieri à voluntate, quod sonat nomen voluntarii.

„ Ut autem negatio actus possit impediri, siue destrui, non requiritur actus, nec debitum ad talem actum, sed sufficit voluntatem non esse determinatam ad talem actum, cum potestate tamen se determinandi: (*per applicationem ad eum*) nihil enim potest impediri, siue destrui, nisi prius sit, debet ergò negatio actus existere priusquam possit destrui; existit autem in indeterminatione voluntatis: quod enim de se est indeterminatum ad agendum, quantum est de se caret actu.

„ Præterea ut possit aliquid destrui, non sufficit quod existat, sed debet dari potestas agentis ordinata ad illius destructionem; similiter ut negatio actus possit destrui, non sufficit, quòd existat in indeterminatione agentis, sed debet in agente dari potestas ordinata ad destruendum negationem actus, quæ potestas non est alia quàm potestas applicandi ad actum: qui enim potest applicare ad actum, ille verè potest destruere negationem actus, siue quòd idem est, eam impedire. Ex quo apparet, quòd ipsa potestas se appli-

„candi ad actum, est etiam potestas *non agendi negativè*, sive potestas impediendi negationem actus. Ad dominium sui actus sufficit, quòd negatio actus possit impediri per determinationem propriam ad actum.

„Dixi *per determinationem propriam ad actum*, ut tacita objectio solveretur: dicet forte aliquis, ignis calefaciendo destruit negationem calefactionis: ergò habet negationem calefactionis in suâ potestate: ad quod. Respondetur, quòd ignis non determinando se ad calefaciendum, destruit negationem calefactionis, & idèò nec calefactionem, nec ejus negationem habet in suâ potestate; verùm qui quando vult applicat ignem ad calefaciendum, eò ipso habet, & *calefacere* & non calefacere in suâ potestate; similiter illi actus quos voluntas non facit se *velle*, sicut sunt actus indeliberati, & ipse amor boni, non sunt in potestate voluntatis; sed solùm illi, quos facit se *velle*, sicut sunt omnes actus qui ex amore boni concluduntur: hos enim omnes potest voluntas *velle*, & *non velle*; inquantùm hoc ipsum, quod est *non velle*, potest determinando se ad agendum impedire.

„Quæ solutio delumitur ex Angelico Præceptore i. 2. q. 6. a. 3. his verbis: *Quia igitur voluntas volendo & agendo potest impedire hoc, quòd est non velle, & non agere, & aliquando debet: hoc quòd est non velle & non agere, imputatur ei quasi ab ipsa existens.* Hæc TRIUMPHUS Opusc. 3. de Libertate c. 7. §. 2.

CCCXXVII. Quibus manifestè colligere poterat *Defensor*, inanes esse & vanas suas consequentias, quibus infert, TRIUMPHUM docere, quòd idèò habet potentiam non agendi, quia habet potentiam agendi. Duo requiruntur ad potentiam non agendi, *indeterminatio ad actum*, & *potentia se applicandi ad actum*. Sciunt Solis Angelici discipuli quod non sit idem *agere*, & *applicare se ad agendum*: nec ergò idem sunt potentia agendi, & potentia se applicandi ad agendum. Unde posse *non agere, negativè*, seu posse impedire negationem actus, non est *posse agere*; sed est esse indeterminatum ad agendum cum potentia se applicandi ad agendum: & *posse agere* requisitum ad libertatem se moventis, non est posse elicere actionem, sed est potentia applicandi se ad agendum cum indeterminatione ad agendum. Et hoc significat *potestas agendi*, nomen enim *potestatis* significat potentiam agendi cum quadam præminencia ut ex D. THOMA notavit TRIUMPHUS ibid. n. 4.

Dum ergò quærit *Defensor* n. 647. *Quid petitur dum quæritur, an agens liberum debeat posse non agere?* Respondendum est, quod si fiat quæstio de potestate non agendi separata à potestate volendi hoc vel illud, & à potestate peccandi, quæritur an agens liberum sit indeterminatum ad agendum cum potentia se applicandi ad actum. Si verò fiat quæstio de potestate non agendi conjuncta potestati peccandi & potestati volendi hoc vel illud, tunc quæritur an agens liberum possit velle non agere; vel ab actu cessare. Nulla igitur adest ibi nugatio nec ullus error, sed subtiliter & profundè cum Sole Angelico separatur libertas exercitii à libertate specificationis, & potestate peccandi. Qui ad istam exercitii

libertatem plus exigit, quàm esse indeterminatum ad agendum cū potentiā se applicandi seu movendi seipsum ad actum, caligine se involvit, non valens dijudicare, quid habeat actus ex objecto in quod tendit; & quid habeat ex principio à quo egreditur.

§. IX. De libertate amoris beatifici.

CCCXXVIII. **L**ibertatem amoris beatifici integro Opusculo statuit TRIUMPHUS THOMISTARUM. Duplici argumento eam probavit. Primò à posteriori, secundò à priori. Argumentum à posteriori est hujusmodi. Si amor beatificus non esset liber, ideò esset, quia ad libertatem actus exigeretur aliqua apprehensio mali in objecto, vel in ipso actus exercitio: sed ista ratio nulla est: ergò, &c. Minorem probavit tribus primis capitibus ostendens conditionem istam exigi ad libertatem specificationis, id est, ad potestatem volendi hoc vel illud, & ad libertatem potestati peccandi conjunctam: ut etiam suprà ostendimus.

Aliam minoris probationem, aut potius confirmationem accepi nuper ab Eximio R. Patre HECKIO hujus Almæ Universitatis S. Theologiæ Doctore, Ordinis S. AUGUSTINI, qui modò Sacrarum Scripturarum Professor est Romæ in Sapiencia, Germaniæ Assistens Generalis. Plurimum Eximio huic Doctóri debeo, & ideò honoris causâ eum nomino. Dignatus est inter alia & hoc argumentum rescribere: *Cum grandi merito petimus liberari ab omni malo: ergò si id quod petimus ex Dei gratia obtineamus, & ita ab omni malo protegamur, ex Dei gratiâ, ut ne quidem menti nostra occurrat, non potest tantum donum officere libertati ad merendum requisitâ, quod enim ex merito petimus, ad majus & consummatum meritum ex Dei gratiâ obtinemus. Ergò sicuti sub hoc dono datur perfecta sanitas, ita omnino fiat & adimpletur perfectissima ad merendum libertas, & omnino auferatur ad peccandum lubricitas, tolliturque praesentia proxima ad peccandum potestas. Unde si clamavit Sapiens sub veteri lege, in quantum tamen ad Christum pertinet, Beatus vir qui potuit transgredi & non est transgressus: nos sub novâ lege gratia Christi, multo majori jure dicemus, Beatissimum, qui ita, Dei adjutorio protegitur, & in lege ejus meditatur die ac nocte, ut eam nec transgredi possit.*

CCCXXIX. Videbitur Junioribus argumentum efficaciter probare potestatem peccandi non esse de ratione libertatis, non tamen probare potestatem cessandi ab actu aut suspendendi actum non esse de ratione libertatis, vel ut alii dicunt potestatem volendi non agere non esse de essentia libertatis. Verùm si argumenti efficaciam ponderaverimus, utrumque æquè efficaciter probari inveniemus. Vis & efficacia argumenti consistit in hoc quòd gratia, quam petit liberum arbitrium ad agendum, non potest destruere libertatem actus. Gratia perficit, non destruit naturam. Actus liberi arbitrii est liberè agere. Nulla potentia petit destructionem sui actus. Si igitur haberet intellectum, & impeditus postularet adjutorium ad agendum, postularet adjutorium ad calefa-

factionem, quæ est actus conveniens suæ potentæ. Ita potentia liberâ, dum petit adjuvari, in suo actu, petit adjutorium ad liberum exercitium suæ potestatis: alioqui non liberum arbitrium adjuvaretur, sed potentia necessaria. *Quis hoc negare possit*, ait Eximius supradictus Doctor HECKIUS, *nisi qui terminos non capiat? imò quis vel distinguat, nisi qui arguit à distinctione magis, quàm veritate gaudeat?*

Quo supposito subsumo. Atqui liberum arbitrium petit adjutorium ad meditandum die ac nocte in lege Domini, ita ut nunquam possit cessare à tali meditatione, aut unquam velle non meditari. Similiter petit adjutorium, quo ita amet Deum ut nunquam possit à tali amore recedere, nec unquam velle non amare Deum, aut actum illum suspendere. Ergò dum obtinebit tale adjutorium quo ita meditetur in lege Domini, ut non possit cessare à meditatione, aut velle non meditari, & similiter dum obtinebit adjutorium, quo ita amet Deum, ut nunquam possit cessare ab amore Dei, aut unquam velle non amare Deum, non desinet propterea liberè meditari, & liberè amare Deum. Jugis in lege Domini meditatio, sicut & amor Dei sanitas est animæ & liberi arbitrii. Qui attentè hanc rationem consideraverit, intelliget profunditatem verborum Christi Domini dicentis: *si vos Filii liberaverit, tunc verè liberi eritis*. Et eorum quæ dixit S. AUGUSTINUS, *voluntas humana tantò est liberior, quantò sanior; tantò autem sanior, quantò divina gratiæ misericordiæque subiectior*. Tunc liberum arbitrium perfectissimè gratiæ subijcitur, quando ita amat Deum, ut nunquam possit ab amore cessare. Si perfectior ad gratiam subiectio, perfectiorem facit libertatem, major erit libertas amantis Deum sine potestate cessandi ab amore, quàm sit libertas amantis Deum cum potestate cessandi. JUDICA CORDATE LECTOR, annon efficacissima sit Eximii Doctoris Heckii ratio?

CCCXXX. Argumentum à priori probans libertatem amoris beatifici uni-
co construitur syllogismo. *Omnis actus qui concluditur syllogismo practico est liber: sed amor beatificus concluditur syllogismo practico: ergò amor beatificus est liber*. Majorem probat. TRIUMPHUS THOMISTARUM cap. 4. explicatione naturæ syllogismi practici; cap. 5. testimoniis Angelici Solis; 6. testimoniis Augustinianis. Minorem probat caput 7. & 9. In decimo solvuntur argumenta in contrarium.

Silet ista *Defensor gratiæ versatilis*; & solummodò obmurmurat contrà confusionem liberici cum voluntario, quam n. 649. dicit inde sequi. Et contrà necessitatem naturalis inclinationis, quam n. 651. vult, adversantibus gemini Ecclesiæ Solis dogmatibus, officere libertati. Verùm utrique obmurmurationi satisfacimus suprâ. Denique explodit & risu dignum asserit n. 652. perpetuò hunc syllogismum fieri à beatis: quasi verò ratiocinio opus est ut beatus sese provocet ad amorem summi boni intuitivè cogniti. Non me explodit, sed D. THOMAM I. p. q. 2. a. 8. dicentem: *Natura ad beatitudinem comparatur, sicut primum ad secundum, quia beatitudo natura additur, semper autem salvatur primum in secundo. Unde oportet quòd natura salvetur in beatitudine, & similiter oportet, quòd in actu beatitudinis*

salvetur actus naturæ. Est autem doctrina Angelica q. 22. de veritate a. 5. *quod sicut est ordo naturæ ad voluntatem, ita se habet ordo eorum quæ naturaliter vult voluntas ad ea respectu quorum à seipsa determinatur, non ex naturâ.* Et ideo sicut natura est voluntatis fundamentum, ita appetibile quod naturaliter appetitur, est aliorum appetibilium principium & fundamentum. Vide TRIUMPHUM cap. 10. in amicâ Refutatione quartæ conclusionis, ubi insigne adducit testimonium D. THOMÆ ex: 1. p. q. 82. a. 2. comparantis amorem beatificum conclusioni necessariæ.

Hallucinatur *Defensor* non discernendo inter iudicium discussionis seu examinationis, & iudicium approbationis. Non enim beatus discutit & examinat bonitatem divinam; sed amans ipsam rationem boni universaliter intellectam, & lumine gloriæ videns ipsum Deum esse fontem omnis bonitatis & ipsam per essentiam bonitatem, determinat se ad illius amorem, respectu cuius ex vi formæ universaliter intellectæ erat indeterminatus. Ad modum quo artifex se determinat ad quamlibet actionem artificialem ex voluntate faciendi artificiatum, ipse non discutit nec examinat quid in quâlibet actione sit faciendum, sed ars illi omnia determinat: & ipse ex voluntate faciendi artificiatum statim concludit esse faciendum.

OBJICIET CORDATUS. Amor beatificus est participatio amoris divini: sed amor divinus procedit à voluntate divinâ ut natura est; ergo & amor beatificus.

RESPONDETUR distinguendo maiorem. Amor beatificus est participatio amoris divini secundum æqualitatem negatur. Secundum capacitatem voluntatis creatæ, conceditur. *Explicatur solutio.* Amor divinus specificat & constituit naturam voluntatis divinæ, & ideo primum est quod à voluntate divinâ procedit: voluntas enim ut natura fertur in suum specificativum. Oportet igitur ut amor divinus tendens in bonitatem divinam, à quâ specificatur voluntas divina, procedat ab eâ per modum naturæ. Bonitas divina non specificat voluntatem creatam, sed ipsa ratio boni est objectum specificans voluntatem creatam. Et ideo voluntas creata per modum naturæ tendit in ipsam rationem boni, non verò in bonitatem divinam. Angelus cognoscendo suam essentiam cognoscit rationem boni, & amando suam essentiam fertur in ipsam rationem boni: ex quâ virtualiter concludit, quodcumque singulare bonum esse amandum, imò & ipsum omnis boni fontem.

INSTABIS. Charitas specificatur à bonitate divinâ: ergo amor charitatis tendet in bonitatem divinam per modum naturæ. Atqui amor beatificus est amor charitatis; ergo amor beatificus tendit in bonitatem divinam per modum naturæ.

RESPONDETUR, distinguendo ant. Charitas specificatur à bonitate divinâ ita ut sit primum quod reperitur in voluntate beati negatur. Ita ut præsupponat voluntatem beati, à quâ applicatur ad suum actum, conceditur. Deinde distinguitur consequens. Ergo amor charitatis ut elicitur à charitate tendit in

bonitatem divinam per modum naturæ, conceditur. Ut elicitur à charitate ex amore boni à voluntate applicatâ, negatur.

EXPLICATUR SOLUTIO. Charitas est habitus supernaturalis perficiens, non destruens naturam. Natura voluntatis est ut seipsam & omnes suos habitus moveat & applicet ex amore præcedente, à quo actus sortiuntur libertatem agentis, seu exercitii; si præveniente non impediatur concupiscentiâ. Charitas elicit suum actum per modum naturæ, sed ut subordinatur voluntati ut applicanti, elicit actum qui egreditur à voluntate ut voluntas est, utpote ex præcedenti amore deductus. Charitas beati facit quòd actus ab eâ elicitus tendat in bonitatem divinam, ita ut in aliud tendere non possit. Sed præcedens voluntatis amor facit, quòd actus tendens in bonitatem divinam egrediatur à charitate.

In homine sano & beatis præcedens amor, est amor boni, qui ut supra dictum est n. 139. si applicativè consideretur, nec est naturalis, nec supernaturalis, sed juxta diversas minores, & diversos habitus minorem syllogismi practici informantes, applicat ad amorem vel naturalem, vel supernaturalem. In homine infirmo est amor boni, sive justitiæ hic & nunc occurrentis, ex quo voluntas potest applicare charitatem ad suum actum. Quæ diversitas oritur ex diverso statu charitatis. Nam in homine sano & beatis charitas oritur à gratiâ subjiciente perfectissimè vires inferiores superioribus; Quare cum nulla circa bonum singulare præveniat concupiscentia, ipse amor boni est sufficiens ad volendum quodcumque singulare bonum hic & nunc occurrens. In homine infirmo gratia non subjicit perfectè vires inferiores superioribus; quare præveniente concupiscentiâ amor boni non est amplius sufficiens, sed Deus speciali gratiâ prædeterminat, & inspirat fortiorem amorem justitiæ hic & nunc occurrentis; ex quo voluntas applicat se ad amandum Deum, ut fontem omnis justitiæ. Vide cap. 3: §. 1. & 2.

§. Ulrimus. *Nullam de tribus primis ab Innoc. X. damnatis propositionibus admittit TRIUMPHUS THOMISTARUM.*

CCCXXXJ. **T** Errere me putat *Defensor gratiæ versatilis* de consensu cum JANSENIO. Timeat, qui aliud quàm veritatem amat. Novit quid dixerim ipsi in publicis disputationibus. Confessus est, & non negavit; non omnia quæ habet JANSENIUS esse damnata. Quinque propositiones sunt ab Innoc. X. damnatæ. Vel verum est, quod dicit me sumpsisse ex JANSENIO, vel falsum & damnatum est: si verum, accepi à SPIRITU SANCTO, ut in *collationibus Alphabeticis* cap. 6. dicetur. Si falsum & damnatum, testimonium perhibeat de falso & damnato, & erit mihi magnus Apollo. Legatur Opusculum 2. *De Naturâ purâ* & clarè videbitur; quomodo verbum veritatis sequi fuerim conatus.

Hierem. 5. dicentis, *si separaveris pretiosum à vili quasi os meum eris.*

Agnosceatur etiam, me nullum habere præceptorem & informatorem præter Solem Angelicum; cujus amore ita ardeo, ut si in quinque Opusculis meis veritatem assecutus fuerim, non studii & laboris mei, sed amoris illius mercedem esse recognoscam, in centuplum pro illis quæ dimisi datam in hac vitâ, cum spe æternæ gloriæ ab eo, à quo omne datum optimum, & omne donum perfectum, desursum est, descendens à Patre luminum, apud quem non est transmutatio, nec vicissitudinis obumbratio, nec ulla gratiæ versatilis origo. Sciat Defensor Doctoribus triplicis Facultatis PARISIENSIS, LOVANIENSIS, & DUACENSIS, nec non omnibus DUODEVIGINTI ex triplici illâ Facultate APPROBATORIBUS Opusculi de *Scientiâ Mediâ ad examen revocati*, summam inferre injuriam, dum aliquid in sensu ab Ecclesiâ damnato contendit ab eis approbatum.

Prima propositio ab Innocentio X. damnata.

CCCXXXII. **A** *Liqua Dei præcepta hominibus justis volentibus & conantibus, secundum præsentem quas habent vires, sunt impossibilia; deest quoque illis gratia, quâ possibilia fiunt.*

Damnavi in TRIUMPHO THOMISTARUM hanc propositionem, & adhuc eam damno in omni sensu ab Ecclesiâ damnato.

Assumit Defensor quæ non intelligit. *Recens est*, nondum fortè illas materias docuit, aut si docuerit, *Molinismo* præoccupatur. Distinctio data suprâ n. 140. & 141. fugat omnes Defensoris illusiones. Duplíciter impletio præcepti est possibilis: vel per seipsum, vel per alium. Quis possit per seipsum implere præceptum sine indigentia alienæ potestatis, debet habere vires sufficientes actu DATAS. Ut autem possit per alium implere præceptum cum indigentia alienæ potestatis, non debet habere vires DATAS sufficientes, sed DANDAS; quia si DATÆ sunt, altero non indigebit; siquidem indigentia est respectu ejus quod non habetur.

Quare duplex gratia distinguenda est faciens præcepta possibilia; una DATA, quâ præcepta sunt possibilia impleri per seipsum; alia DANDA, quâ præcepta sunt possibilia impleri per alium, scilicet Deum. Utraque ista gratia distinguitur lucidissime in propositione damnatâ. Nam præsentem vires in hominibus justis volentibus & conantibus, sunt vires gratiæ DATÆ, quæ distinguuntur à gratiâ quâ sunt possibilia, quæ est gratia DANDA. Et ideo dicitur signanter quâ fiunt, non quâ sunt ut significaretur, quod ex gratiâ DATA sunt possibilia, at ex gratiâ DANDA FIUNT possibilia. Hæc non dicimus ut propositionem damnatam explicemus; quæcumque enim sensum perhibebit Defensor damnatum anathematizamus, sed ex ipsâ propositione, distinctionem datam elucidamus.

Præcepta absolute & simpliciter sunt impossibilia, quando nec per seipsum, nec per alium possunt impleri, sive quod idem est, quando nec ex gratiâ DATA,

DATA, nec ex gratia DANDA possunt impleri. Si verò secundum gratiam DATAM sunt impossibilia; non tamen desit gratia DANDA, ex quâ fiant possibilia; præcepta erunt absolute & simpliciter possibilia. Quia ut supra n. 310. ex TRIUMPHO innuimus, ad hoc quod possibilis sit aliqua actio fieri ab aliquo, sufficit quod uno modo, de duobus quibus factibilis est, possit illam actionem facere.

Tene CORDATE LECTOR doctrinam istam, & omnes *Defensoris* illusiones fugabis, quibus incautis & imperitis persuadere nititur, nos tenere sentium primæ propositionis damnatū. Nam dum n. 679. infert *enim qui non habet gratiam victricem, quâ actu tentationem superet, non habere auxilium sufficiens ad illam superandam*, distinguendum est: & concedendum, quod non habeat auxilium sufficiens ex gratia DATA; & negandum, quod non habeat auxilium sufficiens ex gratia DANDA. Auxilium sufficiens dicitur, quo quis potest absolute & simpliciter implere præceptum. Cum ergo posse absolute & simpliciter impleri præceptum contingat dupliciter, ex DATIS, & ex DANDIS, id est, *per se* & *per alium* oportet ut duplex sit auxilium sufficiens, unum quod ex gratia DATA, sive *per seipsum* sit sufficiens; aliud quod ex gratia DANDA, sive *per alium* sit sufficiens.

Eadem distinctione fugatur illusio n. 681. quâ infert, *ergo sine tali auxilio non potest implere*, distinguitur, non potest ex gratia DATA implere, conceditur, non potest ex gratia DANDA implere, negatur. Idem est ac si diceretur, non potest *per seipsum* implere sine indigentia alienæ potestatis; bene tamen potest *per alium* cum indigentia alienæ potestatis: sicut qui potest facere eleemosinam ex pecuniâ sibi DANDA, potest absolute facere illam, etsi non habeat DATAM, dummodo per ipsum stet, quod quæ DANDA est non transeat in DATAM, sive quod idem est, dummodo non impediatur alterius auxilium ex quo posset per potentiam sibi datam. Sic distingue in aliis numeris 682. 683. 684. 685. 691. & infirmissimam reperies objectionem Molinistarum petitam ab impossibilitate præceptorum.

Inanis Defensoris conatus.

CCCXXXIII. **C**onatus est validissimam istam destruere distinctionem: sed conatu prorsus inani; sed conatu apertam fugientis veritatem; sed conatu Angelicam truncantis auctoritatem. De his tribus iudica CORDATE LECTOR. Inanis est illius conatus, dum n. 688. objicit postrema verba damnatæ propositionis, *desse quoque illis gratia, quâ fiant possibilia*, quibus gratiam actu datam exprimi dicit. *Quid enim est*, verba ejus sunt, *non desse illis gratiam, quâ possunt implere præcepta nisi illos hanc gratiam habere* hæc enim synonyma sunt, *non desse illis gratiam, & illos gratiam habere*. Potestne verè affirmari illos habere gratiam que tantum offertur, & nunquam habetur? judicet lector sapiens & cordatus. Inanis est verborum istorum conatus, cum jam dixerimus, ipsam propositionem distinguere inter præsentis vires gratiæ, quâ præcepta sunt possibilia, & gratiam quâ

PRIMA possibilis. Prima est actu DATA, secunda est DANDA si non ponatur ei impedimentum. Prima facit præceptum possibile per seipsum, secunda facit illud possibile per alium. Iustissime damnatur, qui asserit præcepta non posse impleri per seipsum, & deesse quoque gratiam, quæ possint impleri per alterius auxilium. Ut possimus per alterius auxilium, sufficit quod alter ita paratus sit dare auxilium, ut de facto daret, si non impediremus. Sic habetur amici auxilium, & qui non habet amicum taliter paratum, ipsi deesse amici auxilium proculdubio iudicabit Lector sapiens & Cordatus. Certe *Defensoris* illuminationem. *Potesne* verè affirmari, ait, illos habere gratiam quæ tantum offertur, & nunquam dabitur? Cur sic non proposuit? *Potesne* verè affirmari illos habere gratiam quæ ita offertur, ut ei daretur si non poneret gratiæ impedimentum. Discute differentiam istarum questionum, & convinceris *Defensorem* non agi sincero veritatis amore, sed inanimis eam involvere sermonibus.

Apertam fugit veritatem.

CCCXXXIV. **Q**uid veritatem amaret, qui apertè eam fugit. Testimonium S. AUGUSTINI adduxit TRIUMPHUS loco quem ipse citat n. 693. in quo veritatem GRATIÆ PARATÆ seu DANDÆ lucidissimè intueri poterat: Est enim tale: *Semper paratus est (Deus) dare suam lucem nobis, sed intelligibilem, & spiritualem, sed nos non semper parati sumus accipere; cum inclinamur in alia, & rerum corporalium cupiditate tenebramur*, lib. 2. de serm. Dom. in monte cap. 3. Vidit hoc testimonium, sed avertit mentis suæ oculos, ne lucem illius videret, dum n. 692. *Quid sit non ponere impedimentum?* inquit. In isto testimonio apertissimè exprimitur, quod amore & cupiditate rerum corporalium ponamus impedimentum. Non ponere igitur impedimentum est non amare res corporales. Dicit S. AUGUSTINUS, Deus paratus est dare nobis suam lucem, & daret eam si res corporales non amaremus. Dixit TRIUMPHUS, *sufficiens posse actu daretur, si homo non poneret impedimentum se ad malum applicando*. Hoc asserit *Defensor gratiæ* versatilis inane esse & nugatorium; ergo & illud S. AUGUSTINI.

Verum iudicet sapiens & Cordatus Lector, annon sit inane & nugatorium quod ipse fingit, dum ibid. ait. *Quid enim est non ponere huiusmodi impedimentum, nisi non peccare? quid autem est non peccare in præceptis negativis, nisi implere præceptum?* Ergo dormiens qui non peccat non ponit impedimentum, secundum *Defensorem*; ergo & secundum eum dormiens qui non peccat implet præcepta negativa. Nunquid primum inane est, & secundum nugatorium? sicut amore rerum corporalium ponitur impedimentum, ita amore iustitiæ vel Dei non ponitur impedimentum. Ut clarè hoc intelligas, concipe voluntatem inter duos amores positam, videlicet amorem iustitiæ hic & nunc occurrentis, & amorem rei corporalis ad quem allicit & abstrahit præveniens concupiscentia. Sicut nigrum impedit album in subiecto in quo est: ita amor rei corporalis impedit amorem

justitiæ: & consequenter gratiam essentialiter inferentem talem amorem. Similiter amor justitiæ impedit amorem delectabilis; & consequenter vincit concupiscentiam, quæ ad istum amorem alliciebat & abstrahabat. Voluntas sic constituta, si amat justitiam hic & nunc currentem, non amat rem corporalem & vincit concupiscentiam; si amat rem corporalem non amat justitiam, nec recipit gratiam facientem amare justitiam.

CCCXXXV. Duos istos amores, quibus secundum S. AUGUSTINUM duæ civitates ædificantur, diligenter ruminet *Defensor*, & discet, quod non ponere impedimentum est *amando justitiam* non peccare; ponere impedimentum est *amando rem corporalem* peccare. Voluntas hominis infirmi non æqualiter se habet ad utrumque; quia movet seipsam ad unum nempe ad ponendum impedimentum; ad aliud autem nempe ad non ponendum *amando justitiam hic & nunc currentem* non movet seipsam, sed à Deo specialiter movetur, ut cap. 3. ex Sole Angelico, & cap. 5. s. 4. ostendimus. Unde libertas hominis infirmi respectu istorum amorum non est ad duo, ut ita dicam, *movere*; sed ad *unum movere*, & *unum moveri*. Id est, ita se movet ad amandum rem corporalem ut possit moveri ad amorem justitiæ hic & nunc currentis; & ita movetur ad amorem justitiæ hic & nunc occurrētis, ut possit se movere ad amandū rem corporale. Totum hoc poterat videre *Defensor* in TRIUMPHO, nisi apertam fugerēt veritatē.

CCCXXXV. Certum est, quod dum illicior & abstrahor à concupiscentiā ad fornicandum, si Deus inspiraret amorem fortiore justitiæ hic & nunc currentis, voluntas non amaret delectationem fornicationis. Nam idem amor fortior justitiæ, qui datus post fornicationis peccatum facit de illo dolere, fecisset & non fornicari, si Deus illo amore prævenisset voluntatem; & idem amor, si adesset, excluderet amorem delectationis fornicariæ. Vide supra n. 74. Ex quo patet, quod eadem est à parte rei gratia, quæ facit implere præceptum, & facit vitare peccatum contra tale præceptum.

Hallucinatur *Defensor*, dum n. 693. gratiam quæ ad Deum, seu justitiā convertimur distinguit à gratiā necessariā ad vitandum peccatum, quasi verò possemus vitare peccatum sine conversione ad Deum aut justitiā. Sicut peccatum est conversio ad bonum commutabile, cum aversione à bono incommutabili; ita actus virtutis quo vitatur fornicationis peccatum, est quædam conversio ad bonum incommutabile justitiæ hic & nunc currentis, cum aversione à bono commutabili delectationis fornicariæ.

CCCXXXVI. Non enim putandum est cum *Defensore* n. 692. quod non peccare sit satis ad impletionem præcepti negativi sicut oportet ad victoriam & meritum. Sic dormiens, ut dixi, impleteret præceptum. Audiat *Defensor* Præceptorem & informatorem nostrum Solem Angelicum 2. 2. q. 79. a. 1. dicentem: *Declinare à malo secundum quod ponitur pars justitiæ non importat negationem puram, quod est*

non facere malum: hoc enim non meretur palmam, sed vitat poenam: IMPORTAT autem MOTUM VOLUNTATIS REPUDIANTIS MALUM, ut ipsum nomen declinationis ostendit. Et hoc est meritorium, præcipue quando aliquis impugnatur ut malum faciat, & resistit. Repudiatur malum ex amore iustitiæ: ut igitur tentatus impleat præcepta negativa sicut oportet ad victoriam, & meritum, requiritur GRATIA VICTRIX ET PRÆDETERMINANS ad amorem iustitiæ hic & nunc occurrentis, non minus ac in præceptis affirmativis implendis. Quare semper remanet, quod ponere obstaculum sit amare creaturam inordinate, & non ponere sit amare Deum, aut iustitiam. Eadem gratia quæ facit amare Deum fecisset non amare creaturam, si illâ prævenisset Deus voluntatem. Vide supra n. 74.

Hic menti profundè imprimenda est præclara & humilians S. AUGUSTINI sententia relata à TRIUMPHO Opusc. 1. cap. 1. a. 5. §. 3. *Liberum arbitrium ad malum sufficit: ad bonum autem nihil est, nisi adjuvetur ab omnipotente bono*, lib. de correptione & gratia, cap. 11. Quod respectivè intellectum, de auxilio naturalis ordinis in naturalibus, & de auxilio supernaturalis ordinis in supernaturalibus à nullo Catholico negari potest. Hujus testimonii planus est sensus, liberum arbitrium ita esse inter amorem Dei, seu iustitiæ, & amorem creaturæ constitutum, ut si Deus non præveniat ipsum faciendo prius quod amet Deum, ipsum se determinabit ad amandum creaturam. Quia hoc potest ex seipso, primum autem non nisi per alterius auxilium, vel propter subordinationem potestatis causæ secundæ ad primam, ut in naturâ sanâ, vel propter indigentiam potestatis, ut in naturâ infirmâ. Liberum arbitrium vult sibi esse sufficiens, & quantum minimum potest, recurrit ad alium. Experiuntur hoc Religiosi, qui plures actus indifferentes, quos honestè exercere possent, ut *ire ad hortum, ambulare in claustris*, non faciunt, quia ad singulos istos actus specialis petenda est Prælati licentia. Quos tamen si Regula aut constitutiones sine tali licentiâ permetterent, multoties exercerent. Istam continuam à voluntate alterius dependentiam, quàm grave sit, libero arbitrio præsertim infirmo, iugum, norunt omnes qui propriæ voluntatis student abnegationi. Hinc mirum non est, si liberum arbitrium (cùm malum possit ex seipso, & bonum non nisi cum continuâ à voluntate divinâ dependentiâ, ejusque auxilio) semper se determinet ad malum, ubi à Deo omnipotente non prævenitur ad bonum. Qui hoc profundè meditatus fuerit, lucidissimum fiet illi & ignitum Dei eloquium, *Perditio tua ex te Israel, tantummodo in me auxilium tuum*.

CCXXXVII]. Quod Defensor n. 692. ait: *Non potest igitur concessio gratiæ necessaria ad implendum præceptum dependere ab eo quod tentatus non obijciat impedimentum eius receptioni non peccando, sed implendo præceptum: alioquin enim dependeret mediâtè à seipso, proindeque esset mediâtè prior & posterior seipsâ: dependeret enim ab implerione præcepti ad quam esset prærequisita: nihil autem potest dependere ab eo quod prærequiritur, nisi sit mediâtè prius ac posterius seipso*. Quod, inquam, hæc obijciat, ostendit Angelicam cum ig-

norare doctrinam de mutuâ prioritate in diverso genere causæ: nec satis distinguere inter demeritum, & obstaculum.

Ad cuius intelligentiam sciendum est, quod sicut est verum dicere, *gratia ad impletionem præcepti necessaria non datur nisi consentienti*: ita verum est dicere, *gratia ad impletionem præcepti*, sive ad non peccandum, *necessaria, non denegatur nisi moventi se in contrarium*. Quare sicut gratia prædicta dependet ab impletione præcepti in genere causæ materialis dispositivæ, & impletio præcepti dependet à prædictâ gratiâ in genere causæ efficientis: eo modo quo apertio fenestrationis dependet in genere causæ efficientis ab ingressu aëris, & ingressus aëris dependet ab apertione fenestrationis in genere causæ materialis. Ita denegatio gratiæ dependet in genere causæ materialis à motu voluntatis in contrarium, & motus voluntatis in contrarium dependet quasi in genere causæ efficientis à denegatione gratiæ, inquantum Deus non præveniendō suâ gratiâ voluntatem, habet se per modum removentis prohibens. Sic salvatur natura agentis liberi, quæ exigit, ut nihil in ipso fiat, nisi ipso volente; nec aliquid necessarium ei denegetur, nisi ipso nolente formaliter, aut nolente virtualiter, id est, movente se in contrarium. Ut recipiatur simpliciter auxilium gratiæ non indiget consensu, ut autem recipiatur convenienter ad naturam agentis liberi, debet vel præsupponere vel inferre consensum. Similiter ut gratia ad agendum necessaria denegetur simpliciter non indiget nolitione: ut autem denegetur convenienter ad naturam agentis liberi, indiget nolitione, vel quam præsupponit, vel quam per modum removentis prohibens infert. Hæc pro Cordatis dicta sunt: transcendunt enim *Defensoris* intellectum, qui in subtilitatibus Scholæ Angelicæ cum non habet exercitatum. Nam statim intelligeret, quod gratia ut inducens amorem iustitiæ convenienter ad naturam liberi agentis, dependeret in genere causæ materialis à seipsâ, ut excludit amorem contrarium. Idem dependere à seipso sub diversâ ratione non inconvenit.

Nec satis videtur distinguere inter demeritum & obstaculum. Motus voluntatis in contrarium potest esse, & est obstaculum concessioni gratiæ necessariæ, ad non peccandum, non potest tamen demereri illius denegationem: quia sicut principium meriti non cadit sub merito; ita quod est principium demeriti per modum removentis prohibens non cadit sub demerito. Unde sicut consensus non meretur auxilium gratiæ inferens ipsū, disponit tamen ad illud inquantum facit quod recipiatur convenienter ad naturam liberi arbitrii. Ita motus voluntatis in contrarium non demeretur denegationem gratiæ; à quâ quodammodo infertur, disponit tamen ad illam, inquantum facit, quod gratia denegatur, & non recipiatur convenienter ad naturam liberæ voluntatis.

Angelicam truncat auctoritatem.

CCCXXXVIIJ. **V**idimus inanem *Defensoris* conatum; vidimus apertam fugientem veritatem; videamus modò Anglicam truncan-

tem auctoritatem. Præclarissimo, ad imputationem culpæ sufficere gratiam esse paratam, comprobat TRIUMPHUS Angelici Solis testimonio ex lib. 3. contra gentes cap. 159. quod integrum hic reddimus.

Licet aliquis per motum liberi arbitrii divinam gratiam nec promereri; nec acquirere possit, potest tamen seipsum impedire ne eam recipiat: dicitur enim de quibusdam Job. 21. dixerunt Deo recede à nobis, & scientiam viarum tuarum nolumus, & Job. 24. Ipsi fuerunt rebelles lumini: & cum hoc sit in potestate liberi arbitrii impedire divinæ gratiæ receptionem, vel non impedire, non immerito in culpam imputatur ei, qui impedimentum præstat gratiæ receptioni DEUS ENIM IN QUANTUM IN SE EST PARATUS EST OMNIBUS GRATIAM DARE, VULT ENIM OMNES HOMINES SALVOS FIERI ET AD AGNITIONEM VERITATIS VENIRE, ut dicitur ad Timot. 2. sed illi soli gratiâ privantur qui in seipsis gratiæ impedimentum præstant, sicut solis MUNDUM ILLUMINANTE IN CULPAM IMPUTATUR EI QUI OCULOS CLAUDIT, SI EX HOC ALIQUOD MALUM SEQUATUR, LICET VIDERE NON POSSIT, NISI LUMINE SOLIS PRÆVENIATUR.

Præclarissimum hoc testimonium dicit *Defensor* n. 693. non esse ad rem, quia non agit de iustis volentibus & conantibus implere præcepta sed de peccatore peccatis suis ponente impedimentum conversioni suæ, inquantum peccatis suis impedit receptionem gratiæ quâ converteretur. Intuere CORDATE LECTOR parvam *Defensoris* fidem. Non vidi apertio-rem alicujus testimonii truncationem. Omnia illa verba, quæ litteris capitalibus designavimus, omisit ne illico falsitatis convinceretur sua responsio.

Nam primò in illis verbis: *Deus enim in quantum in se est, paratus est omnibus gratiam dare, vult enim omnes homines salvos fieri, & ad agnitionem veritatis venire:* in illis, inquam, verbis apparet quòd D. THOMAS loquitur de gratiâ, quæ ex voluntate salvandi omnes procedit, & quæ est ad agnitionem veritatis necessaria. Quæ est illa gratia, nisi gratia ad agendum bonum & vitandum peccatum necessaria. Sine agnitione veritatis non vitatur peccatum, & sine impletione præcepti non pervenitur ad salutem. Isti gratiæ, quam paratus est omnibus dare ex voluntate salvandi omnes, ponunt homines impedimentum. Ergò gratiæ ad vitandum peccatum necessariæ ponunt homines impedimentum.

Secundò id manifestum est ex sequentibus verbis: *Sicut Sole mundum illuminante, in culpam imputatur ei qui oculos claudit, si ex hoc aliquod malum sequatur, licet videre non possit, nisi lumine Solis præveniatur.* Hæc verba omisit etiam *Defensor*, ne confunderetur. Quis in istâ comparatione non legit D. THOMAM loqui de gratiâ ad rectè agendum, & vitandum peccatum necessariâ? Quasi diceret: sicut qui ex hoc quod claudit oculos in foveam cadit, imputatur ei in culpam, licet sine lumine Solis videre nequit foveam, nec ab eâ recedere: ita qui movet se & applicat ad sequendum concupiscentiam, sicque claudit oculos gratiæ, rectè imputatur ei sequela concupiscentiæ, licet ab illâ recedere non valeat nisi prædictâ gratiâ, cui oculos claudit, misericorditer præveniatur.

*Secunda propositio ab Innocentio X. damnata.*CCCCXXXIX. **I**nteriori gratia in statu nature lapsæ nunquam resistitur.

Damnâvi in TRIUMPHO THOMISTARUM hanc propositionem, & adhuc eam damno in omni sensu ab Ecclesiâ damnato.

Tribus prætendit *Defensor gratiæ versatilis* probare, TRIUMPHUM docuisse ea, quæ omnino consentiunt vero & germano sensui damnatæ propositionis. 1^o. quod gratia cui resistitur, sit secundum TRIUMPHUM insufficientis; hoc prosequitur n. 698. 2^o. quod resistantia sit fictitia, & hoc n. 699. 3^o. quod si qua tunc sit resistantia nō sit voluntatis, sed concupiscentiæ, idq; n. 700. & seq.

Ad primum patet ex dictis in primâ propositione, quod sufficientiam Molinistam excludamus, quæ non est ulteriori auxilio adjuvanda, non verò eam, quæ ulteriori indiget auxilio. Dum ergo quærit utrum tentatus, cui solum datur amor minus fortis iustitiæ hic & nunc occurrentis, habeat auxilium sufficiens ut impleat præceptum; dicimus habere auxilium sufficiens ex **DANDIS** si non impedierit, id est, habere auxilium sufficiens sufficientiâ ulteriori auxilio adjuvandâ, sive sufficientiâ per alium. Potest cum ulteriori auxilio, non potest sine ulteriori auxilio. Doctrinam istam confirmaverat TRIUMPHUS elegantissimo S. AUGUSTINI testimonio: quod non ausus est referre *Defensor*; Ipse num. 697. refert TRIUMPHI doctrinam, & interfertum S. AUGUSTINI testimonium omittit, quo apertissimè AUGUSTINIANA ostenditur TRIUMPHI DOCTRINA.

Quod confusionem timens abstulit *Defensor*, almo veritatis germine **CORDATO** reddimus **LECTORI**. S. AUGUSTINUS loquens de gratiâ ad implendum præceptum necessariâ ait: *Per hanc etiam fit, ut ipsa bona voluntas, quæ jam esse cœpit augeatur; & tam magna fiat, ut possis implere divina mandata, quæ volueris cum valde perfectique volueris. Ad hoc enim valet, quod scriptum est: si volueris conservabis mandata: ut homo qui voluerit & non potuerit, nondum se plene velle cognoscat, & oret ut habeat tantam voluntatem, quanta sufficit ad implenda mandata. Sic quippe adiuvatur, ut faciat quod iubetur lib. de grat. & lib. arb. c. 15.* Quid est voluntas illa bona, quæ cœpit esse & nondum sufficit ad implenda mandata, nisi amor minus fortis iustitiæ hic & nunc occurrentis? Nunquid tali voluntati resistit, qui divina non implet mandata? ergo agnoscit. S. AUGUST. resisti gratiæ præstanti talem voluntatem, & consequenter insufficienti ad impletionem præcepti. Contrâ S. AUGUST. arguit *Defensor*, non contrâ TRIUMPHUM; nec tam hunc, quam fulgentissimum Ecclesiæ Solem damnati sensus constituit reum. Judica **CORDATE LECTOR**.

Ad secundum, quo fictitiâ probat resistantiam ex eo quod secundum TRIUMPHUM Tentatus ille non potuerit ex gratiâ interiori **DATA** alium habere effectum, dicimus, quod gratia **DATA** interior potuit cum ulteriori auxilio alium habere effectum; & quia tentatus ille consentiendo concupiscentiæ impedit **DANDUM** auxilium, convenientissimè dicitur gratiæ interiori **DATÆ** resistere, inquantum impedit ne gratia **DATA** ita augeatur, ut consequatur effectum, ad

quem principaliter ordinatur. Hoc ipsum est, quod disertè asserit S. August. in prædicto testimonio, *ut homo qui voluerit & non potuerit, nondum se plenè velle cognoscat, & oret ut habeat tantam voluntatem, quanta sufficit ad implenda mandata.* Certe CORDATE LECTOR, quàm cautè AUGUSTINIANUM prætermiserit testimonium.

Ad tertium, quo vult resistantiam non esse voluntatis, sed concupiscentiæ, dicimus esse utriusque, & voluntatis, concupiscentiæ consentientis, & concupiscentiæ ad consensum abstrahentis & illicientis. Ridiculum planè est, quòd concupiscentia resistat gratiæ suæ abstractione & illicentiæ, & voluntas eidem gratiæ non resistat suo in concupiscentiæ sequelam consensu. Verùm hallucinatur Defensor dum putat, abstractionem concupiscentiæ fortioris tollere, quin voluntas liberè se determinet ad illius sequelam. Aliud est quòd non præventa fortiori amore iustitiæ, infallibiliter, & ut loquitur S. August. de gratiâ *insuperabiliter & indeclinabiliter*, consentiat concupiscentiæ fortiori, aliud quod necessario & non liberè. Norunt CORDATI necessitatem esse sensus compositi, non divisi, quæ non repugnat libertati.

Tertia propositio ab Innocentio X. damnata.

CCCXL. **A**D merendum & demerendum in statu naturæ lapsæ non requiritur libertas à necessitate, sed sufficit libertas à coactione.


Damnavi in TRIUMPHO THOMISTARUM hanc propositionem, & eam adhuc damno in omni sensu ab Ecclesiâ damnato.

• Ex solis imposturis procedit Defensor ad sensum damnatum huius propositionis TRIUMPHO imponendum. Ea quæ diximus sufficere ad meritum à potestate demerendi separatum, imponit nos docere, quòd sufficiant ad meritum naturæ lapsæ, quòd potestati demerendi conjungitur. Necessitatem specificationis exclusimus à libertate puræ exercitii, & imponit nos conjungere necessitatem agendi cum libertate, nō distinguens necessitatem specificationis à necessitate exercitii, quam excludimus ab essentia libertatis, asserentes posse stare essentiam libertatis sine potestate peccandi, & cōsequenter sine ullâ libertate specificationis respectu eorum quorum opposita non sunt præceptibilia. Hoc extendere ad meritum potestati peccandi seu demerendi conjunctum, mera est impostura.

Quæ de actu primo diximus, ad omnes alios actus extendit: & quæ de libertate voluntatis se movētis asseruimus, extendit ad libertatem voluntatis motæ tantum. Hic rogo Lectorem, ut quæ tribus primis paragraphis de libertate agentis diximus, accipiat de libertate voluntatis se moventis, & libertate actus applicativè liberi. Nam definitionem libertatis volūtatis motæ tantum explicuimus n. 306.

Decreveram in principio huius Capitis, proponere CORDATO LECTORI iudicandum, annon gratia versatilis in istis propositionibus damnaretur; ut vicem rependerem Defensori; Gallicè *la pareille*: sed veritus sum offendere Edictum Regium An. 1668. 23. Oct. prohibens ne quis Jansenista vocetur.

CARUT



CAPUT VJ.

Refutatio Capitis Sexti.

CCCXLI. **M**Ateria præsentis Capitis COLLATIONES sunt ALPHABETICÆ, quas in gratiam *nuperi Controversiæ Propositoris* ordinaverat TRIUMPHUS THOMISTARUM in primâ editione Opusculi primi *de Scientiâ Mediâ ad examen revocata. Controversiæ* *propositor,* (non enim se illius profiteretur authorem, sed Controversiam quam à Magistro suo P. Platel, de quo n. 244. decidendam accepit, ipse eam proposuit. Si volenti nulla sit injuria, nulla ei facta fuit injuria, vocando eum *Controversiæ Propositorem*; cum se talem exhibuerit, nec ut alius hic passum apud Cordatos habeatur) hic inquam, iterum atque iterum obtestatus fuerat, ut de plenitudine Angelicæ doctrinæ PAUXILLUM QUID in eum derivaretur, an animo discendi, an potius irridendi nos causâ, judicet qui novit cogitationes hominum, *scrutans corda & renes Deus.*

Collationes paraverat TRIUMPHUS, ut in illis verificaretur, *Molinitas pigmenta sua, quibus deformitatem scientiæ Mediæ tegerent, in apertis doctrinam S. AUGUSTINI impugnantium quævisse, & invenisse.* Ut iteratis satisfaceret *Propositoris* obtestationibus *Abecedarium* inde confecit, quod ei proponeret sub nomine COLLATIONUM ALPHABETICARUM, ut in illis, quasi in primis Scientiæ Mediæ rudimentis, agnosceret quales sibi Magistros elegisset, Molinitas scilicet Impugnatoribus S. AUGUSTINI plane consentientes. Non seipsum TRIUMPHUS exhibuit magistrum, ut imponit *Defensor*, sed eum, S. AUGUSTINI Impugnatores in Molinistis loquentes, amplexatum fuisse indicavit.

CCCLXVJ. Abundavi gaudio perlegendo quæ contra has Collationes inani studio collegit *Defensor gratiæ versatilis.* Tribus funiculis ita cum Impugnatoribus S. AUGUSTINI constringuntur Molinistæ, ut se non valeant ab illis separare. Dissolvere conatus est *Defensoris Prædecessor*, conando eos retorguere, sed vanum esse illius conatum in secundâ editione ostendimus. Maluit *Recens Molinista* viam *defensionis* tenere, & nodum difficultatis declinare, involuendo multa de quibus non est quæstio. *Frustra jacitur rete ante oculos penuatorum.* Nodum dif-

M m

274 THOMISTARUM TRIUMPHUS FIRMATUS.
 ficultatis, quo in tribus prædictis funiculis constringuntur, tam clare,
 DEO PRÆDETERMINANTE, proponemus, vt vix tantilli sit vllus in-
 genij, qui indissolubilem esse nodum non iudicabit. Hæc est sup-
 erabundantis gaudij mei causa: quòd videam Molinistas COLLATIONI-
 BUS ALPHABETICIS devictos, & triplici earum funiculo in perpetuum
 constrictos. Non igitur ante victoriam cecinimus TRIUMPHUM.

Vt quilibet de veritate Collationum possit in promptu ferre iudicium,
 singulas iterum, vt in TRIUMPHO jacent THOMISTARUM, exhibe-
 bimus; & ad Refutationem *Junioris Molinistæ* superaddemus *Defensoris*
 Refutationem: demum pro coronide hujus Opusculi hallucinationem
Defensoris circa locum P. SUARES, quem n. 730. pertractat, prosequemur;
 & in Domino confidens non erubescam demonstrasse, P. SUA-
 REM sicut propriam tenuisse sententiam, quòd *OPINIO de attritionis*
sufficiendâ ad justificationem cum sacramento NON EST CERTA, ET POTEST
 ESSE FALSA; NEC VALDE ANTIQUA, NEC MULTUM COMMUNIS SIT.
 Ex quo non parùm firmatur Opusculum IV. de *Contritione* vtinam & illi,
 sicut & quinto de *Probabilitate* respondeant Molinistæ: vt & in illis in
 perpetuum THOMISTARUM firmetur TRIUMPHUS. Soli Deo honor, &
 gloria, qui modò *manus meas docet ad prælium* veritatis. Hæc nunc por-
 tio mea; vnam petij à Domino; & hanc requiram, non enim qui
 in Domino speravit confundetur in æternum.



COLLATIO PRIMA.

MOLINÆ DISCIPULI.

A.

CCCXLII. Certe non video
 quânam ratione patenissima libertas
 arbitrij nostri, quam experimur, qua-
 que tam aperte in Scripturis Sanctis
 traditur, cum divinâ prædeterminatione
 ita explicatâ coherere valeat. Molina
 q. 23. art. 4. & 5. disp. 1. memb.
 6.

IMPUGNATORES S. AUG.

A.

Scripta ejus (S. AUGUSTINI) qui-
 bus error Pelagianorum impugnatur,
 infamant, docentes eum liberum arbi-
 trium penitus submovere. Prosper in-
 epist. ad Rufinum. Et Faustus,
 Dum liberi interemptor arbitrij in alte-
 rutram partem omnia ex prædestina-
 tione statuta & definita esse pronuntiat.

B.

Omnino liberum non manet ijs, qui electi sunt, non consequi coronam, ac proinde libertas eorum laeditur, & impeditur. Vasquez. l.p. Disp. 89. c. 10.

C.

Fateor nulli ratione me posse assequi quomodo per eam (gratiam prædeterminantem) non inducatur fatum plusquam adamantinum. Lessius lib. de gratia cap. 16. num. 6.

B.

Removeri omnem industriam tollit, virtutes si Dei constitutio humanas præveniat voluntates. Massilienses in epist. Prosp. ad AUGUSTINUM.

C.

Sub hoc prædestinationis nomine dicunt impugnatores AUGUSTINI in epist. Prosp. ad AUGUST. fatalem quamdam induci necessitatem. Et Faustius l. 1. c. 4. ait: Inter gratia vocabulum absconditum erit fatale decretum.

PRIMUS SCIENTIÆ MEDIÆ FUNICULUS.

EX hac collatione hoc formo argumentum. Doctrinæ quæ innituntur principiis contrariis debent esse inter se contrariæ: sed doctrina S. AUGUSTINI, & doctrina Scientiæ Mediæ innituntur principiis contrariis: ergo doctrina S. AUGUSTINI, & doctrina Scientiæ Mediæ sunt inter se contrariæ. Consequentia est legitima, & Major evidens. Probatur Minor. Principium cui innititur doctrina S. AUGUSTINI, est aliquod principium ita magnificans gratiam, ut videatur tollere liberum arbitrium, & idè difficilis apparet conciliatio libertatis cum gratiâ: Principium cui innititur doctrina Scientiæ Mediæ, est aliquod principium ita magnificans liberum arbitrium, ut videatur tollere gratiam, & idè facillima apparet conciliatio libertatis cum gratiâ: sed hæc duo principia sunt inter se contraria, ergo doctrina S. AUGUSTINI, & doctrina Scientiæ Mediæ innituntur principiis contrariis; ac proinde erunt inter se contrariæ.

REFUTATIO JUNIORIS MOLINISTÆ.

Molinista Junior (de quo art. 2. Appendice ad §. ultim.) ex nostris funiculis contra GRATIAM PRÆDETERMINANTEM retortis contendit, funem confici posse quo ita constringamur, ut evadere non possimus. *Validis absque dubio nititur privilegijs (ut ait S. Eucherus homil. 2. de Paschate) qui causam de Adversarij asserit instrumentis. Speciosa victoria est contrariam partem cartulis suis, velut proprijs laqueis, irretire, & testimoniorum suorum vocibus confutare, & amulum telis suis evincere, ut pugna*

M m 2

toris tui argumenta, tuis probentur utilitatibus militare. Speciosam hanc de Juniore Molinista speramus victoriam, dum gratia prædeterminante & illuminante CORDATUM THEOLOGVM fuit, quo nos Junior iste constringere vult, constrictus ipse adjudicabitur. Nec difficile erit ejus judicium; quia siue in retorquendo, siue in dissolvendo funiculum nostrum triplicem, hoc semper committit peccatum, ut quod ad hominem fecimus argumentum, sumat ille quasi absolutè factum. Mirum certè foret, si non cavillando respondisset! Quid ad primum funiculum dicat videamus.

Primò retorquet eum in hunc modum: *Doctrinae quae inniuntur principiis contrarijs debent esse inter se contrariae: sed Doctrina Tridentini & Pontificum, & Doctrina GRATIAE PRÆDETERMINANTIS inniuntur principiis contrarijs: ergo Doctrina Tridentini & Pontificum & Doctrina GRATIAE PRÆDETERMINANTIS sunt inter se contrariae.* Probat minorem. Principium cui inniuntur Doctrina Tridentini & Pontificum est aliquod principium ita favens libero arbitrio ut videatur tollere gratiam per se efficacem & cui resisti non possit, & idè facilissima apparet conciliatio libertatis cum gratia: principium cui inniuntur Doctrina GRATIAE PRÆDETERMINANTIS est aliquod Principium ita magnificans gratiam ut videatur tollere liberum arbitrium, & idè difficilis apparet conciliatio libertatis cum gratia: sed hæc duo principia sunt inter se contrariae, ergo &c.

Quis Scholaris, audiens eadem propositiones, non judicaret optimè retorqueri argumentum? attamen longè aliud erit Cordati judicium. Nam hic statim percipiet Molinistæ cavillum confundentis GRATIAM PRÆDETERMINANTEM, siue de se efficacem, cum gratia cui resisti non possit: quasi verò Concilium Tridentinum tollens gratiam cui resisti non possit, sustulerit etiam gratiam de se efficacem seu prædeterminantem. Videatur art. 2. §. 4. ubi invictè probatum est Concilium Tridentinum diffinivisse, GRATIAM PRÆDETERMINANTEM, quam Lutherus & Calvinus dicebant necessitare voluntatem, esse talem cui resisti possit. Undè negamus quod assumitur ad probationem minoris, nempe, Principium cui inniuntur Doctrina Tridentini & Pontificum est aliquod principium ita favens libero arbitrio ut videatur tollere gratiam per se efficacem.

Id autem quod assumpsimus ad Probationem minoris conceditur ab Impugnatoribus S. AUGUSTINI, & à Molinistis. Concedunt enim Impugnatores S. AUGUSTINI principia gratiae AUGUSTINIANÆ difficile stare cum libertate; ut videre est in Collatione. Concedunt etiam Molinistæ principia gratiae Molinianæ facile stare cum libertate; ita

eorum princeps q. 14. art. 13. disp. 13. memb. 2. *Quod tam facile ac perspicue illa quatuor* (præscientia, providentia, prædeterminatio & reprobatio) *ex capite præscientiæ Mediæ cum libertate cohercant, signum est manifestum, nos integram legitimamque rationem conciliandi tradidisse.* Et P. Annatus disp. 1. cap. 6. *Admissa igitur scientiâ Mediâ non est difficile ad intelligendum quomodo Deus prædefinire possit actum liberum illâ ejus libertate.* Est igitur manifestum, quod funiculus noster contextus fuerit ex eis quæ concedunt Adversarij nostri : ut autem Junior Molinista justum inde funem conficeret, & ritè retorqueret, debuisset ex ijs quæ concedimus, & quæ Impugnatores Tridentini concedunt funem suum contexere, quod cum non fecerit, liberi evadimus.

Secundò dissolvere nititur nostrum funiculum negando minorem, & ad prob. distinguendo majorem : *Doctrina AUGUSTINI videtur tollere liberum arbitrium & doctrina Scientiæ Mediæ videtur tollere gratiam, malè oculatis transcat, oculatioribus negatur.* Ista imprimis distinctio non dissolvit funiculum, cujus nodus in hoc consistit, quòd Impugnatores S. AUGUSTINI credebant Doctrinam AUGUSTINIANAM esse difficillimam ad tuendam libertatem ; Molinistæ verò credant suam doctrinam esse facillimam ad tuendam libertatem : ex quo nodus stringitur indissolubilis, videlicet quòd juxta Adversarios nostros, sive malè oculati sint, sive oculatiores ; semper est verum, Doctrinam AUGUSTINIANAM directè esse oppositam Doctrinæ Molinianæ : & ideo non mirum si ijsdem argumentis impugnent Molinistæ GRATIAM PRÆDETERMINANTEM, quibus impugnata fuit gratia AUGUSTINIANA.

Deindè falsum est, si credimus S. AUGUSTINO, Doctrinam AUGUSTINIANAM malè oculatis, & non oculatioribus visam fuisse difficillimam ad tuendam libertatem. Ipse enim sanctissimus Doctor suos Impugnatores vocat, *magna & acuta ingenia*, epist. 106. *fortissima & celerrima ingenia*, de spirit. & litt. c. 6. *ingenia quamvis nefando errore perversa, non tamen contemptibilia*, lib. 2. ad Bonif. c. 3. Sed Impugnatoribus S. AUGUSTINI visa est doctrina AUGUSTINIANA ad tuendam libertatem difficillima, ut patet in collationibus : ergò non malè oculatis ut Junior Molinista distinguit, sed magnis & acutis, imò fortissimis & celerrimis ingenijs visa est Doctrina AUGUSTINIANA ad tuendam libertatem difficillima. *

S. I. Refutatio Defensoris.

CCCXLIIJ.

A Nte omnia omnes tres Collationes impugnât *Defensor* ab autore; ad quod nihil aliud reponimus, quàm dictum S. AMBROSII relati ab Angelico Sole 1. 2. q. 109. a. 1. ad 1. *Omne verum à quocumque dicatur à spiritu sancto est.* Et dictum S. AUGUSTINI in quadam epistolâ ad S. HIERONIMUM; *A quocumque enim verum dicitur, illo donante dicitur, qui est ipsa veritas.* Si veræ sunt collationes nostræ, eas à spiritu sancto accepimus, & illo donante diximus, qui est ipsa veritas. Veras autem esse probat & *Prædecessoris* & *Defensoris* infirmitas, qui eas non valuerunt, nec alij vnquam valebunt, apud Cordatos dissolvere. **JUDICET CORDATUS LECTOR.**

Ad primum funiculum ex primâ Collatione confectum respondet *Defensor* negando minorem, & ad probationem negat secundam partem majoris; *falsissimum esse*, inquit n. 747. *quod hic assumit, nempe Scientiam Mediâ ita magnificare liberum arbitrium, ut videatur tollere gratiam, & idèò facillima conciliatio libertatis cum gratia, clarissimè ostensum est toto cap. 2.* Deinde ad pleniorè solutionem & lectorem plenius instruendum, adducit discrimen rationum, ob quas dicunt Molinistæ Solis Angelici discipulos admittere gratiam quæ libertatem evertat: & propter quas Impugnatores S. AUGUSTINI idem sancto Doctore imposuerunt, Nodum difficultatis, quo in hoc funiculo stringitur, non tetigit. Postrema verba utriusque partis in majori posita, de difficili & facillimâ conciliatione libertatis cum gratia constituunt presentem nodum, ut patet ex Refutatione *Prædecessoris*. Quare iterum stringimus nodum; *Principium, cui innititur doctrina S. AUGUST. est aliquod principium ex quo difficilis apparet conciliatio libertatis cum gratia. Principium, cui innititur doctrina Scientiæ Mediæ est aliquod principium, ex quo facillima apparet conciliatio libertatis cum gratia: sed hæc duo principia sunt inter se contraria: ergò doctrina S. AUGUSTINI & doctrina Scientiæ Mediæ inniuntur principijs contrarijs: ac proinde erunt inter se contrariæ.*

CCCXLVIJ. En CORDATE LECTOR nodus funiculi. Insolubiliter Molinistas stringere agnosce. Majorem evidenter probat Collatio, & agnoscit *Defensor*. Minorem, si dixerit falsissimam: ergò falsissimum est, quod ait Molina à Triumpho relatus Opusc. 1. n. 32. de principijs Scientiæ Mediæ, *Quæ si data explanataque semper fuissent fortè neque pelagiana hæresis fuisset exorta, NEQUE LUTHERANI TAM IMPUDENTER ARBITRIJ NOSTRI LIBERTATEM FUISSENT AUSI NEGARE, obtinentes cum divina gratiâ, præscientiâ, & prædestinatione coherere non posse: neque ex AUGUS-*

TINI opinione concertationibusque cum Pelagianis tot fideles fuissent turbati, ad Pelagianosque defecissent, &c.

Ergo falsissimum est, quod idem Molinistarum princeps in Refutatione præcedenti dixit: *Quod TAM FACILE AC PERSPICUE illa quatuor ex capite præscientiæ Mediæ cum libertate cobæreant, signum est manifestum, nos integram legitimamque rationem conciliandi tradidisse.*

Ergo falsissimum est, quod dixit P. Annatus in eadem Refutatione: *Admissa igitur Scientiæ Mediæ non est difficile ad intelligendum quomodo Deus prædefinire possit actum liberum illesæ ejus libertate.*

Quid ad rem istam discrimen à *Defensore* productum pertinet? Diversi sint tituli, quibus Molinistæ gratiam prædeterminantem, & alij gratiam Augustinianam impugnent. Ista diversitas non tollit, quin semper sit verum dicere, quod in doctrinâ S. AUGUSTINI difficilis videatur conciliatio libertatis cum gratia, quæ facillima apparet in doctrina *Scientiæ Mediæ*, & in ista facilitate conciliandi gloriatur Molina. Non possunt hoc enervare Molinistæ; nec ergo unquam enervare poterunt, doctrinam *Scientiæ Mediæ* esse contrariam doctrinâ S. AUGUSTINI. Ex quo indissolubilis manet primus funiculus.

CCCXLV. Discrimen *Defensoris* non solum est impertinens, sed fucatum planè, & larvatum, ut constat ex cap. 2. §. 7. Duo tantum sunt principia, & in æternitate, & in tempore quibus inniti debet quæcumque de gratiæ & libertatis conciliatione doctrina. In æternitate est decretum ex *omnipotentia* efficax nullam exploratricem præsupponens præscientiam: & decretum ex *præscientiâ* efficax exploratricem præsupponens præscientiam: de quibus cap. 2. §. 3. Cum decreto ex *omnipotentia* efficaci difficilis videtur libertatis cum gratiâ conciliatio, quæ facillima Molinistis apparet cum decreto ex *præscientiâ* efficaci. Non agitur de decreto prædestinante ad gloriam, ut insinuat *Defensor* n. 757. Agitur de decreto decernente liberum voluntatis in gratiam consensum. Nullus negat liberum istum consensum doceri à Deo. Sed non minus difficultatis, & temporibus S. AUGUSTINI, & nostris, est an liber consensus decernatur decreto ex *omnipotentia* efficaci, an verò decernatur decreto ex *præscientiâ* efficaci. Unum de duobus admiseraut impugnatore S. AUGUSTINI, unum de duobus impugnaverunt. Unum de duobus admittunt Molinistæ, unum de duobus impugnant. Suspiciat modò *CORDATUS THEOLOGUS*, quodnam de duobus potest impugnari propter difficilem libertatis cum gratiâ conciliationem; & quodnam de duobus istis decretis admitti potest propter facillimam libertatis cum gratiâ conciliationem: & clarissimè, atque sine ullo fucò co-

280 THOMISTARUM TRIUMPHUS FIRMATUS.
 gnoscet, & judicabit, vnam esse *Impugnatorum* S. AUGUSTINI & *Molinistarum* causam de læsâ per gratiam libertate. Vide supra loca citata.

CCCXLVIJ. In tempore correspondent supradictis in æternitate principijs, gratia præueniens habens essentialem cum consensu libero connexionem, non omnibus data: & gratia præueniens omnibus data non habens essentialem cum consensu libero connexionem. En duo principia, quibus inniti debet in tempore quæcumque de gratiâ Christi doctrina: de quibus supra n. 32. siue quod idem est, gratia præueniens quæ sit causa, cur liberum arbitrium hic & nunc influat; & gratia præueniens, cui liberum arbitrium est causa, cur ipsa hic & nunc influat. Unam de duabus istis gratijs impugnant & *Molinistæ* & S. AUGUSTINI *Impugnatores*. Inspiciat CORDATUS LECTOR, quenam ex læsione libertatis de duabus istis gratijs possit impugnari, & evidenter cognoscet vnam & eandem impugnari gratiam, & à *Molinistis*, & à S. AUGUSTINI *Impugnatoribus*. Oleum & operam perdidit *Defensor gratiæ versatilis* in assignando eorum cum *Impugnatoribus* S. AUGUSTINI discrimine: cum totus adhuc remaneat restrictus, & indissolubilis persistat primi funiculi nodus. Videndus est THOMISTARUM TRIUMPHUS Opusc. 1. de *Scientiâ Mediâ* ad examen revocatâ cap. 1. 2. 3. 4. 5. & 6.



COLLATIO SECUNDA.

MOLINÆ DISCIPULI.

D.

CCCXLVIJ. *Fatemur arbitrium directè esse causam cur hic, & nunc Deus influat in opus, tum per dona sua, tum per seipsum; non autem Deum; aut gratiam, cur liberum arbitrium hic, & nunc influat. Lessius lib. de gratiâ, cap. 18. num. 11. Et mox: Nos quodammodo trahere Deum ad cooperandum.*

IMPUGNATORES S. AUG.

D.

Voluntas hominis diviniæ gratiæ sibi pariat opem, non gratia sibi humanam subiciat voluntatem. Sic impugnari S. AUGUSTINUM refert Prosp. in epist. Et quidam apud S. Doctorem epist. 107. ait quodd; si velimus fiat opus; si autem volumus, nihil nobis operationem Dei valere faciamus.

E. Quo.

E.

Quomodo laudem merentur, si credant, & bene operentur, cum Deus hoc totum in ipsis faciat. Lessius de gratiâ efficaci, cap. 17. num. 18.

F.

Deus expectat consensum voluntatis ejus usus subest, (gratia) ut vi hæc efficacia (gratiæ) ab usu voluntatis quodammodo pendeat. Ubi hoc auxilium præveniens dedit, jam omnino expectat, ut cooperemur suæ gratiæ Ibid. cap. 18. n. 1.

E.

Nullius enim laudis esset & meritis, id in eo Dominus quod ipse donaverat prætulisset. Ita Cassianus collat. 13. loquens de fide Centurionis.

F.

Ut à peccato purgemur, voluntatem nostram Deus expectat; non autem, ut etiam purgari velimus, per Sancti Spiritus infusionem, & operationem in nobis fiat. Concilium Arausicanum refert, & anathematizat hanc propositionem.

SECUNDUS SCIENTIÆ MEDIÆ FUNICULUS.

EX hac secundâ Collatione secundum formam argumentum. Doctrina quæ probatur iisdem omnino argumentis, quibus impugnatur doctrina S. AUGUSTINI, non potest esse eadem cum doctrinâ S. AUGUSTINI sed doctrinâ Scientiæ Mediæ iisdem omnino argumentis probatur, quibus impugnatur doctrina S. AUGUSTINI: ergo doctrina Scientiæ Mediæ non potest esse eadem cum doctrinâ S. AUGUSTINI. Optima est consequentia. Major etiam patet, quia ex vno & eodem medio, non potest una & eadem sententia probari, & refutari; cum probari sit dicere eam esse veram, & refutari sit dicere eam non esse veram.

Minor verò probatur. Impugnatio unius partis contradictionis, est probatio alterius partis: cum enim contradictoria non possint simul esse falsa: medium probans unam partem esse falsam, hoc ipso probat aliam esse veram, sed Molinæ discipuli iisdem argumentis, quibus impugnatur doctrina S. AUGUSTINI, impugnant GRATIAM PRÆDETERMINANTEM, contradicentem doctrinæ Scientiæ Mediæ: ergo iisdem argumentis, quibus impugnatur doctrina S. AUGUSTINI, probatur etiam doctrina Scientiæ Mediæ.

* REFUTATIO JUNIORIS MOLINISTÆ.

Iunior Molinista (de quo in collatione primâ) sic retorquet hunc secundum funiculum: *Doctrina quæ probatur iisdem omnino argumentis.*

N n

quibus impugnatur Doctrina Tridentini ac Pontificum non potest esse eadem cum Doctrina Tridentini ac Pontificum : sed Doctrina GRATIÆ PRÆDETERMINANTIS iisdem omnino argumentis probatur , quibus impugnatur Doctrina Trident. ac Pontif. ergo Doctrina GRATIÆ PRÆDETERMINANTIS non potest esse eadem cum Doctrina Trid. ac Pontif.

Probat minorem. Impugnatio unius partis contradictionis est probatio alterius : sed prædeterminantes iisdem argumentis quibus impugnant Doctrinam Trid. ac Pontif. impugnant scientiam Mediam contradicentem Doctrinæ GRATIÆ PRÆDETERMINANTIS : ergo iisdem argumentis quibus impugnatur Doctrina Tridentini ac Pontificum , probatur etiam Doctrina GRATIÆ PRÆDETERMINANTIS.

Imposturam non ferendam & Cavillationem insignem contexuit hic Iunior Molinista. Impostura apparet , in eo quod dicit nos impugnare Doctrinam Tridentini ac Pontificum , cum tamen constanter profiteamur , non aliâ ratione nos gratiam prædeterminantem defendere , nisi quia eam credimus esse doctrinam Tridentini ac Pontificum. Cavillatio relucet ex eo quod non distinguat inter nos & Impugnatores Tridentini , quod tamen erat necessarium ut validè nostrum retorqueret funiculum. Nodus quippè illius est , quod ex una parte adducantur Impugnatores S. AUGUSTINI cum argumentis quibus Doctrinam AUGUSTINIANAM impugnant ; ex aliâ vero parte adducantur Molinistæ iisdem argumentis probantes Scientiam Mediam. Ex quibus duobus, nodus funiculi nostri fit Molinistis indissolubilis, nempe, iisdem argumentis probari Doctrinam Scientiæ Mediæ, quibus impugnatur Doctrina S. AUGUSTINI.

Quare ut Iunior Molinista justum funem ex funiculo nostro secundo conficeret , debuisset primò adducere argumenta Impugnatorum Tridentini ac Pontificum , nempe Lutheri & Calvinii ; deinde ostendere , quod iisdem argumentis , quibus Lutherus & Calvinus impugnant Doctrinam Tridentini ac Pontificum , nos probemus GRATIAM PRÆDETERMINANTEM : tunc potuisset concludere , iisdem argumentis probari Doctrinam GRATIÆ PRÆDETERMINANTIS , quibus Impugnatur Doctrina Tridentini ac Pontificum. Verum non possunt hoc facere Molinistæ , nisi sibi contradicendo ; cum enim assumant doctrinam Lutheri & Calvinii ad impugnandum Doctrinam GRATIÆ PRÆDETERMINANTIS , contradicerent sibi , si vellent , nos Doctrinæ Lutheri & Calvinii probare GRATIAM PRÆDETERMINANTEM.

Nititur etiam iste Iunior dissolvere secundum funiculum distinguendo minorem : Doctrina Scientiæ Mediæ iisdem argumentis probatur ,

quibus impugnatur Doctrina S. AUGUSTINI ab indoctis aut malignantibus, transeat; à sapientibus & orthodoxis, negatur. Præclara nimis distinctio, non dissoluens sed indissolubiliter stringens funiculum nostrum! Non enim curamus quales fuerint Impugnatores S. AUGUSTINI, sed sufficit nobis quod argumenta, quibus probatur Scientia Media, sint ipsa argumenta Impugnatorum S. AUGUSTINI, qualescumque fuerint illi. Nam ista argumenta Doctrinæ suæ esse contraria agnovit S. AUGUSTINUS, alioqui non tractasset suos Impugnatores ut inimicos gratiæ quam defendebat. Videat modo Junior ille, quo fune se colligavit: Concedit Scientiam Mediam probari iisdem argumentis, quæ agnovit S. AUGUSTINUS Doctrinæ suæ contraria, & quæ idem sanctus dicit esse inimicorum gratiæ Christi: ergò concludere cogitur, Doctrinam Scientiæ Mediæ non posse esse eandem cum Doctrinâ S. AUGUSTINI, qui non adedò stolidus dici potest, ut argumenta quæ suam probarent doctrinam ipse impugnaret, & quos fautores haberet, inimicos crederet. *

§. I J. Refutatio Defensoris.

CCCXLVIJ. **V**idens Defensor, suum Prædecessorem ex suâ tam re-torsione, quàm solutione, magis & indissolubilius innodatum; aliam ipse excogitavit viam, difficultatis suo more subterfugiens nodum: Primò, ut reus involuat & imperitos præoccupet; explicat quis sit propositum vtriusque partis in Collatione sensus & n. 261. inquit: Non potero validius hunc nodum scindere, quàm si aperiam quo sensu Impugnatores S. AUGUSTINI usurpent propositiones secundæ Collationis; quoque scriptores nostri: nam ex ipsâ palpabili sensus diversitate statim hic nodus evanescet. Deinde larvatum exhibet sui sensus discrimen. Sic præoccupatâ Imperitorum mente ad formam argumenti, quo funiculus secundus contexitur, respondet negando minorem, quam dicit esse falsissimam; & ad Probationem negat suppositum dicens n. 169. Quidam inanitas sit hæc probatio, ex eo liquet quod in eâ supponat doctrinam AUGUSTINI circa efficaciam gratiæ eandem esse ac doctrinam Juniorum Thomistarum ponentium vim gratiæ in physica voluntatis prædeterminatione: cum tamen AUGUSTINUS, ut fuse ostendi cap. 2. sec. 1. toto §. 4. Nusquam admiserit aliam efficaciam gratiæ prævenientis quàm moralem &c.

Quantumvis vera sit probationis nostræ suppositio, ut efficaciter ostendit Defensoris Refutatio cap. 2. toto §. 4. concinnata: Non tamen in illâ suppositione consistit secundi funiculi nodus. In vanum laboravit

Defensor ut nodum scinderet, cum eum non apprehenderit. In contradictione GRATIÆ PRÆDETERMINANTIS cum doctrina *Scientiæ Mediæ*, quam fatentur, consistit nodus secundi funiculi : & ideo signanter subsumptum est, *sed Molina discipuli ipsdem argumentis, quibus impugnatur doctrina S. AUGUSTINI, impugnant GRATIAM PRÆDETERMINANTEM CONTRADICENTEM SCIENTIÆ MEDIÆ.*

CCCXLIX. Ad unam de duabus n. 345. memoratis sententijs pertinent & gratia prædeterminans & Doctrina *Scientiæ Mediæ* : quæ ita se habent, ut non possint esse simul veræ, nec simul falsæ. Si vera sit gratia prædeterminans, falsa est doctrina *Scientiæ Mediæ*. Si vera est doctrina *Scientiæ Mediæ* falsa est gratia prædeterminantis doctrina. In istâ apertissima contradictione stringitur insolubiliter secundi funiculi nodus. Nam evidenter sequitur, quod impugnatio gratiæ prædeterminantis sit probatio *Scientiæ Mediæ* : siquidem ut dicit argumentum, *impugnatio unius partis contradictionis est probatio alterius : cum enim contradictoria non possint esse simul falsa : medium probans unam partem esse falsam, hoc ipso probat aliam esse veram.* Cum ergo ita se habeant gratia prædeterminans & doctrina *Scientiæ Mediæ*, manifestè infertur, quod impugnatio gratiæ prædeterminantis sit probatio *Scientiæ Mediæ*. Atqui ipsdem argumentis quibus impugnata est doctrina S. AUGUSTINI impugnatur gratia prædeterminans : ergo ipsdem argumentis, quibus impugната est doctrina S. AUGUSTINI, probatur doctrina *Scientiæ Mediæ* : Si modò addideris primam majorem, quod doctrina quæ probatur ipsdem omnino argumentis, quibus impugnatur doctrina S. AUGUSTINI, non potest esse eadem cum doctrinâ S. AUGUSTINI : Efficacissimè concludes, quod doctrina *Scientiæ Mediæ* non possit esse eadem cum doctrinâ S. AUGUSTINI. Non igitur *Defensor* nodum scidit, sed validius strinxit.

Quid facit ad rem, explicare quo sensu sit argumentum efficax, dum quæcumque fuerit argumenti efficacia, & quocumque titulo eam habeat, semper est verum dicere, quod argumentum impugnans GRATIAM PRÆDETERMINANTEM probet, veram esse *Scientiæ Mediæ* doctrinam : semper quoque est verum dicere, quod argumentum impugnans doctrinam S. AUGUSTINI impugnet gratiam prædeterminantem contradicentem *Scientiæ Mediæ*. Medium est læsio libertatis, &c. quid refert, quod alio titulo dicatur doctrina S. AUGUSTINI lædere libertatem, & alio titulo dicatur eandem lædere doctrina gratiæ prædeterminantis ? Quæcumque læsio libertatis ponatur non tollitur, quin gratia prædeterminans contradicat doctrinæ *Scientiæ Mediæ*. Unde læsio libertatis probans fallitatem gratiæ prædeterminantis semper pro-

dabit veritatem Scientiæ Mediæ: & consequenter veritatem gratiæ AUGUSTINIANÆ si eadem sit cum doctrinâ Scientiæ Mediæ. Impossibile autem est quod ex læsione libertatis probetur doctrina S. AUGUSTINI vera & simul falsa. Nec minùs credibile est, quod S. AUGUSTINUS non viderit, argumenta ex læsione libertatis probare suam gratiam.

CCCL. Larvatam aggrediamur Defensoris explicationem. Ludens in verbis rem eludit. Insonat necessitatem gratiæ prævenientis. Verum quæ sit illa gratia præveniens agendum videamus. Non aliam gratiam prævenientem admittunt Molinistæ, quam eam quæ, ut ait Defensor n. 160. *Secundum suam essentiam spectata nullam habet repugnantiam, ut pro libertate voluntatis ei resistentis, conjungatur cum negatione amoris aut contrario actu.* Cui, quæcumque actio bona & ad bonum determinatio attribuitur sicut suadenti aut promittenti, aut imperanti, aut quomodocumque aliterum alliciendi, aut morienti jure merito actio aliena inde consequens attribuitur: Verba sunt Defensoris n. 161. Quæ à Molina comparatur motibus concupiscentiæ Prævenientis, ut vidimus n. 252.

Comparatio apuissima, quam in præsentî sic urgeo. Sit Diabolus excitans vehementissimos concupiscentiæ motus ad fornicationem faciendam, suadeat, promittat, imperet & quocumque modo alliciat voluntatem ad consensum in fornicationem: quid minus habet secundum Molinistas motio illa diaboli præveniens, quam motio Dei prævenientis qui excitat motus indeliberatos ad bonum castitatis, suadet, promittit, imperat, & quocumque modo alliciat voluntatem ad consensum in castitatem? Motus indeliberati ad bonum castitatis ita se habent, quod nullam habeant repugnantiam, ut pro libertate voluntatis eis resistentis conjungantur cum negatione amoris castitatis, aut contrario actu odij. Similiter motus vehementissimi concupiscentiæ prævenientis excitati à Diabolo ad fornicationem faciendam ita se habent, quod nullam habeant repugnantiam, ut pro libertate voluntatis eis resistentis conjungantur cum consensu in fornicationem, aut contrario actu odij. Et sicut Deus non obstante istâ indifferentiâ gratiæ prævenientis accedente determinatione voluntatis dicitur à Molinistis determinare voluntatem moraliter, eâ ut minimum efficaciam ait Defensor. n. 160. quâ quis consilio suo, aut promissis suis, aut imperio dicitur alterum ad agendum determinasse. Ita & Diabolus non obstante istâ indifferentiâ concupiscentiæ prævenientis accedente determinatione voluntatis dicitur determinare voluntatem moraliter ad fornicandum, eâ ut minimum efficaciam, quâ quis consilio suo, aut promissis suis, aut imperio dicitur alterum ad agendum determinasse.

CCCLJ. Quorsum hæc? quis negat Diabolum nos prævenire ad malum, impellere in illud voluntatem, ipsumque verè esse peccati auctorem? Cerne mysterium. Non aliter motio Dei præveniens influat in consensum bonum, quàm motio Diaboli præveniens influat in consensum malum, ut modo dictum est. Atqui ista motio Diaboli præveniens non potest dici prima causa discretionis consentientis concupiscentiæ prævenienti à non consentiente. Ergò nec motio Dei præveniens potest dici prima causa discretionis consentientis gratiæ prævenienti à non consentiente. Vide supra n. 252.

Applicemus comparisonem istam propositionibus collationis. Refert Defensor n. 761. elegans ex Prosperi epistolâ testimonium his verbis: *Duo sunt quæ humanam operantur salutem, Dei scilicet gratia & hominis obedientia: priorem volunt obedientiam esse, quàm gratiam, ut initium salutis ex eo qui salvatur, non ex eo credendum sit stare qui salvat: & voluntas hominis divinæ gratiæ sibi pariat opem, non gratia sibi humanam subiciat voluntatem.* Duo sunt etiã quæ consensum voluntatis in fornicationem operantur, motio scilicet præveniens Diaboli & obedientia seu determinatio voluntatis. Certum est quòd discretio fornicantis à non fornicante non sumat initium à Diabolo, nec in Diabolum ut in primam discretionis causam refundi possit, cùm simili & equali motione prævenierit etiã non fornicantem. Si enim voluntas se determinet & obediat, fit fornicatio; si autem nolit, nihil in ipsâ motionem Diaboli valere facit. Ipsa etiã voluntas est causa, cur motio præveniens Diaboli hic & nunc influat in fornicationem; non autem motio Diaboli est causa, cur liberum arbitrium hic & nunc influat. Ipse denique Diabolus expectat consensum voluntatis in fornicationem cuius, vsui motio Diabolica subest, ita ut hæc efficacia motionis Diabolicæ ab vsu voluntatis quodammodo pendeat.

Nihil Deo prævenienti voluntatem ad castitatem servandam tribui potest, quod non possit & Diabolo tribui prævenienti voluntatem ad fornicationem faciendam. En CORDATE LECTOR, quo perducit *gratia versatilis Molinistarum*, ut motioni Dei adæquet motionem Diaboli, & Diabolum prævenientem æqualis ad malum faciat efficaciam, cum Deo omnipotente ad bonum præveniente. Contra quod scriptum est *perditio tua ex te Israël, tantummodo in me auxilium tuum.* Non ex Diabolo, sed ex voluntate perditio; non ex voluntate, sed ex Deo auxilium.

CCCLIJ. Clariùs adhuc fucum omnem tollamus. Duæ sunt de

gratiâ præveniente sententiæ, quæ ita se habent ut non possint simul esse veræ, nec simul falsæ; sed si una est vera altera sit falsa: si una est S. AUGUSTINI, altera sit Impugnatorum ejus. Nullus negare potest, quin actus liber & supernaturalis debeat à libero arbitrio procedere, & aliquo auxilio supernaturali præveniri. Non enim actus supernaturalis sine principio supernaturali fieri potest; nec actus liber sine libero arbitrio. Utrumque, & gratia præveniens, & liberum arbitrium, debent influere simul in actum liberum supernaturalem. Unde patet respectu actus liberi supernaturalis à nullo negari posse necessitatem gratiæ prævenientis, sive principij & auxilij alicujus supernaturalis. Fucum igitur facit *Defensor gratiæ versatilis*, dum ex necessitate gratiæ prævenientis nodum hujus funiculi scindere prætendit. Veritate tamen coactus fatetur n. 287. ex efficaciâ gratiæ ortas etiam fuisse Impugnatorum S. AUGUSTINI adversus ipsum quærimonias.

Quod cuilibet tantilli ingenij evidens erit, si intellexerit actum liberum & supernaturalem duobus tantum modis fieri posse à gratia præveniente & libero arbitrio, scilicet vel gratiâ præveniente determinante liberum arbitrium ad influendum hic & nunc: vel libero arbitrio determinante gratiam prævenientem ad hic & nunc influendum. Sive in terminis Lessianis de quibus supra n. 17. vel in actu libero & supernaturali gratia præveniens est causa, cur liberum arbitrium hic & nunc influat, non verò liberum arbitrium est causa, cur gratia præveniens hic & nunc influat: vel in actu libero & supernaturali liberum arbitrium est causa, cur gratia præveniens hic & nunc influat, non verò gratia præveniens est causa, cur liberum arbitrium hic & nunc influat. En duæ memoratæ sententiæ.

CCCLIIJ. Qui asserverit in actu libero & supernaturali procedente à gratiâ præveniente & libero arbitrio, liberum arbitrium determinare gratiam, sive esse causam, cur hic & nunc gratia præveniens influat, non verò gratiam prævenientem determinare arbitrium sive esse causam, cur liberum arbitrium hic & nunc influat, oportet ut asserat 1.º primam causam discretionis esse liberum arbitrium; ac proinde quòd voluntas hominis divinæ gratiæ sibi pariat opem, non gratia sibi humanam subjiciat voluntatem. 2.º quòd si voluntas velit, id est, se determinet, fiat actus in quem influat gratia præveniens, si non se determinet, nihil in actu libero & supernaturali gratiam prævenientem valere faciamus. 3.º quòd voluntati debeatur aliqua laus, cum sit causa alicujus, nempe hic & nunc influendi, cujus causa non est gratia præveniens. 4.º quòd gratia præveniens expectet determinationem à libero arbitrio ad influendum hic & nunc, eo modo

288 THOMISTARUM TRIUMPHUS FIRMATIVS.
quò indeterminatum expectat suum determinans, & quo servus paratus ad omne obsequium expectat Domini sui determinationem, & Diabolus expectat consensum nostrum. Vide n. 93.

CCCLIV. Qui verò in actu libero & supernaturali procedente à gratiâ præveniente & libero arbitrio asserverit, gratiam prævenientem *determinare liberum arbitrium*, sive esse causam, cur hic & nunc liberum arbitrium influat, non verò liberum arbitrium *determinare gratiam*, sive esse causam, cur gratia præveniens hic & nunc influat, oportet ut asserat 1.º primam causam discretionis esse gratiam prævenientem; ac proinde quòd gratia præveniens sibi humanam subijciat voluntatem, non voluntas hominis divinæ gratiæ sibi pariat opem. 2.º quid gratiæ prævenientis est, ut hic & nunc fiat actus, si autem data non fuerit, nihil in actu libero & supernaturali liberi arbitrij determinationem valere facimus. 3.º quòd laus & meritum ita sint propriæ voluntatis sicut causæ proximæ, quòd in gratiam prævenientem sicut in primam causam, totiusque laudis & meriti initium, totumque fundatur. 4.º quòd ut credamus, & à peccato purgemur, per sancti spiritus infusionem & gratiæ prævenientis operationem in nobis fiat, non autem voluntatem nostram expectet Deus. Vide supra c. 2. §. 7. Inspiciat CORDATUS LECTOR, quam de duabus istis sententijs tenuerint S. AUGUSTINI Impugnatores, & non aliam in re tenere Molinistas lucidissimè cognosceret, & judicabit.



COLLATIO TERTIA.

MOLINÆ DISCIPULI.

IMPUGNATORES S. AUG.

G.

G.

CCCLV. Cur enim pulsaret, si non posset aperire? Quomodo diceret: Si quis mihi aperuerit, si ipsemet debet aperire per quemdam impulsu, qui non est in eorum potestate? Lessius de gratiâ efficaciaci, cap. 6. refut. 3. n. 7.

Ut quid nobis prædicatur, atque præcipitur, ut declinemus à malo, & faciamus bonum, si hoc nos non agimus sed id velle, & operari Deus operetur in nobis. Sic impugnari se dicit Aug. lib. de corrept. & grat. cap. 2.

H. Data

H.

*Datâ eâ sententiâ (GRATIÆ PRÆ-
DETERMINANTIS) locus apertissimè
datur errori illorum Monachorum, qui
dicebant, neminem corripendum esse,
quod non operetur bonum, sed orandum
esse Deum, ut ille largiatur gratiam,
auxiliumve efficax, quo bene operetur.*
Molina q. 14. art. 13. disp. 53.
membr. 2.

I.

*Si prædestinatus sum quidquid
hoc tempore faciam, certissimè tandem
salvabor. Consultum igitur erit perfrui
quibuscumque potero voluptatibus. Si
autem non sum, similiter etiam quid-
quid jam faciam, certissimè tandem
condemnabor. Fruar igitur jam quibus
potero voluptatibus.* Valentia in 1. p.
q. 23. disp. 1. p. 4.

H.

*Si non fecero, non ego corripendus
sum, sed ille orandus ut des quod non
dedit. Cum ergo & ipsa volun-
tas à Domino præparetur, cur me corri-
pis quia vides me ejus præcepta facere
nolle, & non potius ipsum rogas? ut in
me operetur & velle. Apud August.
ibidem cap. 4.*

I.

*Sive manè rectè vivatis, sive non
rectè, tales vos eritis postea, qua-
les vos Deus futuros esse præscivit,
vel boni, si bonos, vel mali, si malos.*
Est argumentum Impugnatorum
S. AUGUSTINI, propter quod
(lib. de dono persever. c. 15. ait)
*non deterremur à consuecenda præscien-
tiâ Dei.*

TERTIUS SCIENTIÆ MEDIÆ FUNICULUS.

Tertium ex hac ultimâ collatione propono argumentum *Funiculus
triplex difficilè rumpitur*, Eccles. 4. Eadem doctrinæ debent habere
eisdem effectus; Sed doctrina Scientiæ Mediæ & doctrina S. Au-
gustini non habent eisdem effectus; ergo doctrina Scientiæ Mediæ
non est eadem cum doctrinâ S. Augustini. Nihil est in hoc syllogis-
mo probandum præter minorem, quæ sic probatur. Plurimi acuto
valentes ingenio crediderunt, doctrinam S. Augustini impossibilitatem
præceptorum inducere, frustraneas ex eâ fieri correptiones, atque occasionem des-
perationis tribuere; Sed hos effectus nullus aliquantulo valens ingenio
vnquam sensit, & sentiet ex doctrinâ Scientiæ Mediæ: & in hoc Moli-
nistæ glorianur: ergo doctrina Scientiæ Mediæ, & doctrina S. Augu-
stini non habent eisdem effectus.

* REFUTATIO JUNIORIS MOLINISTÆ.

ET hunc funiculum sic retorquet Junior Molinista, de quo in præced. *Eadem doctrina debent habere eodem effectus: sed Doctrina GRATIÆ PRÆDETERMINANTIS & Doctrina Tridentini ac Pontificum non habent eodem effectus: ergo Doctrina GRATIÆ PRÆDETERMINANTIS non est eadem cum Doctrina Tridentini ac Pontificum.*

Probat minorem. *Plurimi acuto valentes ingenio crediderunt, Doctrinam Tridentini ac Pontificum esse inimicam gratiæ, repugnantem S. AUGUSTINO, &c. Sed hos effectus nullus aliquantulo valens ingenio (judicio quidem prædeterminantium) unquam sensit & sentiet ex Doctrina GRATIÆ PRÆDETERMINANTIS, & in hoc prædeterminantes gloriantur: ergo Doctrina GRATIÆ PRÆDETERMINANTIS & Doctrina Tridentini ac Pontificum non habent eodem effectus.*

Plausibilis Scholaribus retorsio, sed oculatis planè ridicula. Quis enim non rideat, veritatis professorem continuis insistere fallacijs? Fallacia est, dum ad diversa alienatur intellectus, ubi ad vnum tantummodò reflecti oporteret. Ista propositio, *Eadem doctrina debent habere eodem effectus*, non respectu diversorum intelligentium, sed respectu vnius & ejusdem intelligentis est ponderanda; est enim sensus, quòd effectum quem in aliquo intelligente causat doctrina talis, debet in eodem intelligente etiam causare alia doctrina, quæ præcedenti eadem dicitur. Quo posito dicimus, quòd si qui acuto valentes ingenio credant Doctrinam Tridentini ac Pontificum esse inimicam gratiæ & repugnantem AUGUSTINO; iidem etiam credent GRATIAM PRÆDETERMINANTEM à Thomistis assertam esse inimicam gratiæ, & repugnantem AUGUSTINO. Ratio est, quod nullus acuto valens ingenio credet Doctrinam Tridentini ac Pontificum esse inimicam gratiæ & repugnantem AUGUSTINO, nisi quia falsò putat, gratiam veram, quam defendit S. AUGUSTINUS, non relinquere potentiam ad oppositum: quam tamen potentiam ad oppositum relinquit gratia, quæ docetur à Tridentino & Pontificibus. Cum ergò gratia prædeterminans à Thomistis asserta relinquat etiam & potentiam ad oppositum, necesse est, ut qui credit Doctrinam Tridentini ac Pontificum esse inimicam gratiæ & repugnantem S. AUGUSTINO, credat etiam doctrinam GRATIÆ PRÆDETERMINANTIS à Thomistis assertæ esse inimicam gratiæ & repugnantem S. AUGUSTINO. Undè in retorsione Junioris Molinistæ supposità veritate majoris non admittimus minorem secundi syllogismi: &c.

consequenter non procedit retorsio ex ijs quæ concedimus.

At nostrum tertii funiculi argumentum ex ijs quæ ipsis Molinistis manifesta sunt, nec negare possunt, totaliter procedit. Vis enim illius penes hoc attenditur, quod qui credunt Doctrinam S. AUGUSTINI *impossibilitatem præceptorum inducere, frustraneas ex eâ fieri correptiones, atque occasionem desperationis tribuere*, impossibile est quod inducantur in eodem effectus si proponatur ipsis Doctrina Scientiæ Mediæ à Molinistis asserta; ex quo aptè sequitur, Doctrinam Scientiæ Mediæ non posse eandem esse cum Doctrinâ AUGUSTINI. Ratio autem istius est, quod nullus acuto valens ingenio credit Doctrinam S. AUGUSTINI *impossibilitatem præceptorum inducere*, &c. nisi quia apprehendit constitutionem Dei prævenientem omnem voluntatis determinationem, quod impossibile est apprehendere in doctrinâ Scientiæ Mediæ à Molinistis assertâ. Unde in nostro argumento coguntur Adversarii admittere minorem secundi syllogismi, quia in ly nullus debet intelligi nullus eorum qui credunt doctrinam AUGUSTINI *impossibilitatem præceptorum inducere*, &c. Sic enim ipsis Molinistis manifestum est, nec negare possunt, quod nullus taliter credens sentit aut sentiet eodem effectus de doctrinâ Scientiæ Mediæ.

Hinc etiam luculentissimè patet, vanam esse responsionem istius Junioris ad nostrum tertij funiculi argumentum. Respondet enim negando minorem, & ad prob. distinguit majorem: *Plurimi acuto valentes ingenio crediderunt Doctrinam S. AUGUSTINI impossibilitatem præceptorum inducere, frustraneas ex eâ fieri correptiones, rectè aut sapienter, negatur; ex ignorantia Doctrinæ AUGUSTINIANÆ, aut veriùs ex malitiâ, conceditur*. Vana, inquam, est hæc responsio; quia sive sapienter, sive ignorantia id crediderint, est semper verum, quod qui acuto valentes ingenio hoc credunt, non possunt idem credere de doctrinâ Scientiæ Mediæ; & consequenter Doctrinam Scientiæ Mediæ non posse esse eandem cum Doctrinâ S. AUGUSTINI.

Quantum verò attinet ad rei veritatem, dicendum est, posteriores S. AUGUSTINI Impugnatores non ex malitiâ hoc credidisse, cum Prosper in epist. ad August. dicat eos esse *egregios in omnium virtutum studio viros*; & ideò temerarium est Junioris Molinistæ iudicium. Quare ex ignorantia Doctrinæ AUGUSTINIANÆ processit quod egregij in omnium virtutum studio viri crediderint ipsam *præceptorum impossibilitatem inducere, frustraneas ex eâ fieri correptiones, atque desperationis causam tribuere*. Non tamen ita quod ignoraverint, Constitutionem Dei prævenientem omnem voluntatis determinationem esse doctrinam S. AUGUSTINI, sed quod ignoraverint & potius penetrare non valuerint, qualiter cum istâ Dei constitutione stare posset possibilitas præceptorum, vtili-

tas correptionis, & firmitas spei Christianæ, vt patet in eâdem Profperi epistolâ, cujus verba iterum iterumque reddimus, auribus certè characteribus imprimenda & cordi cuiuslibet Cordati medullitè infundenda :

Hoc autem propositum vocationis Dei quo vel ante mundi initium, vel in ipsâ conditione generis humani eligendorum & rejiciendorum dicitur facta discretio, vt secundum quod placuit Creatori alij vasa honoris, alij vasa contumeliæ sint creati, & lapsis curam resurgendi adimere, & sanctis occasionem teporis adferre, eò quod vtrâque parte superfluus labor sit, si neque rejectus vllâ industriâ possit intrare, neque electus vllâ negligentia possit excidere. Quoque enim modo se egerint, non posse aliud erga eos, quàm Deus definivit, accidere, & sub incertâ spe cursum non posse esse constantem : cum si aliud habeat prædestinantis electio, cassa sit adnitentis intentio. Removeri itaque omnem industriam, tollique virtutes, si Dei constitutio humanas præueniat voluntates, & sub hoc prædestinationis nomine, fatalem quamdam induci necessitatem, aut diversarum naturarum dici Dominum conditorem, si nemo aliud possit esse, quàm factus est.

Ponderet CORDATUS THEOLOGUS singula huius testimonij verba, & iudicet, si quid simile vnquam ab acuto valente ingenio possit Doctrinæ Molinistarum opponi; & cum in tribus supradictis Collationibus Alphabeticis omnia ista verba Molinistæ opponant Doctrinæ GRATIÆ PRAEDETERMINANTIS, iudicet CORDATUS THEOLOGUS quænam ex duabus Doctrinis THOMISTARUM scilicet & *Molinistarum* sit eadem cum Doctrinâ S. AUGUSTINI.

Deniquè iudicet, quanta sit firmitas doctrinæ in hoc Opusculo traditæ, & quàm verè à Vicario Christi dictum sit, turissima & inconcussa esse vtriusque Solis dogmata; quandoquidem Junior Molinista rationes nostras ne à limine quidem ausus fuerit refutare, sed solum hinc inde quædam carpsit, quæ fortè minùs antè explicata, nunc nostris refutationibus ita manent elucidata, vt non dubitem Scientiam Mediam sequentibus sæculis de cordibus eorum in quæ fortè ascenderit, præcipitandam esse deorsum. Debuisse Junior ille suos de-

fendere ab imposturis, truncationibus textus, falsis citationibus, omnibusque cavillationibus, quas in hoc Opusculo ad examen revocavimus. Cur non fecit? quia certè non potuit; res enim est de se clarissima, nec ingenio, sed ipsis oculis statim discernitur. Judicet ergò CORDATUS THEOLOGVS, an non Molinistis meliùs sit eos in posterum tacere, quàm suam insufficientiam vaniloquiis prodere?

§. III. Refutatio Defensoris.

CCCLVI. **Q**uare obdormis Domine! Exurge & emitte lucem tuam & veritatem gratiæ tuæ, vt tandem aliquando intelligat cum suis Defensor veram Christi tui gratiam præuenientem, quæ essentialiter inferens actum non omnibus datur, sed cui datur, credit, cui non datur, non credit. *Illumina oculos meos ne vnquam obdormiam in morte*, ne vnquam in adinventionibus meis claudam oculos lumini gratiæ tuæ præuentis, non omnibus dato.

Obdormire videtur Defensor, dum continuò nodum difficultatis eludit, ad necessitatem recurrens gratiæ præuenientis, vbi in modo præueniendi totus est difficultatis nodus. Postquam præoccupavit iterum lectorem larvato, vt supra dictum est, discrimine; non aliam tandem potuit ad formam argumenti, quod tertius stringit funiculus, dare solutionem, quam dederat Prædecessor ejus; qui, vt in Refutatione præcedenti habetur, negat minorem & Probationis majorem distinguit: Plurimi acuto valentes ingenio crediderunt Doctrinam S. AUGUSTINI, impossibilitatem præceptorum inducere, frustraneas ex eâ fieri corruptiones, rectè aut sapienter, negatur; ex ignorantia doctrinæ Augustinianæ, aut verius ex malitiâ, conceditur.

Quid Defensor? Ad hanc inquit n. 789. minoris in quâ vis tota sita est probationem Respondeo illos hæc intulisse ex doctrina AUGUSTINI de gratiâ male intellectâ: minime autem hæc consequi ex eâ in vero sensu accepta; vt ante ostendimus.

CCCLVII. Quàm vana sit vtriusque responsio, patet ex præcedenti Prædecessoris Refutatione. Nam prius nonnunquam conquestus est S. AUGUSTINUS de sinistra & malâ doctrinæ suæ intelligentiâ. Vel hoc vidit S. Doctor, vel non vidit? Posterius non potest dici sine injuria fulgentissimi Ecclesiæ Solis, & perspicacissimi illius ingenij omnium Molinistarum superantis ingenia. Vident Molinistæ, Impugnatores S. AUGUSTINI malè & in alicno sensu intellexisse S. Doctoris doctrinam; & non vidit S. AUGUSTINUS; credisne hoc CORDATE LECTOR? Si S. AUGUSTINUS vidit, Impugnatores suos ex solâ sinistra doc-

trinx suæ interpretatione eum arguere, & aliter quàm docuerat accipere gratiam; maior fit ei injuria, dum ipso silente, & malum intellectum Impugnatoribus suis non exprobrante, id vidisse dicitur, quàm si eum non id vidisse assereretur. Sequitur enim ipsum suos non debellasse Impugnatores; Qui fieri potest vt impugnatio non intellecta superetur? Quâ ratione victus est, qui ex malo solùm intellectu arguit, si male intellexisse non fuerit convictus? Ignorantia igitur non fuit in fortissimis illis & celerrimis Impugnatorum S. AUGUSTINI ingenijs, quòd constitutionem Dei præuenientem omnem voluntatis determinationem, & gratiam præuenientem essentialiter inferentem actum, non omnibus sed solis credentibus datam, ignorarent planam esse S. AUGUSTINI doctrinam; sed vt dixi contra *Junio rem Molinistam* ignorantia eorum fuit, quòd penetrare non valuerint, qualiter cum istâ Dei constitutione, & medio ad credendum necessàrio non omnibus dato, stare posset possibilitas præceptorum, vtilitas correptionis, & firmitas spei Christianæ, vt evidens fit ex verbis Prosperi loco citato relatis, quæ aureis certè characteribus imprimenda, & cordi cuiuslibet CORDATI medullitus fore infigenda, dixit verè TRIUMPHUS.

CCCLVIIJ. *Secundò*. Indissolubilis semper manet tertij-funiculi nodus. Nam dato quòd Impugnatores S. AUGUSTINI malè intellexerint, sufficit quòd ista sequi ex doctrinâ S. AUGUSTINI à parte rei crediderint: & iidem non possint idem credere de doctrinâ scientiæ Mediæ. Ac sic semper est verum, quòd respectu vnus & ejusdem intellectus, non possunt *doctrina* S. AUGUSTINI & *doctrina Scientiæ Mediæ* habere eisdem effectus. Clamat hoc quotidiana experientia, cujus testes sunt qui Molinistas de sua audiunt *versatili* concionantes *gratiâ*. Quis auditorum vnquam conquestus est *versatilis* doctrinam *gratiæ* impossibilitatem inducere præceptorum, frustraneas ex eâ fieri coreptiones, occasionem tribuere desperationis? Iisdem prædicentur auditoribus dogmata S. AUGUSTINI de gratiâ adversus inimicos gratiæ exarata, mox turbabuntur plurimi, & effudent supradictas in gratiam Augustinianam querelas. Signum est igitur manifestum, doctrinam *gratiæ versatilis* & doctrinam GRATIÆ AUGUSTINIANÆ non eisdem in ordine ad vnum & eundem intellectum habere effectus.

CCCLIX. Quid adhuc egemus testibus? Communis CORDATIS est, & sæpe decantata Molinistarum principis audax nimis propositio, quam de principijs *gratiæ versatilis* protulit his verbis: *Quæ si data explanataque semper fuissent, forte neque Pelagiana hæresis fuisset exorta, neque lutheranitam impudenter arbitrij nostri libertatem fuissent ausi negare, obtendentes cum divi-*

ad gratiā, præscientiā, & prædestinationē coherere non posse; neque ex AUGUSTINI opinione concertationibusque cum Pelagianis tot fideles fuissent turbati, in Pelagianosque defecissent; facileque reliquæ illæ Pelagianorum in Gallia, quarum in Epist. Prosperi & Hilary fit mentio fuissent extinctæ, ut patet ex ijs in quibus homines illos cum catholicis convenisse, & ab eis dissensisse eadem epistolæ testantur, concertationesque inter Catholicos facili fuissent compositiæ. Vide Triumphum tomo. 1. de Scientia Mediæ ad examen revocatâ cap. 2. a. 2. §. ult. ubi aliud Molinæ dictum expenditur, quo fatetur S. AUGUSTINUM, sanctosque Patres modum, quo doctrina gratiæ versatilis conciliat libertatem, ignorasse. Ait enim: Hæc nostra ratio conciliandi libertatem arbitrij cum divini prædestinatione à nemine quem viderim huc usque tradita est: Adeoque claram esse putat suam conciliationem, & adeo facilem, credit, ut non dubitet dicere: Neque dubito quin ab AUGUSTINO & cæteris patribus unanimi consensu probata fuisset hæc nostra de prædestinatione sententia, ratioque conciliandi libertatem arbitrij cum gratiā, præscientiā, & prædestinatione si eis proposita fuisset.

Quæ Molinæ jactantia mirum in modum stringit funiculum tertium, & insolubilem facit. Nam si ex doctrinâ gratiæ versatilis iidem fideles non fuissent turbati, qui fuerunt turbati ex doctrinâ GRATIÆ AUGUSTINIANÆ, non possunt duæ istæ doctrinæ eosdem habere effectus. Stringit & funiculum secundum, insolubilemque reddit.

Nam si concertationes quas excitavit inter Catholicos GRATIA AUGUSTINIANA facili fuissent per gratiam versatilem compositiæ; sequitur doctrinam gratiæ versatilis iidem comprobari argumentis, quibus ex difficultate impugnabatur doctrina GRATIÆ AUGUSTINIANÆ. Stringit denique funiculum primum, facitque indissolubilem. Nam si gratiæ versatilis doctrina reliquias Pelagianorum in Gallia extinxisset, quas GRATIA AUGUSTINIANA doctrina suscitaverat, necesse est, ut ambæ gratiæ contrarijs innitantur principijs.

CCCLX. Superest & palliatum ostendere Defensoris discrimen. Ipse verbis suis seipsum condemnet: ut ab initio nostræ Refutationis usque in finem speciosa sit victoriâ nostra, quâ Defensorem gratiæ versatilis cartulis injuste suæ Defensionis velut proprijs laqueis irretivimus; testimoniorum suorum vocibus confutavimus, gemini Ecclesiæ Solis æmulum telis suis evicimus, ejusque argumenta nostris probavimus inutilitatibus militare. Nodum hujus funiculi tetigit n. 548. ubi excusationem Iudæorum, in eorum præ Tyrijs increpatione, dicit justam esse in sententiâ GRATIÆ AUGUSTINIANÆ: injustam verò in sententiâ gratiæ versatilis, eò quòd Judæi caruerint medio necessario ad cre-

dendum, gratiâ videlicet prædeterminante : *Iusta autem*, ait, *videtur illius excusatio quòd non fecerit id , ad quod faciendum carebat medio necessario.* Jam verò secundum doctrinam nostram licet *Judei non habuerint gratiam congruam*; non tamen caruerunt medio necessario ad credendum, habuerunt enim gratiam sufficientem nullo ulteriori auxilio egentem ut crederent. Iniquissima igitur est illorum excusatio; cum donati auxilio plane sufficienti ad credendum culpâ suâ non crederent.

En CORDATE LECTOR nodus hujus funiculi, imò & aliorum, *medium* videlicet *necessarium ad credendum non omnibus datum*. Hic punctus difficultatis, hic cardo totius discriminis rectè sentientium ab Impugnatoribus S. AUGUSTINI. Nam si asserveris aliquod auxilium gratiæ *necessarium ad credendum* credenti datum, & non credenti denegatum, oportet ut omnes Impugnatorum S. AUGUSTINI feras querelas. Si e contrario prædicti auxilij negaveris necessitatem, necesse est ut adversam tibi sentias totam GRATIÆ AUGUSTINIANÆ doctrinam. Dicis quid quid volueris, fucum facies, sed nodum nunquam solves. Res est de se clara, & solâ indiget expensione.

CCCLXJ. *Primum expendamus.* Carentia auxilij *necessarij ad credendum* statim videtur præcepti ad credendum inducere impossibilitatem. Sine eo quod est necessarium ad credendum non impletur præceptum : ergò si quis eo careat non poterit implere præceptum. Si non possit implere præceptum, frustranea est illius ad implendum præceptum exhortatio; & injusta illius increpatio, justissima vero illius excusatio, ut fatetur *Defensor* supra. Econtrario, nec minima adest istarum occasio querelarum, si dicatur, nullum carere medio necessario ad credendum, sed omnes habere ad credendum gratiam sufficientem nullo ulteriori auxilio indigentem. Ex quo, & ipsis imperitis, evidens esse potest, nodum difficultatis istis querelis dantem locum, non peti ex necessitate gratiæ qualiscumque, sed ex necessitate gratiæ necessariæ ad credendum, quæ solis credentibus datur, & non credentibus denegatur. Voces istam gratiam quomodocumque volueris, VOCES PRÆDETERMINANTEM VOCES VICTRICEM, VOCES *congruam*; in eisdem semper incidis querelas, si eam negaveris; nec in rei veritate ab Impugnatoribus S. AUGUSTINI te vnquam discriminabis : & totam GRATIÆ AUGUSTINIANÆ doctrinam tibi semper senties adversam, ut mox expendimus.

CCCLXIJ. *Secundum expendamus.* GRÁTIA AUGUSTINIANA non est aliud, quàm gratia ad credendum & operandum sicut oportet necessaria, credentibus data, & non credentibus denegata Si hoc sit evidens, crit

erit quoque evidens, cum totam GRATIÆ AUGUSTINIANÆ doctrinam sentire sibi adversam, qui necessitatem gratiæ ad credendum non omnibus datæ negaverit; & asserverit, nullum carere medio ad credendum necessario. Solâ lectione librorum fulgentissimi Ecclesiæ Solis opus est, & simplici terminorum intelligentiâ ut evidens cuilibet fiat, GRATIAM AUGUSTINIANAM esse gratiam ad credendum & operandum sicut oportet necessariam non omnibus datam: & per consequens ut evidens fiat, aliquos secundum S. August. carere medio necessario ad credendum. Tres solummodo locos CORDATO Lectori proponemus, quos THOMISTARUM TRIUMPHUS exhibet; & exhibendo demonstrat, non alieno indigere præsidio ad *injustam Recentis Molinistæ Defensionem* invictè superandam. Firmus igitur in perpetuum erit, qui ita seipsum defendit.

CCCLXIII. PRIMUS LOCUS refertur tom. 1. de *Scientiâ Mediâ ad examen revocatâ*. cap. 1. a. 4. §. 2. & desumptus est ex lib. de bono perseverantiæ cap. 14. vbi fulgentissimus Ecclesiæ Sol sic loquitur: *Neminem tamen venire ad Christum, nisi cui fuerit datum, & eis dari qui in illo electi sunt ante constitutionem mundi, procul dubio confitetur, à quo non surdis auribus cordis eloquium divinum auribus carnis auditur.* Tum quasi præoccupans *Defensorem gratiæ versatilis*, qui ait, justam esse illius excusationem, qui non fecerit id, ad quod faciendum carebat medio necessario, subjungit: *Et tamen hæc prædestinatio, quæ satis apertè etiam verbis Evangelicis explicatur, non prohibuit Dominum & propter incipiendum dicere, quod paulo ante commemoravi, creditis in Deum & in me credite, & propter perseverandum, oportet semper orare, & non deficere. Audiunt enim hæc & faciunt quibus datum est, non autem faciunt, si vè audiant si vè non audiant, quibus non est datum.*

Judica CORDATE LECTOR, annon de auxilio ad credendum & operandum sicut oportet necessario apertissimè dicatur, quòd quibusdam datur quibusdam non datur; quòd illi, quibus datur, credunt, & faciunt: illi vè quibus non datur, non credunt, nec faciunt.

CCCLXIV. SECUNDUS LOCUS in eodem tomo refertur n. 113. & acceptus est ex lib. de Prædestinatione Sanctorum cap. 8. vbi S. AUGUSTINUS dicit: *Hæc enim gratia, quæ occultè humanis cordibus divinâ largitate tribuitur, a nullo duro respuitur. Idèò quique tribuitur, ut cordis duritiâ primitus auferatur.* Et quasi explicans quid sit auferre cordis duritiâ ait: *Qui credunt prædicatore forissecus insonante, intus à Patre audiunt atque discunt: qui autem non credunt, foris audiunt, intus non audiunt, neque discunt: hoc est illis datur ut credant, illis non datur.*

Judica CORDATE LECTOR, annon auxilium quo creditur, & sine quo non creditur, sit necessarium ad credendum? & tamen de illo luculentissime asserit S. AUGUSTINUS, quod quibusdam datur, quibusdam non datur. Quem fidelissime sequens Sol Angelicus 2. 2. q. 2. a. 5. ad 1. *Si in potestate hominis esse dicatur aliquid ex auxilio gratiæ, sic ad multa tenetur homo ad quæ non potest sine gratiâ preparante (quæ scilicet preparatur voluntas à Domino inspirando ei amorem justitiæ) sicut ad diligendum Deum, & proximum, & similiter ad credendum articulos fidei. Sed tamen hoc potest cum auxilio gratiæ: quod quidem auxilium quibuscumque datur, misericorditer datur, quibus autem non datur, ex justitiâ non datur in pœnam præcedentis peccati, & saltem originalis peccati, ut AUGUSTINUS dicit in lib. de corrupt. & grat.*

CCCLXV. TERTIUS LOCUS refertur eodem tomo in Appendice de causâ Prædestinationis sectione nona in fine. Et habetur in eodem c. 8. de Præd. SS. ubi disertis verbis S. DOCTOR concludit: *Fides igitur & inchoata, & perfecta, donum Dei est; & hoc donum quibusdam dari, quibusdam non dari omnino non dubitet qui non vult manifestissimis sacris litteris repugnare. Cur autem non omnibus detur, fidelem movere non debet qui credit ex uno omnes esse in condemnationem sine dubitatione justissimam; ita ut nulla Dei: & recte reprehensio, etiamsi nullus inde liberaretur.*

Judica CORDATE LECTOR, an non fides & inchoata & perfecta comprehendat omne donum necessarium ad credendum? An non asserat S. AUGUSTINUS donum istud ad credendum necessarium quibusdam non dari? Nec justè possè reprehendi Deum, si nulli daret prædictum auxilium, quo à condemnatione liberaretur?

Quomodo igitur audet *Defensor*, ut doctrinam S. AUGUSTINI proponere, *Iustam esse illius excusationem qui non fecerit id ad quod carebat mediâ necessario?* Si iusta sit illius excusatio, iustè poterit reprehendi Deus, quod damnet eum, cui medium necessarium ad liberationem denegavit, secundum S. AUGUSTINUM.

CCCLXVI. Tribus illis locis ita funiculus triplex stringitur, ut impossibile sit à Molinistis dissolui. Sola eorum consideratio palliatum ostendit quodcumque *Defensoris* discrimen, Non enim ex necessitate cujuscumque auxilij impugnabatur S. AUGUSTINUS, sed ex necessitate auxilij credentibus dati, & non credentibus denegati. Cum ergo *Defensor* ex carentia auxilij ad credendum necessarij judicet præceptorum impossibilitatem, justam esse excusationem, injustam increpationem; oportet, ut propter eandem causam impugnent Molinistæ GRATIAM, propter quam & impugnata fuit temporibus S. AUGUSTINI. Res a-

deò clara est, vt hoc vnicum sit, quod animum Zelantis veritatem commoveat. Si enim, vt adhuc dixi, sententiam suam, vt suam, vt Molinæ qui in adjuventionem illius gloriatur, proferrent, patienter posset ferri, sicut plures aliæ feruntur Iuniorum novitates. Verùm enimverò in tam apertâ doctrinæ contrarietate sua proferre, vt AUGUSTINI dogmata, Zelus non Sustinet. Usquequò Domine tu sustinebis?

Quod perenni vertendum mihi probro, dicit in fine *Defensor gratiæ versatilis*, hoc ipsum operaturum in me spero immensum gloriæ pondus: quia veritatem, ubicumque inveni, accipere conatus sum: & omnia derelinquens propter illam, sincero quem novit & inspiravit Deus amore, eam studui elucidare. Ideò eripiet me de inimicis meis Deus meus, & ab insurgentibus in me Molinistis liberabit me. Didici ex S. AMBROSIO, quod *omne verum à quocumque dicatur est à spiritu sancto*. Didici ex S. AUGUSTINO quod *à quocumque verum dicitur, illo donante dicitur, qui est ipsa veritas*. Didici ex S. SCRIPTURA, & firmiter credo, quod veritas dixit, *Qui elucidant me vitam æternam habebunt*. Hanc ex corde *Defensori gratiæ versatilis*, atque omnibus Molinistis exopto: in quâ certò certius conspècturi sunt *Scientiæ Mediæ deformitatem*, *gratiæ versatilis* vanitatem, *nimiam* suorum in moralibus *laxitatem*, in sæcula sæculorum, Amen.

S. Ultimus. Aperta est sententia P. SUAREZ, quòd *opinio de sufficientiâ attritionis ad sacramentum non est certa, & potest esse falsa; nec valde antiqua, nec multum communis sit.*

CCCLXVIIJ. DOCTRINAM TRIUMPHI non concernit vltimus hic paragraphus: sed Eximium illius Approbatorem, & Egregium almæ hujus Universitatis Professore tangit, à *Defensore* propter veritatis causam injustè & contumeliosè habitum n. 728. & seq. Encomiassem hîc Approbatoris mei libenter agerem, si summa illius ferret modestia, & in aliquam adulationis speciem adversariorum non deflecteret invidia. Egregium eum esse Angelicæ doctrinæ ostenderet Defensorem in hac Almâ Vniversitate contra Molinistas. Hæc est causa, cur in eum vbi se obtulerit occasio, insurgant, nec possint ei pacificè loqui. Audiavi ego in publicis disputationibus Professore Iesuitam ad os, vt dicitur, ei exprobrantem: *Non curamus tuas Epomides.*

des Accidit & THOMISTARUM TRIUMPHUS, quem non solum approbavit, sed & ipse curavit, ut quam primum videret lucem ad maiorem Cordatorum utilitatem. Quae utilitatis publicae cura magis exacerbavit Molinistas, & multifariam multisque convitiis & contumeliarum modis impetentes THOMISTARUM TRIUMPHUM, tacite in ipsum Approbatorem & TRIUMPHI Promotorem linguas suas stylo ferreo acuerunt.

Quare si in stateram appenderentur convitia & contumeliae Molinistarum, aquae redderentur lances, si iisdem terminis *Defensor gratia versatilis* expugnaretur, quibus suos S. AUGUSTINUS expugnavit Impugnatores.

Verum quae personam meam tangunt, non me tangunt. Non enim condignas existimo personae quascunque injurias, ad veritatem doctrinae, quam omnibus dimissis ardentem quaero. Opprobrium libenter sibi Molinistis, ut lux AUGUSTINIANA & ANGELICA luceat Cordatis.

Ad consolationem personae scriptum esse scio, & credo: *Beati estis cum maledixerint vobis homines, & persecuti vos fuerint, & dixerint omne malum adversum vos, mentientes propter me: gaudete & exultare, quoniam merces vestra copiosa est in caelis. Matth. 5.*

Ad veritatem doctrinae spectat; *Spiritus meus super mel dulcis, & hereditas mea super mel & favum; memoria mea in generationes saeculorum. Qui edunt me adhuc esurient; & qui bibunt me adhuc sitient. Qui audit me non confundetur, & qui operantur in me non peccabunt. Qui elucidant me vitam aeternam habebunt. Eccli. 24.*

Quapropter praeposui illam regnis & sedibus, & divitias nihil esse duxi in comparatione illius. Super salutem & speciem dilexi illam, & proposui pro luce habere illam: quoniam inextinguibile est lumen illius. Dicant Molinistae quidquid in mentem venerit, irrideant, subfannent, maledicant; contumelientur, anathematizent; *Portio mea*, veritas.

CCCLXIII. Eximius Dominus DE LA VERDURE in schola publica Divi AUGUSTINI encomiasten agens, asservit esse sententiam P. SUAREZ, quod *Opinio de sufficientia attritionis ad sacramentum non est certa, & potest esse falsa; nec valde antiqua, nec multum communis sit.* Et citavit locum ex tomo 4. de poenit. q. 90. art. 4. Dtp. 15. sec. 4 n. 17. Praetendit *Defensor gratia versatilis* n. 730. istum Doctorem impoluisse P. SUAREZ. Quam longe à vero aberrat *Defensor*: quam in Suare caecutiatur: quam parum synceros fidelesque oculos habeat; quamvis suos nostris synceriores fidiolioresque in *injusta sua defensione* praedicet, manifestum faciet praesens paragraphus ad hoc specialiter destinatus. In quo integrum P. SUAREZ textum primo adducemus, ut in promptu Cor-

DATUS LECTOR judicare possit de veritate facti. Eum tamen articulatim, & interpositis titulis referemus, ut attentè & articulatè lectus, veritas ipsa facti, quam quærimus, statim se prodatur, & manifestetur. Deinde, DOMINO VINCENTE & PRÆDETERMINANTE, evincemus, verum dixisse D. DE LA VERDURE: & à vero aberrasse Defensores gratia versatilis æquè benè in hac paginâ, ac in singulis alijs injustæ suæ defensionis paginis.

Dubium de contritione habendâ in articulo mortis.

A. Status quæstionis proponitur.

17. Tandem iterum inquiri hic potest, an saltem per accidens ratione dubij seu periculi teneantur fideles in lege gratiæ ad habendam contritionem saltem in articulo mortis, si mortaliter peccaverunt, etiamsi cum attritione cognitâ confessi sunt, vel confiteri possint?

B. Prima sententia asserens teneri ad contritionem ex lege Charitatis.

Est enim valde verisimile hanc obligationem durare saltem ex lege Charitatis.

C. Ratio primæ sententiæ.

Nam, licet sit PROBABILIS OPINIO, attritionem cognitam cum Sacramento sufficere ad justificationem; TAMEN NON EST CERTA, ET POTEST ESSE FALSA. Quod si fortasse in re ita est, PROBABILIS ILLA EXISTIMATIO non sufficit ut homo salvetur: ergo qui sciens & videns ita se mori permittit voluntariè, exponit se periculo morali æternæ damnationis; nam ubi est morale dubium, est morale periculum, præsertim in re tam gravi: hic autem est morale dubium, CUM ILLA OPINIO NEC VALDE ANTIQVA, NEC MULTUM COMMUNIS SIT.

D. Tacita excluditur responsio.

Neque habet locum hic distinctio de dubio practico, vel speculativo: nam quando DUBIUM EST DE RE IPSA, SEU EFFECTU, an fiat necne? Tam dubium speculativum, quàm practicum sufficit ad REM IPSAM in periculo constituendam. Videtur autem profectò charitas obligare hominem ne sit ad id negligens suæ salutis æternæ, ut eam tanto periculo exponat: ergo obligat illum ad faciendum quod in se est, & conandum ad habendam contritionem.

E. Primam istam sententiam semper judicavit P. Suarez valde probabilem, & adhuc judicat, etsi sciat multis viris doctis & pijs displicere.

18. *Quæ sententia mihi semper valde probabilis visa est, & adhuc nunc videtur: quamquam videam multis viris doctis, atque etiam pijs difficile ac rigorosum videri:*

F. Tres rationes cur prima sententia multis viris doctis, atque pijs displiceat.

1. *Quia putant sententiam illam de justificatione per sacramentum pœnitentiæ, cum attritione cognita jam esse adeo receptam, & autoritate Concilij Tridentini munitam, ut videatur sufficiens ad tollendum morale periculum.*

2. *Item, quia alias etiam non liceret homini nunquam confiteri cum attritione cognita: quia exponit se morali periculo non recipiendi sacramentum, vel saltem non recipiendi gratiam.*

3. *Tandem, quia nimis coarctamus viam salutis, & injicimus hominibus scrupulos, ut quoties insurgunt dubia circa statum peccati, vel remissionem ejus, teneantur contritiones iterare.*

G. Resolutio P. Suarez, & prima ejus conclusio, quòd non teneatur ex lege Pœnitentiæ.

19. *Dico tamen, fidelem hunc constitutum in articulo mortis; qui bene novit solam attritionem de peccatis suis habuisse, & cum ea tantum confessum & absolutum esse, EX VI JUSTITIÆ AD DEUM, SEU POENITENTIÆ non teneatur ad perfectiorem pœnitentiam agendam:*

H. Ratio Primæ conclusionis.

Quia juxta probabilem opinionem ET PRACTICE CERTAM satisfecit quantum debuit, neque EX HAC PRÆCISA RATIONE exponit se alicui morali periculo, SI ONNEM ALIAM OBLIGATIONEM IMPLEAT, ut jam dicam.

I. Secunda conclusio bimembris, quòd teneatur majorem dispositionem, procurare, idque tam ex charitate Dei, quàm propria.

Nilominus verò existimo tam ex CHARITATE DEI quàm PROPRIA teneri hujusmodi hominem majorem dispositionem procurare ad aternam salutem consequendam, graviterque peccare, si voluntarie ita se mori sinat.

L. Ratio primæ partis, quòd teneatur ad amorem Dei
super omnia ex lege charitatis Dei.

Nam in primis tenetur hic homo diligere Deum super omnia priusquam moriatur : quis ut dixi, hic actus per se necessarius est, & non tantum ratione peccati.

M. Tacita excluditur responsio duabus rationibus.

Nec satis est, quòd talis homo prius aliquando in vita Deum super omnia dilexerit.

1. Tum quia hoc præceptum non tantum semel obligat, sed etiam sæpius, & tempus maxime necessarium est articulus mortis :

2. Tum etiam : quia postquam homo priorem dilectionem per subsequens peccatum mortale virtualiter retraxerit, tenetur denuò illum diligere & se & omnia in eum refert, non secus ac si denuò procreatus esset. quod Nota bene.

N. Firmatur prima pars secundæ conclusionis, & simul
prima conclusio.

Hæc ergò obligatio cum sit per se & intrinseca charitatis, etiam nunc manet : si ergò ille homo in tali statu & articulo constitutus, Deum sic diligere conetur, non credo obligari ad aliam contritionem seu formalem pœnitentiam : quia obligationi pœnitentiæ jam satisfactum fuit, ut dixi : & si quid erat dubij aut periculi de effectu pœnitentiæ secuto, per illum actum amoris sufficienter tollitur, satis enim certum est neminem damnari, qui Deum super omnia diligit, & maxime post receptum sacramentum pœnitentiæ cum attritione. At verò si quis VOLUNTARIE talem actum omitteret, ex hac parte contra charitatem Dei ageret,

O. Ponitur secunda pars conclusionis secundæ.

Et OMITTENDO etiam CONTRITIONEM, CONTRA PROPRIAM CHARITATEM seu misericordiam quam circa seipsum exercere tenetur, ETIAM SPECIALITER PECCARET,

P. Ratio secundæ partis.

Propter rationem factam, quæ apud me efficacissima est.

Q. Solvuntur tria argumenta virorum doctorum atque
piorum contra rationem factam pro primâ sententiâ,
quam Suarez hic fecit suam. 1.º solvitur tertium,
2.º secundum. Primum ipsa ratio facta solvit.

20. *Nec propterea coarctamus viam salutis, sed debitam & necessariam diligentiam ad illam ab hominibus requirimus. En solutio arg. 3. Neque alij casus similes sunt, vel quia non est æquale dubium, seu periculum, vel quia non est de nocumento adeo gravi & irreparabili. En solutio arg. 2.*

R. Necessitatem amoris, vel contritionis in præsentī casu dicit esse necessitatem præcepti, non mediij; & ideo posse in quibusdā casibus sine illis actibus moribundum cum solā attritione cognitā absolutum salvari.

Quod si tandem contingeret hominem in cocasu mori sine actu amoris, vel contritionis, & sine novo peccato, vel quia raptus est priusquam hoc advertere posset, vel quia illos omisit ex probabili ignorantia obligationis seu juris aut etiam facti: quia videlicet conatus est ad talem actum habendum, & putavit se habere re tamen vera non habuit: in his, inquam, casibus ille homo salvabitur: quia tunc necessitas talis actus non est necessitas mediij in re ipsa omnino requisiti, sed præcepti, à cuius transgressione tunc excusabitur propter aliquam ex dictis circumstantijs: & ideo non amittit iustitiam quam per sacramentum consecutus fuerat, ergo ex vi illius salvabitur.

S. Quæ sit certitudo salutis in dictis casibus.

Non possumus autem majori cum certitudine tali homini salutem promittere, quàm sit certa opinio illa, quæ asserit sacramentum cum solā attritione cognitā iustificare, & quàm sit etiam certum in illo sacramento consiciendo nullum substantiale impedimentum intervenire.

Probatur ex prædicto textu, quanta sit in P. Suarez Defensoris hallucinatio.

CCCLXIV. **H**abet Defensor totum P. SUAREZ textum secundum Alphabetum Distinctum. Consideravimus eum, sicut & nos, quotidianis gravari lectionibus. Ut labori parceret, parvam fecimus totius textus Suariani anatomiam Alphabeticè distinctam. Accipiat modò stylum Defensor, & primò noter litteram E. Ibi videbit non ex alienà sed ex proprià sententia, P. SUAREZ affirmare sententiam primam esse valde probabilem; semper ut valde probabilem habuisse, & adhuc nunc ut valde probabilem reputare. Ex quo insigniter imponit n. 730. Eximio D. de la VERDURE. Dum relatà ratione primæ sententiæ, quæ habetur litt. C. Subsumit *Atqui hæc verba non proferuntur à Suarez, ut explicet quid ipse sentiat, sed ut exponat quid alij: nam more suo aliorum opinionem suæ præmittit.* Non enim super illa verba ut relatà à primâ sententiâ fundatur assertum Eximij D. de la VERDURE, sed super illa verba ut sunt P. SUAREZ judicantis primam sententiam esse valde probabilem. Qui enim visâ aliqujus sententiæ ratione iudicat eam esse valdè probabilem, ipse & rationem, cui sententia innitur, iudicat probabilem: nisi irrationabile, & ad instar Pŷttaci,

Plittaci, proferat iudicium. Cum ergò P. SUAREZ iudicet primam sententiam esse valde probabilem; oportet ut rationem illius iudicet valde probabilem, quæ dicit, quòd opinio de sufficientia attritionis ad sacramentum non est certa & potest esse falsa; nec valde antiqua, nec multùm communis sit.

Agnovit, ut puto, *Defensor* infidelitatem sui processus; quia alibi dicit, *postrema illa verba*, (quæ sententia mihi semper valdè probabilis visa est) *in quibus sita est tota vis huius probationis; efficere tantùm ipsam sententiam asserentem necessariam esse contritionem in proximo mortis discrimine non tamen huius necessitatis hanc rationem allatam.* Ut se ab Impositurâ liberet irrationabilem facit P. SUAREZ, ut nuper vidimus; irrationabilis enim est in iudicando qui sine ratione profert iudicium. Hallucinatur etiam *Defensor* dum ait totam vim probationis Eximii D. DE LA VERDURE sitam esse in illis verbis, *quæ sententia mihi semper valde probabilis visa est; cum tamen vis ejus maxima sita sit in sequentibus verbis litt. E. Et adhuc nunc videtur: quamquam videat̃ multis viris doctis atque etiam pijs difficile ac rigorosum videri, quia putans, &c.* ut habetur litt. F. Nonobstante quòd videret multis viris doctis atque pijs displicere primam sententiâ, eò quòd putarent certitudinē opinionis de sufficientiâ attritionis excludere morale periculum, hoc, inquam, nonobstante adhuc nunc iudicat eam esse non solum probabilem, sed VALDE probabile. Quod certè iudicium non posset sine magna illius injuriâ dici protulisse, absque eo quod iudicaret, valdè probabilem esse rationem primæ sententiæ.

Verùm non tantum valde probabilem, sed & efficacissimam dicit eam esse, primamque sententiam apertè facit suam explicando eam. Duas conclusiones ponit. Prima non est primæ sententiæ contraria. Secunda est bimembris; & in secundâ sui parte, id quod prima sententia docuerat de lege charitatis, non distinguendo inter charitatem Dei & propriam, idem ipsum asserit P. Suarez de charitate propriâ propter eandem rationem, quâ dicit esse efficacissimam. Ne obruatur *Defensor* articulatim procedamus.

CCCLXV. Accipiat stylum *Defensor*, & secundò notet litteram G. & cernit, primam conclusionem Suarez asserere, quòd ex lege pœnitentiæ non teneatur moribundus, cum attritione cognitâ absolutus, ad habendam contritionem: quia, ut dicit litt. H. juxta probabilem opinionem & practicè certam satisfecit legi pœnitentiæ quantum debuit. Putat *Defensor* per ly *practicè certam* stabilire suam hallucinationem; non dijudicans quòd esse *practicè certum* nihil addit apud Probabilistas supra probabile. Nam eò ipso quòd opinio est probabilis, possumus eam tutò sequi, & consequenter est *practicè certa*. Scimus Suarem tenere ad efficaciam sacramenti sufficere attritionem cognitam, & per illam plenè satisfieri legi pœnitentiæ de confitendo; & consequenter opinionem de sufficientia attritionis ad sacramentum esse *practicè certam* apud P. Suarez: sed in ordine ad satisfaci-

dum legi pœnitentiæ præcisè secundum se sumptæ. Cum quo stat, quòd non sit *præcisè certa* ad satisfaciendum legi charitatis propriæ & legi pœnitentiæ ut subordinatæ charitati: eò quòd excludat morale periculum peccandi contra legem pœnitentiæ, non tamen excludit morale periculum peccandi contra legem charitatis propriæ. Vnde signanter addidit P. Suarez *neque EX HAC PRÆCISA RATIONE exponit se alicui morali periculo, SI OMNEM ALIAM OBLIGATIONEM IMPLEAT, ut jam dicam.*

CCCLXVJ. Accipiat stylum *Defensor*, & tertio notet litt. I. & inveniet secundam conclusionem bimembrem; cujus prima pars est, quod ultra attritionem jam habitam teneatur ad amorem Dei super omnia ex lege charitatis Dei. In quo iterum hallucinatur *Defensor*, dum alibi assumit verba, quæ exhibet litt. N. *Si ergò ille homo in tali statu & articulo constitutus Deum sic diligere conetur, non credo obligari ad aliam contritionem seu formalem pœnitentiam: quia obligationi pœnitentiæ iam satisfactum fuit, ut dixi.* Hallucinatur dico, *Defensor* dum hæc verba assumit ad probandum quòd non sit sententia Suarez *opinionem de sufficientia attritionis non esse certam &c.* Illis enim verbis firmat Suarez primam conclusionem, quæ primæ sententiæ non est contraria. Solùm vult quòd iste homo diligens Deum super omnia, non teneatur ex lege pœnitentiæ præcisè sumptæ ad contritionem, nec ex lege charitatis Dei quæ sufficienter impletur per amorem Dei super omnia post receptum sacramentum pœnitentiæ cum attritione. Vnde concludit, quòd ille *qui voluntarie omitteret amorem Dei super omnia, peccaret contra charitatem Dei, non contra pœnitentiam secundum se, nec ut charitati Dei subordinatam.*

CCCLXVII. Accipiat stylum *Defensor*, & quartò notet litt. O. & confundetur de suâ hallucinatione; videbitque quàm longè à vero aberraverit, quàm in Suare cæcutiat, & quàm econtra Eximius D. DE LA VERDURE Fideliter sententiam Suarianam recitaverit. Etenim clarissimè dicit Suarez, *& omittenda etiam contritionem contra propriam charitatem, seu misericordiam quam circa seipsum exercere tenetur, etiam specialiter peccaret.* Ubi limitatio illa habetur, quàm alibi fingit. *Defensor? Nisi exercueris actum amoris Dei super omnia. Tunc enim censet nullam superesse contritionis obligationem.* Vide CORDATE LECTOR, quàm in Suare cæcutiat, quòd dixit Suarez litt. N. de lege pœnitentiæ; hoc facit cum dicere de lege charitatis propriæ. Tria dicit Suarez; 1.^{um} ex lege pœnitentiæ non tenetur ad contritionem. 2.^{um} ex lege charitatis Dei tenetur ad amorem Dei super omnia. 3.^{um} Ex lege charitatis propriæ tenetur ad contritionem. Per attritionem, satisficit legi pœnitentiæ. Per amorem Dei super omnia, legi charitatis Dei. Per contritionem, satisficit legi charitatis propriæ, quæ in articulo mortis exigit pœnitentiam contritione perficiendam. Vnde ipsa etiam lex

pœnitentiæ vt subordinatur legi charitatis propriæ, postulat contritionem. Quare moribundus quantum est ex lege pœnitentiæ præcise & charitatis Dei salvaretur, per attritionem; & amorem Dei super omnia, dummodo obligationem charitatis propriæ adimpleat.

CCCLXVIII. Accipiat denique stylum *Defensor*, & quintò notet litt. P. & intelliget quænam sit ratio, ob quam exigit charitas propria iuxta P. Suarez contritionem. *Propter rationem sacram, ait, quæ apud me efficacissima est.* Cur ista verba non adduxit *Defensor*? Quia confundi timuit. Cernit CORDATE LECTOR, quàm à vero aberraverit. Prima sententia asserbat, *ex lege charitatis teneri hominem istum ad contritionem.* Vnum verbum addidit P. Suarez *ly propriæ, ex lege charitatis propriæ tenetur ad contritionem.* Est igitur prima sententia, propria P. Suarez sententia. Nam charitas propria, est charitas; ergò qui docet teneri ad contritionem ex lege charitatis propriæ, docet absolute quòd teneatur ex lege charitatis. Unde rationem primæ sententiæ dicit efficacissimam.

Fundatur autem hæc ratio in isto principio, quòd opinio de sufficientiæ attritionis ad sacramentum non sit certa, & potest esse falsa; nec valde antiqua nec multum communis sit. Eandem rationem assumit Suarez, vt efficacissimam, ad probandum necessitatem contritionis ex lege charitatis propriæ; ergò sentit principium esse efficacissimum, & consequenter verum.

Formemus *Defensori* rationem: Qui exponit se periculo morali æternæ damnationis, peccat specialiter contra legem charitatis propriæ: sed qui videns & sciens se mori permittit, cum attritione cognita solummodo absolutus, exponit se periculo morali æternæ damnationis: ergò &c. Major constat ex eò quòd videtur professò charitas obligare hominem, ne sit adeo negligens suæ salutis æternæ, vt eam tanto periculo exponat, vt dicitur lit. D. Prob. minor. habet morale dubium: ergò se exponit periculo morali. Patet conseq. Quia ubi est morale dubium est morale periculum: hic autem est morale dubium cum ista opinio nec valde antiqua, nec multum communis sit, non sit certa, & possit esse falsa. En ratio, quam Suarez dicit efficacissimam.

CCCLXIX. Quod adhuc luculentius patet, ex eo quòd statim solvat argumenta virorum doctorum atque piorum, quæ contra primam sententiam retulerat. Quorum PRIMUM erat litt. F. *Quia putabant sententiam illam de iustificatione per sacramentum pœnitentiæ cum attritione cognita iam esse adeò receptam, & autoritate Concilij Tridentini munitam, vt videatur sufficiens ad tollendum morale periculum.* Solvit duo posteriora argumenta, & hoc primum argumentum silentio præterit; quia contrarium pro principio assumerat. Quasi diceret, licet ista opinio sit satis recepta non tamen communiter, cum non multum communis sit, & licet fundetur in autoritate Tridentini, non tamen est valde antiqua: cum ergò non sit cer-

ta, & poffit effe falſa, non excludit morale periculum æternæ damnationis; quod nocumentum eſt irreparabile in iſto caſu: & ideò dicit non eſſe ſimile in alijs caſibus, per quod ſolvit argumentum ſecundum.

SECUNDUM ARGUMENTUM ERAT: *Quia alias etiam non liceret homini unquam conſiteri cum attritione cognita quia exponit ſe morali periculo non recipiendi ſacramentum, vel ſaltem non recipiendi gratiam.*

Reſpondet, litt. Q. neque alij caſus ſimiles ſunt, vel quia non eſt æquale dubium ſeu periculum, quod intellige reſpectu periculi non recipiendi ſacramentum vel quia non eſt de nocumento adeo gravi & irreparabili, quod intellige reſpectu nocumenti non recipiendi gratiam.

TERTIUM ERAT ARGUMENTUM: *Quia nimis coarctamus viam ſalutis, & injicimus hominibus ſcrupulos ut quoties inſurgunt dubia circa ſtatum peccati vel remiſſionem ejus teneantur contritiones iterare.*

Reſpondet litt. Q. Nec propterea coarctamus viam ſalutis ſed debitam & neceſſariam diligentiam ad illam ab hominibus requirimus. Obſervent iſtam ſolutionem, & Defenſor, & Probabiliſtæ. Hominum ſcrupuli & turbationes contemni debent, ubi de obſervatione legis divinæ agitur. Si quis Probabiliſtarum contra ſententias, anguſtam viam ſalutis facientes, objecerit; *Turbatis homines, & ſcrupulos eis injicitis.* Reſpondere debet conſians veritatis aſſertor, non ego turbavi Iſraël, ſed vos turbaviſtis, latam & ſpacioſam viam facientes ad ſalutem. Non coarcto ego viam ſalutis; Chriſtus Dominus coarctavit eam, qui falli non poteſt; ſed debitam & neceſſariam diligentiam ad illam ab hominibus requiro; ut contendant intrare per anguſtam portam, nam lata eſt via & ſpacioſa, quæ ducit ad perditionem. Quidquid dixerint Probabiliſtæ, tranſibit; *verbum autem Domini permanet in æternum.*

Cum P. Suarezij mentem adeò manifeſtam fecerimus; nullus ampliùs ſuperſeſſe poterit apud CORDATOS dubitandi locus, quòd Suarez ſuam fecerit, rationem quæ dicebat, quòd *opinio de ſufficientia attritionis ad ſacramentum non eſt certa, & poſſe eſſe falſa, nec valde antiqua, nec multum communis ſit.* Ac proindè Eximium D. DE LA VERDURE verum dixiſſe, & à vero longe aberraviſſe Defenſorem gratiæ verſatiliſ, ſicut in alijs, ſic & in hac injuſta ſuæ deſenſionis paginâ.

Duo plurimum obſervanda ex doctrinâ P. Suarez, in quibus deficere videtur.

CCCLXX. **N**on æmulamur auctoritatem P. Suarez. Dixerit ipſe, & mille doctiores illo dixerint, attritionem ſine amore Dei ſufficere ad ſacramentum; nullus propterea juſtificabitur, ſi Deus aliter ordinavit; nec à peccato excuſabitur, ſi lex divina præceperit dolorem.

eum proposito non peccandi ortum ex amore Dei. De cetero deservire possunt ad formandum conscientiam; ut quis sequens illos non peccet contra conscientiam. Cum quo tamen stat, ut si lex divina sit in contrarium peccet contra legem qui contra conscientiam non peccat. In hoc maxime deficiunt Probabilistæ, quod non distinxerunt peccatum contra conscientiam à peccato contra legem: purantes eo ipso quod nullius malitiæ in actu suo conscij sint ipsos excusari, si probabilis, & multis Doctoribus stipata sit eorum conscientia. Hoc tantum probat eos non peccare contra conscientiam: quæ propterea sicut non definit esse erronea, si lex divina sit in contrarium: ita nec excusat à peccato contra legem divinam, eo quod faciens quod in se est ex auxilio gratiæ, nullumque habens inordinatum affectum, illuminabitur à Deo in agendis hic & nunc. Et ideo voluntaria est omnis legis Dei ignorantia. Nam fallere non potest, qui promittit & dixit: *Si enim sapientiam invocaveris, & inclinaveris cor tuum prudentiæ: si quaesieris TAMQUAM PECUNIAM, & SICUT THESAUROS effoderis illam tunc intelliges timorem domini & scientiam Dei invenies, quia dominus dat sapientiam: & ex ore ejus prudentia & scientia.* Prov. 2. Uno verbo, si eam diligentiam ad cognoscendum ea quæ sunt legis Dei & suæ salutis adhiberent homines, quam adhibent ad cognoscendum & acquirendum temporalia, nunquam illam ignorarent. Certum est quemlibet hominem teneri ad majorem diligentiam, majorem conatum, majorem animi applicationem in eis quæ sunt legis Dei, & suæ salutis, omni vigilantissimi mercatoris diligentia, conatu, & animi applicatione in mercibus conquirendis, ex quibus lucrum reportare possit. *Quis est hic & laudabimus eum?* Vide TRIUMPHUM THOMISTARUM Opusc. 5. de Probabilitate.

Duo veniunt in doctrina P. Suarez Plurimum observanda. Primum est, quod plus tribuat charitati propriæ, quàm charitati Dei; in quo certè deficit cum ex charitate debeat homo plus diligere Deum, quàm seipsum, & consequenter plus damnum Dei reparare, quàm suum evitare. Contritione, id est displicentia peccati ex amore Dei super omnia, reparatur damnum Dei à peccatore secundum affectum illatum: sicut certò evitatur æterna damnatio. Si charitas propria obligat moribundum ad contritionem, quia in isto casu nocumentum æternæ damnationis est irreparabile, multò fortius charitas Dei obligabit eundem ad contritionem, quia damnum Dei est irreparabile à moribundo.

CCCLXXJ. Secundum, quod occurrit ex Doctrinâ P. Suarez observandum, est id quod litt. M. dicit: *Postquam homo priorem dilectionem per subsequens peccatum mortale virtualiter retractavit, tenetur denuò illum diligere, & se & omnia in eum referre, non secus ac si denuò procreatus esset.* Quemadmodum homo qui

denuò procreatus esset teneretur in primo instanti usus rationis diligere Deum super omnia: ita poenitens qui in Deo renascitur teneretur in instanti regenerationis suæ diligere Deum super omnia. In quo deficere credimus P. Suarez, quòd in instanti regenerationis requirat dilectionem Dei super omnia, & eam non requirat ad ipsam justificationem sacramento perficiendam. Quasi verò ille qui est à Deo ut ab ultimo fine aversus possit excludere omnem voluntatem peccandi nisi ad Deum ut ultimum finem se denuò convertat. Solus amor Dei ut ultimi finis est cum omni actuali peccato incompossibilis: quam tamen impossibilitatem exigit P. Suarez in affectu disponente ad efficaciam sacramenti ut refert TRIUMPHUS Opusc. 4. de contritione n. 42.

Non est difficilius facere quod in se est ex auxilio gratiæ ad habendam contritionem pro acquirenda justificatione, quàm facere quod in se est in instanti regenerationis ex auxilio gratiæ ad habendam contritionem pro conservandâ justificatione. Quia tota difficultas oritur ex amore Dei super omnia, quem exigit P. Suarez in instanti regenerationis pro conservandâ justificatione. Si obligatio ad amorem Dei super omnia & dolorem inde ortum, non sit majus onus ante susceptionem sacramenti, quàm statim post: & ex aliâ parte agnoscit P. Suarez quòd *opinio de sufficientia attritionis non sit certa & potest esse falsa, nec valde antiqua & communis sit*; non sufficienter, nec solidè discurrit, dum in instanti regenerationis, vel quod idem est, statim post receptionem sacramenti exigit dilectionem Dei super omnia; quam si habuisset ante, certa viâ & non incertâ, communi, & valde antiquâ liberasset se à tanto malo quale est peccatum, cui, amissio & destructio totius Mundi non potest æquiparari.

CCCLXXIJ. Potestne dici, cum tanti mali condignam habere existimationem & displicentiam; & voluntatem liberari à tanto malo, habere ita efficacem sicut exigit tanti mali liberatio; qui sciens attritionem non certò liberare & posse non liberare, contritionem verò certò liberare, facit quod in se est ex auxilio gratiæ ad habendum attritionem, & non facit quod in se est ex auxilio gratiæ ut habeat contritionem; & eò maxime quòd non possit esse magis certus se habere attritionem supernaturalem, quàm contritionem. Judica CORDATE LECTOR, & attende quòd Deus non irridetur. Ipse videt cor nostrum, & agnoscit eum qui ex solo timore poenæ æternæ retrahitur à peccato, non ei displicere peccatum propter se, sed propter aliud, & libenter adhuc peccaturum si posset impunè. Non certè irridetur Deus qui toties ingeminavit *convertimini ad me in toto corde vestro* & Hierm. 29. promit. *Quæretis me, & invenietis: cùm quæseritis me in toto corde vestro.* Si tuus tuæ sollicitus salutis, noli fidere Probabilitatis, sed sæpe recogita verba S. GREGORII lib. 5. Moral. cap. 6. *Sancti viri cum ma-*

La superant, sua etiam bene gesta formidant, ne cum bona agere appetunt, de actionis imagine fallantur, ne pestifera tabes putredinis sub boni specie lateat coloris. Sciunt enim quia corruptionis pondere gravati, dijudicare bona subtiliter nesciunt; & cum ante oculos extremi examinis regulam deducunt, hæc ipsa in se non nunquam & quæ approbant, metuunt, & tota quidem mente interna desiderant, sed tamen de incertitudine operum trepidè quò gradiuntur ignorant. Si ignorantia non excusat Sanctos tota mente interna Deum desiderantes, quomodo excusabit peccatores tota mente interna temporalia desiderantes? Superbo homini videbitur impossibilis & paradoxum hæc de ignorantia non excusante doctrina, sed qui se humiliaverit veritatem agnoscet doctrinæ. Humiliet se homo, & pacatum se inveniet, totam suam non sibi, sed Deo, committens salutem. Hæc in gratiam, & occasione sententiæ P. Suarez fideliter ab Eximio Approbatore nostro relata.

Nunc concludamus Refutationem *iniuste Defensionis*; quæ invincibiliter firmatur ex libellis meis à fetsqui fere anno ad S. Inquisitionis Tribunal à Molinistis delatis; quos in Profesto S. THOMÆ ab omni Censurâ evasisse immunes, hodie 2. Aprilis 1674. accipio, vt ad Lectorem pro præfatione dicam.

Ad Inclitos alma Societatis Iesu Professores

EPILOGVS.

AD VOS, INCLYTI ALMÆ SOCIETATIS IESV PROFESSORES, quibus vnico veritatis zelo dedicata est Concordia nostra, ad vos iterum præsentem converto Refutationem. Si vocem veritatis in illâ resonantem hodie audieritis, nolite, palliatis vestris discriminibus, Scholares vestros obdurare, in tutissimis & inconcussis GEMINI ECCLESIAE SOLIS dogmatibus capeffendis. Agnoscite dignitatem Societatis vestræ, & nomine Iesu insigniti, nolite in *hesterna*, vt ait Mariana vester, *Ludovici Molinae* degeneri eruditione redire *commenta*. Nulli enim ad tuendam gratiam Iesu tam idonei, quàm qui societatem injerere cum Iesu. Abjicite ergo doctrinam gratiæ versatilis, & induite doctrinam lucidissimæ GRATIÆ VICTRICIS ET PRÆ-DETERMINANTIS. Audiatur in scholis vestris, esse aliquod Dei præveniens auxilium necessarium ad credendum, ab ipso credere inseparabile, credenti misericorditer datum, non credenti iustissimè denegatum. Audiatur, Deum tali auxilio esse causam, cur

in opere, quod est amborum, liberum arbitrium hic & nunc influat in actum fidei, non verò liberum arbitrium esse causam, cur Deus tum per se, tum per dona sua, influat in actum fidei. Audiatur voluntatem Dei æternam, dandi credentibus & denegandi non credentibus prædictum auxilium, non fortiri suam ex aliqua præscientiâ efficaciam, sed econtrario præscientiam totam ab ipsâ voluntate suam sumere certitudinem. Tunc AUGUSTINUM sub caligine constitutum non amplius considerabitis, sed tamquam lucidissimam GRATIÆ JESU CHRISTI lucernam super candelabrum ponetis, ut luceat omnibus qui vestra frequentant gymnasia. Tunc quæ dura nimis videbatur GRATIA AUGUSTINIANA, suavissima fiet; ejusque suavitate & potestate illecti, & devicti *Molinismum* latanter abdicabitis, ut gloria Societatis vestræ major sit in sæculo secundo, quàm in primo. Hoc unum zelo zelatus sum, ut desinatis esse & *Molinistæ*, & *Probabilistæ*. Urget me ad hoc germanus veritatis amor, urget me ingens totius orbis Christiani utilitas, urget & ardens omnium CORDATORUM desiderium. Urget & vos Reverendissimus Vester Generalis Pater MUTIUS VITELLESCUS, ad vestram memoriam nuper in publicis apud PP. Prædicatores disputationibus revocatus, qui in suis paræneticis ad Superiores Societatis anno 1617. die 4. Januarij datis inter alia habet: *Nonnullorum ex Societate sententiæ (in rebus præsertim ad mores spectantibus) plus nimio libera, non modò periculum est ne ipsam evertant: sed ne etiam Ecclesiæ Dei universæ insignia afferant detrimenta. Omni itaque studio persciant, ut qui docent, scribuntue, minimè hac regulâ & normâ in delectu sententiarum utantur. TUERI QUIS POTEST. PROBABILIS EST. AUTHORE NON CARET. Verùm ad eas sententias accedant, QUÆ TUTIORES quæ graviorum, majorisque nominis Doëtorum suffragijs sunt frequentatæ, quæ bonis moribus conducunt magis, quæ denique pietatem alere, & prodesse queant, non vastare, non perdere, &c.*

F I N I S.

PRÆCLARA ET SOLIDA
DE
PRÆ-DETERMINATIONE
PHYSICA
DISPUTATIO,

Ad utilitatem Scholarium contra acerrimos illius impugnatores,
ex Doctrinâ GERMANI PHILALETHIS EUPISTINI, in suo
THOMISTARUM TRIUMPHO nervosè deducta,
PER THEOLOGUM LOVANIENSEM.




BRUXELLIS,
Typis LAMBERTI MARCHANT, sub signo Boni
Pastoris.

M. DC. LXXIII. +

PRÆCLARA ET SOLIDA
DE
PRÆ-DETERMINATIONE
PHYSICA
DISPUTATIO.

PRO O E M I U M.

I.  *Um celeberrima sit horum temporum, & Duacena maxime Vniversitatis de Præ-determinatione Physicâ disputatio, muneris mei esse judicavi, ut hanc disputationem ex doctrinâ GERMANI PHILALETHIS EUPISTINI, in suo Thomistarum Triumpho, ad utilitatem Scholarium deducerem. Primum gratias agē Domino Deo tuo, Scholaris Angelice, qui eruit te de potestate tenebrarum, & vocavit te in admirabile lumen Solis Angelici, Quinti Ecclesiæ Doctoris, S. Thomæ Aquinatis. Si Molinisticis principiis imbutus fuisti à juventute tuâ, & existens junior cingebas te propriâ voluntatis tuæ determinatione, & ambulabas quò volebas. Nunc factus senior, cinget te Doctor Angelicus, & ducet per vias veritatis, quas repudiabat mens tua caligine Molinistarum obvoluta. Mirabilis certè Metamorphosis! liber videbaris, & servus eras; nunc servus videris,*

deris, & liber factus es. Etenim omnis libertas Deo non subiecta, dura est voluntatis servitus; contra perfecta Dei servitus summa est voluntatis libertas. Sit igitur Deus in sæcula benedictus, qui misertus est tui secundum magnam misericordiam suam, ut libertatem arbitrium extollem defereres, & eam solùm agnosceres, quæ te sub manu potenti Dei humiliaret.

PARAGRAPHUS PRIMUS.

Status questionis aperitur.

II. **Q**uod ab æterno decrevit Deus, hoc in tempore exequitur per Physicam Præ-determinationem. Ideò difficultas Præ-determinationis Physicæ non est alia, quàm antiqua illa, & quotidie renascens cum hominibus difficultas, de concordia libertatis cum providentia divina. Nam impossibile est aliquid in tempore fieri, quod ab æterno non fuerit provisum; aut aliter fieri, quàm eo modo quo provisum fuerit. Difficultatis hujus pondere oppressi olim quidam Philosophi gentiles, cum Epicuro divinam providentiam negarunt respectu horum inferiorum: (& sic ut de Cicerone dixit S. Augustinus) *ut homines facerent liberos, fecerunt & sacrilegos*. Alii verò econtra ut Deum omnia scientem, & de omnibus providentem profiterentur, homines quasi bruta libertatis expertia reliquerunt; de quorum numero fuere Simon Magus, Manichæi, & alii antiqui, quos Lutherani & Calvinistæ novis erroribus superadditis sequuntur.

Unum erat omnium istorum argumentum: *Deus ab æterno ea quæ in tempore sunt præsevit, & absolute ac efficaciter decrevit: ergo omnia ex absoluta necessitate, ac proinde sine ullâ contingentia & libertate sunt*. Ita ex Salmanticensibus PHILALETHES in suo Thomistarum Triumpho, tomo 1. num. 185.

III. Duo Ecclesiæ luminaria magna, SS. AUGUSTINUS & THOMAS, argumentum istud ex ipsâ divinæ voluntatis efficaciam semper dissolverunt. Divina siquidem voluntas, cum sit infinite efficax non solum se extendit ad substantiam actionis, sed etiam ad omnem modum illius: & cum libertas sit quidam modus actionis, non tantum vult Deus, quod actus fiat, sed etiam vult, quod liberè fiat. Si igitur voluntas efficax sit, oportet ut actus liberè fiat, eò ipsò quod decreverit cum liberè fieri. Quare dum dicitur, *Deus decrevit quod Petrus amet, ergo necesse est ut Petrus amet*, plana est solu-

solutio, si dicatur quòd Deus hoc tantum non decrevit, sed decrevit quòd Petrus liberè amet, & idè inferri oportet, *ergò necesse est quòd Petrus liberè amet.* Quæ certè solutio quemlibet parum cordatum plenè quietabit, si consideraverit quòd decretum decernens amorem liberum Petri, & idem est de quacumque actione, non mandatur executioni per unam tantummodò actionem, sed duplici quasi actione, quarum prima adaptat voluntati Petri potestatem ad oppositum mediante iudicio indifferenti; secunda verò voluntatem cum illà potestate ad oppositum adaptatam applicat, seu prædeterminat ad amandum. Prædeterminatio facit, quòd voluntas amet; sed quia est applicatio voluntatis habentis potestatem ad oppositum, necesse est ut faciat, quòd voluntas amet cum potestate ad oppositum; hoc autem est liberè amare. Præ-determinatio secundum se correspondet decreto de substantià actûs; sed Præ-determinatio recepta in causâ priùs taliter & taliter dispositâ, correspondet decreto de modo actûs. Cum enim quiddam recipitur ad modum recipientis recipiatur, necesse est ut applicatio causæ cum potestate ad oppositum dispositæ, inferat actionem cum potestate ad oppositum: sicut applicatio causæ cum virtute calefaciendi dispositæ, infert actionem, quæ sit calefactio.

IV. Geminum Ecclesiæ Solem unanimiter secuti sunt Theologi, usquè ad annum 1566. in quo à Fonseca, vel à Molina Jesuitis adinventæ est scientia media, quam universaliter amplexi post eà Jesuitæ, dicti sunt Molinistæ. Hi igitur non amplius ad efficaciam divinæ voluntatis, sed ad summam Dei astutiam, quâ scit prævidere, quid in istis aut in illis circumstantiis factura sit voluntas creata, confugerunt, ut libertatem cum divinâ providentiâ conciliarent: de quibus Mariana Societatis scriptor lib. 4. de regim. Societ. cap. 4. apertè dicit, eos deseruisse purioris doctrinæ Antistites, ut amplecterentur *hesterna Ludovici Molina Commenta*: sic ille Jesuita scientiam mediam insignivit.

Hesternis istis Ludovici Molinae Commentis nihil tam contrarium, quàm Præ-determinatio Physica. Idè totis animi & corporis viribus insudarunt Molinistæ, ad impugnandam Præ-determinationem Physicam, eamquæ miris modis denigrare studuerunt. Verùm enim-verò quò magis ab eis premitur, eò magis apud Cordatos roboratur; & quantò magis denigratur, tantò magis dealbatur. In hoc maxime fucum faciunt, quòd rem negligent, & purum nomen attendant: siquidem ad nauseam inculcant, vocem illam complexam, *Prædeterminatio Physica*, nec in Philosopho, nec in Sole Angelico reperiri. Sic Calvinistæ arguunt Catholicos, quòd hæc vox incomplexa *transsubstantiatio* non reperiatur in sacrâ Scripturâ: an idè inferendum est, rem istâ voce significatam in sacris Scripturis non inveniri?

V. Quapropter ut de rebus, & non de nominibus disputemus, totius difficultatis præsentis cardo ad hoc punctum reducitur: An causa secunda recipiat aliquid à causâ primâ, per quò determinetur ad agendum: ita ut causa prima priùs influat in causam secundam, quàm in ejus effectum, prioritatem causalitatis non durationis; nam si datur iste influxus Dei in causam, datur & Præ-determinatio Physica, ut clarè

osten-

ostendunt Complutenſes diſput. II. num. 8. & ipſi adverſarii in Congregatione quartâ ſub Paulo V. libenter faſſi ſunt, nomen iſtud eſſe optimum, ſi conſtaret dari influxum Dei in cauſam ſecundam, ut reſert P. Faſſeau, in opuſculo ſuo *de authoritate ſcientiæ mediæ exauthoratâ*: in quo revera ſcientiam mediam exauthoriſavit, dum teſtimonia antiquorum & recentiorum, quæ caco-Philalethes congeſſerat, oſtendit ad oculum eſſe truncata, & falſificata.

NOSTRA CONCLUSIO eſt: *Cauſa ſecunda recipit aliquid à cauſâ primâ, per quod determinetur ad agendum.* Iſtam aſſertionem probabimus 1. ex Philoſopho. 2. Ex Sole Angelico. 3. Tribus rationibus. 4. Suavitatem Præ-determinationis Phyſicæ exhibebimus. 5. Moliniſtarum argumenta diluemus. Exurgat THOMAS, & diſſipentur inimici ejus, & fugiant qui oderunt eum à ſplendore Præ-determinationis Phyſicæ, in quâ clarè conſpicitur, cor Regis eſſe in manu Domini, & quocumquè Deus voluerit, inclinare illud; in quâ evidenter cernitur, non eſſe audiendos Moliniſtas, qui dicunt auxilium Domini eſſe in manu Regis, & quocumque Rex voluerit, determinare illud.

Faciant ipſi Deum voluntatis noſtræ pediffequum; nos autem in Domino gloriemur, id eſt, gloriemur habere Deum pro Domino; cujus eſſe pediffequum regnare eſt.

§. II.

Probatur ex Philoſopho, cauſam ſecundam recipere aliquid à primâ, quo determinetur ad agendum.

VII. **I**Nſignis eſt Philoſophi locus ex 8. Phyſic. textu 33. lectione 9. apud Divum THOMAM, in quo dicitur: *Vtrumque igitur movere dicimus, & primum & ultimum moventium; ſed magis primum, illud enim movet ultimum, ſed non hoc primum.* Ex hoc loco ſic argumentor: Movens primum, movet ſecundum movens: ergò ſecundum movens recipit aliquid à primo movente; probatur conſequentia, quod movetur recipit aliquid à movente: ſed ſecundum movens movetur à primo movente: ergò ſecundum movens recipit aliquid à primo movente. Certum eſt quòd movens ſecundum moveatur à primo ut agat, alioqui non diceretur movens moveri, ſed mobile moveri, ergò ſi recipit aliquid à primo movente, oportet ut recipiat illud ad agendum.

VIII. RESPONDENT PRIMò adverſarii; quòd movens ſecundum recipit virtutem à primo movente. *Sed contra.* Virtus non conſtituit cauſam in eſſe moventis; non enim ex eo quòd habeo virtutem movendi ſum actu movens, ſed tantum habeo quòd poſſum movere. Ariſtoteles autem loquitur de cauſâ ſecundâ, ut eſt actu movens, ait enim: *Vtrumque igitur movere dicimus & primum & ultimum.* Undè ſic argu-

men-

mentor : Per virtutem causa secunda est solum potens movere , non autem est movens actu : ergo qui movet causam secundam dando ei virtutem, movet causam potentem movere , seu facit quod causa possit movere , non autem movet causam moventem actu , seu non facit quod actu moveat. Atqui Aristoteles vult , quod causa actu movens moveatur à primâ actu etiam movente, seu vult, quod accipiat à primâ hoc ipsum quod actu movet; sicut manus per motum, quem recipit ab animâ , accipit quod moveat lapidem : ergo hoc intelligi nequit per collationem virtutis, sed necesse est ut causa secunda recipiat aliquid , quo virtus antè accepta conjungatur actioni, ut sic fiat actu movens.

RESPONDENT SECUNDÔ adversarii , quod causa secunda fit actu movens à primâ per concursum simultaneum , quem ei exhibet causa prima cum collatione & conservatione virtutis ; ita ut concurrere cum causâ , cui datur & conservatur virtus, fit movere eam ad agendum. *Sed contra.* Per collationem virtutis accepit causa secunda, quod esset potens unire virtutem suam eidem actioni, cui suam virtutem uniret Deus ; nihil enim est aliud concurrere ad aliquem effectum producendum, quàm duas causas unire suas virtutes uni & eidem actioni productivæ effectus. Cùm ergo per collationem virtutis acceperit causa secunda, quod posset cum Deo concurrere, manifestum est , quod per collationem virtutis nihil aliud accepit causa secunda à primâ , quàm esse potentem unire virtutem suam eidem actioni , cui suam virtutem uniret Deus. Per concursum simultaneum Deus unit virtutem suam actioni productivæ effectus , sed non unit virtutem causæ secundæ eidem actioni. Tunc sic argumentor : causa secunda fit actu movens per hoc quod uniat virtutem suam actioni productivæ effectus : sed per concursum simultaneum superadditum collationi virtutis non accipit causa secunda , quod uniat virtutem acceptam actioni productivæ effectus : ergo per concursum simultaneum superadditum collationi virtutis non fit causa secunda actu movens. Docet autem Aristoteles , quod movens primum facit secundum actu movens : est igitur manifestum quod ultra collationem virtutis , & concursum ex parte Dei exhibitum , debet causa secunda accipere aliquid à primâ , quo ipsa uniat Virtutem suam eidem actioni, cui suam virtutem unit Deus.

X. Si non velimus ludere verbis , ratio hæc est efficacissima , & ad oculum ejus efficacia in hoc exemplo videri potest. Sit Pater, qui dedit Filio cum cæteris potentiis virtutem movendi. Sit & idem Pater Medicus , qui virtutem datam Filio suis medicamentis conservat; Filius rogat Patrem , ut secum trahat navem, & simul trahunt. Pater iste supra collationem & conservationem virtutis exhibet suum concursum simultaneum Filio ; & tamen Filius non accipit à Patre quod sit actu movens, sed potius ipse Filius facit per suas preces, quod Pater sit actu movens , & cum eo trahens navem. Ergo similiter ut causâ secundâ moveatur à primâ , ita ut ab eâ habeat quod moveat, non sufficit quod causa prima dederit ei virtutem, eamque conservet, & ultra virtutem datam exhibeat ei suum concursum; sed debet influere in illam aliquid, quo moveatur ad agendum, & fiat actu movens.

Nec

Nec obest, quòd preces Filii moveant solùm moraliter. Nam si movens moraliter ad agendum priùs agat moraliter in causam, quàm in effectum : sequitur quòd movens Physicè causam ad agendum debeat priùs agere Physicè in causam, quàm in effectum : atqui docet Philosophus quòd causa prima movet Physicè causam secundam ad agendum. Ergò docet Philosophus, quòd causa prima priùs agat Physicè in causam secundam, quàm in effectum. Vide PHILALETHENTOM. I. Thomistarum Triumphum n. 41.

§. III.

Probat ex Sole Angelico, causam secundam recipere aliquid à primâ, quo determinetur ad agendum.

XI. **C**æcutiunt in meridie, qui veritatem hanc in Sole Angelico non intuentur. Est enim apertissimum illius testimonium q. 3. de potentiâ art. 7. ubi sic dicit : *Tertio modo dicitur una res esse causa actionis alterius in quantum movet eam ad agendum : in quo non intelligitur collatio aut conservatio virtutis activæ, sed applicatio virtutis ad actionem : sicut homo est causa incisionis cultelli, ex hoc ipso quod applicat acumen cultelli ad incidendum movendo ipsum.* Quibus verbis luce meridianâ clarius est, quòd movere causam ad agendum non sit conferre ei virtutem, aut eam conservare, sed applicare virtutem ad actionem, eo modo quo homo, qui non dedit cultello acumen, movet cultellum ad incidendum, producendo in ipso motum.

Motus cultelli est in ipso cultello, incisio est in ipso ligno, quod inciditur. Prius est quòd cultellus recipiat motum ab homine, quàm quòd lignum incidatur; & motus cultelli est causa incisionis ligni. Docet Sol Angelicus, quòd causa prima movet secundam ad agendum applicando virtutem ejus ad actionem, sicut homo applicat acumen cultelli ad incidendum movendo ipsum. Docet ergo Sol Angelicus quòd causa secunda priùs recipiat motionem Dei, quàm quòd aliquid ab ipsâ agatur; & motio Dei recepta in causâ secundâ, erit causa actionis causæ secundæ. Undè si per impossibile Deus non daret virtutem causis secundis, nec conservaret eam; si tamen applicaret eas ad agendum eo modo, quo homo applicat cultellum movendo ipsum, adhuc diceretur movere causas secundas ad agendum producendo aliquid in ipsis, quo actualiter agerent, sicut homo producit in cultello motum, quo actualiter incidit.

XII. Ne ullus de hoc superesset dubitationi locus clarissimè suam mentem aperuit Magister orbis in eodem art. ad 7. dicens : *Virtus naturalis quæ est rebus naturalibus in sua institutione collata, inest eis ut quædam forma habens esse ratum & firmum in naturâ. Sed id quod à Deo fit in re naturali quo actualiter agat, est ut intentio sola habens esse quoddam incompletum per modum quo colores sunt in aëre, & virtus artis in instrumento artis.*

RESPONDET Suarez disput. 22. Metaph. luce hujus testimonii percussus, D. Thomam retractare suam sententiam in 1. part. q. 105. art. 5. quia in isto loco illius virtutis non meminit S. Doctor. Verum hoc est apertè falsum. Nam in isto, articulo quærit *utrum Deus operetur in omni operante*? Nota, non quærit D. Thomas *utrum Deus operetur cum omni operante*, sed *utrum in omni operante operetur Deus*? Quid est operari in operante, nisi producere aliquid in operante? Dum igitur resolvit S. Thomas, quòd Deus in omni operante operetur, apertè docet, quòd Deus producat aliquid in omni operante.

XIII. Non potest dici, quòd in isto articulo primæ partis doceat, Deum solummodo producere virtutem & conservare eam in omni operante, quia in isto etiam articulo distinguit modum operandi in operante dando virtutem, à modo operandi in operante applicando virtutem ad actionem; & concludit, Deum utroque modo operari in operante. Non ergo verum est, quòd Sol Angelicus non meminerit istius virtutis applicantis, cum expressis terminis ibidem dicat: *Quod Deus non solum movet res ad operandum quasi applicando formas & virtutes rerum ad operationem, sicut etiam artifex applicat, qui tamen interdum formam securi non tribuit, sed etiam dat formas creaturis agentibus, & eas tenet in esse.*

Imò ad 3. format sibi hoc argumentum: „Faciens dicitur esse causa operationis „facti, in quantum dat ei formam quâ operatur: si igitur Deus est causa operationis „rerum factarum ab ipso, hoc erit in quantum dat eis virtutem operandi: sed hoc „est à principio, quando rem facit: Ergò videtur quòd ulterius non operetur in creaturâ operante. Certè argumentum probat præter illam operationem, quam habet Deus in creaturâ operante per collationem virtutis, non dari aliam per quam aliquid Deus operetur in creaturâ operante. Quid responsurus est S. Doctor? Dicetne Deum exhibere suum concursum? sed hoc est operari cum operante, non verò operari in operante. Argumentum petit quod ultrà collationem virtutis Deus nihil operetur in operante. Ideò aliter respondet fulgentissimus Ecclesiæ Sol; *Dicendum quòd Deus non solum dat formas rebus, sed etiam conservat eas in esse, & applicat eas ad agendum; & est finis omnium actionum: ut dictum est.*

XIV. Quibus verbis luculentissimè ostenditur, Deum operari in operante, sive producere aliquid in operante, dum applicat causas secundas ad agendum; & quidem aliquid distinctum à collatione & conservatione virtutis. Si S. Thomas in dicto articulo apertè doceat, Deum applicando causam secundam ad agendum operari aliquid in ipsâ; ergo docet aliquid fieri in causâ secundâ quo actualiter agat; Atqui hoc est illud ipsum, quod Divus Thomas dixit q. 3. de potentiâ art. 7. ad 3. fieri in re naturali quo actualiter agat, & esse ut intentionem solum habentem esse quoddam incompletum, per modum quo colores sunt in aëre, & virtus artis in instrumento artis. Ergo apertè falsum est, quod Divus Thomas in dicto articulo istius virtutis non meminerit, & retractaverit sententiam.

XV. Confirmatur. Idem docet D. Thomas in prima Parte, quod docuit q. 3. de poten-

potentiâ : ergò non nisi inaniter dicitur retractare sententiam. Probatur ant. docuerat q. 3. de potentiâ , quod dum Deus operaretur in operante applicando virtutem , ita se haberet sicut artifex operatur in securi applicando eam ad incidendum. Atqui idem docet in 1. Parte, ut patet ex nuper dictis ; ergò idem docet in 1. Parte quod docuit in q. 3. de potentiâ. Constans est Præceptor noster in distinguendo modum operandi in operante per collationem & conservationem virtutis , à modo operandi in operante per applicationem virtutis. Non igitur ad mentem Præceptoris nostri, & quinti Ecclesiæ Doctoris loquuntur, qui istos modos diversos confundunt , & unum per alium explicant , uti faciunt Molinistæ. Nam si per impossibile Deus non applicaret causas creatas ad agendum , adhuc posset dici operari in omni operante per modum dantis aut conservantis virtutem. Item si per impossibile Deus non daret, aut conservaret virtutem causæ secundæ , adhuc tamen posset dici operari in operante , si applicaret causas secundas ad agendum , eo modo quo homo applicat securim ad scindendum, qui tamen non dedit ei figuram.

§. I V.

Prima ratio , probans causam secundam recipere aliquid à primâ, quo determinetur ad agendum.

XVI. **S**uppositâ communi Theologorum contra Durandum sententiâ , quæ docet Deum immediatè concurrere ad omnes actiones causarum secundarum , evidentissimum mihi est quòd causa secunda debeat recipere aliquid à primâ, quo determinetur ad agendum. Nam tota rationis vis, & efficacia contra Durandum consistit in hoc, quòd omne ens per participationem dependet immediatè ab ente per essentiam ; & cum omnis causæ secundæ actio sit ens per participationem , sequitur quòd debeat pendere immediatè à Deo.

Explicatur vis hujus rationis. Esse ens per participationem, est ut ita dicam, partem accipere de ente per essentiam , & partem relinquere : non quòd ens per essentiam habeat partes, sed quòd omnem perfectionem, & entitatem sub unâ simplicissimâ perfectionis entitate concludat. Illud igitur quod ad imitationem alicujus specialis perfectionis accipit esse à Deo , ita se habet acsi partem divinæ perfectionis acciperet, partem relinqueret. Quare ea, quæ distinctas habent entitates, distinctas quasi partes divinæ perfectionis accipiunt; & consequenter unumquodque secundum propriam , & distinctam entitatem , quam habet , immediatam dicit dependentiam ad partem illam divinæ perfectionis, quam immediatè imitatur. Cum igitur virtus causæ secundæ, & ejus actio distinctas habeant entitates, necesse est, ut distinctas, & immediatas habeant dependentias ad illas partes divinæ perfectionis, quas imitantur. Ex quo

quo apertè concluditur, quòd si virtus, quæ est ens per participationem, debet immediatè à Deo procedere; etiam actio, quæ est ens per participationem, debet immediatè à Deo procedere; ita ut sicut distinctam quasi partem divinæ perfectionis imitando accipit: sic etiam distinctà, & immediatà à Deo gaudeat dependentià.

XVII. Eàdem rationis efficacità demonstro intentam assertionem. Virtutem causæ secundæ esse conjunctam actioni, est quoddam ens per participationem distinctum à virtute & actione: ergò conjunctum istud debet immediatè à Deo dependere: sed dependentia ista non fit per productionem virtutis, nec per productionem actionis: ergò per aliquam actionem distinctam à productione virtutis, & productione actionis, quæ scilicet terminetur ad conjunctionem virtutis cum actione: ac proinde quæ producat aliquid in causà distinctum à virtute & actione causæ secundæ.

Probatur subsumptum. Dum unitur anima rationalis materiæ, nec actio creans animam, nec actio creans materiam est unitiva, sed datur tertia actio distincta ab utraque, cujus terminus non est corpus præcisè nec anima præcisè, sed corpus unitum animæ; ergò similiter dum virtus unitur actioni, nec productio virtutis est unitiva, nec productio actionis est unitiva, sed dabitur tertia actio ab utraque distincta, cujus terminus sit virtus unita actioni. Ex quo fit manifestum, quòd unire virtutem actioni non fit conferre virtutem, nec elicere actionem, sed aliquid distinctum à collatione virtutis, & elicentià actionis; cui aliquid in causà distinctum à virtute, & actione debet pro termino correspondere. Sicut enim corpus esse unitum animæ est quid distinctum ab animà & corpore: ita virtutem esse unitam actioni, est quid distinctum à virtute & actione.

XVIII. Hæc est prima Complutensium ratio, cujus vim longè antè ipsos ponderavit S. Augustinus, dum lib. 12. de Civitate Dei, cap. 9. pro inconvenienti habet, quòd creatura faciat se meliorem, quàm Deus illam fecerat. Hoc tamen inconveniens transgredere debent adversarii. Nam melior est creatura, dum virtus sua conjuncta est actioni, quàm dum non est sic conjuncta. Manifestum est ex dictis, quòd Deus conferendo virtutem, & eliciendo ex parte concursus sui actionem, non unit virtutem causæ secundæ actioni, sed solum unit suam virtutem. Ergo si non detur specialis actio Dei, cujus terminus sit conjunctio virtutis causæ secundæ cum actione, ipsa causa secunda conjunget virtutem suam actioni: ergo meliorem se faciet, quàm facta à Deo fuerit.

§. V.

Secunda ratio, probans causam secundam recipere aliquid à primâ, quo determinetur ad agendum.

XIX. **P**rima ratio processit ex parte causæ secundæ, quæ cum sit agens per participationem, non tantum ejus virtus, nec solum ejus actio, sed ipsa virtutis ad actionem conjunctio debet immediate à Deo dependere, & produci. Secunda ratio à Complutensibus adducta sumitur ex parte causæ primæ, quæ debet esse primum movens ad agendum. Quæ ratio, ut planius percipiatur, observandum est, quod comparatio primi moventis cum secundo movente attenditur penes unum & eundem effectum, respectu cujus primum movens dicitur movere secundum, in quantum primum facit quod secundum sit movens, & attingat effectum. Quo supposito formatur ratio secunda in hunc modum.

Si causa secunda non reciperet aliquid à prima, quo dererminetur ad agendum, in nullo instanti causa prima esset primum movens: sed hoc dici nequit, ergo causa secunda recipit aliquid à prima, quo determinetur ad agendum. Probatur major. Duo tantum sunt quoad præsens instantia, videlicet instans concursus in actu primo, & instans concursus in actu secundo: sed in nullo istorum instantium causa prima esset primum movens: ergo &c.

Probatur Minor pro prima parte. In instanti concursus in actu primo, nulla causa actu movet respectu effectus causæ secundæ, sed solum causa secunda per virtutem sibi à primâ collatam, fit potens movere, & causa prima paratam ostendens suam potentiam, fit potens concurrere: ergo in isto instanti non datur, nec primum nec secundum movens.

Probatur eadem Minor pro secunda parte. In instanti concursus in actu secundo Deus conservat virtutem causæ secundæ, & unit suam virtutem actioni causæ secundæ: Sed hoc non sufficit ut causa prima sit primum movens: ergo in instanti concursus in actu secundo causa prima non est primum movens. Minor patet, quia hoc non sufficit ut causa secunda habeat à prima quod sit actu movens, & uniat virtutem suam actioni productivæ effectus: est autem de ratione primi moventis facere, quod secundam moveat, & uniat virtutem suam actioni. Exemplum Patris conservantis virtutem Filii, & paratam exhibentis suam potentiam Filio ad concurrendum cum eo, id evidenter ostendit, ut num. 10. vidimus. In isto Patris & Filii concursu, Filius facit quod Pater trahat, non verò Pater facit quod Filius trahat. Unde tractio navis primo est à Filio, sicut à primo movente. Cum ergo Deus in instanti concursus in actu secundo habeat se ut prædictus Pater, non poterit esse primum movens in dicto instanti.

XX. Hinc est quod Molinistæ non valeant intelligere gratiam Christi, quam

SS. Au=

SS. AUGUSTINUS & THOMAS tutè, & inconcussè defendunt. Nam in illâ operatione, quæ procedit ab hujusmodi gratiâ, & libero arbitrio, gratia se habet ut domina, & voluntas ut pedissequa. Si autem gratia paratum solummodo exhibeat libero arbitrio suum concursum, & voluntas sit quæ determinet eam, voluntas se habebit ut domina, & gratia ut pedissequa. Cùm igitur hoc posterius Molinistæ doceant, sit ut velamen sit illis doctrina, quam in præsentî tradunt de concursu Dei. Nos verò qui docemus, Deum influere in voluntatem, applicando eam ad actionem, statim intelligimus, quomodo gratia se habeat ut Domina, & voluntas, ut pedissequa; & sic sermo gratiæ, à gemino Ecclesiæ Sole gloriôsè defensæ sit nobis super mel dulcis, qui ita durus visus est Molinistis, ut non potuerint eum audire, sed retrò abierint.

XXI. Ita dura visa est hominibus ingenio pollentibus & acutissimis gratia Augustiniana, ut cùm defenderetur gratia, libertas arbitrii tolli videretur; hoc testatur S. Augustinus. Quis adeo insipiens, ut dicere posset, quod dum defenditur gratia per liberum arbitrium, & pro nutu voluntatis determinanda, libertas arbitrii tolli videatur. Signum igitur est certissimum, quod gratia per liberum arbitrium determinanda, non sit gratia Augustiniana; & ideo doctrina, quæ talem infert gratiam, est ab omni Cordato explodenda, & cuilibet humili sicut à facie Colubri fugienda. *Principiis obsta, serò medicina paratur.* Concursui Molinistico obsta, serò tibi medicinalis Christi gratia paratur. Quid magis homini infirmo timendum, quàm medicinalem ejus gratiam non habere paratam? vera & tutissima via ad intelligendam Christi gratiam, est Præ-determinatio Physica; quæ à nullo duro corde respuitur, cùm ideo detur ut duritia cordis penitus auferatur, operando in qualibet creaturâ secundum modum virtutis suæ.

Hanc ex animo amplectamur, & in ejus lumine clarè videbimus, quod omnia opera nostra operatur in nobis Dominus. Non Deus solus, sed nos cum illo; ipse ut Dominus, nos ut servi ejus. Quid absurdius fingi potest, quàm creaturam facere dominam, & Creatorem servum in illâ operatione, quæ ab utroque procedit?

§. VI.

Tertia ratio; probans causam secundam aliquid recipere à primâ, quo determinetur ad agendum.

XXII. **T**ertia ratio assertionis nostræ sumitur ab inconvenienti, quod volentes evitare adversarii, in aliud majus inciderunt. Potest sic formari. Si causa secunda non reciperet aliquid à primâ quo determinetur ad agendum, causa prima cæco modo & ignoranter concurreret ad effectum causæ secundæ; sed hoc est incon-

conveniens, ergo causa secunda recipit aliquid à primâ, quo determinetur ad agendum. Probatur sequela majoris. Ille cœco modo, & ignoranter concurret ad effectum, qui nescit quando debeat concurrere, & ignorat ad quid concurret: sed sic se haberet causa prima, si ab ea causa secunda non determinaretur ad agendum, ergo. &c.

Probatur Minor ex doctrina Adversariorum, qui explicantes modum quo causa prima determinatur à secundâ, dicunt: *Concursum causa prima determinari à secundâ quoad exercitium, per hoc quod causa prima assistat secundæ per modum causa naturalis & necessaria, indifferentisquæ, ac de se expectantis quodammodo causa secunda determinationem; causa secunda habeat se instar causa libera, & à quâ censetur inchoari actio.* Ita Suarez, Lessius, relati à quodam Juniore in suis dictatis. Quibus verbis clarissimè habetur, Deum concurrere cum creaturâ se habere, ut servus se habet ad Dominum, cui se exhibet ad omnia paratum, expectans determinationem Domini, ut cum eo concurret ad quod voluerit. Manifestum est quòd prædictus servus, vel quicumque alius qui sic se tenet paratum, expectatque determinationem alterius agentis, nesciat quando, & ad quid concurrere debeat: ergo cum juxta Molinistas sic se habeat Deus, necessè est ut nesciat quando, & ad quid cum suâ creaturâ ipse Creator concurrere debeat.

XXIII. Quis hîc non subfannet adversariorum cœcitatem? detrahunt Creatori libertatem, ut salvent eam in creaturâ: volunt enim quòd Creator se habeat ut causa naturalis ac necessaria, creatura autem ut causa libera. Volunt etiam quòd à creaturâ inchoetur actio, & Creator necessariò sequatur creaturæ suæ determinationem. Talis est Adversariorum Deus; cui proindè canere tenentur, *Tu solus servus*; dum Ecclesia Catholica canit, *Tu solus Dominus*.

Ut ab hoc inconvenienti se expedirent Molinistæ, confugerunt ad Scientiam mediam. Per hanc Scientiam dicunt Deum cognoscere, quòd si in talibus circumstantiis afferat voluntati suæ concursum, voluntas determinabit eum ad amorem; si verò in aliis circumstantiis concursum suum offerat, voluntas determinabit eum ad odium. Unde Deus ponendo voluntatem in talibus circumstantiis scit se debere concurrere ad Amorem, & ponendo illam in aliis circumstantiis scit se debere concurrere ad odium. Non igitur cœco modo, & ignoranter procedit.

XXIV. Hæc est illa Scientia, de cujus adinventionem concertant inter se Fonseca & Molina. Hæc est illa Scientia, quæ destruit Creatoris omni-potestatem; ut firmet Creaturæ libertatem. Hæc est illa Scientia, in qua Molinistæ incidunt in Scyllam cupientes evitare Charybdim. Hæc est denique illa Scientia, cui sempiternum hoc ædificavit PHILALETHES Elogium:

*A Molina inventa, non ei credita;
Ab eo excogitata, non recepta;
Res non doctrina, sed ingenii;
Non publica traditionis, sed usurpationis privata;
A Molina prolata, non ad eum perducta;*

In quâ non custos, sed Author fuit;

Non sectator, sed institutor.

Non sequens, sed ducens.

XXV. Ostendam modò breviter, Molinistas in Scyllam incidisse. Nam non totaliter à Deo auferunt cœcum modum operandi, & tamen totaliter destruunt ejus omnipotentiam. Quod non totaliter auferant à Deo cœcum modum operandi, patet ex decreto indifferenti quod præsupponit Scientia media. Istud decretum indifferens est voluntas, quam habet Deus, exhibendi voluntati creatæ suam potentiam paratam. In priori talis decreti, quod antecedit Scientiam mediam, nescit Deus ad quid voluntas creata determinabit suam potentiam, quam tamen vult esse paratam; ergo talis saltem voluntas cœco modo procedit: siquidem nescit quid ex ea eventurum sit.

Quod totaliter destruant Dei omnipotentiam, ostenditur ex eo, quod non subdant ei id quod est præstantissimum in Creatura rationali, determinationem videlicet Arbitrii. Nihil enim habet voluntas creata præstantius, quàm quod se determinet ad agendum. In hoc autem non subditur Deo, si indigeat Deus Scientiâ mediâ. Quod sic probatur. Dispositio quæ debet prævideri, ut voluntas sit efficax, non subditur potestati voluntatis: sed determinatio Arbitrii debet prævideri, ut voluntas Dei sit efficax: ergo determinatio Arbitrii non subditur potestati voluntatis divinæ. Minor est Molinistarum figmentum. Major autem de se patet, quia quod habet voluntas in sua potestate ex ipsa volitionis efficacia exit in actum: sed dispositio antecedens volitionem efficacem, non exit in actum ex efficaciâ volitionis: ergo dispositio antecedens volitionem efficacem, non cadit sub potestate voluntatis: & consequenter dispositio quæ debet prævideri ut voluntas sit efficax, cum antecedit volitionem efficacem; non cadet sub potestate voluntatis.

XXVI. Præfens discursus evidens fit in servo exhibente se paratum Domino ad omne opus. Talis servus non potest velle efficaciter aliquod speciale opus, nisi prævideat Domini dispositionem; puta, si in tali occasione, tali motivo usus fuerim, concedet Dominus quod petam, v. g. ambulationem. Hoc præsciens servus, potest velle efficaciter ambulationem. Ad voluntatem efficacem ambulationis indiget servus iste hujusmodi præscientiâ, quia non habet in suâ potestate voluntatem Domini. Econtrâ Dominus sine ullâ præscientiâ determinationis servi sui, efficaciter vult quæ per servum exequenda sunt, quia sub sua potestate cadit voluntas servi.

Manifestum igitur est, non cadere sub potestate voluntatis dispositionem illam, quæ debet prævideri ut voluntas sit efficax. Ideo Molinistæ qui volunt Deum nullum actum voluntatis creatæ posse efficaciter decernere, nisi prius suâ Scientiâ Mediâ exploraverit determinationem arbitrii, coguntur fateri Deum non habere sub sua potestate determinationem voluntatis creatæ. Quibus apertè contradicit fulgentissimus Ecclesiæ Sol S. Augustinus, dum lib. de Corrept. & Gratia, cap. 14. docet, quod

quod voluntates hominum Deus magis habeat in suâ potestate, quàm ipsi suas. Consulte PHILALETHEN, qui hoc argumentum fortiter urget tomo primo Triumphi Thomistarum, cap. 1. art. 1. & 2.

§. VII.

Suavitas Præ-determinationis Physicæ exponitur.

XXVII. **P**Præ-determinatio Physica est illa motio causæ primæ, secundum quam Deus disponit omnia fortiter & suaviter. Fortiter, quia infert infallibiliter effectum, & actionem causæ secundæ. Suaviter, quia juxta exigentiam, & modum virtutis cujuscumque causæ. Quare optimè definiri potest, *quod sit motio Dei recepta in causa secunda, determinans eam ad agendum modo virtuti ejus competenti; & quia modus agendi virtutis causæ liberæ est agere cum potestate ad oppositum; & voluntas constituitur in esse causæ liberæ, ut substat judicio indifferenti; Præ-determinatio Physica ad actus liberos non incongruè definitur: quod sit motio Dei recepta in voluntate, ut substat judicio indifferenti, determinans eam ad agendum cum potestate ad oppositum.* Eleganter hoc explicuit Magister noster Sol Angelicus q. 3. de Malo a. 2. his verbis:

„Sed tamen attendendum est, quod motio primi moventis non recipitur uniformiter in omnibus mobilibus, sed in unoquoque secundum proprium modum. „Alio enim modo causatur à motu Cæli motus corporum inanimatorum, quæ non „movent seipsa; & alio modo motus animalium, quæ movent seipsa. Rursumque „alio modo consequitur ex motu Cælesti pullulatio plantæ, in quâ virtus generativa „non deficit, sed producit perfectum germen: alio modo pullulatio plantæ, cujus „vis generativa est debilis, & producit germen inutile.

XXVIII. Fortè hæc verba Angelica dederunt Molinistis occasionem asserendi, concursum Dei determinari à concursu creaturæ. Nec ita incongruè, si distinguissent inter virtutem causæ secundæ, & ejus actionem: siquidem motio Dei determinatur à virtute causæ secundæ juxta D. Thomam, non verò ab ejus actione, ut putant Molinistæ. Ad cujus evidentiam observandum est, quòd antequam Deus moveat causas secundas ad agendum. prius illarum virtutes disposuit, & ordinavit; deindè causas sic adaptatas movet. Ex quo fit ut motio Dei recepta in causis secundis, ita ab eis modificetur, ut quamlibet causam determinet ad agendum secundum proprium modum, v. g. antequam Deus moveat ignem ad agendum, prius adaptavit illi virtutem calefaciendi & igniendi, deindè movet ignem ad agendum. Motio igitur Dei, seu Præ-determinatio Physica recepta in igne facit eum agere: sed recepta in igne habente virtutem calefaciendi & igniendi, facit eum calefacere & ignire. Similiter antequam Deus præ-determinet seu moveat voluntatem ad liberè amandum, prius adaptat voluntatem sub judicio indifferenti ad amorem, deindè voluntatem sic adaptatam,

tatam, & habentem ex prædicto iudicio potestatem ad oppositum, movet ad agendum. Motio igitur Dei, seu Præ-determinatio Physica, recepta in voluntate facit eam agere, sed recepta in voluntate prius adaptatâ sub iudicio indifferenti ad amorem, facit eam amare cum potestate ad oppositum. Quare quòd causa secunda agat, habet ex motione Dei præ-determinante, sed quod taliter & taliter agat, habet ex motione Dei modificatâ à dispositione virtutis suæ.

XXIX. Ratio istius lucidissimæ doctrinæ reddi potest, quòd sicut potentia elicitiva actûs specificatur ab actu; ita applicatio potentiæ ad actum specificatur ab actu. Qui igitur modum & qualitatem Præ-determinationis Physicæ ritè capere voluerit, oportet ut ad modum & qualitatem actûs attendat. Certum est quòd sint aliqui actus, qui præsupponunt in potentiâ potestatem ad oppositum, & aliqui actus qui talem potestatem ad oppositum non præsupponunt. Si modò talis sit Præ-determinatio Physica, qualis est actus ad quem applicat; consequens est, ut Præ-determinatio Physica præsupponat in potentiâ potestatem ad oppositum, si applicet ad actum præsupponentem talem potestatem. Et sicut amor ille conjungitur non cum odio, sed cum potestate odiendi; ita Præ-determinatio Physica conjungitur non cum odio, sed cum potestate odiendi. Nam si tota ratio Præ-determinationis Physicæ oriatur ex actu, quidquid impossibile erit cum actu, erit quoque impossibile cum Præ-determinatione; quidquid verò componi poterit cum actu, componetur quoque cum Præ-determinatione.

XXX. Deniquè fit, ut juxta distinctionem actuum distinguatur etiam Præ-determinatio Physica. Est autem duplex actus liber in voluntate, unus est qui egreditur à voluntate ex præcedente consilio & vi præcedentis amoris; v. g. amor mediocrum oritur ex amore finis, & amor hujus boni in particulari ex amore boni, ut sic: Iste actus non solum *elicitivè*, sed & *applicativè* procedit à voluntate. Alius est actus qui solum *elicitivè* procedit, non verò *applicativè*, eò quòd non fiat ex præcedenti consilio, & vi præcedentis amoris.

Juxta duplicem hunc actum distinguitur duplex Præ-determinatio Physica; una est universalis, à Deo ut agente universali procedens, quæ definiri potest, *motio Dei recepta in voluntate dependenter à consilio & amore præcedenti, determinans voluntatem ut se applicet ad agendum, cum potestate ad oppositum se applicandi*. Alia est specialis à Deo ut agente particulari procedens, quæ definiri potest, *motio Dei recepta in voluntate nullo consilio & amore præcedente, determinans voluntatem ut eliciat actionem, non verò ut se applicet ad eam*. Et quidem ut eliciat cum potestate se applicandi ad oppositum, si prius voluntas fuerit adaptata sub iudicio indifferenti.

XXXI. Præcipua harum Præ-determinationum differentia & plurimum observanda est, quòd actus ad quem applicat Præ-determinatio universalis exigit vires sufficientes in agente; consilium enim quod præsupponit, non est nisi eorum quæ sunt in nostrâ potestate. Actus verò ad quem applicat Præ-determinatio specialis non exigit vires sufficientes in agente, cum enim non dependeat à consilio

agentis sed à consilio alterius ; sufficit adesse vires sufficientes in altero. Doctrinam istam duplicis Præ-determinationis fusè prosequitur PHILALETHES tom. I. Triumphi Thomistarum , cap. I. art. I. ubi hac distinctione utitur ad conciliandum discipulum Magistro , S. THOMAM , S. AUGUSTINO , circa differentiam gratiæ quam ponit S. AUGUSTINUS in naturâ sanâ , & in natura infirmâ. Videatur etiam in fine capitis primi , & insupertom. 2. opusc. 3. cap. I I.

§. VIII.

Solvuntur Argumenta Molinistarum.

XXXII. **O**Mnia ferè adversariorum argumenta desumpta videntur ex apothecis impugnatorum S. AUGUSTINI. Cum enim eadem sit præ-determinationis Physicæ , ac gratiæ de se efficacis natura , quam per viginti annos defendit S. AUGUSTINUS contra Pelagianos ; iisdem ferè argumentis , quibus impugnata fuit gratia Augustiniana , impugnatur quoquè à Molinistis Physica præ-determinatio. Hoc dilucidè ostendit Philalethes tomo primo Triumphi Thomistarum , ubi in fine collationes instituit alphabeticas , in quibus dicta impugnatorum confert cum dictis Molinistarum , ut nihil clarius sit , quàm eadem esse amborum argumenta , quia ut in dicto tomo cap. I. art. 2. §. 4. ostenditur , una est amborum difficultas , & una radix. Neutri enim percipere valent , quomodo Deus suo decreto vel suâ præmotione prævenire possit omnem voluntatis determinationem , eamquè infallibiliter , & ut loquitur S. AUGUSTINUS *insuperabiliter ac indeclinabiliter* inferre sine læsione libertatis.

ARGUMENTUM PRIMUM.

Ex definitione causæ liberæ.

XXXIII. **P**RIMUM adversariorum ARGUMENTUM sumitur ex definitione causæ liberæ , quâ definitur causam illam esse liberam , *quæ positis omnibus ad agendum prærequisitis potest agere & non agere*. Ex quâ definitione subsumunt : atqui voluntas præ-determinata ad agendum non potest non agere : ergo voluntas præ-determinata ad agendum non est causa libera. Probatur minor. Cum præ-determinatione ad agendum non potest stare non actio , ergo voluntas præ-determinata ad agendum non potest non agere.

RESPONDETUR negando minor. Ad prob. concessio anteced. distinguitur con-

consequens, ergo voluntas præ-determinata ad agendum non potest non agere in sensu composito conceditur, in sensu diviso negatur. Ad rationem causæ liberæ sufficit, quòd cum omnibus prærequisitis ad agendum possit agere & non agere in sensu diviso; non verò requiritur quòd possit non agere in sensu composito.

XXXIV. In hac antiquâ sensus compositi & divisi distinctione mirum in modum hallucinantur Adversarii, lucem apertè fugiunt & tenebras quærunt, dum sensum divisum & compositum sibi fingunt à Doctrinâ Thomisticâ alienum. Quî igitur lucem amat, sciat quòd sensus compositus ad mentem Solis Angelici est ille, quo cum omnibus prærequisitis ad agendum componitur non actio, ita ut simul verificetur adesse omnia prærequisita, & adesse non actionem. Sensus divisus est ille, quo omnia prærequisita dividuntur à non actione, non tamen à potentiâ non agendi, ita ut verificetur adesse omnia prærequisita, & adesse potentiam non agendi, & tamen non adesse non actionem. v. g. in hac propositione, *sedens potest stare*, sensus compositus conjungit stationem cum sessione, ita ut si ista propositio sumatur in sensu composito, erit sensus, quòd sedens possit stare conjungendo stationem cum sessione. Sensus divisus dividit stationem à sessione. Ita ut si propositio ista sumatur in sensu diviso erit sensus, quòd sedens possit stare dividendo stationem à sessione: ac proinde quòd sedens retineat eandem potentiam ad standum, etiam dum actu sedet, quam habebat antequam federet. Nam potentia standi quæ inest sedenti antequam sedeat, non est potentia standi conjungendo stationem cum sessione, sed est potentia standi dividendo stationem à sessione, eò quòd isti actus sunt inter se impossibiles. Cum ergo sedens habeat potentiam standi, dividendo stationem à sessione, clarum est, quòd retineat eandem potentiam standi, quam habebat, antequam federet.

Sic dicendum in præsentî. Nam ista propositio, *voluntas præ-determinata potest non agere*, si sumatur in sensu composito faciet sensum, quòd in voluntate præ-determinata sit potestas non agendi conjungendo non actionem cum Præ-determinatione; hoc autem est falsum, quia quòd est impossibile cum actu, est etiam impossibile cum Præ-determinatione ad agendum. Si verò ista propositio, *voluntas præ-determinata potest non agere*, sumatur in sensu diviso, sensus erit, quòd in voluntate præ-determinatâ ad agendum sit potestas non agendi, dividendo non actionem à Præ-determinatione; qui sensus est verus, & sufficiens ad libertatem. Nam eadem potestas non agendi quæ erat in voluntate antè Præ-determinationem, remanet cum Præ-determinatione: siquidem potestas non agendi, quæ inest voluntati antè Præ-determinationem, non est potestas non agendi per conjunctionem non actionis cum Præ-determinatione; sed est potestas non agendi per divisionem non actionis à Præ-determinatione: quam potestatem certum est remanere in voluntate præ-determinatâ.

XXXV. Hoc clarissimè elucet in habente gratiam. Potestas peccandi mortaliter, quæ inerat antè gratiam, non erat potestas peccandi mortaliter per conjunctionem

peccati cum gratiâ, sed per divisionem peccati à gratiâ; & ideò eadem potestas peccandi mortaliter, quæ inerat voluntati antè gratiam, remanet in voluntate cum gratiâ. Similiter potestas dissentientiendi articulis Fidei, non est potestas dissentientiendi per conjunctionem dissensus cum fide, sed est potestas dissentientiendi per divisionem dissensus à fide; & ideò eadem potestas dissentientiendi quæ ineat voluntati antè fidem, remanet cum fide. Certum est quòd gratia prærequiritur ad merendum, sicut & fides prærequiritur ad credendum. Certum etiam est, quod cum gratiâ non potest componi peccatum mortale, sicut nec cum fide conjungi potest dissensus: & tamen cum gratiâ conjungitur potestas libera peccandi, sicut & cum fide potestas libera dissentientiendi. Certum ergò erit quod cum omnibus prærequisitis ad agendum possit adesse potestas libera faciendi oppositum, etiam si cum omnibus prærequisitis ad agendum non possit componi actus oppositus. De hoc fuse PHILALETHES tomo 1. Triumphi Thomistarum cap. 2. art. 2. §. 2. & 3. ubi plura absurda colligit esse deglutienda ab illis, qui volunt ad libertatem esse necessarium, quòd cum omnibus prærequisitis ad agendum componi possit actus oppositus.

XXXVI. Ratio doctrinæ Angelicæ à nobis traditæ clarissima est: Nam ad libertatem sufficit potestas ad utrumque oppositum; sed non requiritur quod sub unâ & eadem dispositione voluntas possit facere utrumque oppositum. Hoc credimus non advertisse Adversarios. Quare ut hoc præ oculis jugiter habeant, dicimus, quòd sicut intellectus fertur in utrumque oppositum sub diversa ratione boni, ità & voluntas sub diversa determinatione, & applicatione amplectitur utrumque oppositum. Alia est ratio boni, quæ reperitur in delectabili, alia est ratio boni quæ reperitur in justitiâ: ut sit in voluntate potestas amandi delectabile & justitiam, non requiritur quòd utrumque proponatur ab intellectu sub eadem ratione boni, nec etiam requiritur ut sub eadem dispositione voluntatis utrumque possit à voluntate amari. Nec ipsi Adversarii hoc diffiteri possunt: quia juxta ipsos alia est determinatio voluntatis, quâ se determinat ad amandum delectabile; alia est determinatio, quâ se determinat ad amandum justitiam. Undè potestas amandi utrumque oppositum non est potestas amandi utrumque per unam & eandem determinationem, sed per duas: & dum voluntas se determinat ad amandum justitiam, adhuc habet potestatem amandi delectabile per aliam determinationem.

Ità de Præ-determinatione, seu applicatione voluntatis est philosophandum: alia est applicatio voluntatis, quâ voluntas præ-determinatur ad amandum delectabile, alia quâ præ-determinatur ad amandum justitiam. Ad libertatem non requiritur quòd sub una & eadem applicatione possit amare utrumque. Verùm sicut voluntas determinans se ad amandum justitiam, retinet potentiam amandi delectabile, quamvis ista potentia per aliam determinationem sit exequenda; ità voluntas applicata ad amandum justitiam, retinet potentiam amandi delectabile, quamvis ista potentia sit per aliam Præ-determinationem exequenda.

ARGUMENTUM II.

Ex eo quod Præ-determinatio non sit in potestate voluntatis.

XXXVII. SECUNDUM ARGUMENTUM est instantia contra solutionem datam, potestquæ sic proponi. Præ-determinatio Physica non est in potestate nostrâ: ergo nec actus quem infert, est in potestate nostrâ. Prob. consequ. qui non habet in suâ potestate rem essentialiter connexam cum actu, non habet actum in suâ potestate: Sed Præ-determinatio Physica est res essentialiter connexa cum actu: ergo qui non habet Præ-determinationem in suâ potestate, non habebit actum in suâ potestate.

CONFIRMATUR. Qui non potest impedire rem essentialiter connexam cum actu, non potest impedire actum: Sed voluntas non potest impedire Præ-determinationem, quæ essentialiter connectitur cum actu: ergo nec poterit impedire actum.

XXXVIII. RESPONDETUR concessio ant. negando consequ. ad prob. distinguitur major. Qui non habet in suâ potestate rem essentialiter connexam cum actu, non habet actum in suâ potestate; si res essentialiter connexa non præsupponat potestatem ad oppositum, conceditur. Si præsupponat potestatem ad oppositum, negatur. Præ-determinatio Physica præsupponit in voluntate potestatem ad oppositum; & ideo licet ipsa non sit in potestate voluntatis; actus tamen quem infert est in potestate voluntatis: facit enim Præ-determinatio Physica exire actum à potentiâ: si ergo recipiatur in potentiâ habente potestatem ad oppositum, faciet exire actum à potentiâ habente potestatem ad oppositum; & consequenter faciet exire actum, qui sit in potestate agentis.

Solutionem istam debent & Adversarii recipere in gratiâ & fide. Nam & gratia & fides non sunt in potestate voluntatis, sunt utiquæ dona Dei, & tamen actus in quem influunt est in potestate voluntatis. Cujus ratio non potest melior reddi, quàm quòd gratia & fides elevant quidem potentiam ad actus supernaturales, sed quia elevant potentiam habentem potestatem ad oppositum, elevant etiam ad actus supernaturales qui sunt in potestate voluntatis: sicut quia elevant potentiam vitalem, elevant quoquæ ad actus supernaturales vitales. Idem dic de Præ-determinatione, quæ hoc ipso quod sit applicatio potentie supernaturalis, applicat ad actus supernaturales, & cum sit etiam applicatio potentie supernaturalis habentis potestatem ad oppositum, applicat quoquæ ad actum qui sit in potestate voluntatis. Jam §. præcedenti dictum est, quòd talitas & modus actus non accipitur ex Præ-determinatione secundum se sumptâ, sed ut modificata à virtute, & dispositione causæ, in quâ recipitur: *Quidquid enim recipitur ad modum recipientis recipitur.*

XXXIX. AD CONFIRMAT. RESPONDETUR, distinguendo Majorem, qui
non

non potest impedire rem essentialiter connexam cum actu, non potest impedire actum, per separationem actus ab huiusmodi re, conceditur: per positionem actus contrarii si res illa præsupponat potestatem ad oppositum, negatur. Certum est quod qui potest ponere odium, potest impedire amorem, & eo modo quo potest ponere odium, potest & eodem modo impedire amorem. In voluntate determinante se ad Amorem est potestas ponendi odium, non per separationem amoris à voluntate se determinante, sed per positionem odii divisivè à voluntate se determinante. Ita in voluntate prædeterminatà ad amorem est potestas ponendi odium, non per separationem Amoris à prædeterminatione, sed per positionem odii divisivè à voluntate prædeterminatà. Habet ergo voluntas prædeterminata ad Amorem eandem potestatem impediendi amorem, quam habet voluntas se determinans ad Amorem iuxta Adversarios.

ARGUMENTUM III.

Ex suppositione antecedente.

XL. TERTIUM ARGUMENTUM formatur ex suppositione antecedente in hunc modum. Necessitas orta ex suppositione antecedente tollit libertatem: sed necessitas connexionis amoris v. g. cum Præ-determinatione ad amorem, est necessitas orta ex suppositione antecedente: ergo prædicta necessitas tollit libertatem.

RESPONDETUR distinguendo major. Necessitas orta ex suppositione antecedente, quæ præsupponit potestatem ad oppositum tollit libertatem, negatur. Necessitas orta ex suppositione antecedente, quæ non præsupponit potestatem ad oppositum, tollit libertatem, conceditur. Præ-determinatio Physica licet antecedat actum (causalitate, non duratione) præsupponit tamen in voluntate potestatem ad oppositum. Quare connexio actus cum Præ-determinatione est connexio actus cum aliquo præsupponente potestatem ad oppositum: & ideo necessitas illius connexionis est necessitas exeundi à potentiâ habente potestatem ad oppositum. Vide **PHILALETHEN** tomo I. Triumphi Thomistarum cap. 2. art. 2. §. 5.

XLI. Qualiter autem voluntas antecederet ad Præ-determinationem Physicam habeat potestatem ad oppositum, potest breviter declarari ex doctrinâ Syllogismi practici, quam tradit idem **PHILALETHES** tom. 2. opus. 3. Actus liber concluditur quodam Syllogismo practico, cujus major est actus voluntatis tendens in ipsam rationem boni, minor est actus intellectus, applicans ipsam rationem boni cuidam particulari objecto: Conclusio est actus voluntatis tendens in particulare objectum, quod

quod hîc & nunc concluditur esse amandum. Voluntas ex majore accipit potestatem agendi & non agendi : hæc enim potestas nihil est aliud , quàm indeterminatio ad aliquem particularem actum cum potestate se ad illum determinandi : v. g. voluntas ex naturâ suâ est indeterminata ad amandum vinum , per amorem delectabilis accipit potestatem determinandi se ad amandum vinum mediante hoc Syllogismo practico, *delectabile est amandum ; vinum est delectabile ; ergò vinum est amandum.* Judicium majoris est indifferens ad amorem vini , accidit enim isti judicio quod intellectus in minore applicet vino rationem delectabilis : & ideò ex judicio indifferenti concludit voluntas vinum esse amandum. Patet igitur , quòd antequàm voluntas præ-determinetur ad concludendum amorem vini , habuerit ex amore delectabilis potestatem amandi , & non amandi vinum ; quæ sufficit ad libertatem exercitii , seu agentis.

Ad libertatem autem contrarietatis, seu objecti, requiritur potestas repudiandi vinum , & amandi oppositum , quam accipit voluntas ex minore Syllogismi practici, proponente bonitatem vini cum aliquo defectu, aut cum bonitate oppositi. Adversus intellectus vinum esse delectabile , & simul nocivum sanitati , sicut ex amore delectabilis potest concludere vinum esse amandum ; ità ex amore sanitatis potest concludere , vinum esse repudiandum. Est igitur manifestum quòd antequàm voluntas præ-determinetur ad concludendum amorem vini , acceperit ex minore Syllogismi practici potestatem repudiandi vinum , aut amandi oppositum. Quæ potestas non reducitur in actum , nisi per diversas majores ; & ideò non est nuda potestas ad actum & negationem actûs, sed semper est potestas ad duos actus. Undè non potest esse de essentiâ libertatis , quæ tota salvatur in potestate agendi , & non agendi, ut fusè probat PHILALETHES loco citato.

ARGUMENTUM IV.

Ex determinatione sui.

XLII. **Q**UARTUM ARGUMENTUM sic formatur à Molinistis : quod ab alio determinatur, non se determinat ad agendum : sed voluntas præ-determinata ab alio determinatur : Ergò voluntas præ-determinata non se determinat ad agendum. Est autem de ratione causæ liberæ se determinare ad agendum.

RESPONDETUR : distinguo majorem , quod ab alio determinatur , non se determinat ad agendum ut primum determinans , conceditur , ut secundum determinans negatur. Sicut id quod movet se, potest ab alio recipere quòd se moveat; ità id quod se determinat, potest habere ab alio quòd se determinet. Undè non moveri ab alio est conditio solius primi moventis; ita & non determinari ab alio est conditio solius primi

mi

mi determinantis. Voluntas autem sicut est secundum se movens, ita & secundum se determinans.

XLIII. Solutio est Solis Angelici Præceptoris nostri, qui q. 3. de malo a. 2. ad 4. disertis verbis eam tradit: *Manifestum est quod cum aliquid movet alterum, non ex hoc ipso quod est movens ponitur quod sit primum movens. Unde non excluditur quod ab altero moveatur, & ab altero habeat similiter hoc ipsum quod movet. Similiter cum aliquid movet seipsum, non excluditur quin ab alio moveatur, à quo habet hoc ipsum quod se moveat.* Ità & Adversariis, qui hoc magnificant argumentum, dicimus, quod cum voluntas se determinat, non excluditur quin à Deo præ-determinetur, à quo habet hoc ipsum quod seipsum determinet.

Doctrinam istam desumpsit fidelissimus discipulus, ex sapientissimo suo Magistro S. Augustino fulgentissimo Ecclesiæ Sole. Hic enim de dono Persever. c. 20. ait: *Fidelis anima orat, & dicit, da quod jubes, & jube quod vis,* addit S. Doctor: *Jubet autem ut credamus, & dat ipsum credere.* Ego similiter infero; jubet Deus ut voluntas se determinet ad credendum, ergo dat Deus quod voluntas se determinet: & consequenter id quod se determinat potest ab alio accipere hoc ipsum quod se determinet. Hæc omnia ex PHILALETHE tom. 1. Triumphi Thomistarum, cap. 2. art. 2. §. 4.

XLIV. Instabis 1. D. THOMAS sæpè docet voluntatem non ab alio determinante habere quod exeat in hunc, vel illum actum: Ergo non præ-determinatur.

RESPONDETUR distinguendo ant. D. THOMAS docet voluntatem non ab alio determinante universali habere quod exeat in hunc, vel illum actum, negatur: non ab alio determinante speciali, conceditur. Distinximus num. 30. duplicem Præ-determinationem; unam universalem, quæ fit dependenter à consilio, & actu præcedente. Aliam specialem, quæ fit nullo consilio & actu præcedente. In illis actibus in quibus voluntas ex amore boni se determinat ad hunc vel illum actum, excludit D. Thomas Deum specialiter præ-determinantem; non autem excludit Deum universaliter præ-determinantem: siquidem constanter docet Deum in omni operante operari, applicando virtutes ad actiones, eo modo quo securis applicatur ad scindendum; in quâ prius est quod motum recipiat, quàm quod activè in lignum operetur. Vide PHILALETHEM tom. 1. num. 77.

XLV. Instabis secundò. S. Augustinus docet, quod Angelus stetit per liberum arbitrium: ergo non indiguit Præ-determinatione Physicâ ad standum, seu perseverandum. Probatur consequentia, homo infirmus non dicitur perseverare per liberum arbitrium, eò quod indigeat gratiâ præ-determinante ad perseverandum: ergo si Angelus eadem gratiâ indiguerit ad perseverandum, non poterit dici stare per liberum arbitrium.

RESPONDETUR distinguendo consequens: ergo non indiguit Præ-determinatione Physicâ universali, negatur: speciali, conceditur. Diximus suprâ num. 31. quod actus qui fit ex Præ-determinatione universali, tribuitur libero arbitrio; at ille qui fit ex Præ-determinatione speciali, non tribuitur libero arbitrio. In naturâ
sanâ,

sanâ, qualem habebat Angelus, sunt vires sufficientes ad perseverandum; & ideo solum indigebat gratiâ præ-determinante universaliter, ratione cujus perseverantia tribuitur ejus arbitrio. In naturâ infirmâ, qualem habet homo post peccatum, non sunt vires sufficientes ad perseverandum; & ideo indiget gratiâ specialiter præ-determinante, ratione cujus perseverantia tribuitur gratiæ, & non arbitrio. Hæc doctrina est gloria PHILALETHIS, qui juxta eam conciliavit discipulum Magistro, & ita clarè, ut cuilibet parum Cordato evidens fiat S. Augustinum in Thoma legendum esse, ab eo qui non voluerit in viâ veritatis aberrare. Vide ipsum tom. 1. in appendice de causâ prædestinationis, sectione 3. & cap. 1. art. 5. §. 4. & 5. Item cap. 2. toto art. 1.

ARGUMENTUM V.

Ex carentia potestatis ad oppositum.

XLVI. **Q**UINTUM ARGUMENTUM sic proponunt Adversarii. Voluntati præ-determinatæ ad amorem, odium non est possibile: ergo voluntas præ-determinata ad amorem, non habet potestatem ad oppositum, & consequenter Præ-determinatio Physica tollet libertatem. Probatur Ant. possibili posito in actu nullum sequitur impossibile. Sed si voluntas præ-determinata ad amorem, poneret odium in actu, sequeretur aliud impossibile, videlicet irritam esse Præ-determinationem: ergo voluntati præ-determinatæ ad amorem, odium non est possibile.

RESPONDETUR negando antecedens ad prob. distinguitur major. Possibili posito in actu eo modo quo possibile est, nullum sequitur impossibile, conceditur. Possibili posito in actu, alio modo quo possibile est, nullum sequitur impossibile, negatur. Ad eundem sensum debet distingui minor; & negari si voluntas præ-determinata ad amorem poneret odium in actu, eo modo quo possibile est; debet autem concedi, si poneret odium alio modo quo possibile est.

Explicatur solutio. Odium dupliciter potest intelligi esse possibile. Primo modo, quod odium conjunctum Præ-determinationi ad amorem sit possibile. Secundo modo, quod odium divisum à Præ-determinatione ad amorem sit possibile. Primus intellectus est falsus; secundus est verus. Undè ut odium ponatur in actu, eo modo quo possibile est, debet poni odium divisum à Præ-determinatione ad amorem; & sic positum, nullum sequetur impossibile. Non enim irrita fit Præ-determinatio ad amorem per odium divisum à Præ-determinatione, sed per odium conjunctum Præ-determinationi ad amorem; sic autem non est possibile. Undè semper verificatur, quod si possibile ponatur in actu, eo modo quo possibile est, nullum sequetur impossibile.

XLVII. Eodem modo solvitur & aliud Argumentum quo dicitur: quòd facit actus actu, hoc facit potentia possibiliter: sed odium actu positum irritam faceret Præ-determinationem ad amorem: ergo potestas ponendi odium, est potestas irritam faciendi Præ-determinationem.

RESPONDETUR distinguendo major. Quòd facit actus actu, hoc facit potentia possibiliter, si actus correspondeat potentie conceditur. Si non correspondeat, negatur. Odium correspondens potentie est odium divisum à Præ-determinatione ad amorem; cum ergo tale odium non irritam faciat Præ-determinationem, sequitur quòd potestas ponendi tale odium, non sit potestas irritandi Præ-determinationem. Fatemur quòd odium conjunctum Præ-determinationi ad amorem irritam redderet Præ-determinationem, sed tale odium non est actus correspondens potentie quam habet voluntas prædeterminata ad amorem.

XLVIII. Argumentum retorquetur in Adversarios. Peccatum mortale non est possibile justo: ergo justus non habet potestatem peccandi mortaliter. Probatur ant. si justus poneret peccatum, mortale in actu, sequeretur aliquod impossibile, videlicet gratiam conjungi cum peccato mortali: ergo justo non est possibile peccatum mortale. Quilibet debet solvere hoc Argumentum, dicendo, quòd peccatum mortale divisum à gratia est possibile justo; & ideo si justus ponat peccatum mortale eo modo quo possibile est, non debet illud conjungere gratie, sed dividere à gratia; & sic peccato mortali posito in actu, nullum sequeretur impossibile.

XLIX. Eadem solutio & retortio erit si fiat Argumentum ex parte instantis, in hunc modum: in illo instanti in quo voluntas Præ-determinatur ad amorem non potest poni odium: ergo odium non est possibile pro illo instanti in quo est. Distinguitur antecedens: non potest poni odium conjunctum Præ-determinationi conceditur: divisum à Præ-determinatione, negatur. Possibilitas odii ad existendum in illo instanti, non est ad existendum conjunctim cum amore, sed divisim; hæc autem possibilitas existendi divisim in instanti A. adhuc manet etiam si instans A. mensuret actu Præ-determinationem ad amorem.

L. INSTABIS. Frustra est potentia quæ non reducitur ad actum, sed potentia ad odium, quam habet voluntas Præ-determinata ad amorem nunquam reducetur in actum: ergo est frustranea.

RESPONDETUR distinguendo major. Frustra est potentia quæ non reducitur ad actum ex suppositione actus contrarii, negatur: quæ non reducitur in actum nullâ factâ suppositione conceditur; voluntas Præ-determinata ad amorem, habet potentiam ad odium, quæ non reducetur in actum ex suppositione amoris, per quem reducta est in actum modo sibi competenti. Nam potentia quæ est ad duos actus impossibiles, non reducitur in actum per hoc quòd habeat utrumquæ actum; alioquin actus illi non forent impossibiles: sed hoc ipso quòd habeat unum ex illis, est reducta in actum modo sibi convenienti, quandoquidem de duobus, quæ non potest simul habere, possidet unum; & una sit ad utrumquæ potentia.

ARGUMENTUM VI.

Ex quadam D. Thomæ Doctrinâ relatâ in extracto Molinistico Josephi de Vita

LI. SEXTUM ARGUMENTUM novissimè nobis exhibuit quidam Molinista in quodam extracto ex libro Patris *Josephi de Vita*. Et formatur hoc modo: Forma quæ non est ab ipso agente, per formam, causat operationem, cujus agens non est Dominus: sed Præ-determinatio Physica est forma, quæ non est à voluntate agente per eam: ergo Præ-determinatio Physica causat operationem, cujus voluntas non est Domina. Major est D. Thomæ lib. 2. contrâ gentes cap. 47. & eâ utitur Philalethes tom. 2. opusculo 3. cap. 5. §. 4. ad probandum operationem, quæ sequitur judicium conclusionis in Syllogismo practico esse verè liberam; nec aliud ad essentiam libertatis requiri. Minorem admittimus, & conclusio est legitima.

RESPONDETUR distinguendo majorem: forma quæ non est ab agente per formam, causat operationem, cujus agens non est Dominus, si sit dependens ab alia forma quæ est ab agente, negatur: si sit independens, conceditur. Deindè distinguitur minor: Præ-determinatio Physica est forma quæ non est à voluntate, & est independens ab aliâ formâ quæ est à voluntate, negatur: & est dependens, conceditur. Admittimus principium Angelicum, quòd operatio non sit libera, si principium quod proximè sequitur non sit à voluntate; nec dubitamus Præ-determinationem Physicam non posse causare operationem liberam, si se solâ & independentè à dicto principio præ-determinet voluntatem. Hoc autem est quod negamus, & in quo impingunt Adversarii.

LII. Nam ut notavit PHILALETHES, cujus doctrinam modò referimus, existimant Molinistæ, & suis Scholaribus inculcant, nos docere, eo ipso voluntatem operari liberè, quo Deus producit in illâ aliquam qualitatem determinantem eam ad amandum. Hocque operationis liberæ simulacrum videtur sibi efformasse *Josephus de Vita*. Verùm falluntur Adversarii. Concedimus qualitatem, seu motionem præ-determinantem, sed dependentè à conclusione Syllogismi practici, quæ à voluntate procedit. Hanc conclusionem agnoscit *Josephus de Vita* esse proprium motivum voluntatis liberè agentis: Idèò contrâ illum & Adversarios efficacissimè retorquetur argumentum. *Actio qua sequitur conclusionem Syllogismi practici qua est à voluntate, est libera; sed Præ-determinatio Physica causat actionem qua sequitur dictam conclusionem: ergo Præ-determinatio Physica causat actionem liberam.*

Hic cernere licet Angelicam Doctrinam eò fieri potentiorè, quò magis impugnatur. Medium quo putavit *Josephus de vita* Præ-determinationem Physicam penitus destrui, ipsum est quod eam magis confirmat, ejusque suavitatem decla-

rat. Præ-determinatio Physica recepta in voluntate, cò quòd non sit ab illâ, determinat eam ad agendum : sed quia determinat dependenter à conclusione Syllogismi practici, determinat eam ad agendum liberè.

LIII. INSTABIS 1. Præ-determinatio Physica determinatur & specificatur à voluntate, ut docet D. Thomas multis in locis : ergo non determinat eam. En alter gladius, quo confoditur Præ-determinatio Physica secundum æstimationem *Josephi de Vita*.

RESPONDETUR, distinguendo antecedens. Præ-determinatio Physica determinatur, & specificatur à voluntate in actu primo, sive quòd idem est à voluntate, ut substat iudicio intellectus indifferenti, conceditur; determinatur, & specificatur ab actione voluntatis, negatur. Præ-determinatio Physica determinat voluntatem ad agendum, sed à iudicio indifferenti modificata determinat eam ad liberè agendum. Efficax est, quia facit voluntatem agere; suavis est, quia facit eam liberè agere juxta modum virtutis suæ. Vide quæ diximus §. præcedenti.

LIV. INSTABIS 2. per conclusionem Syllogismi practici sufficienter determinatur voluntas ad amandum : ergò superfluit Præ-determinatio Physica. Patet consequentia, quia indigentia Præ-determinationis oritur ex eo quòd voluntas est ad utrumlibet : si ergo voluntatis indifferentia sufficienter determinetur per conclusionem Syllogismi practici, superflua erit determinatio Physica. Probatur antecedens ex D. Thoma, q. 3. de malo, art. 3. ad 5. ubi ait : *Quod voluntas cùm sit ad utrumlibet, per aliquid determinatur ad unum, scilicet per consilium rationis. Nec hoc oportet esse per aliquid agens extrinsecum.*

RESPONDETUR distinguendo antecedens, per conclusionem Syllogismi practici sufficienter determinatur voluntas ad amandum; in ratione agentis liberi conceditur; in ratione liberi secundi negatur. Voluntas non solum est agens liberum, sed insuper est liberum secundum. In quantum est agens liberum, debet à se determinari; ad quod sufficit conclusio Syllogismi practici, nec hoc oportet esse per aliquid agens extrinsecum. In quantum est liberum secundum, debet à primo libero determinari, & hoc oportet esse per aliquid agens extrinsecum, mediante Præ-determinatione Physicâ. Quando ergo Thomistæ ex eo quòd D. Thomas dicit; *Omne quòd est ad utrumlibet, debet ab alio determinari*; concludunt voluntatem à solo Deo determinari, sensus est, quòd à solo Deo, tanquam à primo libero debeat determinari, cui non obstat, quòd à seipsâ tanquam à secundo libero per conclusionem Syllogismi practici sufficienter determinetur.

Vide PHILALETHEN tom. 2. opusc. 3. cap. 5. §. 6. ubi plura alia adducit ad refutationem *Josephi de Vita*; quæ licet brevis & succincta sit, sufficiens tamen est ei, qui substantiam rei, & non verborum folia quærit. Nam refutantur omnia illius principia, in quibus maximè gloriabatur, & confidebat Præ-determinationem Physicam penitus evellere : refutatis principiis facilè erit refutare assertiones ex illis deductas, & quidquid super eâ fuerit stabilitum.

ARGUMENTUM VII.

Ex actu peccati, ad quem deberet Deus prædeterminare.

LV. SEPTIMUM ARGUMENTUM tangit actum peccati: Sicquæ proponitur: Deus non præ-determinat ad actum peccati; Ergo nec ad actum virtutis: est enim eadem ratio utriusquæ, quantum ad id quod est perfectionis & entitatis. Prob. ant. qui præ-determinat ad actum peccati, est causa peccati: sed Deus non est causa peccati: ergo Deus non præ-determinat ad actum peccati.

Respondetur negando ant. ad prob. distinguitur Major. Qui præ-determinat ad actum peccati sub illâ ratione, ad quam sequitur malitia, est causa peccati, conceditur; qui præ-determinat ad actum peccati sub illâ ratione ad quam non sequitur malitia est causa peccati, negatur. Deus autem præ-determinat ad actum peccati sub illâ ratione, ad quam non sequitur malitia.

LVI. Explicatur solutio, duæ sunt rationes in peccato inseparabiliter inter se connexæ. Una ratio dicit entitatem & perfectionem, alia ratio dicit defectum. Ratio quæ dicit defectum vocamus rationem ad quam sequitur malitia, eò quod in ordine ad causam, malitia non per se primò producit, sive fuerit positiva, sive fuerit privativa; sed producit ad productionem alterius rationis ex quâ resultat. Undè quidquid ad lineam defectus pertinet, & sub divinâ causalitate cadere non potest, nominamus rationem, ad quam sequitur malitia. Quidquid verò entitatem cum perfectione sonat, nominamus rationem, ad quam non sequitur malitia.

LVII. Una ratio potest attingi sine alia. Nam ut benè notavit Philalethes tom. 1. Triumphi Thomistarum num 96. licet voluntas producat actum peccati sub utraquæ ratione, hoc tamen facit in quantum habet etiam duas rationes videlicet rationem voluntatis & rationem deficientis. Voluntas ut est voluntas producit liberè actum peccati sub illâ ratione, ad quam non sequitur malitia, voluntas ut est deficientis producit actum peccati sub illâ ratione ad quam sequitur malitia.

Nec ad explicandum quomodo una ratio inseparabiliter connexa alteri rationi possit attingi sinè alterâ, opus est recurrere ad mysterium SS. Trinitatis, ut fingit quidam controversiæ propositor; sed hoc evidenter cernitur in rationibus boni & veri. Istæ rationes identificantur in ente inseparabiliter: & tamen anima ut est intelligens attingit ens sub ratione veri, & non sub ratione boni: ut verò est volens, attingit ens sub ratione boni, & non sub ratione veri. Ità in præsentī voluntas ut est voluntas prædeterminatur à Deo, & attingit actum peccati sub illâ ratione, ad quam non sequitur malitia, non attingendo actum peccati sub illâ ratione, ad quam sequitur malitia, Voluntas verò ut est deficientis non prædeterminatur à Deo, sed ipsa pri-

primò seipsam determinat ad ponendum liberè actum peccati sub illâ ratione, ad quam sequitur malitia, non attingendo ut deficiens est, actum peccati sub illâ ratione, ad quam non sequitur malitia; quamvis istæ duæ rationes sint in actu peccati inseparabiliter inter se identificatæ.

Hæc est aperta Solis Angelici & Præceptoris nostri sententia. Nam quest. 3. de malo Art. 2. ait: *Et sic quod est ibi (scilicet in peccato) de actione, reducitur in Deum, sicut in causam: Quod autem est ibi de inordinatione, seu deformitate non habet Deum causam, sed solum liberum arbitrium. Et propter hoc dicitur, quod ACTIO PECCATI EST A DEO, SED PECCATUM NON EST A DEO. Et 1. 2. q. 79. art. 2. Peccatum nominat ens & actionem cum quodam defectu, defectus autem ille qui est ex causa creata, scilicet libero Arbitrio, in quantum deficit ab ordine primi agentis, scilicet Dei. Unde defectus iste non reducitur in Deum, sicut in causam, sed in liberum Arbitrium: sicut defectus claudicationis reducitur in tibiam curvam, sicut in causam, non autem in virtutem motivam, à quâ tamen causatur quidquid est motionis in claudicatione. Et secundum hoc DEUS EST CAUSA ACTUS PECCATI, NON EST TAMEN CAUSA PECCATI: QUIA NON EST CAUSA HUIUS, QUOD ACTUS SIT CUM DEFECTU.*

Quod inseparabilitas & necessaria unius rationis cum aliâ connexio nihil obsistit, ut una attingatur sine aliâ: eleganter hoc exprimit idem Ecclesiæ Solin 2. dist. 37. quæst. 2. art. 2. ad 5. *Dicendum quod sicut actio, quæ peccati deformitatem habet, dicitur bona in quantum est actio, bonitate naturæ, non propterea quod inveniatur aliquando separatâ deformatate, sed quia bonitas illa naturæ deformitati substat: ita etiam Deus dicitur causa illius actionis, in quantum est actio, & non in quantum est deformis hoc modo, quod actionem non faciat à deformatate separatam, sed quia in actione deformitati conjunctâ, hoc quod est actionis facit, & hoc quod est deformitatis non facit. Etsi enim in aliquo effectu plura inseparabiliter conjuncta sint, non oportet, ut quidquid est causa ejus quantum ad unum, sit etiam causa ejus quantum ad alterum.*

Ratio aperta est, quod nulla potentia fertur extrâ latitudinem sui objecti adæquati. Ratio ad quam sequitur malitia, cum non possit in Deum ordinari, est extrâ latitudinem objecti omnipotentia divinæ; non minùs, ac verum est extrâ latitudinem objecti voluntatis.

LVIII. Hæc fusiùs ex Præceptore nostro explicuimus, quia si solum attentè legantur, nullus tantisper cordatus est, qui non clarè cernat Molinistas apertè contradicere Soli Angelico; & quidquid objicere tanto lumini in contrarium possunt, planam ex suprâdictis perspiciet habere solutionem.

Quod apertè contradicant Soli Angelico, evidens est; quia S. THOMAS in citatis testimoniis distinguit duas rationes in peccato, scilicet rationem actionis, & rationem deformitatis; & ex illis duabus rationibus, quæ sunt à parte rei in peccato, unam dicit causari à Deo, aliam non. Molinistæ autem coguntur sustinere, nihil esse à parte rei in actu malo quod non causetur à Deo. Ergo apertè Soli Angelico contradicunt: non totum causari à Deo, & totum causari à Deo, sunt contradictoria;

ctoria; Molinistæ dicunt totum quod est in peccato causari à Deo; Divus THOMAS dicit non totum causari à Deo. Ergò, &c.

Molinistæ coguntur sustinere totum quod est à parte rei in peccato causari à Deo: quia Deus causat entitatem peccati ex determinatione voluntatis creatæ; ipse enim exhibet quantum est de se, concursum suum indifferentem, & voluntas determinat eum, vel ad actum bonum, vel ad actum malum. Tunc sic. Illud Deus causat per concursum ad quod à voluntate determinatur, sed ad totum quod est in peccato à voluntate determinatur, siquidem totum quod est in peccato liberè ponitur à voluntate, ergò Deus causat per concursum suum totum quod est in peccato.

Confirmatur. Totum quod est in actu bono causatur à Deo: ergò totum quod est in actu malo causatur à Deo. Probatur consequentia: Ideò totum quod est in actu bono causatur à Deo; quia nihil est in actu bono, ad quod non determinetur à voluntate creatâ; sed etiam nihil est in actu malo, ad quod Deus non determinetur à voluntate creatâ; ergò juxtâ Molinistas totum quod est in actu malo, causatur à Deo. Cujus contradictorium docet D. Thomas.

LIX. Quod omnia quæ in contrarium objicere possunt Adversarii, habeant ex dictis planam solutionem, patebit ex sequentibus instantiis.

Instabis 1. Deus suâ Præ-determinatione facit, quòd voluntas liberè ponat actum peccati, eo modo, iisque circumstantiis, quibus inseparabiliter conjungitur malitia: sed peccare nihil est aliud, quàm ponere liberè actum peccati iis circumstantiis, quibus inseparabiliter conjungitur malitia: Ergò Deus suâ Præ-determinatione facit, quòd voluntas peccet. En Argumentum quod putant Adversarii invincibile. Sed planam ex dictis habet solutionem.

Respondetur distinguendo majorem: Deus suâ Præ-determinatione facit, quòd voluntas ponat liberè actum peccati, eo modo, &c. ita ut ista conjunctio actûs cum malitia, oriatur ex voluntate, ut est præ-determinatâ, negatur. Ità ut ista conjunctio actûs cum malitia, non oriatur ex voluntate ut præ-determinatâ, conceditur.

Deindè distinguitur minor: Peccare est ponere liberè actum peccati, &c. & simul esse causam conjunctionis actûs cum malitiâ, conceditur. Peccare est ponere liberè actum peccati &c. Et non esse causam conjunctionis actûs cum malitiâ, negatur: sicut & consequentia.

LX. Explicatur solutio. Peccatum est quoddam compositum ex actu & malitiâ. Ut causetur compositum, non sufficit causare extrema quæ ex aliâ actione sint conjuncta, sed requiritur ut causetur unio & conjunctio extremorum. Patet hoc in creatione animæ rationalis; Deus creat animam conjunctam corpori, non enim facit animam à corpore separatam; & tamen actio illa creativa non causat hominem, sed generatio Patris attingens unionem animæ cum corpore, est actio causativa hominis. Ità Deus suâ Præ-determinatione facit, quòd voluntas liberè po-

ponat actum peccati, qui sit conjunctus inseparabiliter malitiæ, non enim facit quod voluntas ponat actionem à deformitate separatam, ait D. THOMAS, & tamen Præ-determinatio non est causa peccati, sive compositi ex actu & malitiâ, sed voluntas deficiens ex suâ propriâ determinatione unit actum cum malitiâ. Et ipsa est causa peccati.

Nam licet non sint ibi duæ actiones realiter distinctæ; est tamen una actio æquivalens duabus propter diversas rationes quas habet, & ad quæ terminatur. Ut enim exit à voluntate secundum quod voluntas est, sive secundum quod est præ-determinata, producit liberè actum peccati qui sit malitiæ conjunctus, sed sub illâ ratione, ad quam non sequitur malitia; ac proindè vi istius conceptus non unit actum cum malitiâ. Ut autem exit à voluntate secundum quod deficiens est, producit liberè actum peccati sub illâ ratione, ad quam sequitur malitia; ac proindè unit actum cum malitia, & ideò causat compositum ex actu & malitia, quod nominatur peccatum. Hoc est quod intellexit D. Thomas, dum suprà dixit in 1. 2. *Deus est causa actûs peccati, non tamen causa peccati, quia non est causa hujus quod actus sit cum defectu.*

LXI. Instabis 2. si Deus præciperet, aut suaderet actum peccati, esset causa peccati. Ergò multò magis erit causa peccati, si præ-determinet voluntatem ad actum peccati. Est enim Præ-determinatio efficacior, quàm imperium, aut consilium.

Respondetur negando consequentiam: Disparitas est, quòd præceptum aut consilium movet voluntatem ex parte finis. Præ-determinatio movet voluntatem ex parte principii elicentis. Qui vult efficaciter aliquem finem, eo ipso virtualiter vult quidquid est per se necessarium ad talem finem. Cum ergò ad hoc quòd ponatur actus peccati necessarium per se sit, quòd voluntas, non solum agat ut voluntas, sed etiam ut deficiens, sequitur, eum qui præcipit, aut suadet actum peccati, virtualiter velle quod voluntas sit deficiens: ac proindè est causa voluntatis deficientis, & consequenter actus peccati sub illâ ratione, ad quam sequitur malitia: siquidem hæc ratio non est aliud, quàm habitudo actûs ad voluntatem deficientem.

Qui verò movet voluntatem ex parte principii elicentis, tantum vult ea quæ cadunt sub causalitate principii moti. Principium motum à Præ-determinatione Physicâ est voluntas ut voluntas est, non vero ut deficiens: sic enim non subditur motioni divinæ; & ideo voluntas præ-determinantis non vult voluntatem esse deficientem, nec consequenter vult actum peccati sub illâ ratione, ad quam sequitur malitia. Ità PHILALETHES tom. 1. Triumphi Thomistarum num. 221. qui etiam cap. 2. art. 3. per totum hanc materiam planè evacuat.

LXII. Instabis 3. Deus prohibet actum peccati. Ergo præ-determinat ad id quod prohibet.

Confirmatur. Esus pomi in Adamo secundum suam substantiam non erat malus,

lus, nisi quia prohibitus. Ergo si Deus præ-determinavit Adamum ad edendum pomum, præ-determinavit Adamum ad id quod prohibet.

Respondetur. distinguendo Ant. Deus prohibet actum peccati sub illâ ratione, ad quam sequitur malitia, conceditur: sub illâ ratione, ad quam non sequitur malitia, negatur. Præ-determinatio non se extendit ad actum peccati sub illâ ratione, ad quam sequitur malitia, & sic non præ-determinat Deus ad id quod prohibet.

Ad confirmationem eodem modo dicendum est, quòd Deus non præ-determinavit Adamum ad edendum pomum sub illa ratione, ad quam sequitur malitia: Prohibuit autem esum pomi sub illa ratione, ad quam sequitur malitia: quia lex prohibens esum pomi, datur in ordine ad voluntatem, cui prohibetur ne tendat in esum pomi sine subjectione ad legem prohibentem, habitudo esus pomi ad voluntatem non se subicientem legi, est illa ratio, ad quam sequitur malitia. Manifestum ergo est quòd lex prohibens esum pomi, prohibet esum pomi sub illa ratione, ad quam sequitur malitia. Siquidem prohibet, ne esus pomi fiat sine subjectione ad legem. Præ-determinatio autem facit quidem quod esus pomi fiat à voluntate, sed non est causa quod esus pomi fiat sine subjectione ad legem. Si ergo prohibeat Deus, quòd esus pomi fiat sine subjectione ad legem, & Præ-determinatio non sit causa, quòd esus pomi fiat sine subjectione ad legem; evidens est Præ-determinationem non esse ad id quod prohibet Deus.

Vide PHILALETHEN loco citato, & reperiēs quòd Deus ut præ-determinans nullius peccati sit causa, ne quidem naturalis. Reperiēs etiam quid sit voluntas deficiens, & quid sit habitudo illa, ad quam sequitur malitia.

ARGUMENTUM VIII.

Ex fallaciis, & Calvinismi imposturis.

LXIII. **V**eritate destituti Adversarii, recurrunt ad fallacias, & Calvinismi imposturas. *Fallacia accidentis*, ait D. THOMAS opusc. 39. cap. 9. est *deceptio proveniens ex eo quod aliquid significatur simile utrique eorum, quæ sunt aliquantulum per accidens unum.* Causa verò apparentiæ in hac fallacia, est unitas quædam, & identitas eorum quæ per accidens quodammodo conjunguntur: Causa verò non existentis est diversitas eorundem. Nam sicut dicit Philosophus in 1. Elenchorum, fallacia accidentis fit ex eo quòd aliquis non potest judicare idem & diversum, unum & multa.

Molinistæ non valentes, potius non volentes discernere actum peccati, & actum malitiae, continuo arguunt fallaciâ accidentis, dum semper obtrudunt: *Hic actus præ-determinatur.*

minatur, & est malus; ergo præ-determinatur actus malus: qui Syllogismus est prorsus similis ei, quem in exemplum fallaciæ accidentis adducit D. Thomas loco citato, dicens: Iste canis est tuus, & est pater: igitur est tuus pater. Ostendens fallaciam istius Argumenti, subjungit Sol Angelicus, Canis enim, & pater sunt unum per accidens: unde non sequitur quòd quidquid est verum de uno, sit verum de alio. Secundum enim quòd canis est pater, non convenit ei esse tuum. Ità ergò & Molinistis dicendum est, ratio illa, ad quam non sequitur malitia, & ratio, ad quam sequitur malitia, sunt unum per accidens; hic actus nominat actum sub illa ratione, ad quam non sequitur malitia; actus malus nominat actum sub illa ratione, ad quam sequitur malitia; sunt ergò unum per accidens; unde non sequitur, quòd quidquid est verum de uno, sit verum de alio; secundum enim quòd hic actus præ-determinatur, non convenit ei esse actum malum. Nota quòd in præsentī ea dicuntur esse per accidens unum, quorum est diversa ratio, seu definitio. Ità D. Thomas supra, per se dicitur inesse aliquid alicui, quòd inest rei secundum rationem propria definitionis: præter hoc autem quidquid inest alicui, dicitur inesse per accidens.

LXIV. Eadem fallaciâ peccatur, dum è conversò ab actu malo, seu peccato arguitur ad actum peccati, dicendo, *actus malus non præ-determinatur; actus peccati est malus; ergo actus peccati non præ-determinatur.* Non enim sub eadem ratione est actus peccati, & est actus malus: poterit ergo sub illâ ratione quâ est actus peccati præ-determinari, licet sub illâ ratione quâ est actus malus, non præ-determinetur. Istâ fallaciâ utuntur adversarii in omnibus gemini Ecclesiæ Solis, & Sanctorum Patrum testimoniis, in quibus dicitur Deum non inclinare ad malum, ei displicere peccatum, peccatorem non facere voluntatem Dei, &c. Ex quibus continuò concludunt, ergo non vult actum peccati, nec ad illum præ-determinat.

LXV. Deniquè imponunt nobis adversarii Calvinismi notam, dum volunt Calvinum nihil aliud docuisse, quàm Deum esse causam entitatis & actus peccati, & tamen damnatur, quasi docuisset Deum esse authorem peccati. Quod certè non foret, nisi quia existimatur, non posse aliquem causare entitatem peccati, sine eo quòd causet peccatum. Verùm istam imposturam clarissimè diluit Philalethes tom. 1. Triumphi Thomistarum cap. 2. art. 3. §. ultimo. Tribus rationibus probat Calvinum docuisse, totum quòd est à parte rei in peccato causari à Deo, ita ut non solum actum peccati, sed & ipsam malitiam docuerit à Deo causari. Non tamen idèò peccare Deum assererat, quia illam malitiam ordinabat ab bonum simpliciter, sequendo leges sapientiæ suæ; & ideo legitimum haberet malitiæ usum. Voluntatem autem causando eandem malitiam peccare, quia illam ordinabat ad bonum secundum quid contra leges divinæ sapientiæ. Hæc igitur fuit Calvinī sententia, ut sicut totum quòd est in actu bono causatur à Deo; ita totum quòd est in actu malo causatur à Deo.

LXVI. Ab hâc Calvinī sententiâ longè est Doctrina Angelica, quæ distinguit duas rationes in peccato, & dicit unam esse à Deo, secus aliam; ac proindè agnoscit Deum non ita causare actum peccati, sicut causat actum virtutis; eo quòd nihil sit

in

in actu virtutis, quod non causetur à Deo, sit autem aliquid à parte rei in actu peccati, quod non causetur à Deo.

Ratio istius diversitatis est, quod in actu virtutis Deus præ-determinat voluntatem subjicientem se legi; in actu peccati Deus præ-determinat voluntatem non se subjicientem legi. Voluntas subjiciens se legi totaliter subditur Præ-determinationi, & ideo recipit Præ-determinationem secundum se totam; undè fit ut in actu qui egreditur à voluntate se subjiciente legi, nihil sit quod à Deo non præ-determinetur. Voluntas non se subjiciens legi non totaliter subditur Præ-determinationi, & ideo recipit Præ-determinationem secundum aliquid sui, nempe secundum quod voluntas est; & non recipit eam secundum aliquid sui, nempe secundum quod est non se subjiciens legi. Undè fit ut in actu qui egreditur à voluntate non se subjiciente legi, sit aliquid quod à Deo præ-determinatur, puta illa ratio, ad quam non sequitur malitia, & aliquid, quod à Deo non Præ-determinatur, puta illa ratio, ad quam sequitur malitia. Actus qui egreditur à voluntate non se subjiciente legi conjungitur inseparabiliter malitiæ, sed istum malitiæ nexum non accipit, prout egreditur præcisè à voluntate secundum quod voluntas est, sed prout egreditur à voluntate secundum quod est deficiens; id est, non se subjiciens legi.

Econtrà non videntur adversarii se posse expedire à Doctrinâ, quam nobis imponunt; quia ipsi coguntur fateri nihil esse in actu peccati quod non causetur à Deo, ut dictum est num. 58. undè meritò in illos, qui Calvinismum nobis imponunt, retorquetur Proverbium, *va tibi, va nigre, dicebat cacabus olla.*

LXVII. Hæc sunt quæ ex doctrina GERMANI PHILALETHIS EUPISTINI de Præ-determinatione Physicâ, duximus necessaria esse Angelici Solis discipulis; quæ si benè & attentè, iterum atquè iterum ruminantur, doctrina gemini Ecclesiæ Solis lucebit eis, quasi stella matutina in medio nebulae, id est, in omnibus difficultatibus de scientia Dei, voluntate Dei, prædestinatione, sine ullo errore dirigentur, & GRATIÆ JESU CHRISTI VICTRICIS AC PRÆ-DETERMINANTIS splendoribus illuminabuntur, viribus reficientur, suavitate delectabuntur, ut omnis eorum ad Deum cum S. AUGUSTINO futura sit deprecatio, ac super mel & favum dulcior: *Domine da quod jubes, & jube quod vis.* Da determinationem arbitrii nostri, quam jubes nos habere ad currendam viam mandatorum tuorum; *da determinationem arbitrii nostri*, ut nihil habeamus, quod non acceperimus; *da determinationem arbitrii nostri*, ut non in arbitrio nostro, sed in GRATIA TUA VICTRICE AC PRÆ-DETERMINANTE gloriemur, & misericordias tuas in æternum cantemus.

F I N I S.

CENSURA ORDINARII.

Imprimi poterit , Actum Bruxellis 9. Septemb. 1673.

J. ROUCOURT, S. T. L. Pleban. Eccl. Coll.
DD. Michaëlis & Gudulæ , Lib. Censor.

P R I V I L E G I U M.

CAROLUS II. Dei gratiâ Hispaniarum & Indiarum Rex Catholicus , Archidux Austria ; Dux Burgundia , Brabantia , &c. Diplomate suo sanxit ne quis præter LAMBERTI MARCHANT Typographi Bruxellensis voluntatem imprimat Librum , cui titulus est , Præclara & Solida de Præ-determinatione Physica Disputatio , per Theologum Lovaniensem , aut alibi impressum intra novennium in hæc editiones importet , venalemve exponat. Qui secus faxit triginta florenorum multam pro unoquoque exemplari incurret , prout latius patet in litteris datis Bruxellis die 14. Septembris 1673.

Signat

LOYENS.



5-5-2

